

## 香香

唐 房玄齡 等撰

中 華 書 局

卷 第 一

一九至卷三〇(志)册

### 晉書卷十九

### 志第九

禮上

儀而非禮也。」天經地義之道,自茲尤缺。 流於春澗之右,焚封豕於秋林之外,亦無得而闕焉。軒珥依神,唐虞稽古,逮乎隆周,其文 之訓,時無明后,道曀不行。 叔代澆訛,王風陵謝,事睽光國,禮亦愆家。趙簡子問太叔以揖讓周旋之禮,對曰:「蓋所謂 大備。或垂百官之範,置不刊之法,或禮經三百,威儀三千,皆所以弘宣天意,雕刻人理。 亂,崇高天地,虔敬鬼神,列尊卑之序,成夫婦之義,然後爲國爲家,可得而治也。 日克己復禮,天下歸仁。」若迺太一初分,燧人鑽火,志有暢於恭儉,情不由乎玉帛,而酌玄 夫人含天地陰陽之靈,有哀樂喜怒之情。迺聖垂範,以爲民極,節其驕淫,以防其暴 哀公十一年,孔子自衞反魯,迹三代之典,垂百王

傳日:一

第 九 禮 上

爲一 帝舜配,房俎生魚,陶樽玄酒,非搢紳爲之綱紀,其孰能與於此者哉! 之學,各以舊文增損當世,豈所謂致君於堯舜之道焉。世屬雕牆,時逢秕政,周因之典,務 之制,綱紀或存。 儒門 多違俗,而遺編殘册猶有可觀者也。景初元年,營洛陽南委粟山以爲圓丘,祀之日以始祖 郊之祭,隨時之義,不其然歟!而西京元鼎之辰,中興永平之日,疏璧流 而引諸生,兩京之盛,於斯爲美。 若夫情尙分流, 隄防之仁是棄, 澆訛異術, 洙泗之風斯泯。 是以漢文罷再朞之喪, 中興 魏氏光宅,憲章斯美。 及山魚登俎,澤豕睽經,禮樂恆委,浮華相尙,而郊禋 王肅、高堂隆之徒,博通前載,三千條之禮,十七篇 而延冠帶,啓

威長謝,臣道專行。記曰,「苟無其位,不可以作禮樂」,豈斯之謂歟! 帝身先之也。穆宸之後,王猷漸替,桓溫居揆,政由己出,而有司或曜斯文,增暉執事,主 英範。是故雙劍之節崇,而飛白之俗成,挾琴之容飾,而赴曲之和作。」其所以興起禮文,勸 衣布冠,降席徹膳。明乎一謙三益之義,而敎化行焉。元皇中興,事多權道,遺文舊典,不 **緗素。武皇帝亦初平寇亂,意先儀範。其吉禮也,則三茅不翦,日觀停瑄,其凶禮也,則深** 斷如髮。 宣景戎旅,未遑伊制。太康平吳,九州共一,禮經咸至,樂器同歸,於是齊魯諸生各攜 是以常侍戴邈詣闕上疏云:「方今天地更始,萬物權輿,蕩近世之流弊,創千齡之

晉始則有荀顗、鄭沖裁成國典,江左則有荀崧、刁協損益朝儀。 周官五禮, 吉凶軍賓

禮,參考今古,更其節文,羊祜、任愷、庾峻、應貞並共刊定,成百六十五篇,奏之。 嘉,而吉禮之大,莫過祭祀,故洪範八政,三曰祀。 舊章殄滅,命侍中王粲、尚書衞覬草創朝儀。及晉國建,文帝又命荀顗因魏代前事,撰爲新 興,承秦滅學之後,制度多未能復古。歷東、西京四百餘年,故往往改變。魏氏承漢末大亂, 祀者,所以昭孝事祖,通于神明者也。

以今禮篇卷煩重,宜隨類通合。事久不出,懼見寢嘿。 國之大務也,是以臣前表禮事稽留,求速訖施行。 臣典校故太尉顗所撰五禮,臣以爲夫革命以垂統,帝王之美事也,隆禮以率敎,邦 。又以喪服最多疑闕,宜見補定。

尚書僕射朱整奏付尚書郎擊虞討論之。 虞表所宜損增曰:

謬,固其宜矣。 是以喪服一卷,卷不盈握,而爭說紛然。 三年之喪,鄭云二十七月, 王 門人疑於所服。此等皆明達習禮,仰讀周典,俯師仲尼,漸瀆聖訓,講肄積年,及遇喪 諒陰三年,子思不聽其子服出母,子游謂異父昆弟大功,而子夏謂之齊衰,及孔子沒而 乎繼寄育乃爲之服。無服之殤,鄭云子生一月哭之一日,汪云以哭之日易服之月。如 事,猶尙若此,明喪禮易惑,不可不詳也。況自此已來,篇章焚散,去聖彌遠,喪制詭 云二十五月。改葬之服,鄭云服緦三月,汪云葬訖而除。繼母出嫁,鄭云皆服,汪云從 蓋冠婚祭會諸吉禮,其制少變,至于喪服,世之要用,而特易失旨。故子張疑高宗

注 宜參采禮記,略取傳說,補其未備,一其殊義。 經宗傳,而 此 正,以斷疑爭,然後制無二門,咸同所 者甚 一說,其事不可得行。 各有異同,天下並疑,莫知所定。 喪服本文省略,必待注解事義迺彰,其傳說差詳,世稱子夏所作。 及其行事,故當還頒異說,一彼一此,非所以定制也。 由 而閩直書古經文而已,盡除子夏傳 可依準王景侯所撰喪服變除,使類統明 臣 以 鄭王 及 先儒 爲 今

儀 謂卷多文煩,類皆重出。 舉。 同 一乃列其異。 ,其餘則但曰「如初」。 今禮儀事 又此禮當班於天下,不宜繁多。 同而 如此,所減三分之一 名異者,輒別 周禮祀天地五帝享先王,其事 案尚書堯典祀 爲篇,卷煩而不典。 **顗爲百六十五篇,篇爲一卷,合十五餘萬言,臣** 山 ĴΪ 之禮 惟於東 皆宜省文通事,隨類合之,事 同者皆曰「亦如之」, 嶽備稱 性幣之數, 文約 陳所 有 用之 而

不

義

虞討論 于江左,僕射刁協、太常荀崧補緝舊文,光祿大夫蔡謨又踵修其事云。 有 詔 可 其議 新 禮訖,以元康元年上之。 後虞與傅咸纘續其事, 所陳惟明堂五帝、二社六宗及吉凶王公制度,凡十五篇 竟未 水成功。 中原 覆沒,虞之決疑注,是其遺事也。 逮

魏明帝太和元年正月丁未,郊祀武帝以配天,宗祀文帝於明堂以配上帝。 於是時,二

高祖 氏。 天郊所祭日皇天之神,以太祖武皇帝配。 無常,,一彼一此,四百餘年,廢無禘禮,古代之所更立者,遂有闕焉。 秦滅學之後,採摭殘缺,以備郊祀。 以特牛祠受禪壇。 漢郊禋之制具存,魏所損益可知。四年八月,天子東巡,過繁昌,使執金吾臧霸行太尉事, 今祀圜 一文皇帝於明堂,以配上帝。」十二月壬子冬至,始祀皇皇帝天于圜丘,以始祖有虞帝舜 丘以始祖帝舜配,號圜丘曰皇皇帝天。方丘所祭曰皇皇后地,以舜妃伊氏配。 景初元年十月乙卯,始營洛陽南委栗山爲圜丘。 自甘泉后土,雍宮五時,神祇兆位,多不經見,並以興廢 地郊所祭曰皇地之祇,以武宣皇后配。 韶曰:「昔漢氏之初,承 曹氏世系,出自有虞 宗祀皇考

丑,郊祀宣皇帝以配天,宗祀文皇帝於明堂以配上帝。是年十一月,有司又議奏,古者丘郊 改五精之號,皆同稱昊天上帝,各設一坐而已。 帝卽天也,曰王氣時異,故殊其號,雖名有五,其實一神。明堂南郊,宜除五帝之坐,五郊 不時定,不得以時供饗神祇,配以祖考。日夕難企,貶食忘安,其便郊祀。」時羣臣又議,五 始二年正月,詔曰:「有司前奏郊祀權用魏禮,朕不慮改作之難,令便爲永制,衆議紛互,遂 策書,[1]禪位于晉。丙寅,武皇帝設壇場于南郊,柴燎告類于上帝,是時尚未有祖配。 溱 魏元帝咸熙二年十二月甲子,使持節侍中太保鄭沖、兼太尉司隸校尉李憙奉皇帝璽綬 地郊又除先后配祀。 帝悉從之。二月丁

自正始以後,終魏世不復郊祀。

用王肅議也。 不異,宜幷圓丘方丘於南北郊,更修立壇兆,其二至之祀合於二郊。帝又從之,一 是月庚寅冬至,帝親祠圓丘於南郊。自是後,圓丘方澤不別立。 如宣帝所

以配 安。 功,起於后稷」,故推以配天焉。 地,則明堂上帝不得爲天也。往者衆議除明堂五帝位,考之禮文不正。且詩序曰『文武之 其復明堂及南郊五帝位。」愍帝都長安,未及立郊廟而 天,宗祀文王於明堂以配上帝』。而周官云『祀天旅上帝』,又曰『祀地旅四望』。望非 太康三年正月,帝親郊祀,皇太子、皇子悉侍祠。十年十月,又詔曰:「孝經『郊祀」后稷 宣帝以神武創業,旣已配天,復以先帝配天,於義亦所不 敗。

神共在天郊 中書侍郎 初之儀。 元帝渡江,太興二年始議立郊祀儀。 司 庾亮皆同組議,事遂施行,立南郊於巳地。 徒荀組據漢獻帝都許卽便立郊,自宜於此修奉。 三月辛卯,三帝親郊祀,饗配之禮一依武帝始郊故事。 尚書令刁協、國子祭酒杜夷議,宜須旋都洛邑乃 其制度皆太常賀循所定,多依漢及晉 驃騎王導、僕射荀崧、太常華恒、 是時尚未立北壇,地祇衆

覆舟山南立之。 后土、太一、天一、太微、句陳、北極、雨師、雷電、司空、風伯、老人,凡六十二神也。 明帝太寧三年七月,始詔立北郊,未及建而帝崩。及成帝咸和八年正月,追述前旨,於 天郊則五帝之佐、四日月、五星、二十八宿、文昌、北斗、三台、司命、軒轅、 地郊則

稽山、錢唐江、先農,凡四十四神也。江南諸小山、蓋江左所立、猶如漢西京關中小水皆有 五嶽、四望、四海、四瀆、五湖、五帝之佐、沂山、嶽山、白山、霍山、醫無閭山、蔣山、松江、會

祭秩也。 是月辛未,祀北郊,始以宣穆張皇后配,此魏氏故事,非晉舊也。

禮三王之郊一用夏正。」於是從和議。是月辛未南郊,辛巳北郊,帝皆親奉。 北郊,同用正月。魏承後漢,正月祭天以地配。 郊之月,古無明文,或以夏至,或同用陽復。 及中興草創,百度從簡,合七郊於一丘,憲章未備,權用斯禮,蓋時宜也。至咸和中,議別立 康帝建元元年正月,將北郊,有疑議。 太常顧和表:「泰始中,合二至之禮於二郊。北 漢光武正月辛未,始建北郊,此則與南郊同月。 時高堂隆等以爲禮祭天不以地配,而稱周

明年應郊,朝議以爲宜依周禮,宗伯攝職,三公行事。尚書左丞王納之獨曰:「旣殯郊祀,自 親奉也。」「や」於是從納之議。 用二月郊,一一帝中興,以三月郊。今郊時未過,日望輿駕,無爲欲速,而使皇輿旋反,更不得 以上,莫不蒸嘗,嫡子居外,介子執事,未有不親受命而可祭天者」。 是天子當陽,有君存焉,稟命而行,何所辯也。郊之與否,至豈如今日之比乎」議者又云: 「今宜郊,故是承制所得令三公行事。」又「郊天極傳,「云」惟一而已,故非天子不祀也。 庶人 安帝元興三年,劉裕討桓玄,走之。己卯,告義功于南郊。 是年,帝蒙塵江陵未反。其 納之又曰:「武皇受禪,

郊 廟牲幣壁玉之色,雖有成文,秦世多以駠駒,漢則但云犢,未辨其色。 江左南北郊同

用玄牲,明堂廟社同以赤牲。

崩,太尉鍾繇告諡南郊,皆是有事於郊也。 聞 焉。 禮 魏文帝黃初四年七月,帝將東巡,以大軍當出,使太常以一特牛告祠南郊。 有事告祖禰宜社之文,未有告郊之典也。漢儀,天子之喪,使太尉告諡于南郊,他無 江左則廢。 及文帝

揖月。 所奏,今戎事弭息,惟此爲大。」案此詔,帝復爲親朝 月于西郊 朝日于 詔曰:「禮儀宜有常,若如所奏,與故太尉所撰不同,復爲無定制 而 [旦夕常於殿下東西拜日月,煩褻似家人之事,非事天交神之道也。」黃初二年正月乙亥, 禮,春分朝日於東,秋分夕月於西。漢武帝郊泰時,平旦出竹宮,東向揖日,其夕西向 東 卽 門之外,又違禮二分之義。 用 ,始得古禮。及武帝太康二年,有司奏,春分依舊車 郊日,又不在東西郊也。 後遂旦夕常拜。 魏明帝太和元年二 日也。 故魏文帝詔曰「漢氏 月丁亥,朝日于東郊,八月己 此後廢。 一駕朝日 也。 ,寒溫未適,可 間 者方難未平,故每從 不拜日於 不 親出。 丑,夕 東郊,

禮,「郊祀后稷以配天,宗祀文王於明堂以配上帝」。 魏文帝即位,用漢明堂而未有配。

明帝 太和元年,始宗祀文帝於明堂,齊王亦行其

奉而 列,禮 帝。 也。 於四郊,報之於明堂。 尊嚴之美,三日再祀,非謂不黷之義,其非一神,亦足明矣。 前 行,故太昊配木,神農配火,少昊配金,顓 祭,牲用繭 配, 代 參差不 用之。 、祀五帝如舊儀。」詔從之。 層初 相因,莫之或廢,晉初始從 明堂除五帝之位, 同 周禮 人 以文帝 鬼,故配以近考。 祀 栗,器用 ·同矣。 前太醫令韓楊上書,公宜如舊祀五 天旅 配,後復以宣帝,尋復還以文帝配,其餘無所變革。 擊虞議以爲:「漢魏故事,明堂祀五帝之神。新禮,五帝卽上帝,卽 陶匏,事反其始,故配以遠祖。 上帝、祀地旅四望。 祀天,大裘而冕, 祀五帝亦如之。 惟祭上帝。 郊堂兆位,居然異體,牲牢品物,質文殊趣。 異議。 江左以後,未遑修建。 案仲尼稱『郊祀后稷以配天,宗祀文王於明堂 庚午詔書,明堂及南郊除· 望非地,則上帝非天,斷可識矣。 頭配水,黃帝配土。 帝。 明堂之祭,備物以 太康十年、韶已施用。 或以爲 昔在上古,生爲明王,沒 此五帝者,配 五帝之位, 五 精之帝, 薦, 是則郊與明堂,同 **玉牲並陳,籩** 且祖 郊丘之祀、掃地 惟祀 天之神, 佐天育物者也。 宜定新禮 考同配,非謂 天 神, 以配 同 則 一明堂 新禮 兆之 豆 天 配異 配 五. 上 帝 成 而

漢儀,太史每歲上其年曆,先立春、立夏、大暑、立秋、立冬常讀五時令,皇帝所服,各隨

及郊

也,王 賜酒一后。 以五行爲令也、[10]是以服黃無令」。 於服黃之時,獨闕不讀,今不解其故。」散騎常侍領太史令高堂隆以爲「黃於五行,中央土 五時之色。 四季各十八日。土生於火,故于火用事之末服黃,四季則否。其令則隨四時,不 帝升御坐,尚書令以下就席位,尚書三公郎以令置案上,奉以入,就席伏讀訖, 魏氏常行其禮。 魏明帝景初元年,通事白曰:「前後但見讀春夏秋冬四時令,至 斯則魏氏不讀大暑令也。

時,正 謂今故宜讀夏令」。 可。 散騎侍 旂路皆白也。 武皇帝 六年三月,有司奏「今月十六日立夏。 及晉受命,亦有其制。傅咸云:「立秋一日,白路光於紫庭,白旂陳於玉階。」然則其日 一服尊嚴之所重。 以秋夏盛暑,常闕不讀令,在春冬不廢也。 郎曹宇駁曰:「尙書三公曹奏讀秋令,儀注舊典未備。 臣等參議光祿大夫臣華恒議, 成帝咸和五年六月丁未,有司奏讀秋令。兼侍中散騎常侍荀奕、兼黃門侍郎 奏可。 今服章多闕, 加比熱隆萘, 今正服漸備,四時讀令,是祗述天和隆殺之道, 臣等謂可如恒議,依故事闕如不讀。」詔 夫先王所以順時讀令者,蓋後天而奉天

躬耕帝藉」。至秦滅學,其禮入廢。 ₹禮 孟春之月,「乃擇元辰,天子親載耒耜,措之于參保介之御間,帥三公九卿諸侯大夫 漢文帝之後,始行斯典。 魏之三祖,亦皆親耕藉田

躬稼穡之艱難,以率先天下。 中,空有慕古之名,曾無供祀訓農之實,而有百官車徒之費。今修千畝之制,當 官田,隨宜便換,而不得侵人也。」於是乘輿御木輅以耕,以太牢祀先農。 是以古之聖王,躬耕帝藉,以供郊廟之粢盛,且以訓化天下。 及武帝泰始四年,有司奏始耕祠先農,可令有司行事。 主者詳具其制,下河南,處田地於東郊之南,洛水之北。 詔曰:「夫國之大事,在祀與農。 近世以來,耕藉 自惠帝之後,其事 與羣公卿士 止於數步之 若無

也。宜立兩儀注。」賀循等所上儀注又未詳允,事竟不行。 應躬祭之文,日日然則周禮王者祭四望則毳冕,祭社稷五祀則絺冕,以此不爲無親祭之義 漢儀,縣邑常以乙未日祠先農,乃耕於乙地,以丙戌日祠風伯於戌地,以已丑 江左元帝將修耕藉,尙書符問「藉田至尊應躬祠先農不」?賀循答:「漢儀無正有至尊 後哀帝復欲行其典,亦不 迎春至自野中出,則迎拜之, 日 能遂。 洞 酮

便廢。

於丑地、牲用羊豕。立春之日、皆青幡幘迎春於東郊外野中。

而還,弗祭。三時不迎。

執耒以奉社稷宗廟,以勸率農功。今諸王臨國,宜依修耕藉之義。」然竟未施行。 魏氏雖天子耕藉,藩鎭闕諸侯百畝之禮。及武帝末,有司奏:「古諸侯耕藉田百畝,躬

》周 王 一后帥內外命婦蠶於北郊。 少牢。 魏文帝黃初七年正月,命中宮蠶於北郊,依周典 漢儀,皇后親桑東郊苑中, 鬒 室祭蠶 也 神, 日 苑窊婦

胙於 事,宜 以聿 公主各採五條,縣鄉君以下各採九條,悉以桑授蠶母,還蠶室。 車,駕六騩馬。 在 與 缺。 生 人 妻六人爲 '皇后' 一整晶 及 藉 寓氏公主,祠 從桑 縣 以爲 著 遵孝敬, 今陛 田 及 修 武 薄 鄕 採 對 禮以示四海。其詳依古典,及近代故事,以參今宜,明年施行。」於是蠶於西郊,蓋 帝太康 蠶 桑 其 宜 君 下以聖 及 上。 方 依 奉 壇 母 郡 明教 也。 .古式,備斯盛典。」詔曰:「昔天子親藉,以供粢盛,后夫人躬蠶,以備祭 祠者。 o 桑日,皇后未 東 女尚 公侯特進 蠶將 南帷宮外門之外,而東南去帷宮十丈,在蠶室西南,桑林在其東。 六年,散騎常侍華嶠奏:「先王之制,天子諸侯親耕藉田千畝 明至仁,修先王之緒,皇后體資生之德,合配乾之義,而坤道未 用 示訓 乃使侍 書 皇后 生,擇吉日,皇后著十二笄步搖,依漢魏故事,衣靑衣, 著 也。今藉田有制,而蠶禮不修,由中間務多,未暇崇備。今天下無 夫 貂 中成粲草定其儀。 至西郊 到 入 蟬佩璽陪乘,載筐鉤。 一大祝 外世 八升壇, 婦、 **令質明以一太牢** 命婦皆步搖,衣青,各載筐鉤從蠶。 公主以下陪列 先蠶 公主、三夫人、九嬪、世婦、諸太妃、太夫 |壇高一丈,方二丈,爲四出陛,陛廣五尺, 告祠 壇 東。 门謁者 皇后 事訖, 人 東 、監祠。 面 皇后還便坐,公主以 . 躬桑, 先桑二日,蠶宮 祠 乘油畫雲母安 ,后夫人躬蠶 畢撤饌 採三條,諸妃 八光, 蠶: 取列侯 服 了, 班 温禮尙 所

前漢但置官社而無官稷,王莽置官稷,後復省。 故漢至魏但太社有稷,而官社無稷,故

常二社一稷也。

晉初仍魏,無所增損。至太康九年,改建宗廟,而社稷壇與廟俱徙。乃詔曰:「社實一

神,其幷二社之祀。」於是車騎司馬傅咸表曰:

之粢盛。 祭法王社太社,各有其義。天子尊事郊廟,故冕而躬耕。躬耕也者,所以重孝享 親耕故自報,自爲立社者,爲藉田而報者也。國以人爲本,人以穀爲命,故又

爲百姓立社而耐報焉。 事異報殊,此社之所以有二也。

別論復以太社爲人間之社,未曉此旨也。 禁日:「天子太社,必受霜露風雨。」以羣姓之衆,王者通爲立社,故稱。 社,日置社。」景侯解曰,「今之里社是也」。景侯解祭法,則以置社爲 社,其數不一,蓋以里所爲名,左氏傳盟于清丘之社是也。 百姓立之,謂之太社,不自立之於京都也。景侯此論據祭法。 王景侯之論王社,亦謂春祈藉田,秋而報之也。其論太社,則曰王者布下圻內,爲 太社,天子爲百姓而祀,故稱天子社。 衆庶之社,既已不稱太矣, 祭法:「大夫以下成羣立 太社 人間之社矣。 也。 若夫置 郊特 而

志

第

九

禮上

若復不立之京都,當安所立乎!

惟,景侯之後解亦未易除也。 祭,五祀國之大祀,七者小祀。周禮所云祭凡小祀,則墨冕之屬也。 無其文也」。夫以景侯之明,擬議而後爲解,而欲以口論除明文,如此非但二社當見思 爲羣姓而祀也。太社與七祀其文正等。說者窮此,因云墳籍但有五祀,無七祀也。 「如周杜伯,鬼有所歸,乃不爲厲」。今云無二社者稱景侯,祭法不謂無二,則曰「口傳 祭法又曰,王爲羣姓立七祀,王自爲立七祀。言自爲者,自爲而祀也,爲羣姓者, 景侯解大厲日,

牢,必援一牢之文以明社之無二,則稷無牲矣。說者曰,舉社則稷可知。苟可舉社以 明稷,何獨不舉一以明二?國之大事,在祀與戎。若有二而除之,不若過而存之。況 之有義,而除之無據乎? 前被敕,尚書召誥乃社于新邑,惟一太牢,不二社之明義也。案郊特姓日社稷太

社稷。 以爲略文,從可知也。 **∭禮封人掌設社壝,無稷字。今帝社無稷,蓋出於此。然國主社稷,故經傳動稱** 周禮王祭社稷則絺冕,此王社有稷之文也。 謂宜仍舊立二社,而加立帝社之稷。 封人所掌社壝之無稷字,CIII說者

時成粲議稱景侯論太社不立京都,欲破鄭氏學。 咸重表以爲:「如粲之論,景侯之解文

雖頑蔽,少長學門,不能默已,謹復續上。」劉寔與咸議同。詔曰:「社實一神,而相襲二位, 此,太社復爲立京都也。不知此論何從而出,而與解乖,上違經記明文,下壞景侯之解。臣 以此壞。 土五色』,景侯解曰,『王者取五色土爲太社,封四方諸侯,各割其方色土者覆四方也』。 大雅云『乃立冢土』,毛公解日,『冢土,大社也』。 景侯解詩,卽用此說。 禹貢『惟 如

衆議不同,何必改作!其便仍舊,一如觀制。」

明詔,定二社之義,以爲永制。宜定新禮,從二社。」詔從之。 **禮之明典,祭法之正義。前改建廟社,營一社之處,朝議斐然,執古匡今。世祖武皇帝躬發禮之明典,祭法之正義。前改建廟社,營一社之處,朝議斐然,執古匡今。世祖武皇帝躬發** 也。此皆二社之明文,前代之所尊。以尚書召誥社于新邑三牲各文,詩稱『乃立冢土』,無 旅宜乎社,則王社也。太社爲羣姓祈報,祈報有時,主不可廢。故凡祓社釁鼓,主奉以從是 兩社之文,故廢帝社,惟立太社。誤誤所稱,各指一事,又皆在公旦制作之前,未可以易周 司徒『設其社稷之壝』,又曰『以血祭祭社稷』,則太社也。又曰『封人掌設王之社壝』,又有軍 其後擊虞奏,以爲:「臣案祭法『王爲羣姓立社曰太社,王自爲立社曰王社』。周禮大

以神地道。 太社 至元帝建武元年,又依洛京立二社一稷。其太社之祝曰:「地德普施,惠存無疆。 萬邦。 明祀惟辰,景福來造。」 悠悠四海,咸賴嘉祥。」其帝社之祝曰:「坤德厚載,邦畿是保。 乃建帝社,

志第九 禮上

赤絲 袜以 乃罷 各持 太史登靈臺,伺 至社 行 劍,立其戶前。 |摯虞決疑曰:「凡救日蝕者,著赤幘,以助陽也。 漢 爲 繩 禮、三四如故事。 下以祭日。[三]日有變,割羊 儀,每月旦,太史上其月曆,有司侍郎尚書見讀其令,奉行其正。朔前後二日,牽牛 以繫社,祝史陳辭以責之。 候 日變,便伐鼓於門。 衞尉 自晉受命,日月將交會,太史乃上合朔,尚書先事三日,宣攝內外戒 卿驅馳繞宮,伺察守備,周 ·以祠社,用救日變。 社,勾龍之神,天子之上公,故陳辭以責之。 聞鼓音,侍臣皆著赤幘,帶劍入侍。 而復始。 日將蝕,天子素服避正殿,內外嚴警。 執事者長冠,衣絳領袖緣中衣、絳袴 亦伐鼓於社,用周禮也。 三臺令史以上皆 日復常, 叉以

也。」彧及 不 - 得終 東劉 漢建安中,將正會,而太史上言,正旦當日蝕。 禮者四,日蝕在 邵 衆 在 坐,曰:「梓愼、裨竈,古之良史,猶占水 人咸善而從之,遂朝會如 ---然則 聖人垂制 舊,日亦不 ,不爲變異豫廢朝禮者,或災消異伏,或推術 蝕,邵由 火,錯失天時。 朝士疑會否,共諮尙書令荀彧。 此顯名 禮,諸侯旅見天子, 時廣平 、入門

朔,中書侍郎孔腧奏曰:「春秋,日有蝕之,天子伐鼓于社,攻諸陰也,諸侯伐鼓于朝,臣自攻 至 武 帝咸寧三年、 四年, 並以正 旦合 朔却元會,改魏故事 也。 |元帝||太興元年四月,合

案尚書符,若日有變,便擊鼓于諸門,有違舊典。」詔曰:「所陳有正義,輒敕外改之。」

者禮記也,夫子、老聃巷黨之事,亦禮記所言,復違而反之,進退無據。 賢之成規也。 消異伏,又以梓愼、裨竈猶有錯失,太史上言,亦不必審,其理誠然也。 逐以却 從,遂使此言至今見稱,莫知其誤矣,後來君子將擬以爲式,故正之云爾。」於是冰從衆議, 豫言,諸侯旣入,見蝕乃知耳,非先聞當蝕而朝會不廢也。 廟之祭,況聞天眚將至,行慶樂之會,於禮乖矣。 老聃助葬於巷黨,以喪不見星而行,故日蝕而止柩,曰安知其不見星也。而邵廢之,是棄聖 寢,百官降物,用幣伐鼓,躬親而救之。 夫敬誠之事,與其疑而廢之,寧愼而行之。故孔子、 變異豫廢朝禮,此則謬矣。災祥之發,所以譴告人君,王者之所重誡,故素服廢樂,退避正 于時有謂邵爲不得禮意,荀彧從之,是勝人之一失。故蔡謨遂著議非之,曰:「邵論炎 至康帝建元元年,太史上元日合朔,後復疑應却會與否。庾冰輔政,寫劉邵議以示八 魯桓公壬申有災,而以乙亥嘗祭,春秋譏之。災事旣過,猶追懼未已,故廢宗 禮記所云諸侯入門不得終禮者,謂日官不 引此,可謂失其義旨。 然荀令所 而云聖人垂制,不爲 善,漢朝所 劉 邵 所執

侯旅見天子,不 至 水和 中,殷浩輔政,又欲從劉邵議不却會。 得終禮 而廢者四,自謂卒暴有之,非爲先存其事,而僥倖史官推術繆錯,故 王彪之據咸寧、建元故事,又曰:「禮云諸

志第

九

禮上

五

# 不豫廢朝禮也。」於是又從彪之議。

則莫敢廢之。宜定新禮,祀六宗如舊。」詔從之。 陽,沖氣以爲和。六宗者,太極沖和之氣,爲六氣之宗者也。 因之,至景初二年,大議其神,朝士紛紜,各有所執。惟散騎常侍劉邵以爲萬物負陰而抱 宗之神也。漢光武卽位高邑,依虞書禋于六宗。安帝元初中,立祀乾位,禮同太社。 祀,莫重郊社,宗同於社,則貴神明矣。 又,月令孟冬祈于天宗,則周禮祭榮,月令天宗,六 宗非上帝之神,又非山川之靈也。 周禮肆師職曰:『用牲于社宗。』 黨正職曰:『春秋祭禜亦 是遂罷其祀。其後擊虞奏之,又以爲:「案舜受終,『類于上帝,禋于六宗,望于山川』,則六 事,以問王肅,亦以爲易六子,故不廢。及晉受命,司馬彪等表六宗之祀不應特立新禮,於 如之。』肆師之宗,與社並列,則班與社同也。 尚書「禋于六宗」,諸儒互說,往往不同。王莽以易六子,遂立六宗祠。 是時考論異同,而從其議。 漢魏相仍,著爲貴祀。凡崇祀百神,放而不至,有其興之, 黨正之榮,文不繫社,則神與社異也。 虞書謂之六宗,周書謂之天 魏明帝時疑其 周之命 魏氏

存其 始祠 都南郊老人星廟。 牢祀高祺。 同其旁, 八典矣。 竈,及生戾太子,始立高謀。漢儀云,國家亦有五祀,有司行事,其禮頗輕於社稷,則亦 或謂之落星。 叉云,常以仲春之月,立高禖祠于城南,祀以特牲。 毛詩絲衣篇,高子日靈星之尸。 漢興,高帝亦立靈星祠。及武帝,以李少君故, 立夏祭竈,季秋祠心星于城南壇心星廟。 是後諸祀無聞。 江左以來,不立七祀,靈星則配饗南郊,不復特 元康時, 又,是月也, 祠老人星于國 洛陽 猶有高祺壇,百

社 其雨多則榮祭,赤幘朱衣,閉諸陰,朱索縈社,伐朱鼓焉。 祈雨于社稷 稷。 變,如故事。 左氏傳「龍見而雩」,經典尙矣。 其旱也,公卿官長以次行雩禮求雨,閉諸陽,衣阜,興土龍,立土人, 山川。 武帝咸寧二年,春久旱。 六月戊子,獲澍雨。 漢儀,自立春至立夏,盡立秋,郡國尙旱,郡縣各掃除 此零之舊典也。 四月丁巳,韶曰「諸旱處廣加祈請 太康三年四月,十年二月,又如之。 <u>ـ</u> 舞僮二佾,七日 五月庚午,始

澤、四方百物,兆四類四望,亦如之。 眾禮,王者祭昊天上帝、日月星辰、司中司命、風伯雨師、 社稷、五土、CIE 五嶽、山林川 魏文帝黃初二年六月庚子,初禮五嶽四瀆,咸秩羣祀,

志

月,帝東巡,遣使者以特牛祠中嶽。魏元帝咸熙元年,行幸長安,使使者以璧幣禮祠華山。 **瘞沈珪璧。** 六年七月, 帝以舟軍入淮。 九月壬戌,遣使者沈璧于淮。 魏明帝太和四年八

典,將俟皇輿北旋,稽古憲章,大釐制度。俎豆牲牢,祝嘏文辭,舊章靡記,可令禮官作式 域,風敎所被,來蘇之衆,咸蒙德澤。而神明禋祀,未之或甄,巡狩柴燎,其廢尙矣。 崇明前 之鬼,推其糜費,則百姓之蠹。而山川大神更爲簡缺,禮俗穨紊,人神雜擾,公私奔蹙,漸以 賽,春釋寒而冬請冰。咸和迄今,又復隳替。計今非典之祠,可謂非一。考其正名,則淫昏 略之內也,舊臺選百戶東卒,以奉其職。中興之際,未有官守,廬江郡常遣大東兼假四時禱 比大川之祠,而正立之祀可以闕哉!自永嘉之亂,神州傾覆,茲事替矣。惟屬之天柱,在王 所謂『有其舉之,莫敢廢也』。及秦漢都西京,涇、渭、長水,雖不在祀典,以近咸陽故,盡得 |激,望于山川,偏于羣神,故曰,因名山升中于天,所以昭告神祇,饗報功德。是以災厲不作, 歸諸誠簡,以達明德馨香,如斯而已。其諸祇孽,可粗依法令,先去其甚,俾邪正不黷。」時 繁滋。良由頃國家多難,日不暇給,草建廢滯,事有未遑。今元憝已殲,宜修舊典。 嶽瀆之 而風雨寒暑以時。降及三代,年數雖殊,而其禮不易,五嶽視三公,四瀆視諸侯,著在經記, 及穆帝升平中,何琦論修五嶽祠曰:「唐虞之制,天子五載一巡狩,順時之方,柴燎五

不見省。

封爵。 十一月,改封宗聖侯孔震爲奉聖亭侯。又詔太學及魯國,四時備三牲以祀孔子。 孔羡爲宗聖侯,邑百戶,奉孔子祀,令魯郡修舊廟,置百戶吏卒以守衞之。及武帝泰始三年 三年,韶給奉聖亭侯孔亭四時祠孔子祭直,如泰始故事。 至漢 武王入殷,未及下車而封先代之後,蓋追思其德也。孔子以大聖而終於陪臣,未有 元帝,孔霸以帝師賜爵,號褒成君,奉孔子後。 魏文帝黃初二年正月,韶以議 明帝太寧 郎

講孝經 子並 太牢 始二年二月,帝講論語 三年 親 ,講禮記 禮, 祠 通。 孔子於辟雍,以顏 釋奠,以太牢祠 始立學必先釋奠于先聖先師,及行事必用幣。 孝武 通。 寧康三年七月,帝講孝經通。 惠帝元康 孔子,以顏回 通,五年五月,講過書通,七年十二月,講禮記通,並使太常釋奠,以 回配。 三年,皇太子講論語 武帝泰始七年,皇太子講孝經通。 配。 成帝咸康元年,帝講詩通。 並釋奠如故事,穆帝、 通。 元帝太興二年, 漢世 雖立學,斯禮無聞。 咸寧三年,講詩通,太康 穆帝升平元年三月,帝 孝武並權以中堂爲太 皇太子講論語通。 魏齊王 太

律非 未足以相易。宜定新禮,皆如舊。」制:「可。」 太常,故祭于太學,是崇聖而從重也。 禮 改以孟秋之月,以應秋政。 ,是以獄官禮其神,繫者致其祭,功在斷獄之成,不在律令之始也。 正署,廢興無常,宜如舊祀於廷尉。又,祭用仲春,義取重生,改用孟秋,以應刑殺,理 於廷尉寺,新禮移祀於律署,以同祭先聖於太學也。 擊虞以爲:「案虞書,皐陶作士師,惟明克允,國 律署之置,卑於廷尉,移祀於署,是去重 故事,祀以社 太學之設,口心義重 重其 一而就 功,人思 輕也。 日,新

制,所以輔卯金,又宜魏所除也。但未詳改仲夏在歲旦之所起耳。魏明帝青龍元年,詔郡 國,山川不在祀典者勿祠 歲旦常設葦菱桃梗,磔雞於宮及百寺之門,以禳惡氣。案漢儀則仲夏設之,有桃印,無 及魏明帝大修禳禮,故何晏禳祭議雞特性供禳釁之事。 磔雞宜起於魏,桃印本漢

陽 相煽,舍正爲邪,故魏朝疾之。其案舊禮具爲之制,使功著於人者必有其報,而祆淫之鬼不 之功故也。然以道莅天下者,其鬼不神,其神不傷人,故祀史薦而無魄辭,是以其人敬慎 而淫祀不作。末世信道不篤,僭禮瀆神,縱欲祈請,曾不敬而遠之,徒偸以求幸,祆妄 武帝泰始元年十二月,詔曰:「昔聖帝明王修五嶽四瀆,名山川澤,各有定制,所以報陰

受禪,又追尊大王曰大皇帝,皇考武王曰武皇帝。二年六月,以洛京宗廟未成,乃祠武帝於 改易。延康元年,文帝繼王位,七月,追尊皇祖爲大王,丁夫人曰大王后。 封魏武帝爲魏公。是年七月,始建宗廟于鄴,自以諸侯禮立五廟也。後雖進爵爲王,無所 建始殿,親執饋奠,如家人禮。案禮將營宮室,宗廟爲先,庶人無廟,故祭於寢,帝者行之, (王制,天子七廟,諸侯以下各有等差,禮文詳矣。 漢獻帝建安十八年五月,以河北十郡 。黄初元年十一月

所祠 魏太祖 韓蟹、行太常宗正曹恪持節迎高皇以下神主,共一廟,猶爲四室而已。至景初元年六月,羣 公有司始更奏定七廟之制,曰:「大魏三聖相承,以成帝業。」武皇帝肇建洪基,撥亂夷險,爲 祠,則文帝之高祖處士、曾祖高皇、祖大皇帝共一廟,考太祖武皇帝特一廟,百世不毁,然則 止於親廟四室也。其年十一月,洛京廟成,則以親盡遷處士主置園邑,使行太傅太常 明帝太和三年六月,又追尊高祖大長秋日高皇,夫人吳氏日高皇后,並在鄴廟。廟所 於太祖廟北爲二祧,其左爲文帝廟,號曰高祖昭祧,其右擬明帝,號曰烈祖穆祧。 文皇帝繼天革命,應期受禪,爲魏高祖。上集成大命,淸定華夏,興制禮樂,宜爲

志

三祖之廟,萬世不毀。其餘四廟,親盡迭遷,一如周后稷、文武廟祧之禮。」

初營宗廟,掘地得玉璽,方一寸九分,其文曰「天子羨思慈親」。明帝爲之改容,以太牢告 嗣,聖德至化,豈有量哉!夫以皇家世妃之尊,神靈遷化,而無寢廟以承享祀,非以報顯德, 策告祠于陵。三公又奏曰:「自古周人歸祖后稷,又特立廟以祀姜嫄。今文昭皇后之於後 廟。至景初元年十二月已未,有司又奏文昭皇后立廟京師,永傳享祀,樂舞與祖廟同,廢 昭孝敬也。稽之古制,宜依周禮,別立寢廟。」奏可。太和元年二月,立廟于鄴。 文帝甄后賜死,故不列廟。明帝卽位,有司奏請追諡曰文昭皇后,使司空王朗持節奉 四月,洛邑

魏元帝咸熙元年,進文帝爵爲王,追命舞陽宣文侯爲宣王,忠武侯爲景王。是年八月,

文帝崩,諡曰文王。

**姆承** <del>虎禪,受終文祖,遂陟帝位,蓋三十載,月正元日,又格于文祖,遂陟帝位,[11]此則虞</del> 考文王爲文皇帝,宣王妃張氏爲宣穆皇后,景王夫人羊氏爲景皇后。二年正月,有司奏置 七廟。帝重其役,詔宜權立一廟。於是羣臣議奏「上古淸廟一宮,尊遠神祇。逮至周室, 制爲七廟,以辯宗祧。聖旨深弘,遠跡上世,敦崇唐虞,舍七廟之繁華,遵一宮之遠旨。昔 武帝泰始元年十二月丙寅,受禪。丁卯,追尊皇祖宣王爲宣皇帝,伯考景王爲景皇帝,

修麗 位 下 太子二子哀太孫臧、沖太孫尚並祔廟,元帝世,懷帝殤太子又祔廟,號爲陰室四殤。懷帝 當改修創,羣臣又議奏曰:「古者七廟異所,自宜如禮。」詔又曰:「古雖七廟,自近代以來皆 夏侯氏爲景懷皇后。任茂議以爲夏侯初嬪之時,未有王業。 誠 君、潁川府君、京兆府君,與宣皇帝、景皇帝、文皇帝爲三昭三穆。 內 「,所以祠六世,與景帝爲七廟,其禮則據<u>王</u>肅說也。 七月,又詔曰:「主者前奏,就魏 亦有準。 不改唐廟,因仍舊宮。可依有虞氏故事,卽用魏廟。」奏可。 ,又策諡武帝楊后日武悼皇后,改葬峻陽陵側,別祠弘訓宮,不列於 ,車服導從皆如帝者之儀。及武帝崩則遷征西,及惠帝崩又遷豫章。而惠帝世愍懷太子、 廟七室,於禮 耐 極壯 于太廟,周漢未有其準。 麗,然坎位之制猶如初爾。 然於祗奉神明,情猶未安,宜更營造。」於是改創宗廟。 無廢,於情爲敍,亦隨時之宜也。其便仍舊。」至十年,乃更改築於宣陽門 魏明帝則別立平原主廟,晉叉異魏也。 廟成,帝用擊虞議,率百官遷神主于新廟,自征西以 帝不從。 於是追祭征西將軍、 是時宣皇未升, 十一月,追尊景帝夫人 廟。 太康元年,靈壽公主 六年,日公因 太祖 豫章 廟陷 舊廟,

以兄弟 滅虜庭,江左 元帝旣卽尊位,上繼武帝,於元 爲世數故也。 建廟,皆更新造。 于時百度草創,舊禮未備,毁主權居別室。 尋以登懷帝之主,又遷潁川,位雖七室,其實五 爲禰,如漢光武上繼元帝故事也。 至太興三年正月乙卯,韶 是時,西京神主,堙 世,蓋從刁協

初

愍,宜別立廟。 然臣愚謂廟室當以容主爲限,無拘常數。 殷世有二祖三宗,若拘七室,則當 於情禮不安。 之義,在廟不替也 |恆欲還二府君,以全七世,嶠謂是宜。」驃騎將軍王導從嶠議。 嶠又曰:「其非子者,可直言 相入廟,旣非禮文,且光武奮劍振起,不策名於孝平,務神其事,以應九世之讖,又古不共 祭禰而已。推此論之,宜還復豫章、潁川,全祠七廟之禮。」驃騎長史溫嶠議:「凡言兄弟不 爵。」又曰:「今上承繼武帝,而廟之昭穆,四世而已,前太常賀循、博士傳純,並以爲惠、懷及 乃更定制,還復豫章、潁川于昭穆之位,以同<u>惠帝嗣武故事,而惠、懷、愍三帝自從春秋</u>尊尊 皇帝敢告某皇帝,又若以一帝爲一世,則不祭禰,反不及庶人。」帝從嶠議,悉施用之。於是 廟,故別立焉。今上以策名而言,殊於光武之事,躬奉烝嘗,於經旣正,於情又安矣。太常 曰:「吾雖上繼世祖,然於懷、愍皇帝皆北面稱臣。 可依禮更處。」太常恒議:[15]「今聖上繼武皇帝,宜準漢世祖故事,不親 今祠太廟,不親執觴酌,而 令有司 執觴

七年五月,始作武悼皇后神主,祔于廟,配饗世祖。 潁川又遷,猶十室也。 及元帝崩,則豫章復遷。然元帝神位猶在愍帝之下,故有坎室者十也。至明帝崩,而 于時續廣太廟,故三遷主並還西儲,名之曰祧,以準遠廟。 成帝崩而康帝承統,以兄弟一世,故不 成帝咸康

遷京兆,始十一室也。

祭。」是時 叉遣 雖位始九五,而道以從暢,替人爵之尊,篤天倫之道,所以成敎本而光百代也。」尚書郎徐禪 然今無寢室,宜變通而改築。又殷祫太廟,征西東面。」尚書郎孫綽與無忌議同,曰:「太祖 先不窋。 軍將軍馮懷議:「禮,無廟者爲壇以祭,可立別室藏之,至殷禘則祭于壇也。」輔國將軍譙王 儲夾室、謂之爲祧、疑亦非禮。今京兆遷入,是爲四世遠祖,長在太祖之上。昔周室太祖世 豫章、潁川三府君毁主,中興之初權居天府,在廟門之西。 司 遠,故遷有所歸。 **湛馬無忌等議:「諸儒謂太王、王季遷主,藏於文武之祧。** |禪至會稽,訪處士虞喜。|喜答曰:「漢世韋玄成等以毀主瘞於園,魏朝議者云應埋 禮『去祧爲壇,去壇爲墠』,歲祫則祭之。今四祖遷主,可藏之石室,有禱則祭於壇墠。」 時陳留 至康帝崩,穆帝立,永和二年七月,有司奏:「十月殷祭,京兆府君當遷祧室。 且 簡 |神主本在太廟,若今別室而祭,則不 殷祭之日,征西東面,處宣皇之上。其後遷廟之主,藏於征西之祧,祭薦不絕。」護 范宣 文爲撫軍、與尙書郞劉邵等奏:「四祖同居西祧,藏主石室 **[兄子問此禮,宣答曰:「舜廟所祭,皆是庶人,其後世遠** 今晉廟宣皇爲主,而四祖居之,是屈祖就孫也,殷祫在上,是代太祖也。」 如永藏。又四君無追號之禮,益明 咸康中,太常馮懷表續奉還於西 如此,府君遷主宜在宣帝廟中。 ,禘祫乃祭,如先朝舊 而毁,不居舜上,不 應毁而 昔征西、 兩階 無

除。咸安之初,簡文皇帝上繼元皇,世秩登進,於是潁川、京兆二主復還昭穆之位。至簡文 案古義無別前後之文也。馬不先鯀,則遷主居太祖之上,亦何疑也。」於是京兆遷入西儲, 同謂之祧,如前三祖遷主之禮,故正室猶十一也。穆帝崩而哀帝、海西並爲兄弟,無所登

崩,潁川又遷。

位,則違事七之義矣。又禮曰庶子王亦禘祖立廟,蓋謂支胤援立,則親近必復。京兆府君 藏主於石室,雖禘祫猶弗及。何者。傳稱毀主升合乎太祖,升者自下之名,不謂可降尊就 於今六世,宜復立此室,則宣皇未在六世之上,須前世旣遷,乃太祖位定耳。京兆遷毀,宜 未及遷世,故權虛東向之位也。兄弟相及,義非二世。故當今廟祀,世數未足,而欲太祖正 爲安。武皇帝建廟六世,祖三昭三穆。宣皇帝創基之主,實惟太祖,親則王考。四廟在上, 辯斯義,而檢以聖典。 爰及中興,備加研極,以定南北二郊,誠非異學所可輕改也。 謂仍舊 國之大事,而稽古之制闕然,便可詳議。」祠部郎中徐邈議:「圓丘郊祀,經典無二,宣皇帝嘗 孝武帝太元十二年五月壬戌,詔曰:「昔建太廟,每事從儉,太祖虛位,明堂未建。郊祀

服。 卑也。 朝議 堂之制,旣其難詳,且樂主於和,禮主於敬,故質文不同,音器亦殊。旣茅茨廣夏,不一其 叉設 度,何必守其形範,而不弘本從俗乎?九服咸寧,河朔無塵,然後明堂辟雍可崇而修之。」時 严、光武無廢於二京也。明堂所配之神,積疑莫辯。案易『殷薦上帝,以配祖考』,祖考同 之俱毁。 六間,棟高 配,則上帝亦爲天,而嚴父之義顯。、潤禮旅上帝者,有故告天,與郊祀常禮同用四圭,故並 脯 多同,於是奉行,一無所改。十六年,始改作太廟殿,正室十四間,東西儲各一間,合十 四主不從帝者之儀,是與太康異也。 若上帝是五帝,經文何不言祀天旅五帝,祀地旅四望乎。」侍中車胤議同。又曰「明 太子太孫,陰室四主,儲嗣之重,升祔皇祖,所配之廟,世遠應遷,然後從食之孫,與 醢之奠。 明堂方圓之制,綱領已舉,不宜闕配帝之祀。且王者以天下爲家,未必一邦,故周 八丈四尺。備法駕遷神主于行廟,征西至京兆四主及太子太孫各用其位之儀 十九年二月,追尊簡文母會稽太妃鄭氏爲簡文皇帝宣太后,立廟 諸主旣入廟,設脯醢之奠。及新廟成,神主還室**,** 太廟道

洛邑, 之位 ,而緣情流遠,上及征西,故世盡則宜毀,而宣帝正太祖之位。又漢光武移十一 義熙 則毀主不設,理可推矣。 九年四月, 將殷祠,詔博議遷毀之禮。 宜築別室,以居四府君之主,永藏而弗祀也。」大司農徐廣 大司馬琅邪王德文議:「泰始之初,虛太祖 帝主於

及孝武

(崩,京兆又遷,如穆帝之世四桃故事

大〇七

志

第

九

爲遠祧 時劉裕作輔,意與大司馬議同,須後殷祠行事改制。 議:「四府君嘗處廟堂之首,歆率土之祭,若埋之幽壤,於情理未必咸盡。 ,而禘饗永絕也。」太尉諮議參軍袁豹議:「仍舊無革,殷祠猶及四 會安帝崩,未及稀而天祿終焉。 府君,情理 謂可遷藏西儲,以 爲允。」

雖在嬰孩,臣竊以爲疑。」於是尚書奏使三公行事。 胙。 應烝祠,中書侍郎范寗奏:「案喪服傳有死宮中者三月不舉祭,不別長幼之與貴賤也。皇女 穆帝升平五年十月己卯,殷祀,以帝崩後不作樂。孝武太元十一年九月,皇女亡,及 武帝咸寧五年十一月已酉,弘訓羊太后崩,宗廟廢一時之祀,天地明堂去樂,且不上

如此。 武帝泰始七年四月,帝將親祠,車駕夕牲,而儀注還不拜。 帝曰:「非致敬宗廟之禮也。」於是實拜而還、遂以爲制、夕牲必躬臨拜、而江左以來 韶問其故,博士奏歷代相承

復止。

天子入自南門。|擊虞以爲:「次殿所以爲解息之處,凡適尊以不顯爲恭,以由隱爲順,而設 

當出,使太常以特牛告南郊。及文帝崩,又使太尉告諡策於南郊。自是迄晉相承,告郊之 **摹凶,以安宗廟。臣等雖隕首摧軀,猶生之年。」** 刃戎首,襲行天罰。惟中宗元皇帝、肅祖明皇帝、明穆皇后之靈,降鑒有罪,剿絕其命,翦此 其典。告先君及后曰:「逆臣蘇峻,傾覆社稷,毁棄三正,污辱海內。 後仍以告廟,至江左其禮廢。 禮,大事則告祖禰,小事則特告禰,秦漢久廢。 至成帝咸和三年,蘇峻覆亂京都,溫嶠等立行廟於白石,復行 魏文帝黃初四年七月,將東巡,以大軍 臣侃、臣嶠、臣亮等手

誤朝 稱妣爲后,則股肱大臣誅之無赦。 之諫,用致丁傳焚如之禍。自是之後,相踵行之。其令公卿有司,深以前世爲戒。後嗣萬 得復顧私親哉!漢宣繼昭帝後,加悼考以皇號。哀帝以外藩援立,而董宏等稱引亡秦,惑 有由諸侯入奉大統,則當明爲人後之義。 議 魏明帝太和三年,詔曰:「禮,王后無嗣,擇建支子,以繼大宗,則當纂正統而奉公義,何 ,遂尊恭皇,立廟京師。又寵藩妾,使比長信,僭差無禮,人神弗佑。非罪師丹忠正 其書之金策,藏之宗廟。」是後高貴、常道援立,皆不外 敢爲佞邪導諛君上,妄建非正之號,謂考爲皇,

志第九

禮上

十九 カー〇

不可,故追贈吳王爲太保而已。 及愍帝建興四年,司徒梁芬議追奪之禮,帝旣不從,而左僕射索綝等亦稱引魏制,以爲 元帝太興二年,有司言琅邪恭王宜稱皇考。 賀循議云「禮

典之義,子不敢以己爵加其父號。」帝又從之。

#### 校勘記

- 一李憙 「喜」原誤作「喜」,今據本傳及宋書禮志在本志校記中以後簡稱宋志三改。
- 五帝即天也 「天也」,各本作「天地」,局本作「天也」,今從局本。
- 三月辛卯 三月壬寅朔、無辛卯。 御覽五二七引晉起居注,元帝中興,以二月郊。 二月壬申朔,

辛卯爲二十日。疑志文「三月」爲「二月」之誤。下文王納之曰「以三月郊」,疑亦當從御覽作「亦

以二月郊」。

- [四] 天郊則五帝之佐 六十二神」之數合。下文地郊「五帝之佐」,疑亦當從拾補說作「五人帝、五人帝之佐」。 通典四二「五帝之佐」作「五帝及佐」、疑是。 有五帝,又有其佐,則 與下「凡
- 五五 郊之與否 「郊」,各本作「齊」,殿本作「郊」,今從殿本。
- 又郊天極尊 「又」下爲王納之之言、「又」當作「納之又曰」,始不致與「議者」之言相混
- 無爲欲速至不得親奉也 朱志三「而」下有「無據」二字,全文爲「無爲欲速而無據,使皇輿旋反

## 更不得親奉也」,文義較具。

- 前太醫令韓楊上書 | 對注: 隋志天文類有太史令韓楊天文要集四十卷, 初學記二〇引之。 當
- 即其人。此「太醫令」恐爲「太史令」之誤。
- 一元 山 故于火用事之末服黄 各本脱「于火」二字、宋本不脱、與宋志二合、今從宋本。
- 不以五行爲令也 高堂隆「其令則隨四時」之說,蓋本于春秋繁露五行之義、白虎通五行「土不

名一時」之說,謂不以土行爲令也。 通典七〇于此,「五」作「土」,當是。

- 漢儀無正有至尊應躬祭之文 拾補:「正有」二字衍。按:通典四六無、應删。
- 封人所掌社壝之無稷字 原脫「社」字,今據周禮地官、通典四五及上文補
- 牽牛酒至社下以祭日 「牛」,後漢書禮儀志 在本志校記中以後簡稱續漢志上作「羊」。 探下文,宜作

羊」。

- 絳袴袜 各本作「絳綠」,局本作「絳袴袜」,蓋據續漢志上改,今從之。
- (三) 五土 周禮大宗伯作「五祀」。
- (15) 太學之設 通典五三「設」作「祀」。
- [17] 遂陟帝位 拾補"此四字複上,乃衍文。
- 辦注:按武紀,此「六年」當爲「八年」之誤。 通典五一引河南人孫平子封事亦作「八年」·

## 晉書卷二十

## 志第十

## 禮中

軍司馬望、司空荀顗、車騎將軍賈克、尙書令裴秀、尙書僕射武陔、都護大將軍郭建、侍中郭 喪,然猶深衣素冠,降席撤膳。 其將兵屯戍者,不得離部」。 之制,與夫三代變易。。魏晉以來,大體同漢。然自漢文革喪禮之制,後代遵之,無復三年之 養,死則哀,故曰三年之喪,天下之達禮者也。〔1〕漢禮,天子崩,自不豫至於登遐及葬,喪紀 及魏武臨終,遺令「天下尚未安定,未得遵古。百官當臨殿中者,十五舉音,葬畢便除。 及宣帝、景帝之崩,並從權制。 五禮之別,二曰凶。自天子至于庶人,身體髮膚,受之父母,其理旣均,其情亦等,生則 魏武以正月庚子崩,辛丑卽殯,是月丁卯葬,是爲不踰月也。 太宰司馬孚、太傅鄭沖、太保王祥、太尉何曾、司徒領中領 文帝之崩,國內服三日。 武帝亦遵漢魏之典,旣葬除

十 禮中

志 第

所天! 飲疏 何! 惟陛下察納愚款,以慰皇太后之心。」又詔曰:「重覽奏議,益以悲剝,不能 斯之甚。 者干戈未戢,武事未偃,萬機至重,天下至衆。 有由 奏:「伏讀 食稻 官復膳 **豈遑全遂聖旨,以從至情。** 行之於殷世,曾閔履之於布衣,未足以踰。方今荆蠻未夷,庶政未义,萬機事殷,動勞神慮, 綏、中書監荀勖 食旨服美,所不堪也。不宜反覆,重傷其心,言用斷絕,柰何!柰何!帝遂以此禮終三年。 下旣以俯遵漢魏降喪之典,以濟時務,而躬蹈大孝,情過乎哀,素冠深衣,降席撤膳,雖武丁 三年之喪,自古達禮,誠聖人稱情立衷,明恕而行也。 食,殷憂內盈,毁悴外表。而躬勤萬機,坐而待旦,降心接下,仄不遑食,所以勞力者如 衣錦,誠詭然激切其心,非所以相解也。吾本諸生家,傳禮來 也。 相從已多,可試省孔子答宰我之言, ,<br />
諸所施行,<br />
皆如舊制。」<br />
詔曰:「每<br />
國念幽冥,<br />
而不得終<br />
苴経於<br />
草土,以存 大晉紹承漢魏,有革有因,期於足以興化而已,故未得皆返太素,同規上古也。 是以臣等悚息不寧,誠懼神氣用損,以疾大事。 聖韶,感以悲懷,輒思仲尼所以抑宰我之問,聖思所以不能已已,甚深甚篤。 、中軍將軍羊祜等奏曰:「臣聞禮典軌度,豐殺隨時,虞夏商周,咸不相襲,蓋 臣等以爲陛下宜割情以康時濟俗,輒敕御府易服,內者改 無事紛紜也。 陛下以萬乘之尊,履布衣之禮,服粗席橐,水 輒敕有司,改坐復常,率由舊典。 言及悲剝, 神靈 日遠,無所訴告,雖薄於情, 久,何心 柰何 ! 一旦便易此情於 自勝,柰何!柰 柰何 此痛,況當 一学等 坐,太 然 今

後居太后之喪亦如之。

耳,衣服何在。 服,義無所依。 從權制,釋除衰麻,羣臣百姓吉服,今者謁陵,以敍哀慕,若加衰経,進退無當。 志。 秋節,尙有餘暑,謁見山陵,悲感摧傷,羣下竊用竦息,以爲宜降抑聖情,以慰萬國。」 秀、尚書僕射武陔等奏:「陛下至孝蒸蒸,哀思罔極。 文所以迭用也。 制。」字等又奏曰:「臣聞聖人制作,必從時宜。 月之漸。 涼,便當行,不得如所奏也。 「孤煢忽爾,日月已周,痛慕摧感, 人子之情邪! 詔曰:「亦知不在此麻布耳。然人子情思,爲欲令哀喪之物在身,蓋近情也。 當見山陵,何心而無服,其以衰絰行。」字等重奏曰:「臣聞上古喪期無數, 泰始二年八月,詔曰:「此上旬,先帝棄天下日也,便以周年。 漢文帝隨時之義,制爲短喪,傳之于後。 思慕煩毒,欲詣陵瞻侍,以盡哀憤。主者具行備。」太宰安平王字、尚書令裴 諸君勤勤之至,豈苟相違。」 若君服而臣不服, 亦未之敢安也。 陛下隨時之宜,旣降心克己,俯就權制,旣除衰麻,而行心喪之禮,今復制 主者便具行備。」又詔曰:「漢文不使天下盡哀,亦帝王至謙之 永無逮及。 故五帝殊樂,三王異禮,此古今所以不同,質 欲瞻奉 陛下以社稷宗廟之重,萬方億兆之故,旣 參議宜如前奏。」 詔曰:「患情不能跂及 衰麻雖除,哀毁疏食,有損神和。 山陵,以敍哀憤,體氣自佳耳。 吾 、 當復何時一得敍 羣臣自當案舊 不敢奉韶。」 後世乃有年 一詔曰: 今雖 叉已

志

耳,然 就朝晡 軺輦 后崩,天下將吏發哀三日 耳,何爲限 愛,而 制,從當時之宜。」詔曰:「夫三年之喪,所以盡情致禮,葬已便除,所不堪也。 言用 始登翌室,猶戴冕臨朝。 之時異,誠有 司叉奏:「大行皇太后當以四月二十五日安厝。 斷 泰始四年,皇太后崩。 、版轝、細犢車皆施縑裏。」詔不聽,但令以布衣車而已,其餘居喪之制,不改禮文。有 無數年 今思存草土, 率當以吉物奪之, 臨位,御除服訖,各還所次除衰服。」詔曰:「夫三年之喪,天下之達禮也。 絕,柰何 以近制,使達喪闕然乎」羣臣又固請,帝流涕久之迺許。 由然,非忽禮也。 ·之報,柰何葬而便卽吉,情所不忍也。」有司又奏:「世有險易,道有洿隆,所遇 1 柰何」有司又固請。 降于漢魏,旣葬除釋,諒闇之禮,自遠代而廢矣。惟陛下割高宗之 止 有司奏:「前代故事、倚廬中施白縑帳、蓐、素牀、以布巾裹塊草、 方今戎馬未散,王事至殷,更須聽斷,以熙庶績。 迺所以重傷至心, 非見念也。 韶曰:「不能篤孝,勿以毀傷爲憂也。 故事,虞著衰服,旣虞而除。其內外官僚皆 文明皇后崩及武元楊 每代禮典質 誠知衣服末 當敍吾哀懷, 昔周康 受終身之 文皆不同

十五人云:「成帝不私親愛,越授天倫,康帝受命顯宗。 社稷之重,已移所授,纂承之序,宜 議。 尚書 穆帝崩,哀帝立。帝於穆帝爲從父昆弟,穆帝舅褚歆有表,中書答表朝廷無其儀,詔下 [僕射江虨等四人並云,閱僖兄弟也,而爲父子,則哀帝 應爲帝嗣。 **衞軍王述等二** 

繼康皇。」尚書謝奉等六人云:「繼體之正,宜本天屬,考之人情,宜繼顯宗也。」詔從述等議,

上繼顯宗。

月而練,二十五月而畢,禮之明文也。隱秋之義,閏在年內,則略而不數。明閏在年外,則 爲一月,故應以七月除者。臣等與中軍將軍沖參詳,一代大禮,宜準經典。三年之喪,十三 十六月乎。」於是啓曰:「或以閏附七月,宜用閏月除者。或以閏名雖附七月,而實以三旬別 群忌,限外取,不合卜遠之理。 又丞相<u>桓公嘗論云,禮二十五月大祥。 何緣越</u>春取閏,乃二 矣。漢書以閏爲後九月,明其同體也。」襲曰:「中宗、肅祖皆以閏月崩,祥除之變皆用閏之 踰朞。必所不了,則當從其重者。」|宏曰:「假值閏十二月而不取者,此則歲未終,固不可得 郎殷茂、中書郎車胤、左丞劉遵、吏部郎劉耽意皆同。康曰:「過七月而未及八月,豈可謂之 月祥。」尚書僕射謝安、中領軍王劭、散騎常侍鄭襲、右衞將軍殷康、驍騎將軍袁宏、散騎侍 「吳商中才小官,非名賢碩儒、公輔重臣、爲時所準則者。又取閏無證據,直擥遠日之義,越 八也,豈踰月之嫌乎」尚書令王彪之、侍中王混、中丞譙王恬、右丞戴謐等議異,彪之曰: 後月。先朝尙用閏之後月,今閏附七月,取之何疑,亦合遠日申情之言。又閏是後七而非 未,楚子卒,實閏月而言十二月者,附正於前月也。喪事先遠, 則應用博士吳商之言, 以閏 寧康二年七月,簡文帝崩再周而遇閨。博士謝攸、孔粲議:「魯襄二十八年十二月乙

義詳理 不應取之以越朞忌之重,禮制祥除必正朞月故也。」己酉晦,帝除縞卽吉。 言矣。彪之不能徵援正義,有以相屈,但以名位格人,君子虛受,心無適莫,豈其然哉!執 ,無顯據明文可以折中奪易,則 非疑 如何。 禮疑從重,喪易寧戚,順情通物, 徐廣論曰:「凡辨 固有成

政從而

行之,其殆過矣。」

陵 皇后王 大 春 爲 斷。」 未修復 喪 ,輒廢樂終三年。 魏武以正月崩,魏文以其年七月設妓樂百戲,是則魏不以喪廢樂也。 氏 喪 ,頻年元 亦廢樂。 會廢樂。 惠帝太安 孝武崩,太傅錄尚書會稽王道子議「山陵之後,通婚嫁不得作樂,以 是時太后臨朝,后父褚裒薨,元會又廢樂也。 元年,太子喪未除,及元會亦廢樂。 穆帝 孝武 永和 武帝以來,國有 中、爲 太元六年,爲 中原 Щ

漢儀,太皇太后、皇太后崩,長樂太僕、少府大長秋典喪事,三公奉制度,他皆如禮。 魏

晉亦同天子之儀。

尙 一書祠部奏從博士張靖議,皇太子亦從制俱釋服。 泰 始十年,武 元楊皇后崩,及將遷于峻陽陵,依舊制,旣葬,帝及羣臣除 博士陳逵議,以爲「今制所依,蓋漢帝權 喪卽 吉。 先是,

皆旣 志在 可謂 公未葬,請免喪以 理一 之喪二也。 於是尚書僕射盧欽、尚書魏舒問杜預證據所依。 宜復古典,卒哭除衰麻,以諒闇終制。於義旣不應不除,又無取於漢文,乃所以篤喪禮也。」 事,專謂王者三年之喪,當以衰麻終二十五月。嗣君苟若此,則天子羣臣皆不得除 吉。魏氏直以訖葬爲節,嗣君皆不復諒闇終制。 秦,率天下爲天子修服三年。漢文帝見其下不可久行,而不知古制,更以意制祥禪,除喪卽 者天子諸侯三年之喪始同齊斬,旣葬除喪服,諒闇以居,心喪終制,不與士庶同禮。漢氏承 制,興於有事,非禮之正。皇太子無有國事,自宜終服」。有詔更詳議。尚書杜預以爲一古 絕朞,唯 也。 葬除 終 居篤,更逼而不行。至今世主皆從漢文輕典,由處制者非制也。今皇太子與尊同體, 譏 服 其 有三年喪也。  $\stackrel{\cdot}{=}$ 非 服 燕樂已早,明旣葬應除,而違諒闇之節 周公不言高宗服喪三年,而云諒闇三年,此釋服心喪之文也。 年邪 諒 必 不 闇 能, 之證,先儒舊說,往往亦見,學者未之思耳。 聽命,君子謂之得禮。 上考七代,未知王者君臣 乃事勢不得,故知聖人不虛設不行之制。 非謂居喪衰服三年,與士庶同也。故后、世子之喪,而叔嚮稱 宰咺來歸惠公仲子之賵,傳曰『弔生不 上下衰 也。 預云…「傳稱三年之喪自天子達,此謂天子 學者非之久矣,然竟不推究經傳,考其行 (麻三年者誰,下推將來, 恐百 春秋,晉侯享諸侯,子產相 喪服,諸侯爲天子亦 仲尼日『禮所損益 叔嚮不譏景王除 及哀 鄭伯,時簡 世 雖百世可 斬衰,豈 一之主其 育三年 喪。 此

志

第

+

禮

中

六一九

知』,此之謂也。」於是歐、舒從之,遂命預造議,奏曰

崇孝道,所以風化天下。皇太子至孝著于內,而衰服除于外,非禮所謂稱情者也。 所以自盡,故聖人制禮,自上達下。是以今制,將東諸遭父母喪,皆假寧二十五月。 月,道有汚隆,禮不得全,皇太子亦宜割情除服」。博士陳達等議,以爲「三年之喪,人子 樂亭侯臣杜預稽首言:禮官參議博士張靖等議,以爲「孝文權制三十六日之服,以日易 臣山濤、尚書奉車都尉平春侯臣胡威、尚書劇陽子臣魏舒、尚書堂陽子臣石鑒、尚書豐 侍中尚書令司空魯公臣賈充、侍中尚書僕射奉車都尉大梁侯臣盧欽、尚書新沓伯

若一,而所居之宜實異,故禮不得同。易曰「上古之世喪期無數」,虞書稱「三載四海遏 薨,百官總己以聽於冢宰三年。」周景王有后、世子之喪,旣葬除喪而樂。 晉叔嚮譏之 密八音」,其後無文。 至周公旦,乃稱「殷之高宗諒闍三年不言」。其傳曰「諒,信也,闇, 默也」。下遠五百餘歲,而子張疑之,以問仲尼。仲尼答云:「何必高宗,古之人皆然,君 有以下爲貴者,唯其稱也。不然,則本末不經,行之不遠。天子之與羣臣,雖哀樂之情 自上及下,尊卑貴賤,物有其宜。故禮有以多爲貴者,有以少爲貴者,有以高爲貴者, 臣欽、臣舒、臣預謹案靖、逵等議,各見所學之一端,未曉帝者居喪古今之通禮也。

古文者也。 疑於當時,此乃賢聖所以爲譏,非譏天子不以服終喪也。 衰喪車皆無等。」此通謂天子居喪,衣服之節同於凡人, 心喪之禮終於三年, 亦無服喪 以荒大政也。禮記:「三年之喪,自天子達。」又云:「父母之喪,無貴賤一也。」又云:「端 三年之文。然繼體之君,猶多荒寧。自從廢諒闇之制,至令高宗擅名於往代,子張致 三年無改父之道,故百官總己聽於冢宰。喪服已除,故稱不言之美,明不復寢苫枕塊, 八音。由此言之,天子居喪,齊斬之制,菲杖絰帶,當遂其服。旣葬而除,諒闇以終之, 曰:「三年之喪,雖貴遂服,禮也。 王雖弗遂,宴樂已早,亦非禮也。」此皆天子喪事見於 稱高宗不云服喪三年,而云諒闇三年,此釋服心喪之文也。 譏景王不譏其

疏略,不師前聖之病也。 在浹辰之內,因以定制。近至明帝,存無陵寢,五旬乃葬,安在三十六日。此當時經學 自泰始開元,陛下追奪諒闇之禮,愼終居篤,允臻古制,超絕於殷宗,天下歌德,誠非憐 紅禪之除。雖不合高宗諒闇之義,近於古典,故傳之後嗣。于時預修陵廟,故斂葬得 夕哀臨,經罹寒暑,禁塞嫁娶飲酒食肉,制不稱情。是以孝文遺詔,斂畢便葬,葬畢制 |秦燔書籍,率意而行,亢上抑下。 漢祖草創,因而不革。 乃至率天下皆終重服,旦 魏氏革命,以旣葬爲節,合於古典,然不垂心諒闇,同譏前代。

等所能原本也。

凡人。 高宗所以致雍熙,豈惟衰裳而已哉! 喪,我王猶若此之篤也。凡等臣子,亦焉得不自勉以崇禮。此乃聖制移風易俗之本, 而諒闇以終制,天下之人皆曰我王之仁也。屈己以從宜,皆曰我王之孝也。 之記雜錯其間,亦難以取正。天子之位至尊,萬機之政至大,羣臣之衆至廣,不同之於 天子諸侯之禮,當以具矣。 故大行旣葬,祔祭于廟,則因疏而除之。己不除則羣臣莫敢除,故屈己以除之。 諸侯惡其害己而削其籍,今其存者唯士喪一篇, 戴聖 旣除而心

體,固宜遠導古禮,近同時制,屈除以寬諸下,協一代之成典。 卽吉於未央,薄后、竇后必不得齊斬於別宮,此可知也。 妻爲夫,妾爲主,皆三年。內宮之主,可謂無事。揆度漢制,孝文之喪,紅禪旣畢,孝景 用之。傳曰、「君行則守、有守則從、從曰撫軍、守曰監國」、不無事矣。喪服母爲長子、 升降皆從,不敢獨也。 年,此以至親屈於至尊之義也。 若如難者,更以權制自居,疑於屈伸厭降,欲以職事爲斷,則父在爲母朞,父卒三 禮: 諸子之職, 掌國子之倅。 出母之喪,以至親爲屬,而長子不得有制,體尊之義, 國有事則帥國子而致之太子,唯所 況皇太子配貳至尊,與國爲

君子之於禮,有直而行,曲而殺;有經而等,有順而去之,存諸內而已。 禮云非玉

徨寢殿。 帛之謂,喪云唯衰麻之謂乎?此旣臣等所謂經制大義,且卽實近言,亦有不安。今皇 身爲漢相,居喪三十六日,不敢踰國典,而況於皇太子。臣等以爲皇太子宜如前奏,除 殿省,亦難以繼。 太子至孝蒸蒸,發於自然,號咷之慕,匍匐殯宮,大行旣奠,往而不反,必想像平故,徬 若不變從諒闇,則東宮臣僕,義不釋服。此爲永福官屬,當獨衰麻從事,出入 今將吏雖蒙同二十五月之寧,至於大臣,亦奪其制。 昔翟方進自以

服諒闇制。三

于是太子遂以厭降之議,從國制除衰麻,諒闍終制。

段暢博採典籍,爲之證據,令大義著明,足以垂示將來。 實事成言,以爲定證,以弘指趣。其傳記有與今議同者,亦具列之,博舉二隅,明其會歸,以 于時外內卒聞預異議,多怪之。或者乃謂其違禮以合時。時預亦不自解說,退使博士 暢承預旨,遂撰集書傳舊文, 條諸

證斯事。文多不載。

衆議 羣官議帝應爲追制服,或以庶母慈己,依禮制小功五月,或以謂慈母服如母服齊衰者,〔三〕 慈養之服,謂宜祖載之日,可三朝素服發哀而已。」於是從之。 不同。 武帝楊悼皇后旣母養懷帝,后遇難時,懷帝尙幼,及卽位,中詔述后恩愛。 閻丘沖議云:「楊后母養聖上、蓋以曲情。今以恩禮追崇、不配世祖廟。 及后祖載, 王者無

志

康 帝建元元年正月晦,成恭杜皇后周忌,有司奏,至尊朞年應改服。 詔曰:「君親,名敎

之重 也 ,權制出於近代耳。」於是素服如舊,固非漢魏之典也。

叉啓:「 興 厭屈 寧元年,哀帝章皇太妃薨,帝欲服重。 私 :情,所以上嚴祖考。」於是制總麻三月。 江厳啓:「先王制禮,應在總服。」詔欲降朞,虨

資 敬之以君道,而服廢於本親。 事 **主** 母 之義。 孝武 而 敬 同。 寧康中,崇德太后褚氏崩。 魯譏逆祀,以明尊尊。 叉,禮,其夫屬父道者,其妻皆母道也。 謂應服齊衰朞。」於是帝制朞服 今上躬奉康、穆、哀皇及靖后之祀,致敬同於所天。 后於帝爲從嫂,或疑其服。 則夫屬君道,妻亦后道矣。 博士徐藻議,以爲:「資父 服后宜以 豊可

體算義 母以子 應同 孔安 於 國 隆 安四 為祖 貴、旣稱夫人、禮服從正。 重。 、祠部郎 年, 且禮,祖不厭孫,固宜 母後齊衰春。至永安皇后無服,但一舉哀,百官亦一 徐廣 孝武太皇太后李氏崩,疑所服。 議:「太皇太后名位允正,體同皇極,理 故成風顯夫人之號,文公服三年之喪。四子於父之所生, 逐服無屈,而緣情立 尚書左僕射何澄、右僕射王雅、尚書車胤 制。 若嫌明文不存,則疑斯從重,謂 制 備盡,情禮 春。」 韶可 彌申。 陽秋之義,

置家令典喪事。 孝 武 帝 太元十五 太子前衞率徐邈議:「喪服傳稱與尊者爲體,則不服其私親。 年,淑媛陳氏卒,皇太子所 生也。 有司參詳母以 子貴,贈淑媛爲夫人, 叉,君父所不

從之。

太元二十一年,孝武帝崩,孝武太后制三年之服。

明矣。 宜重之殤,皆士大夫不加服,而令至尊獨居其重,未之前聞也。」博士蔡克同粹。 殤後者尊之如父,猶無所加而止殤服,況以天子之尊,而爲無服之殤行成人之制邪!凡諸 未誓而殤,則雖十九當大功九月。 書令下粹曰:「太子始生,故已尊重,不待命誓。若衡議已誓不殤,則無服之子當斬衰三年, 虞云:「太子初生,舉以成人之禮, 而今注云『諸侯不降嫡殤重』。〔云〕嫌於無服,以大功爲重嫡之服,則雖誓,無復有三年之理 爲:「諸侯之太子,誓與未誓,尊卑體殊。 天子無服殤之義,絕朞故也。」於是從之。 惠帝太安元年三月,皇太孫尙薨。 男能衞社稷,女能奉婦道,以可成之年而有已成之事,故可無殤,非孩齔之謂也。爲 誓與未誓,其爲升降也微,斬衰與大功,其爲輕重也遠。 則殤理除矣。 有司奏,御服齊衰朞。詔下通議。散騎常侍謝衡以 喪服云爲嫡子長殤,謂未誓也,已誓則不殤也。」中 太孫亦體君傳重,由位成而服,全非以年 秘書監掌

忠 第

以兵守王宮,國有喪故,則衰葛執戈楯守門,葬則從車而哭。 佩」, 宜定新禮布衣劍如舊,其餘如新制。」詔從之。 干戈內外警設。明喪故之際,蓋重宿衞之防。 明在喪則無佩也,更制齊斬之喪不佩 魏氏 故事,國有大喪,羣臣凶服,以帛爲綬囊,以布爲劍衣。 劍綬。 去喪無所不佩,謂服飾之事,不謂防禦之用。 摯虞以爲「周禮武賁氏、士大夫之職也、皆 叉, 成王崩,太保命諸大夫以 新禮,以傳稱「去喪無所不

設吉駕,則宜有導從,以象平生之容,明不致死之義。 路,使以行。、壮喪禮,葬有橐車乘車,以載生之服。 曠左,則今之容車也。旣葬,日中反虞,逆神而還。 麻以服玄黃,除吉駕鹵簿。又,凶事無樂,遏密八音,除凶服之鼓吹。 漢魏故事,將葬,設吉凶鹵簿,皆以鼓吹。 顧命之篇足以明之。宜定新禮設吉服導從如舊,其凶服鼓吹宜除。」詔從之。 新禮以禮無吉駕導從之文,臣子不宜釋其衰 此皆不唯載柩,兼有吉駕之明文也。 春秋傳,鄭大夫公孫蠆卒,天子追賜大 臣子衰麻不得爲身而釋,以爲君父則 摯虞以為:「葬有祥 旣 車

爲名,除不輓歌。[t]摯虞以爲:「輓歌因倡和而爲摧愴之聲,銜枚所以全哀,此亦以感衆。 切 ,遂以爲送終之禮。雖晉曲摧愴,非經典所制,違禮設衡枚之義。 漢 魏 故事,大喪及大臣之喪,執紼者輓歌。新禮以爲輓歌出於漢武帝役人之勞歌,聲 方在號慕,不宜以歌

雖非經典所載,是歷代故事。 詩稱『君子作歌,惟以告哀』,以歌爲名,亦無所嫌。 宜定新禮

如舊。」詔從之。

『大功者主人之喪,有三年者則必爲之再祭』。鄭氏注云,『謂死者之從父昆弟來爲喪主也。 服斬者,謂鄰國之臣於鄰國之君,有猶君之義故也。今穆王旣不之國,不臣兄弟,敦不仕諸 以穆王不之國,敦不仕諸侯,不應三年。以義處之,敦宜服本服,一朞而除,主穆王喪祭三 侯,無鄰臣之義,異於閔僖,如符旨也。但喪無主,敦旣奉詔紹國,受重主喪,典其祭祀。 年畢,乃吉祭獻王。毓云:「禮,君之子孫所以臣諸兄者,以臨國故也。 宜依魯僖服閔三年例。尚書符詰靖:「穆王不臣敦,敦不繼穆,與閔僖不同。」孫毓、宋昌議, 遽主穆王之喪,而國制未除,則不得以己本親服除而吉祭獻王也。」 」 年者,敦當爲之主大小兩祥祭也。且哀樂不相雜,吉凶不相干。凶服在宮,哭泣未絕。敦 有三年者,謂妻若子幼少也』。『再祭,謂大小祥也』。穆妃及國臣於禮皆當三年,此爲有三 咸寧四年,陳留國上,燕公是王之父,王出奉明帝祀,今於王爲從父,有司奏應服朞,不 咸寧二年,安平穆王薨,無嗣,以母弟敦上繼獻王後,移太常問應何服。博士張靖答, 禮又與諸侯爲兄弟

以親疏尊卑爲降。 詔曰:「王奉魏氏,所承者重,不得服其私親。」穆帝時,東海國言,哀王薨

志

禮

中

踰 孫盛以爲:「廢三年之禮,開偸薄之源,漢魏失之大者也。今若以大夫宜奪以王事,〔5〕婦人 以王事奪之,非爲變禮也。 可終本服,是吉凶之儀雜陳於宮寢,綵素之制乖異於內外,無乃情禮俱違,哀樂失所乎! 【年,嗣王乃來繼,不復追服,羣臣皆已反吉,國妃亦宜同除。 詔曰:「朝廷所以從權制者, 婦人傳重義大,若從權制,義將安託」於是國妃終三年之禮。

服也者,不祭故也』。又,禮,天子父母之喪,未葬,越紼而祭天地社稷。斯皆崇嚴至敬,不 卿士,庶子爲後,各肆私情,服其庶母,同之於嫡。此末俗之弊,溺情傷敎,縱而 麻?以尊者爲體,不敢服其私親也。」此經傳之明文,聖賢之格言。 之情禮,失莫大焉。舉世皆然,莫之裁貶。就心不同,而事不敢異。 敢以私廢尊也。今身承祖宗之重,而以庶母之私,廢烝嘗之事。五廟闕祀,由一妾之終,求 遁忘返矣。 且夫尊尊親親,雖禮之大本,然厭親於尊,由來尙矣。 請臺省考修經典,式明王度。」不答。 此國風所以思古, 小雅所以悲歎。當今九服漸寧, 王化惟新, 誠宜崇明禮訓, 太元十七年,太常車胤上言:「謹案喪服禮經」。『庶子爲母總麻三月』。〔亞傳日,『何以總 禮記曰,『爲父後,出母無 而自頃開國公侯,至于 故正 一禮遂穨,而習非成 不革,則流 以一 風

十八年,胤又上言:「去年上,自頃開國公侯,至于卿士,庶子爲後者,服其庶母,同之於

爲體 斯。 之禮 豈非上行乎下,父行乎子!若**尊尊之心有時而替,宜厭之情觸事而申,祖宗之敬徼,而君臣** 有文 嫡,違禮犯制,宜加裁抑。事上經年,未被告報,未審朝議以何爲疑。若以所陳或謬,則經 禮,嚴宗廟之祀,厭庶子之服,所以經緯人文,化成天下。 依太宰故 聽依昔樂安王故事,制大功九月。 匹夫闕烝嘗之禮, **尊尊親親,立人之本,王化所由,二端而已。** 居廬三年之文,而頃年已來,各申私情,更相擬襲,漸以成俗。縱而不禁,則聖典滅矣。 請爲告書如左,班下內外,以定永制,普令依承,事可奉行。」詔可。 職之所司,不敢不言。 虧 ,不敢服其私親,此尊祖敬宗之義。 "若以古今不同,則晉有成典。 矣。 事,同服大功。若謹案周禮,則緦麻三月,若奉晉制,則大功九月。古禮今制,並無 嚴恪微於祖宗,致敬虧於事上,而欲俗安化隆,不亦難乎!區區所惜,實在於 習成穨俗, 宜被革正。 請臺參詳。」尚書奏:「案如辭輒 興寧三年,故梁王嶷又所生母喪,亦求三年。 升平四年,故太宰武陵王所生母喪,表求齊衰三年,詔 自頃陵遲,斯禮遂廢。 輒內外參詳,謂宜聽胤所上, 故先王設敎,務弘其極,尊郊社之敬,制越紼之 夫屈家事於王道, 厭私恩於祖宗, 下主者詳尋。 封國之君廢五廟之重,士庶 可依樂安王大功爲 依禮,庶子與尊者 庚子詔 夫

一、王爲三公六卿錫衰、爲大夫士疑衰、首服弁経。 天子諸侯皆爲貴臣貴妾服三月。

漢爲大臣制服無聞焉。 漢明帝時,東海恭王薨,帝出幸津門亭發哀。

及武帝咸寧二年十一月,詔「諸王公大臣薨,應三朝發哀者,踰月舉樂,其一朝發哀者,

三日不舉樂也」。

咸寧詔書雖不會經典,然隨時立宜,以爲定制,誠非羣下所得稱論。」 葬不食肉,比卒哭不舉樂』。古者君臣義重,雖以至尊之義,降而無服,三月之內,猶錫衰以 樂,其一朝發哀,三日不舉樂』,此舊事明文。」賀循答曰:「案禮雜記,『君於卿大夫之喪,比 居,不接吉事。故春秋晉大夫智悼子未葬,平公作樂,爲屠蒯所譏。 小會。」詔以遠表示賀循,又曰:「咸寧二年武皇帝故事云『王公大臣薨,三朝發哀,踰月舉 聖恩垂悼。禮,大夫死,廢一時之祭。祭猶可廢,而況餘事。冬至唯可羣下奉賀而已,未便 舉樂」,惻隱之心未忍行吉事故也。被尚書符,冬至後二日小會。臣以爲廣昌鄉君喪殯日, 元帝姨廣昌鄉君喪,未葬,中丞熊遠表云:「案禮『君於卿大夫,比葬不食肉,比卒哭不 如遠所啓,合於古義

卿大夫,比卒哭不舉樂。公主有骨肉之親,宜闕樂。」太常王彪之云:「案武帝詔,三朝舉哀, 王駿薨, [10]武帝並舉哀三日而已。中興已後, 更參論不改此制。今小會宜作樂。」二議竟 三旬乃舉樂,其一朝舉哀者,三日則舉樂。秦始十年春,長樂長公主薨,太康七年秋,扶風 升平元年,帝姑廬陵公主未葬,符問太常,冬至小會應作樂不。 博士胡訥議云:「君於

徒失守播越,自稱寄公。 刑厝之時,而著荒政十二。 是時天下又多此比,皆禮之所及。宜定新禮自如舊經。」詔從之。 禮備制待物,不以時衰而除盛典,世隆而闕衰敎也。 摯虞以為:「周禮作於 襲者王司

卿者,及朝廷公孤之爵,皆傍親絕朞,而傍親爲之服斬衰,卿校位從大夫者皆絕緦。擊虞以 會表上,漢朝依古爲制,事與古異,皆不施行,施行者著在魏科。 絕朞之制,而令傍親服斬衰之重也。 爲:「古者諸侯君臨其國,臣諸父兄,今之諸侯未同于古。 漢魏故事無五等諸侯之制,公卿朝士服喪,親疎各如其親。新禮王公五等諸侯成國置 諸侯旣然,則公孤之爵亦宜如舊。 未同于古,則其尊未全,不宜便從 大晉采以著令, 宜定新禮 昔魏武帝建安中已

尼之喪,門人疑於所服。 喪服無弟子為師服之制,新禮弟子為師齊衰三月。 子貢曰:『昔夫子之喪顏回,若喪子而無服,請喪夫子若喪父而無 擎虞以爲"「自古無師服之制,故仲

志第

禮中

皆如舊。」詔從之。

廢興, 師焉 也。 服。』遂心喪三年。 以彌高 先聖爲禮,必易從而可傳。 為得,故屢遷而不嫌,修業者以日新爲益,故舍舊而不疑。 則臧否由之而起, 子貢云,『夫何常師之有』。 此則懷三年之哀,而無齊衰之制也。羣居則絰,出則否,所謂弔服加麻 是非因之而爭,愛惡相攻,悔吝生焉。 師徒義誠重,而服制不著,歷代相襲,不以爲缺。且 淺學之師,暫學之師,不可皆爲之服。 仲尼稱『三人行,必有我 宜定新禮無服如舊。」詔 義有輕重,服有 一專師者

從之。

藏之宗廟,副在尙書、祕書、三府。明帝亦遵奉之。明帝性雖崇奢,然未遽營陵墓之制也。 存亡不黷也。 山爲體,無封樹,無立寢殿,造園邑,通神道。 自是皆省矣。魏文帝黃初三年,又自作終制曰「禮,國君卽位爲裨, 金璽,追加尊號,不敢開埏,乃爲石室,藏璽埏首,以示陵中無金銀諸 夏,日有不諱,隨時以斂,金珥珠玉銅鐵之物,一不得送。 以禮送終之制,襲稱之數,繁而無益,俗又過之,豫自制送終衣服四篋,題識其上,春秋冬 古者天子諸侯葬禮粗備,漢世又多變革。魏晉以下世有改變,大體同漢之制。 皇后及貴人以下不隨王之國者,有終沒,皆葬澗西,前又已表其處矣。」 夫葬者藏也,欲人之不得見也。 文帝遵奉,無所增加。 物也。 存不忘亡也。 漢禮 禮不墓祭,欲 明器甚多, 及受禪,刻 而魏武 壽陵因 此認

韶叉停之。 孝武帝太元四年九月,皇后王氏崩。 下,豈宜崇飾無用,陵中唯潔掃而已。」有司又奏,依舊選公卿以下六品子弟六十人爲挽郎, 凶門。後人出之門外以表喪,俗遂行之。薄帳,卽古弔幕之類也。」是時,又詔曰:「重壤之 葬,未有主,故以重當之。禮稱爲主道,此其義也。范堅又曰「凶門非禮,禮有懸重,形似 祭,繫於木,裹以葦席,置庭中,近南,名爲重,今之凶門是其象也。禮,旣虞而作主,今未 顯陽端門。韶曰:「門如所處。凶門柏歷,大爲煩費,停之。」案一蔡謨說,以二瓦器盛始死之 左初,元、明崇儉,且百度草創,山陵奉終,省約備矣。 葬,開崇陽陵,使太尉司馬望奉祭,進皇帝密璽綬於便房神坐。曰司魏氏金璽,此又儉矣。 五日一入臨,內官旦一入而已,過葬虞祭禮畢止。有司奏,大行皇后陵所作凶門柏歷門,號 奉成命,無所加焉。景帝崩,喪事制度又依宣帝故事。武帝泰始四年,文明王皇后崩,將合 宣帝豫自於首陽山爲土藏,不墳不樹,作顧命終制,斂以時服,不設明器。景、文皆謹 韶曰:「終事唯從儉速。」又韶:「遠近不得 成帝咸康七年,皇后杜氏崩。韶外官

古無墓祭之禮。 漢承秦,皆有園寢。 正月上丁,祠南郊禮畢,次北郊、明堂、高廟、世祖 遭山陵使。」有司奏選挽郎二十四人,韶停之。

廟,謂之五供。

殿遂絕。齊王在位九年,始一謁高平陵而曹爽誅,其後遂廢,終於魏世 衣服藏府,以從先帝儉德之志。」<br />
立帝自作終制,又曰「壽陵無立寢殿,造園邑」,自後園邑寢 省約。子以述父爲孝,臣以繫事爲忠。古不墓祭,皆設於廟。 魏武葬高陵,有司依漢立陵上祭殿。至文帝黃初三年,乃詔曰:「先帝躬履節儉,遺詔 高陵上殿皆毀壞,車馬還厩,

峻平陵,然遂不敢謁高原陵,至惠帝復止也。 及宣帝,遺詔「子弟羣官皆不得謁陵」,於是景、文遵旨。至武帝,猶再謁崇陽陵,一謁

也。 韶,**乃**不使人主諸王拜陵,豈唯百僚!謂宜遵奉。」於是施行。 及義熙初,又復江左之舊。 年,尚書左僕射桓謙奏:「百僚拜陵,起於中興,非晉舊典,積習生常,遂爲近法。尋武皇帝 朝,又拜陵,帝幼故也。至孝武崩,驃騎將軍司馬道子曰:「今雖權制釋服,至於朔望諸節, 自應展情陵所,以一周爲斷。」於是至陵,變服單衣,煩黷無準,非禮意也。及安帝元興元 成帝時,中宮亦年年拜陵,議者以爲非禮,於是遂止,以爲永制。至穆帝時,褚太后臨 逮于江左,元帝崩後,諸公始有謁陵辭告之事。 蓋由眷同友執,率情而舉,非洛京之舊

然元康中,陳準、傅咸之徒,循以權奪,不得終禮,自茲已往,以爲成比也。 七年,大鴻臚鄭默母喪、旣葬、當依舊攝職、固陳不起、於是始制大臣得終喪三年。

魏爲黃門郎,與前妻息死生隔絕,更娶昌母。今江表一統,昌聞前母久喪,言疾求平議 太康 元年,東平王楙上言,相王昌父毖,本居長沙,有妻息,漢末使入中國,值吳叛,仕

立正 許以改娶更適矣。今妻在許以更聘,夫存而妻得改醮者,非絕而何。」侍中領博士張惲議: 同爲 不命二嫡依此禮乎!父之執友有如子之禮,況事兄之母乎」許猛又議:「夫少婦稚,則不可 昌父更娶之辰,是前妻義絕之日也。使昌父尚存,二妻俱在,必不使二嫡專堂,兩婦執祭, 著於禮。平生不相見,去其加隆,以朞爲斷。」都令史虞溥議曰:「臣以爲禮不二嫡,所以重 沖從猛。 以爲「地絕,又無前母之制,正以在前非沒則絕故也。前母雖在,猶不應服。」段暢、秦秀、騶 「昔舜不告而娶,婚禮蓋闕,故堯典以釐降二女爲文,不殊嫡媵。傳記以妃夫人稱之,明不 正,非徒如前議者防妬忌而已。故曰『一與之齊,終身不改』,未有遭變而二嫡。苟不二,則 后也。 之齊也。」秦秀議:「二妾之子,父命令相慈養,而便有三年之恩,便同所生。昌父何義 守博士謝衡議曰:「雖有二妻,蓋有故而然,不爲害於道,議宜更相爲服。」守博士許猛 散騎常侍劉智安議:[1三]一禮爲常事制,不爲非常設也。 亡父母不知其死生者,不 推 姬氏 夫以 之讓,執黃卿之決,宜使各自服其母。」黃門侍郎崔諒 聖人之弘,帝者嫡子,猶權 事而變,以定典禮。黃昌之告新妻使避正室,時 、荀悝、中書監荀勖、

志

服母之理,則昌無疑於不服。」賊曹屬下粹議「昌父當莫審之時而娶後妻,則前妻同之於死 祖 伐,理又不通。愚以爲地絕死絕,誠無異也,宜一如前母,不復追服。」主薄劉卞議:「毖在南 禮無前母之服者,可謂以文害意。愚以爲母之不親,而服三年非一,無異於前母也。」倉曹屬 也。 也。 衛恒議:「或云,嫡不可二,前妻宜絕。此爲奪舊與新,違母從子,禮律所不許,人情所未安 必欲使子孫於沒世之後,追計二母隔絕之時,以爲並嫡,則背違死父,追出亡母。議者以爲 頟 今妻、[三廢其嫡子!不書|姜氏,絕不爲親,以其犯至惡也。 爲邦族、於北爲羈旅,以此名分言之,前妻爲元妃,後婦爲繼室。何至王路旣通,更當逐其 而義不絕。若生相及而後妻不去,則妾列於前志矣。死而會乎,則同祔於葬,無並嫡之實。 、大夫也,<br />
「□禮無二嫡,不可以並耳。若昌父及二母於今各存者,則前母不廢,已有明徵 一父母、諸父昆弟,而父稅喪,己則否」,諸儒皆以爲父以他故子生異域,不及此親存時歸見 通,何爲故當追而絕之邪!黃昌見美,斯又近世之明比。」司空齊王攸議:「禮記『生不及 中書令和 或云、絕與死同、無嫌二嫡,據其相及,欲令有服。此爲論嫡則死,議服則生,還自相 設令昌父將前母之子來入中國尙在者,當從出母之服。 苟昌父無棄前妻之命,昌兄有 、侍郎夏侯湛皆如溥議。 若違禮苟讓,何則春秋所當善也!論者謂地絕,其情終已不得往來。今地 侍郎山雄、兼侍郎著作陳壽以爲:「溥駁一與之齊, 趙姬雖貴,必推 叔隗, 原同雖

奉行」。 門人曰:『庶氏之女死,何爲哭於孔氏之廟!』子思懼,改哭於他室。若昌不制服,不得不吿 藏其墓次故也。且夫婦人牽夫,猶有所尊,趙姬之舉,禮得權通,故先史詳之,不譏其事耳。 其父祖,掘其前母之尸,徙之他地。若其不徙,昌爲罪人。何則。異族之女不得祔于先姑, 服一也。又,兩后匹嫡,自謂違禮,不謂非常之事而以常禮處之也。昔子思哭出母於廟,其 可不知,及其死亡,不得不服。但鞠養已者情哀,而不相見名制,「己也雖戚念之心殊,而爲之 之前者,則昌不應復服。生及母存,自應如禮以名服三年。輒正定爲文,章下太常報楙 今昌之二母,各已終亡,尚無並主輕重之事也。昌之前母,宜依叔隗爲比。若亡在昌未生 尚書八座以爲「設令有人於此,父爲敦煌太守,而子後任於洛,若父娶妻,非徒不見,乃

後狄與晉和,故姬氏得迎叔隗而下之。吳寇隔塞,毖與前妻,終始永絕。必義無兩嫡,則趙 制曰:「凡事有非常,當依準舊典,爲之立斷。今議此事,稱引趙姬、叔隗者粗是也。然

始終之義,不可求以循常之文,何羣議之紛錯!同產者無嫡側之別,而先生爲兄,諸侯同爵 太興初,著作郎干資論之日:「禮有經有變有權,王毖之事,有爲爲之也。有不可責以

故不應制服也。」

後、配以左右、兄弟肅雍、交酬奏獻,上以恕先父之志,中以高二母之德,下以齊兄弟之好, 使義風弘于王教,慈讓洽乎急難,不亦得禮之本乎!」 其子孫交相爲服,禮之善物也。 古之王者,有以師友之禮待其臣,而臣不敢自尊。今令先妻以一體接後,而後妻不敢抗,及 德,後妻崇卑讓之道,室人達長少之序,百姓見變禮之中。 若此,可以居生,又況於死乎! 衞恒,通于服絕之制,可以斷矣。朝廷於此,宜導之以趙姬,齊之以詔命,使先妻恢含容之 親,而恩否於時,敬不及生,愛不及喪,夫何追服之道哉!張惲、劉下,得其先後之節,齊王、 且 同室者寡,死而同廟者衆,及其神位,固有上下也。 無等級之差,而先封爲長。今二妻之入,無貴賤之禮,則宜以先後爲秩,順序義也。今生而 ·夫吉凶哀樂,動乎情者也,五禮之制,所以敍情而卽事也。 今二母者,本他人也,以名來 然則王昌兄弟相得之日,蓋宜祫祭二母,等其禮饋,序其先 故春秋賢趙姬遭禮之變而得禮情也。

服,訟于上下,泣血露骨,縗裳綴絡,數十年弗得從,以至死亡。 生陶, 是時,沛國 仲武 爲毌丘氏別舍而不告絕。 劉仲武先娶毋丘氏,生子正舒、正則二人。毋丘儉反敗,仲武出其妻,娶王 及世丘氏卒,正舒求祔葬焉,而陶不許。舒不釋

綏伯將母以歸邦族,兄弟交愛敬之道,二母篤先後之序,雍雍人無問焉。及其終也,二子交 時吳國朱某娶妻陳氏,生子東伯。 入晉,晉賜妻某氏,生子綏伯。 太康之中,某已亡,

志第

相爲服,君子以爲賢。

荀勖議曰:「昔郷里鄭子羣娶陳司空從妹,後隔呂布之亂,不復相知存亡,更娶郷里蘇氏女。 若為庶母服,又不成為庶。 徐州平定,陳氏得還,遂二妃並存。蔡氏之子字元釁,爲陳氏服嫡母之服,事陳公以從舅之 建去芰,古人以爲違禮而得禮。 也。故當斷之以禮,先至爲嫡,後至爲庶。丙子宜以嫡母服乙,乙子宜以庶母事丙。昔屈 尉荀顗議曰:「春秋並后匹嫡,古之明典也。今不可以犯禮並立二妻,不別尊卑而遂其失 人子所得正。 丙之子當何服? 本實並列,嫡庶不殊,雖二嫡非正,此失在先人,人子何得專制析其 造甲乙之問曰:「甲娶乙爲妻,後又娶丙,匿不說有乙,居家如二嫡,無有貴賤之差。 族兄宗伯曾責元釁,謂抑其親,鄉里先達以元釁爲合宜。不審此事粗相似否。」 安豐太守程諒先已有妻,後又娶,遂立二嫡。前妻亡,後妻子勳疑所服。 則乙丙之子並當三年,禮疑從重。」車騎賈充、侍中少傅任愷議略與鄭同。太 進退不知所從。」太傅鄭沖議曰:「甲失禮於家,二嫡並在,誠非 丙子非為抑其親,斯自奉禮先後貴賤順敍之義也。」中書監 中書令張華 乙亡, 親也。

曰:「溫嶠不拜,以未得改卜葬送,朝議又頗有異同。爲審由此邪。天下有闕塞,行禮制 建武元年,以溫嶠爲散騎侍郎,嶠以母亡值寇,不臨殯葬,欲營改葬,固讓不拜。 元帝

未令書 裁。 奔赴 吉 非 之 於 廷,將欲因時竭力,憑賴王威,以展其情,此乃嶠之志也。 誠 丘 臣,詳共通 嶠 金革之役者,豈營官邪。隨王事之緩急也。今桀逆未梟,平陽道斷,奉迎諸軍猶未得徑進, 物者當使理可經通。 古人之制三年,非情之所盡,蓋存亡有斷,不以死傷生耳。 例 区 畢 志 有 子導,侍中紀瞻,尚書周顗,散騎常侍荀邃等議,以「昔伍員挾弓去楚,爲吳行人以謀楚, 特一身,於何濟其私艱,而以理閡自疑,不服王 今嶠 之禮 葬 在 未 禮 也 一, 依 報讎,不苟滅身也。 無 留 無遠近之斷也。 以未得改卜奔赴,累設疾辭。 而 時不得之義也。 若骨肉殲於寇害,死亡漫於中原,而繼以遺賊未滅,亡者 ,服喪則 議 志 禮文,父喪未葬,日也唯喪主不除。 家 人子之情,哀痛無斷 如嶠比,吾將親裁其中。」於是太宰、西陽王蒙,司徒臨潁公組,驃騎將軍、即 巷也。 凶 事 未 以爲誠宜如明詔。」於是有司奏曰:「案如衆議,去建武元年九月下辛 若亡遇賊難,喪靈無處,求索理絕,固應三年而除,不 據,從吉則疑於不 諸 溫嶠遭難,昔在河朔,日尋干戈,志刷讎惡,萬里投身,歸赴朝 如 此, ,輒依未 皆依 案辛未之制,已有成斷,皆不得復遂其私情,不服王 東關 葬之義,久而 ·存 故事 以他故未葬,人子之情,不可居殯 ',心憂居素,出自 一命邪!其令三司八座、門下三省、外內羣 ,限行三年之禮 不除, 無緣道路未通,師 若遂 人情,有 畢 無收殯之實,存 其情, 而除 如 則 也。 此者,非官制 人 旅未進,而 唯二 居 得故 而 無限之喪, 者又 要經而服 除, 親 從 生 **入闕於** 故期 之所 未 更中 葬

志

命,以虧法憲。 參議可如前詔嶠受拜,重告以中丞司徒,諸如嶠比者,依康關故事辛未令書

之制。」嶠不得已,乃拜

亂清平,肆眚之後,尋覓無蹤跡者,便宜制服。」 吉凶未分,服喪則凶事未據,從吉則疑於不存,心憂居素,允當人情。」元帝令以循議 太興二年,司徒荀組云「二親陷沒寇難,萬無一 「二親爲戎狄所破,存亡未可知者,宜盡尋求之理。 是時中原喪亂,室家離析,朝廷議二親陷沒寇難,應制服不。太常賀循曰:「二親生離 一政不可廢故也。 **猶宜以哀素自居,不豫吉慶之事,待中壽而服之也。** 冀者,宜使依王法,隨例行 尋求之理絕,三年之外,便宜婚宦,胤嗣 喪。」庾蔚之云: 若境內賊 爲然

始不見絕,終又見迎,養姑於堂,子爲首嫡,列名黃籍,則詵之妻也。 嫡,故惠公元妃孟子,孟子卒,繼室以聲子。 疑制服,自己以事言征西大將軍庾亮府平議,時議亦往往異同。司馬王愆期議曰:「案禮 賊略將姊去。 室,故稱繼 咸康二年,零陵李繁姊先適南平郡陳詵爲妻,產四子而遭賊。 一母,事之如嫡,故曰如母也。 詵更娶嚴氏,生三子。 繁後得姊消息,往迎還詵,詵籍注領二妻。 詵不能遠慮避難,以亡其妻,非犯 諸侯猶爾,況庶人乎! 姊投身於賊,請活姑命, 士喪禮日,繼母本實繼 爲詵也妻,則爲暉也 七出見絕於詵 。及李亡,詵

等並云:「夫無窮之祚,名諡不一,若皆相避,於制難全。 如悉不避,復非推崇事尊之禮。 宜 也。 受命以來,祖宗號諡羣下未有同者,故郭奕爲景,與景皇同,不可聽,宜諡曰穆。」王濟、羊璞 爲武侯,文王表不宜與二祖同,於是改諡宣文、忠武。至文王受晉王之號,魏帝又追命宣文 應二妻而己涉二庭乎!若能下之,則趙姬之義。若云不能,官當有制。先嫡後繼,有自來 身於郤犨而不棄者,以非其罪也。旣有兩妻,非故犯法。字鄙野人,而能臨危請活姑命,險 理不盡,而便娶妻,誠詵之短也。然隴畝之夫,不達禮義,考之傳記不勝。日己施孝叔之妻失 其存乎!詵有老母,不可以莫之養,妻無歸期,納妾可也。字雖沒賊,尚有生冀,詵尋求之 有繼母,後子不及前母,故無制服之文。然於祠蒸嘗,未有不以前母爲母者, 母,暉之制服無所疑矣。禮爲繼母服而不爲前母服者,如李比類,曠世所希。 爲宣王,忠武爲景王。太康八年十月,太常上諡故太常平陵男郭奕爲景侯。有司奏云:「晉 不忘順,可謂孝婦矣。議者欲令在沒略之中,必全苦操,有隕無二,是望凡人皆爲宋伯姬 詵雖不應娶妻,要以嚴爲妻,妻則繼室,本非嫡也。 衆議貶譏太峻,故略序異懷。」亮從愆期議定。 五經通義以爲有德則諡善,無德則諡惡,故雖君臣可同。魏朝初諡宣帝爲文侯,景王 雖云非嫡,義在始終,寧可以詵不 亡猶母之,況 前母旣終,乃

志第十 禮中

簡。」及太元四年,侍中王欣之表君臣不嫌同諡,尚書奏以欣之言爲然。 議。」 顯。 依諱名之義,但及七廟祖宗而已,不及遷毀之廟。」成粲、武茂、劉訥並云:「同諡 國之大典,所以厲時作教,經天人之遠旨也。 又引周公父子同諡曰文。 故能使上下邁德,罔有怠荒。臣願聖世同符堯舜,行周同諡之禮,舍漢魏近制相避之 武帝詔曰:「非言君臣不可同,正以奕諡景不相當耳,宜諡 固雖君父,義有所不隆,及在臣子,或以行 非嫌。 號諡 日

以問 耳。」嶠傳 **耐於其妻,則不易牲。妻卒,而後夫爲大夫,而祔於其妻,則以大夫牲』。** 貴於室 則三人皆爲夫人也。 荷生 陳舒:「三人並得爲夫人不。」舒云:「禮記『其妻爲夫人而卒,〔日〕而後其夫不爲大 驃騎 ,雖先夫沒,榮辱常隨於夫也。 將軍 ,贈王、何二人夫人印綬,不及李氏 |加禮,則亡不應貶。| 庾蔚之云: 溫嶠前妻李氏,在嶠微時便卒。 自秦漢 已來,廢一 禮記曰『妻附於祖姑,祖姑有三人,則附 ::「賤時之妻不得並爲夫人,若有追贈之命則不論 娶九女之制,近世 又娶王氏、何氏,並在嶠 無復繼室之禮, 前死。 然則 大柴於 其親 及嶠薨,朝廷 先妻卒 者。 、朝,妻 大,而 則 更 如

婦。 春秋夫人有諡,不復依禮耳。 **春**秋 永 婦人有諡 十一年,彭城國爲李太妃 甚多,經無譏文,知禮 安平獻王李妃、琅邪武王諸葛妃、太傅東海王裴妃並無諡,今 水證。 得諡 博士曹耽之議: 也。」胡訥云:「禮,婦人生以 「夫婦行不 必同,不得以 夫爵, 死 以

婦人無諡』。 宜率舊典。」王彪之云:「婦人有諡,禮壞故耳。 春秋無譏之文,所謂不待貶絕自明者也。 聲子爲諡,服虔諸儒以爲非。 近世惟后乃有諡 耳。 杜預亦云『禮,

太尉荀顗上諡法云:「若賜諡而道遠不及葬者,皆封策下屬, 遣所承長吏奉策即家祭

賜諡。」

男臣先表中兵曹郎王祐名犯父諱,求解職,明韶爱發,聽許換曹,蓋是恩出制 人遂其心,則移官易職,遷流莫已,旣違典法,有虧政體。 互相 公諱』,無私諱。 司議云:「名終諱之,有心所同,聞名心瞿,亦明前誥。 瞻式,源流既啓,莫知其極。 太元十三年,召孔安國爲侍中。 又云『詩書不諱,臨文不諱』。 夫皇朝禮大,百僚備職,編官列署,動相經涉。 安國表以黃門郎王愉名犯私諱,不得連署,求解。 **豈非公義奪私情**,王制屈家 而禮復云『君所無私諱, 請一斷之。」從之。 禮哉 外 耳。 1 大夫之所有 若以私諱 尚書安衆 而 頃者 有

## 校勘記

天下之達禮者也 拾補:「者」字衍。 按:禮記檀弓及下文並無「者」字。

除服 諒 闇 制 周校、「制」上脱「終」字。 按:通典八三有「終」字。下文「諒闇終制」亦可證。

[[]] 慈母服如母 | 李校:「服」字符。此用喪服文。

志第十 校勘記

- 文公 各本作「昭公」,局本改作「文公」,與后妃傅及通考一二一合,今從局本。
- 五二 爲祖 母後齊衰春 考異: 后妃傳作「齊衰三年」。 **斠注:宋書徐廣傳亦作「三年」。** 按:據喪服小

記,作「三年」是。

- 諸侯不降嫡殤重 (機體喪服鄭注作「不降適殤者、重適也」。 此「重」字下當有「適也」二字。
- [4]除不輓歌「不」字疑衍。
- [八] 今若以大夫宜奪以王事 李校:「大夫」當作「丈夫」。
- ... 八九 山 庶子爲母緦麻三月 喪服原文「庶子」下有「爲父後者」四字。 下文所言亦指庶子之爲父後者。
- (10) 扶風王駿薨 「駿」原作「亮」。、考異:本紀是年九月扶風王駿薨,非亮也。 今據改。
- [11] 公爲所寓 ·喪服經傳「寄公爲所寓」,此脫「寄」字。
- 密璽 「密」當作「蜜」,山濤傳云「贈司徒蜜印」,陶侃傳云「追贈大司馬,假蜜章」,蓋以蠟爲之,

故曰「蜜」。

劉智安 **(料)**注 劉智爲劉寔弟,誤衍「安」字,否則「安」上有脫文,或別有一人。 按:劉寔傅作

「劉智」。

- 口四〕非大夫也 拾補:「大」疑誤。
- CI 五 更當逐其今妻 | 李校:「今」當作「前」。

- [1六] 而不相見名制 拾補"「見」下當有「者」字。
- 〔1 1 父喪未葬 此用喪服小記,「父」當作「久」。
- 洗疑 制服 拾補:通典四八「制」作「暉」、蓋<br/>
  蓋<br/>
  武子也、與下文「爲暉也母」相應。
- [12] 考之傳記不勝 拾補:「不勝二二字衍。
- 其妻爲夫人而卒 此出禮記喪服小記、「夫人」當作「大夫」。

# 晉書卷二十一

## 志第十一

#### 禮下

後,舊典殘缺。漢興,始使叔孫通制禮,參用先代之儀,然亦往往改異焉。漢儀有正會禮, 正旦,夜漏未盡七刻,鍾鳴受賀,公侯以下執贄夾庭,二千石以上升殿稱萬歲,然後作樂宴 五禮之別,三曰賓,蓋朝宗、觀遇、會同之制是也。自周以下,其禮彌繁。自秦滅學之

饗。魏武帝都鄴,正會文昌殿,用漢儀,又設百華燈。 晉氏受命,武帝更定元會儀,咸寧注是也。傅玄元會賦曰:「考夏后之遺訓,綜殷周之

典藝,探索漢之舊儀,定元正之嘉會。」此則兼採衆代可知矣。

報,又賀皇后。還,從雲龍東中華門入,詣東閤下,便坐。漏未盡七刻,百官及受贄郎官以 咸寧注:「先正一日,有司各宿設。夜漏未盡十刻,羣臣集到,庭燎起火。上賀,起,謁

第十一 禮下

殿,千石、六百石停本位。謁者引王詣樽酌壽酒,跪授侍中。侍中跪置御坐前,王還。王自 酌置位前,謁者跪奏『藩王臣某等奉觴,再拜上千萬歲壽』。四廂樂作,百官再拜。已飮,又 拜訖,坐。御入後三刻又出,鐘鼓作。謁者、僕射跪奏『請羣臣上』。謁者引王公二千石上 樂以次作。乘黃令乃出車,皇帝罷入,百官皆坐。晝漏上水六刻,諸蠻夷胡客以次入,皆再 千石以下同。成禮訖,以贄授贄郎,郎以璧帛付謁者,羔、雁、雉付太官。太樂令跪請奏雅樂, 御坐前,復再拜。 成禮訖,謁者引下殿,還故位。 公置壁成禮時, [三] 大行令並讚殿下,中二 西,皆北面伏。鴻臚跪讚『太尉、中二千石等奉璧、皮、帛、羔、雁、雉,再拜賀』。太常讚『皇帝 是公、特進、匈奴南單于、金紫將軍當大鴻臚西,中二千石、二千石、千石、六百石當大行令 拜。跪置壁御坐前,復再拜。成禮訖,謁者引下殿,還故位。掌禮郎讚『皇帝延太尉等』。於 各一,再拜賀』。太常報『王悉登』。謁者引上殿,當御坐。皇帝興,王再拜。皇帝坐,復再 官起。大鴻臚跪奏『請朝賀』。 掌禮郎讚『皇帝延王登』。 再拜。謁者引王等還本位。陛下者傳就席,羣臣皆跪諾。侍中、中書令、尚書令各於殿上 延公等登』。掌禮引公至金紫將軍上殿。[1]皇帝興,皆再拜。皇帝坐,又再拜。 跪置壁皮帛 位定。漏盡,侍中奏外辨。皇帝出,鐘鼓作,百官皆拜伏。太常導皇帝升御坐,鐘鼓止,百 下至計更皆入立其次,其陛衞者如臨軒儀。漏未盡五刻,謁者、僕射、大鴻臚各各奏羣臣就 大鴻臚跪讚『藩王臣某等奉白璧

官奉壽酒,謂之晝會。別置女樂三十人於黃帳外,奏房中之歌。 『請罷退』。鐘鼓作,羣臣北面再拜,出。」然則夜漏未盡七刻謂之晨賀,晝漏上三刻更出,百 吹令又前跪奏『請以次進衆伎』。乃召諸郡計吏前,受敕戒於階下。宴樂畢,謁者一人跪奏 太樂令跪奏『奏食舉樂』。太官行百官飯案逼。食畢,太樂令跪奏『請進樂』。樂以次作。 令持羹跪授司徒,持飯跪授大司農,尚食持案並授持節,持節跪進御坐前。[B] 行百官酒。太樂令跪奏『奏登歌』,三終乃降。太官令跪請具御飯,到階,羣臣皆起。 上壽酒。 登歌樂升,太官又行御酒。[三]御酒升階,太官令跪授侍郎,侍郎跪進御坐前。乃 羣臣就席。 鼓

獸,若有能獻直言者,則發此樽飲酒。案禮,白獸樽乃杜舉之遺式也,爲白獸蓋,是後代所 乃出受賀。皇太子出會者,則在三恪下王公上。正旦元會,設白獸樽於殿庭,樽蓋上施白 爲,示忌憚也。至 江左多虞,不復晨賀。夜漏未盡十刻,開宣陽門,至平旦始開殿門,畫漏上五刻,皇帝

· 諸侯之國,其王公以下入朝者,四方各爲二番,三歲而周,周則更始。 明年來 魏制,藩王不得朝覲。魏明帝時,有朝者皆由特恩,不得以爲常。及秦始中,有司奏: ,朝之後,更滿三歲乃復朝,不得違本數。「KI 朝禮皆親執璧,如舊朝之制。不朝 若臨時有故,却在明

志第

十

醴

之歲,各遣卿奉聘。」奏可。江左王侯不之國,其有受任居外,則同方伯刺史二千石之禮,亦

無朝聘之制,故此禮遂廢。

饗會。 樂。百官受賜,宴饗,大作樂,如元正之儀。 進璧。百官皆賀,二千石以上上殿稱萬歲,舉觴。 石以下雉。三公奉璧上殿御坐前,北面。太常讚曰『皇帝爲君興』。三公伏。皇帝坐,乃前 儀亞於獻歲之旦。 漢以高帝十月定秦,且爲歲首。至武帝,雖改用夏正,然每月朔朝,至於十月朔,猶常 其儀,夜漏未盡七刻,受賀及贄,公侯璧,中二千石、二千石羔,千石、六百石雁,四百 魏晉則冬至日受方國及百僚稱賀,因小會。 御食,司徒奉羹,大司農奉飯,奏食舉之

務,非舊章也。明帝凡三東巡狩,所過存問高年,恤疾苦,或賜穀帛,有古巡幸之風焉。齊 王正始元年,巡洛陽縣,賜高年力田各有差。 古者帝王莫不巡狩。魏文帝值天下三分,方隅多事,皇輿亟動,役無寧歲,蓋應時之

職,不然則行人順省。「己故雖幽遐側微,心無壅隔,下情上通,上指遠諭,至于鰥寡,罔不得 及武帝泰始四年,韶刺史二千石長吏曰:「古之王者,以歲時巡狩方岳,其次則二伯述

其旂』。宜定新禮,建旗如舊禮。」詔可其議。然終晉代,其禮不行。 虞以爲:「觀禮,諸侯觀天子,各建其旗。旗章所以殊爵命,示等威。 戒,與使者盡之,無所隱諱。方將虛心以俟,其勉哉勖之,稱朕意焉。」 條奏,俾朕昭然鑒于幽遠,若親行焉。大夫君子,其各悉乃心,敬乃事,嘉謀令圖,苦言至 **貧爲一書,其康樂和親安平爲一書,每國辨異之,以返命于王。』舊章前訓,令率由之。** 姓之利害爲一書,其禮俗政事刑禁之逆順爲一書,其暴亂作慝犯令爲一書,其札喪凶荒厄 史二千石長吏,申諭朕心,訪求得失損益諸宜,觀省政教,問人間患苦。 事,下之未乂,其何以恤之。今使使持節侍中副給事黃門侍郎銜命四出,周行天下,親見刺 慮 方水旱災害,爲之怛然。 所,用垂風遺烈,休聲猶存。 朕在位累載,如臨深川,夙興夕惕,明發不寢,坐而待旦,思四 有不周,政刑失謬,而弗獲備覽。百姓有過,在予一人。惟歲之不易,未遑卜征巡省之 新禮,巡狩方嶽,柴望告設壝宮如禮。諸侯之覲者,賓及執贄皆如朝儀,而不建旗。 封禪之說,經典無聞。禮有因天事天,因地事地,因名山升中于天,而鳳皇降,龜龍格 勤躬約己,欲令事事當宜。常恐衆吏用情,誠心未著,萬機兼猥, 詩稱『君子至止,言觀 周典有之曰:『其萬 還具

天子 所以巡狩,至于方嶽,燔柴祭天,以告其成功,事似而非也。讖緯諸說皆云,王者封漆 志 + ፑ 六五三

山,禪梁甫,易姓紀號。秦漢行其典,前史各陳其制矣。

當止岱嶽之禮。且去歲破吳虜於江漢,今茲屠蜀賊於隴右,其震蕩內潰,在不復淹,無累於 蕩滌餘穢,未遑斯事。 若爾,三苗屈强於江海, 大舜當廢東巡之儀,徐夷跳梁於淮泗, 周成 過也。然則元功懿德,不刊梁山之石,無以顯帝王之功,示兆庶不朽之觀也。 以自古革命受符,未有不蹈梁父,登泰山,刊無竟之名,紀天人之際者也。 上天報應,嘉瑞顯祥,以比往古,無所取喩。至於歷世迄今,未發大禮。雖志在掃盡殘盜, 接千載之衰緒,繼百代之廢業。始自武文,至于聖躬,所以參成天地之道,綱維人神之化。 文以來,七十二君,或順所繇於前,謹遺敎於後。太史公曰,主上有聖明而不宣布,有司之 以來,封禪者七十餘君耳。故太史公曰,雖有受命之君,而功有不洽,是以中間曠遠者千有 封禪之事也。此儀久廢,非倉卒所定。宜下公卿,廣撰其禮,卜年考時,昭告上帝,以副天 而歎堯舜之美,譬猶人子對厥所生而譽他人之父』。今大魏承百王之弊亂,拯流遁之艱厄, 公登泰山之志乎!吾不欺天也。濟之所言,華則華矣,非助我者也。公卿侍中尚書常侍省 餘年,近者數百載,其儀闕不可得記。吾何德之修,敢庶茲乎!濟豈謂世無管仲,以吾有桓 下之望。臣待罪軍旅,不勝大願,冒死以聞。」詔曰:「聞蔣濟斯言,使吾汗出流足。 明帝黃初中,云護軍蔣濟奏曰:「夫帝王大禮,巡狩爲先,昭祖揚禰,封禪爲首。 故司馬 語曰。當君 相 如謂有 自開

之而已,勿復有所議,亦不須答詔也。」天子雖距濟議,而實使高堂隆草封禪之儀,以天下未

一,不欲便行大禮。會隆卒,不復行之。

緒。金德將升,世濟明聖,外平蜀漢,海內歸心,武功之盛,實由文德。 者,不可勝記。大晉之德,始自重黎,實佐顓頊,至于夏商,世序天地。其在于周,不失其 世,揮揚仁風,以登封泰山者七十有四家,其諡號可知者十有四焉。 舒、尚書劉寔、司空張華等奏曰:「臣聞肇自生靈,則有后辟,年載之數,莫之能紀。立德濟 告,雖古河圖洛書之徵,不是過也。宜宣大典,禮中嶽,封泰山,禪梁父,發德號,明至尊,享 黃軒之征,大禹遠略,周之奕世,何以尚今!若夫玄石素文,底號前載,象以數表,言以事 兵威暫加,數旬蕩定。羇其鯨鯢,赦其罪逆,雲覆雨施,八方來同,聲教所被,達于四極。雖 阼,弘建大業,羣生仰流。惟獨江湖沅湘之表,凶桀負固,歷代不賓。 神謀獨斷,命將出討, 望也。」詔曰:「今逋寇雖殄,外則障塞有警,內則百姓未寧,此盛德之事,所未議也。」 天休,篤黎庶,勒千載之表,播流後之聲,俾百世之下,莫不興起。斯帝王之盛業,天人之至 及武帝平吳,混一區宇,太康元年九月庚寅,尚書令衞瓘、尚書左僕射山濤、右僕射魏 沈淪寂寞, 至于陛下,受命踐 曾無遺聲

過之。天人之道已周,巍巍之功已著,宜修禮地祇,登封泰山,致誠上帝,以答人神之願也。 **瓘等又奏曰:「今東漸于海,西被流沙,大漠之陰,日南北戶,莫不通屬,芒芒禹跡,今實** 

志

乞如前奏。」詔曰:「今陰陽未和,刑政未當,百姓未得其所,豈可以勒功告成邪」,詔不許。

望羣后思隆大化,以寧區夏,百姓獲乂,與之休息。斯朕日夜之望,無所復下諸府矣。」 於克定歲月,須五府上議,然後奏聞。」詔曰:「雖蕩淸江表,皆臨事者之勞,何足以告成。 **其事。臣等前奏,蓋陳祖考之功,天命又應,陛下之德,合同四海,迹古考今,宜修此禮。至** 而未居。夫三公職典天地,實掌人物,國之大事,取議於此。故漢氏封禪,非是官也,不在 之容,告成之典。 **瓘等又奏曰:「臣聞處帝王之位者,必有曆運之期,天命之應;濟兆庶之功者,必有盛德** 無不可誣,有不敢讓,自古道也。而明詔謙沖,屢辭其禮,雖盛德攸在,推

庶績。 且俟他年,無所復紛紜也。」 晉之典謨,不同風於三五。臣等誠不敢奉詔,請如前奏施行。」詔曰:「方當共思弘道,以康 能究論。而聖旨勞謙,屢自抑損,時至弗應,推美不居,闕皇代之上儀,塞靈祇之款望,使大 未有辭焉者,蓋不可讓也。今陛下勳高百王,德無與二,茂績宏規,巍巍之業,固非臣等所 |瓘等又奏:「臣聞唐虞三代濟世弘功之君,莫不仰承天休,俯協人志,登介丘,履梁父,

策。文王爲西伯以服事殷,周公以魯藩列于諸侯,或享于岐山,或有事泰山,徒以聖德,猶 有天下也,巡狩四嶽,躬行其道。。易著觀俗省方,禮有升中于天,詩頌陟其高山,皆載在方 王公有司叉奏、「自古聖明,光宅四海,封禪名山,著於史籍,作者七十四君矣。」舜禹之

不勝大願,敢昧死以聞。 朝,憲章古昔,勒功岱嶽,登封告成,弘禮樂之制,正三雍之典,揚名萬世,以顯祖宗。是以 若茲者歟!臣等幸以千載得遭運會,親服大化,目覩太平,至公至美,誰與爲讓。 開王業,海外有截;世宗景皇帝濟以大功,輯寧區夏,太祖文皇帝受命造晉,盪定蜀漢,陛下 地險俗殊,人望絕塞。今不羈之寇,二代而平,非聰明神武,先天弗違,孰能巍巍其有成功 應期龍興,混一六合,澤被羣生,威震無外。昔漢氏失統,吳燭鼎峙,兵興以來,近將百年, 得爲其事。 自是以來,功薄而僭其義者,不可勝數,號諡不泯,以至于今。況高祖宣皇帝肇 請告太常,具禮儀。」上復詔曰:「所議誠列代之盛事也,然方今未 宜祖述先

可以爾。」便報絕之。

經曰『紀季姜歸于京師』,傳曰『父母之於子,雖爲天王后,猶曰吾季姜』,言子尊不加父母 極,寧當忍父卑賤,不以徽號顯之,豈不以子無爵父之道,理窮義屈,靡所厝情者哉!春秋 之性,盡事親之禮,貴爲天王,富有四海,而瞽叟無立錐之地,一級之爵。蒸蒸之心,昊天罔 也。或以爲子尊不加父母,則武王何以追王太王、王季、文王乎。周之三王,德配天地,王 迹之興,自此始也。是以武王仰尋前緒,遂奉天命,追崇祖考,明不以子尊加父母也。案禮 哀帝即位,欲尊崇章皇太妃。桓溫議宜稱太夫人。尚書僕射江虨議曰:「虞舜體仁孝

太夫人。皇,君也,君太夫人於名禮順矣。」帝特下詔拜皇太妃。三月丙辰,使兼太保王恬 后以下有夫人九嬪,無稱妃焉。」桓公謂宜進號太夫人,非不允也。如以夫人爲少,可言皇 且人主舉動,史必書之。如當載之方策,以示後世,無乃不順乎!竊謂應告顯宗之廟,稱貴 地卑,名位定矣,母貴子賤,人倫序矣。雖欲加崇貴人,而實卑之,雖顯明國典,而實廢之。 得爲夫人。不審直子命母邪,故當告於宗祧以先君之命命之邪。竊見詔書,當臨軒拜授貴 不應盡敬。」 授璽綬儀服,一如太后。又詔曰:「朝臣不爲太妃敬,爲合禮不。」太常江逌議:「位號不極, 人仁淑之至,宜加殊禮,以酬鞠育之惠。奉先靈之命,事不在己。妃后雖是配君之名,然自 人爲皇太妃。今稱皇帝策命命貴人,斯則子爵母也。貴人北面拜受,斯則母臣子也。天尊 以尊號,而厚其金寶幣帛,非子道之不至也,蓋聖典不可踰也。當春秋時,庶子承國,其母 太公,荀悅以爲孝莫大于嚴父,而以子貴加之父母,家令之言過矣。爰逮孝章,不上賈貴人 『幼不誄長,賤不誄貴』,幼賤猶不得表彰長貴,況敢錫之以榮命邪!漢祖處家令之言而尊

后,並不開墓位,更爲塋域制度耳。」 孝武追崇會稽鄭太妃爲簡文太后,詔問「當開墓不」。王珣答:「據三祖追贈及中宗敬

**褚太后臨朝時,議褚裒進見之典。蔡謨、王彪之並以:「虞舜、漢高祖猶執子道,況后** 

,!王者父無拜禮。」尚書八座議以爲:「純子則王道缺,純臣則孝道虧。 謂公庭如臣,私覿

則嚴父爲允。」

太子稱臣之制。 漢魏故事,皇太子稱臣。 擊虞以為:「孝經『資於事父以事君』,義兼臣子,則不嫌稱臣,宜定新禮皇 新禮以太子旣以子爲名,而又稱臣,臣子兼稱,於義不通,除

太子稱臣如舊。」

韶從之。

卿內外通議,使必允禮中。」尚書令下臺議以爲:「周禮王后太子不會,明禮同於君,皆所以 立,郊告天地,正位儲宮,豈得同之皇子揖讓而已。謂宜稽則漢魏,闔朝同拜。」從之。 啓革。今所幼沖之年,便臣先達,將令日習所見,謂之自然,此豈可以教之邪! 主者其下公 方之於士。而漢魏以來,尊崇儲貳,使官屬稱臣,朝臣咸拜,此甚無謂。 重儲貳,異正嫡。 苟奉之如君,不得不拜矣。 太子若存謙沖,故宜答拜。 臣以爲皇太子之 |太寧三年三月戊辰,明帝立皇子||衍爲皇太子。癸巳,詔曰:「禮無生而貴者,故帝元子 吾昔在東宮,未及

之證也。 朱衣褠幘,拜敬,太子答拜。案經傳不見其文,故太傅洋祜牋慶太子,稱叩頭死罪,此則拜 太元中,尚書符問王公已下見皇太子儀及所衣服。侍中領國子博士車胤議:「朝臣宜 又太寧三年詔議其典,尚書卞壼謂宜稽則漢魏,日園朝同拜。 其朱衣冠冕,惟施

志

之天朝,宜構幘而已。」朝議多同。

繁、穆子是方應爲君,非陳留之比。」 之云:「二王之後,不宜輕致廢立。」記傳未見有已爲君而疾病退罷者,當知古無此禮。」孟 罷,詔禮官博士議之。博士曹耽云:「勵爲祭主而無執祭之期,宜與穆子、孟繁事同。」王彪 皇太子雖國之儲貳,猶在臣位,陳留王坐應在太子上。」陳留王勵表稱疾病積年,求放 |太元十二年,議二王後與太子先後。 博士庾弘之及尚書參議,並以爲:「陳留,國之上

之意 敬事 勞還,杕杜以勤歸。』皆作樂而歌之。今命大使,拜輔相,比於下國之臣,輕重殊矣。 將帥,遣使臣,皆有樂。 祀 也』,是以命使之日,御親臨軒,百僚陪列,此即敬事之意也。 使整,楚子饗之,郤至辭曰:『不忘先君之好,貺之以大禮,重之以備樂。』 宴饗,則無設樂之制。 可知矣。公侯大臣,人君所重,故御坐爲起,在輿爲下,言稱伯舅。 而明義,非爲耳目之娛,故冠亦用之,不惟宴饗。宴饗之有樂,亦所以敬賓也。 咸康四年,成帝臨軒,遣使拜太傅、太尉、司空。 儀注,太樂宿縣於殿庭。 門下奏,非祭 故詩序曰:『皇皇者華,君遣使臣也。』又曰:『采薇以遣之,出車以 太常蔡謨議曰:「凡敬其事 則備其禮,禮備則制有樂。 古者,天王饗下 傳曰『國卿,君之貳 尋斯辭也,則 國之使,及命 樂者,所以 故卻 輕誠 宴樂

也。 其防,猶有僭違。 名位不同,本無酬報。禮無不答,義不謂此。先聖殊嫡庶之別,以絕陵替之漸。 漢魏故事,王公羣妾見於夫人,夫人不答拜。新禮以爲禮無不答,更制妃公侯夫人答 擊虞以爲:「禮,妾事女君如婦之事姑,妾服女君朞,女君不報,則敬與婦同而 宜定新禮,自如其舊。」詔可其議。 又加賤 峻明

宮。 陣。 束 馬朱鬣,躬執弩射牲,牲以鹿麛。太宰令、謁者各一人載以獲車,馳送陵廟。 習,可無四時講武。 奏:「古四時講武、皆於農隊。 帛 古語 五禮之別,其四曰軍,所以和外寧內,保大定功者也。但兵者凶事,故因蒐狩而習之。 既還,公卿已下陳雅陽前街,乘輿到,公卿已下拜,天子下車,公卿親識顏色,然後 以 漢 賜武官。 儀,立秋之日,自郊禮畢,始揚威武,斬牲於東門,以薦陵廟。其儀,乘輿御戎路,白 日 在車下車,則惟 武官肄兵,習戰陣之儀。 但以立秋擇吉日大朝車騎、號曰閱兵、[10]上合禮名,下承漢制。」奏可 此時施行。 漢西京承秦制,三時不講,惟十月都試。 漢世 斬牲之禮,名曰貙劉。 率以爲常。 至獻帝建安二十一年,魏 兵官皆肄孫吳兵法六十四 今金革未 還宮,遣使者齎 ·偃,士衆素 國 有司

志第

郊,公卿相儀 是冬,閱兵,魏王親執金鼓以令進退。 ,王御華蓋,親令金鼓之節。 延康元年,魏文帝爲魏王。是年六月立秋,閱兵于東 魏明帝太和元年十月,又閱兵。

仗。 進退 成帝 也。 武帝泰始四年九月,咸寧元年,太康四年,六年冬,皆自臨宣武觀,大閱衆軍,然不自令 咸和中,詔內外諸軍戲兵於南郊之場,故其地因名鬭場。 自惠帝以後,其禮遂廢。 元帝太興四年,詔左右衞及諸營教習,依大習儀作雁羽 自後藩鎭桓、庾諸方伯

**書受節鉞,依古兵書跪而推轂之義也** 漢魏 故事、遣將出征、符節郎授節鉞於朝堂。 其後荀顗等所定新禮,遣將,御臨軒,尚

往往閱習,然朝廷

無事焉。

婚飲食之法又多遷變。 五 一禮之別,其五曰嘉,宴饗冠婚之道於是乎備。 周末崩離,賓射宴饗之則罕復能行,冠

以爲夏末上下相亂,篡弑由生,故作公侯冠禮,則明無天子冠禮之審也。 筮日筮賓,冠於阼以著代,醮於客位,三加彌尊,皆士禮耳。 者五十而 周禮 後爵,何大夫冠禮之有。 雖有服冕之數,而無天子冠文。 周人年五十而有賢才,則試以大夫之事,猶行士禮也。故 又儀禮云,公侯之有冠禮,夏之末造也。 大夫又 八無冠 王、鄭皆

然漢代以來,天子諸侯頗採其儀。 正月甲子若丙子爲吉日,可加元服,儀從冠禮是也

漢順帝 見世 祖廟。 冠,又兼用曹褒新禮,乘輿初加緇布進賢,次爵弁、武弁,次通天,皆於高廟,以禮謁 王公已下,初加進賢而已。 案此文,始冠緇布,從古制也,冠於宗廟是也。

**阼臨下,尊極德備,豈得與士同也。** 魏 天子冠一加。 其說曰,士禮三加,加有成也。 魏氏太子再加,皇子王公世子乃三加。 至於天子諸侯無加數之文者,將以踐 孫毓以爲一加

再加、皆非也。

定月。 禮醮辭曰:「令月吉日,以歲之正,以月之令。」案魯襄公冠以冬,漢惠帝冠以三月,明無 而後漢以來,帝加元服咸以正月。 及咸寧二年秋閨九月,遣使冠汝南王柬,此則非

禮冠 於廟,然武、惠冠太子,太子皆即廟見,斯亦擬在廟之儀也。 穆帝、孝武將冠、皆先

以幣告廟,訖又廟見也。

惠帝之爲太子,將冠,武帝臨軒,使兼司徒高陽王珪加冠,兼光祿大夫屯騎校尉華廙贊

冠。

以授侍中常侍,太尉加幘,太保加冕。將加冕,太尉跪讀祝文曰:「令月吉日,始加元服。 江左諸帝將冠,金石宿設,百僚陪位。 又豫於殿上鋪大牀,御府令奉冕、幘、簪導、袞服

志

六六四

帝穆穆,思弘袞職。 冕訖,侍中繫玄紞,侍中脫帝絳紗服,加袞服冕冠。事畢,太保率羣臣奉觴上壽,王公以下 欽若昊天,六合是式。率遵祖考,永永無極。眉壽惟祺,介茲景福。」加

三稱萬歲乃退。案儀注,一加幘冕而已。

以明可冠之宜。又漢魏遣使冠諸王,非古典。」於是制諸王十五而冠,不復加使命 泰始十年,南宫王承年十五,依舊應冠。有司議奏:「禮,十五成童,國君十五而生子,

王彪之云,禮、傳冠皆在廟。案成帝旣加元服,車駕出拜于太廟,以告成也。 蓋亦猶擬

在廟之儀。

魏齊王正始四年,立皇后甄氏,其儀不存。

武帝咸寧二年,臨軒,遣太尉賈充策立皇后楊氏,納悼后也。 因大赦,賜王公以下各有

差,百僚上禮。

皆令夫家自備。惟璋,官爲具致之。」尚書朱整議:「案魏氏故事,王娶妃、公主嫁之禮,天子皆令夫家自備。惟璋,官爲具致之。」尚書朱整議:「案魏氏故事,王娶妃、公主嫁之禮,天子 改璧用璋,其羊雁酒米玄纁如故。諸侯婚禮,加納采、告期、親迎各帛五匹,及納徵馬四匹, 乘馬。大夫用玄纁束帛,加羊。古者以皮馬爲庭實,天子加以穀珪,諸侯加大璋,可依周禮 太康八年,有司奏:「婚禮納徵,大婚用玄纁束帛,加珪,馬二駟。王侯玄纁束帛,加璧,

諸侯 夫人金五十斤,馬四匹。 以皮馬爲庭實, 天子加以榖珪, 諸侯加以大璋。 魏氏王娶妃、公主嫁之禮,用絹 漢高后制聘,后黃金二百斤,馬十二 已。 百九十匹。 惟給璋,餘 如 晉興、故事 故 事 甪

注又不具存 通。 納后,江左又無復儀注。故成帝將納杜后,太常華恒始與博士參定其儀。 <u>春秋「祭公逆王后于紀」,穀梁、左氏傳說與公洋又不同。</u> 禮備物,拜皇后杜氏。即日入宮,帝御太極殿,羣臣畢賀。賀,非禮也。王者婚禮,禮 主婚是供其婚禮之幣而已。又,周靈王求婚於齊,齊侯問於晏桓子,桓子對曰:「夫婦所生 百匹。」詔曰:「公主嫁由夫氏,不宜皆爲備物,賜錢使足而 如如 先儒以爲丘明詳錄其事,蓋爲王者婚娶之禮也。故成帝臨軒,遣使稱制拜后,然其儀 人,姑姊妹則稱先守某公之遺女若如人。」此則天子之命自得下達,臣下之答徑 成帝咸康二年,臨軒,遣使持節、兼太保、領軍將軍諸葛恢,兼太尉、護軍 而自漢魏遺事,並皆闕 據杜預 上將軍 左氏傳說 略。 孔愉,六 無其制 武、惠 自上

正 法 餘 皆即 入宮御物,而儀注至尊袞冕升殿,旄頭不設,求量處。又案,昔迎恭皇后,惟作靑龍族, 康 帝 、升太極 建元 元年,納皇后褚氏,而儀注陛者不設旄頭。 者,以敬其始,故備其禮也。 今當臨軒遣使,而立五牛旗,旄頭墨罕並出即用,故致今闕。」詔 今云何更闕所重而徹法物邪! 殿中御史奏:「今迎皇后,依 又恭后神主入 曰:「所以

具也。」 廟,先帝詔后禮宜降,不宜建五牛旗,而今猶復設之邪!旣不設五牛旗,則旄頭罼罕之物易 叉 詔曰 :「舊制旣難準,且於今而 備,亦非宜。 府庫之儲,惟當以供軍國之費耳。

散騎侍郎準之遺女,未閑教訓,衣履若如人。欽承舊章,肅奉典制。前太尉參軍、都鄉侯粪土 持節太常彪之、宗正綜以禮納采。」主人曰:「皇帝嘉命, 渾元資始,肇經人倫,爰及夫婦,以奉天地宗廟社稷。 康,由此也。 又考大晉已行之事,咸寧故事不稱父兄師友,則咸康華恒所上禮合於舊。 通。案咸寧二年,納悼皇后時,弘訓太后母臨天下,而無命戚屬之臣爲武皇父兄主婚之文。 稱天父之名以行大禮。遠尋古禮,無王者此制,近求史籍,無王者此比。 夫崇三綱之始,以定乾坤之儀,安有天父之尊,而稱臣下之命以納伉 服 制,宜一依咸康故事。」於是從之。 禮 機飾 不稱主人之義。 其告廟六禮版文等儀,皆彪之所定也。 穆帝 粗 升平元年,將納皇后何氏。 令舉,其餘兼副雜器停之。」 惟以娶婦之家三日不舉樂,而咸康羣臣賀,爲失禮。 又曰:「王者之於 華恒所定之禮,自己依漢舊及晉已行之制,故彪之多從咸 、四海,無不臣妾,雖復父兄之親,師友之賢,皆純臣也。 太常王彪之大引經傳及諸故事以定其禮,深非公羊婚 其納采版文璽書曰:「皇帝咨前太尉參軍 謀于公卿,咸以宜率 訪婚 陋族, 備數采擇。 故但依咸寧 儷。 安有臣下之卑,而 於情不安,於義不 臣愚謂今納后儀 由舊典。 臣 上禮 從 今使使 祖 一不復 何琦。 弟 故

某,以禮迎。」主人曰:「皇帝嘉命,使者某重宣中詔,令月吉辰, 備禮以迎。 <del></del>崇以 主人曰:「皇帝嘉命,使者某重宣中詔,吉日惟某可迎。臣欽承舊章,肅奉典制。」次親迎版 姓。 錢壁,以章典禮。今使使持節、司徒某,太常某,以禮納徵。」主人曰:「皇帝嘉命,降婚卑陋, 某官某姓之女,有母儀之德,窈窕之姿,如山如河,宜奉宗廟,永承天祚。以玄纁皮帛,馬羊 詔,太卜元吉。 臣陋族卑鄙,憂懼不堪。 欽承舊章,肅奉典制。」次納徵版文曰:「皇帝曰:咨 吉,敬從典禮。今使使持節、太常某,宗正某以禮納吉。」主人曰:「皇帝嘉命,使者某重宣中 年十七。欽承舊章,肅奉典制。」次納吉版文曰:「皇帝曰:咨某官某姓。 人謀龜從,僉曰貞 侍郎準之遺女。外出自先臣故尚書左丞孔胄之外曾孫,先臣故侍中、關內侯夷之外孫女, 玄孫、江三先臣故豫州刺史、關中侯惲之曾孫,先臣故安豐太守、關中侯叡之孫,先臣故散騎 嘉命,使者某到,重宣中詔,問臣名族。臣族女父母所生,先臣故光祿大夫、雩婁侯禛之遺 臣何琦稽首頓首,再拜承詔。」次問名版文曰:「皇帝曰:咨某官某姓。兩儀配合,承天統物, 文曰:「皇帝曰:"咨某官某姓。 位 謀于公卿,泰筮元龜,罔有不臧,率遵典禮。今使使持節、太常某,宗正某,以禮請期。」 .乎內,必俟令族,重申舊典。 今使使持節、太常某, 宗正某, 以禮問名。 」主人曰:「皇帝 上公,寵以典禮,備物典策。欽承舊章,肅奉典制。」次請期版文曰:「皇帝曰:咨某官某 歲吉月令,吉日惟某,率禮以迎。今使使持節、太保某,太尉 上公宗卿兼至,

副介近臣 百 臣螻蟻之族,猥承大禮,憂懼戰悸。 欽承舊章,肅奉典制。」某稽首承韶,皆

如初答。

壁一枚,馬六匹,酒米各十二斛。 鄭玄所謂五雁六禮也。 其珪馬之制,備物之數,梭太康所 酒米各十二斛。 奏又有不同云。 孝武納王皇后,其禮亦如之。其納采、問名、納吉、請期、親迎,皆用白雁、白羊各一頭, 惟納徵羊一頭,玄纁用帛三匹,絳二匹,絹二百匹,獸皮二枚,錢二百萬,玉

古者婚冠皆有醮,鄭氏醮文三首具存。

吹處所,又無舉麾鳴鐘之條。」太常王彪之以為:「婚禮不樂。 鼓吹亦樂之總名。 |升平八年,口己臺符問「迎皇后大駕應作鼓吹不」。博士||胡訥議:「臨軒儀注闕,無施安鼓 儀注所以

無者,依婚禮。今宜備設而不作。」時用此議。

因廟 ·[傳曰:『鄭子罕如晉,賀夫人。』鄰國猶相賀,況臣下邪!如此,便應賀,但不在三日內耳。 今 夫人,旣無經文,又傳不云禮也。 三日之斷,恐三日之後故無應賀之禮。」又云:「禮記所以言賀取妻者,是因就酒食而有慶語 見成禮而賀,亦是一節也。」王彪之議云:「婚禮不樂不賀,禮之明文。俱稱子罕如晉賀 永和二年納后,CIEI議賀不。 王述云:「婚是嘉禮。 禮,取婦三日不舉樂,明三日之後自當樂。 春秋傳曰:『娶者大吉,非常吉。』又 至於不賀,無

愚謂無直相賀之體,江三而有禮貺共慶會之義,今世所共行。」于時竟不賀。

謂無之。」博士曹耽、荀訥等並謂無忌月之文,不應有妨。 穆帝納后欲用九月,九月是忌月。 范汪問王彪之,答云:「禮無忌月,不敢以所不見,便 王洽曰:「若有忌月,當復有忌

於此。封諸王及新宮上禮,旣有前事,亦皆已瞻仰致敬,而又奉觴上壽,應亦無疑也。 今皇太子國之儲副,旣已崇建,普天同慶。謂應上禮奉賀。」徐邈同。又引一有元良,慶在 乃誠,故宜有上禮。猶如元正大慶,方伯莫不上禮,朝臣奉璧而已。」太學博士庾弘之議: 卿士,咸預盛禮,展敬拜伏,不須復上禮。惟方伯牧守,不覩大禮,自非酒牢貢羞,無以表其 「案咸寧三年始平、濮陽諸王新拜,有司奏依故事,聽京城近臣諸王公主應朝賀者復上禮。 太元十二年,臺符問「皇太子旣拜廟,朝臣奉賀,應上禮與不?」國子博士車胤云:「百辟

也」,然則婚之有羊,自漢末始也。王者六禮,尚未用焉。是故太康中有司奏:「太子婚,納 彩,玉以象德而有溫潤。尋珪璋亦玉之美者,豹皮采蔚以譬君子。王肅納徵辭云:「玄纁 帛,儷皮雁羊。」前漢聘后,黃金二百斤,馬十二匹,亦無用羊之旨。鄭氏婚物贊曰「羊者祥 江左以來,太子婚,納徵禮用玉璧一,獸皮二,未詳何所準況。或者獸取其威猛 有班 束

徵用玄纁束帛,加羊馬二駟。」

詔曰:「拜授可依魏氏故事。」於是臨軒,使使持節兼太常拜三夫人,兼御史中丞拜九嬪 武帝 泰始十年,將聘拜三夫人、九嬪。 有司奏:「禮、皇后聘以穀珪、無妾媵禮贄之制。」

公主納徵以獸豹皮各一具禮,豈謂婚禮不辨王公之序,故取獸豹以尊革其事乎! 漢魏 之禮云,公主居第,尚公主者來第成婚。司空王朗以爲不可,其後乃革。太元中,

行鄉飲酒之禮。 王祥爲三老,鄭小同爲五更。其儀注不存,然漢禮猶在。 子,牲以太牢。[17]孟冬亦如之。 臣躬養三老五更于辟雍,行大射之禮。郡國縣道行鄕飮酒于學校,皆祠先聖先師周公孔 禮有三王養老膠庠之文,饗射飲酒之制,周末淪廢。漢明帝永平二年三月,帝始率羣 咸寧三年,惠帝元康九年,復行其禮。 詔曰:「禮儀之廢久矣,乃今復講肄舊典。」賜太常絹百匹,丞、博士及學生 及魏高貴鄉公甘露二年,天子親帥羣司行養老之禮。於是 武帝泰始六年十二月,帝臨辟雍,

孝武三帝,亦皆親釋奠。孝武時,以太學在水南懸遠,有司議依升平元年,於中堂權立行太 太子,及愍懷太子講經竟,並親釋奠於太學,太子進爵於先師,中庶子進爵於顏回。 魏正始中,齊王每講經遍,輒使太常釋奠先聖先師於辟雍,弗躬親。 及惠帝明帝之爲 成

大臣子孫六十人,事訖罷。」奏可。 于時無復國子生,有司奏:「應須復二學生百二十人。太學生取見人六十,國子生權銓 釋奠禮畢,會百官六品以上。

事也。 誅張林。 水流杯飲酒,亦不言曲水。一元帝又詔罷三日弄具。 日,不以上已也。晉中朝公卿以下至于庶人,皆禊洛水之側。 漢儀,季春上已,官及百姓皆禊於東流水上,洗濯祓除去宿垢。 九月九日,馬射。或說云「秋,金之節,講武習射,象立秋之禮也」。 懷帝亦會天泉池,賦詩。陸機云:「天泉池南石溝引御溝水,池西積石爲禊堂。」本 海西於鍾山立流杯曲水,延百僚,皆其 趙王倫篡位,三日會天泉池, 而自魏以後,但用三

#### 校勘記

[1] 掌禮引公至金紫將軍上殿 通典七〇皆有「當御坐」三字。 拾補"「禮」下脫「郞」字。「上殿」下脫「當御坐」三字。 按:朱志一

- 公置璧成禮時 朱志一、通典七〇「公」上有「王」字、拾補以爲當據補。
- 太官又行御酒 朱志一「太官」下有「令」字、據下文、此亦當作「太官令」。
- 並授持節持節跪進御坐前 宋志一、通典七〇兩「持節」並作「侍郞」。 拾補以爲「持節」乃

譌字。

ガリ 示忌憚也 「忌憚」上當有「無」字或「不」字。 朱志一作「無所忌憚也」,御覽二九引臧榮緒晉書

作「示不忌憚也」,皆可證。

不得違本數 皆指「二番三歲而周」之數。 對注:通典七四作「不得依恒數」。按:朱志一作「不得從本數」。「恒數」「本數」 今旣有故推遲,故不得依原定朝觀之歲來也。 此作「違」,意義相

反,疑當改作「從」或「依」。

「よ」 行人順省 拾補··「順」疑「類」,見周禮。按:周禮大行人「三歲編規,五歲編省」,「親省」本此。

「覜」「頫」同。盧說是。

魏明帝黃初 中 黄初爲文帝年號,非明帝。 盧爾三國志集解據高堂隆傳謂「黃初」當作「太

「ガ」 尚書卞壼 「尚書」當同上文作「尚書令」。

和一。

號日閱兵 「閱」本作「治」,此唐人避李治諱改。下「閱兵」同。 魏志武帝紀皆作「治兵」。

[1] 華恒所定之禮 「之」,宋志一及通典五八皆作「六」。

零婁侯禎 武紀、文紀、魏志管寧傳注引文士傳「禎」並作「楨」。植字元幹、當作「楨」。

升平八年 諸史考異:穆帝立皇后何氏在升平元年八月。 升平止五年,無八年。 記

二吾 無直相賀之體

斠注:通典五八「體」作「禮」。

公 故取獸豹以尊革其事乎 周校:「革」當在「獸豹」下,文乃順。

牲以太牢 拾補¨續漢志「太牢」作「犬」、劉昭引儀禮鄭注云「狗取擇人」、「太牢」誤。

# 晉書卷二十二

## 志第十二

#### 樂上

**援律,乃播其聲焉。** 於形者謂之用。譬諸天地,其猶影響,百獸率舞,而況於人乎!美其和平而哀其喪亂,以茲 夫性靈之表,不知所以發於詠歌,感動之端,不知所以關於手足。 生於心者謂之道,成

黄鍾。 孽,淫奏旣興,雅章奔散,英莖之制,蓋已微矣。 孔子曰:「人能弘道,非道弘人。」周始二南, 王之禮,設俯仰之容,和順積中,英華發外。。書稱命變典樂,教胄子,則獨官所謂奏大呂,歌 農瑟犧琴,僅鍾和磬,達靈成性,象物昭功,由此言之,其來自遠。殷氏不綱,遺風餘 天貺來下,人祇動色,抑揚周監,以弘雅音。及褒艷興災,平王逢亂,禮廢親疏,樂沈

志

第十二

樂上

河海。 州異則。 興吟詠。 是以延陵季子聞歌小雅曰:「其周德之衰乎!猶有先王之遺風焉。」而列壤稱孤,各 秦氏幷吞,遂專刑憲,至於絃歌詩頌,干戚旄羽,投諸煙火,掃地無遺。 魏文侯聆古樂而恐臥,晉平公聽新聲而忘食,先王之道,漸以陵夷。八方殊風,九

謂「宴樂羣臣,蹲蹲舞我」者也。其有短簫之樂者,則所謂「王師大捷,令軍中凱歌」者也。 田祖」者也。其有辟雍之樂者,則所謂「移風易俗,莫善於樂」者也。其有黃門之樂者,則所 廟之樂者,則所謂「肅雍和鳴,先祖是聽」者也。其有社稷之樂者,則所謂「琴瑟擊鼓,以迓 讖,道鄰雅頌,事邇中和。其有五方之樂者,則所謂「大樂九變,天神可得而禮」也。其有宗 陳淸廟,樹槐陰而疏壁流;祀光武於明堂,以配上帝,召桓榮於太學,袒而割牲,濟濟焉,皇 氏之言,搢紳先生所以長歎,而子政、仲舒猶不能已也。炎漢中興,明皇帝即位,表圭景而 皇焉,有足觀者。 漢祖提劍寰中,削平天下,文匪躬於德化,武有心於制作。太后擯儒家之道,大臣排賈 自斯厥後,禮樂彌殷。永平三年,官之司樂,改名大予,式揚典禮,旁求圖

等各造新詩,抽其藻思,吟詠神靈,贊揚來饗。 慶,揚鼙總干,式遵前記。 三祖紛綸,咸工篇什,聲歌雖有損益,愛翫在乎雕章。 是以|王粲 魏武挾天子而令諸侯,思一戎而匡九服,時逢吞滅,憲章咸盪。及削平劉表,始獲杜

武皇帝採漢魏之遺範,覽景文之垂則,鼎鼐唯新,前音不改。秦始九年,光祿大夫荀勖

者也。 漢順聽鳴鳥於樊衢。聖人功成作樂,化平裁曲,乃揚節奏,以暢中和,飾其歡欣,止於哀思 彫而不悅。遊乎金石之端,出乎管絃之外,因物遷逝,乘流不反。是以楚王升輕軒於彭蠡, 者,百不一焉。夫人受天地之靈,蘊菁華之氣,剛柔遞用,哀樂分情。經春陽而自喜,遇秋 變洿萊。雖復象舞歌工,自胡歸晉,至於孤竹之管,雲和之瑟,空桑之琴,泗濱之磬,其能備 始作古尺,以調聲韵,仍以張華等所制高文,陳諸下管。永嘉之亂,伶官旣減,曲臺宣榭,咸

凡樂之道,五聲、八音、六律、十二管,爲之綱紀云。

恭儉而 使人方廉而好義,聞其角聲,使人惻隱而仁愛,聞其徵聲,使人樂養而好施,聞其羽聲,使人 言物盛則止也。 金性之堅强也。 「禮樂不可斯須去身。」化上遷善,有如不及。是以聞其宮聲,使人溫良而寬大,聞其商聲, 五. 好禮 |聲:宮爲君,宮之爲言中也。中和之道,無往而不理焉。 商爲臣,商之爲言强也,謂 角爲民,角之爲言觸也,謂象諸陽氣觸物而生也。徵爲事,徵之爲言止也, 羽爲物, 羽之爲言舒也, 言陽氣將復, 萬物孳育而舒生也。古人有言曰:

八音,八方之風也。 乾之音石,其風不周。坎之音革,其風廣莫。 艮之音匏, 其風融。

志第

+=

樂上

震之音竹,其風明庶。巽之音木,其風淸明。離之音絲,其風景。坤之音土,其風涼。兌之

音金,其風閶闔。

也,所以助成陽功也。 仲呂、夾鍾:凡有十二,以配十二辰焉。 律之爲言法也,言陽氣施生各有法也,呂之爲言助 陽六爲律,謂黃鍾、太蔟、姑洗、蕤賓、夷則、無射,陰六爲呂,謂大呂、應鍾、南呂、林鍾、

名也。 皆成就也。八月之辰謂爲酉,酉者繪也,謂時物皆緍縮也。 時物皆衰滅也。十月之辰謂爲亥,亥者劾也,言時陰氣劾殺萬物也。十一月之辰謂爲子, 謂之未,未者味也,言時萬物向成,有滋味也。七月之辰謂爲申,申者身也,言時萬物身體 起也,物至此時畢盡而起也。五月之辰謂爲午,午者長也,大也,言物皆長大也。六月之辰 子者孳 生而孳茂也。三月之辰名爲辰,辰者震也,謂時物盡震動而長也。四月之辰謂爲已,巳者 正月之辰謂之寅,寅者津也,謂生物之津塗也。二月之辰名爲卯,卯者茂也,言陽氣 也,謂陽氣至此更孳生也。十二月之辰謂爲丑,丑者紐也,言終始之際,以紐結爲 九月之辰謂爲戌,戌者滅也,謂

日,冬至德氣爲土,土色黃,故曰黃鍾。正月之管謂爲太蔟,蔟者蔟也,謂萬物隨於陽氣太 十一月之管謂之黃鍾,黃者,陰陽之中色也。 天有六氣,地有五才,而天地數畢焉。

月之管名爲夾鍾者,夾,佐也,謂時物尙未盡出,陰德佐陽而出物也。 茂也,謂時物茂盛於野也。四月之管名爲仲呂者,呂,助也,謂陽氣盛長,陰助成功也。二 射、射者出也、言時陽氣上升、萬物收藏無復出也。十二月之管名爲大呂、呂者助也、謂陽 葉也。五月之管名爲蕤賓,葳蕤,垂下貌也;賓,敬也,謂時陽氣下降,陰氣始起,相賓敬也。 蔟而生也。三月之管名爲姑洗,姑洗者:姑,枯也,洗,濯也,謂物生新潔,洗除其枯,改柯易 八月之管名爲南呂,南者任也,〔1〕謂時物皆秀,有懷任之象也。六月之管名爲林鍾,林者 氣方之,陰氣助也。十月之管名爲應鍾,應者和也,謂歲功皆成,應和陽功,收而聚之也。 七月之管名為夷則,夷,平也,則,法也,謂萬物將成,平均皆有法則也。 九月之管名為無

事,考會古樂,始設軒懸鍾磬。 杜虁,能識舊法,以爲軍謀祭酒,使創定雅樂。時又有散騎侍郎鄧靜、尹商善訓雅樂,引歌 師尹胡能歌宗廟郊祀之曲,舞師馮肅、服養曉知先代諸舞,夔悉總領之。遠詳經籍,近採故 漢自東京大亂,絕無金石之樂,樂章亡缺,不可復知。及魏武平荆州,獲漢雅樂郎河南 而黃初中柴玉、左延年之徒,復以新聲被寵,改其聲韵。

之義,但改樂章而已,使傅玄爲之詞云。 及武帝受命之初,百度草創。 泰始二年,詔郊祀明堂禮樂權用魏儀,遵周室肇稱殷禮

## **祀天地五郊夕牲歌**

天命有晉,穆穆明明。 我其夙夜、祗事上靈。 常于時假,迄用其成。 於薦玄牡,進夕其

牲。崇德作樂,神祇是聽。

祀天地五郊迎送神歌

宣文蒸哉,日靖四方。 永言保之,夙夜匪康。 光天之命,上帝是皇。 嘉樂殷薦,靈祚景

祥。神祇降假,享福無疆。

饗天地五郊歌

天祚有晉,其命惟新。 受終于魏,奄有黎民。 燕及皇天,懷和百神。

享其玄牡,式用肇禋。神祇來格,福祿是臻。

純

時邁其猶,昊天子之。 祐享有晉,肇庶戴之。 畏天之威,敬授人時。

思。皇極斯建,庶績咸熙。庶幾夙夜,惟晉之祺。

宣文惟后,克配彼天。 撫寧四海,保有康年。 於乎緝熙,肆用靖民。

爱立典制,爱修禮

丕顯丕承,於猶繹

丕顯遺烈,之德之

紀。作民之極,莫匪資始。克昌厥後,永言保之。

天地郊明堂夕牲歌

皇矣有晉,時邁其德。受終于天,光濟萬國。 萬國旣光,神定厥祥。 虔于郊祀, 祗事上

祗 事上皇,百福是臻。 巍巍祖考,克配彼天。 嘉牲匪歆,德馨惟饗。 受天之祜,

四方。

## 天地郊明堂降神歌

神祇嘉享,祖考是皇。 於赫 大晉,應天景祥。 二帝邁德,宣此重光。 克昌厥後、保祚無疆 我皇受命,奄有萬方。 郊祀配享,禮樂孔

### 天郊饗神歌

享牷牲,享玉觴。 形。 心。 神之坐, 曠 整 無方, 泰壇,禮皇神。 同歡娛。澤雲翔,化風舒。 幽以淸。 神悅饗,歆禋祀。 精氣感,百靈賓。 神之來,光景昭。 祐大晉,降繁祉。 嘉樂奏,文中聲。八音諧,神是聽。咸絜齊,並芬芳。 **蘊朱火,燎芳薪。** 聽無聞,視無兆。 作京邑,廣四海。保天年,窮地紀。 紫煙遊,冠青雲。 神之至,舉歆歆。 神之體,靡象 靈爽協

### 地郊饗神歌

形象。 冥冥。 整 物 潛 |泰折,[三) 埃皇祇。 祇 之至, 咸亨、祇 泰 幽 ,洞忽荒。 舉欣 是 娛。 於 齊旣絜,侍者肅。 舞象德、歌成文。 祇之出,薆若有。 衆神威、羣靈儀。 祇旣 靈無遠,天下母。 玉觴進,咸穆穆。 陰祀設,吉禮施。 坐,同歡 豫。 饗嘉豢, 澤 祇之來, 夜將極,時未移。 雨 施, 歆德馨。 遺光景。 化雲布。 樂八變,聲 祚 昭若存,終 祇之體,無 有晉,暨

志

第

+

樂

上

六八一

**羣生。溢九壤,格天庭。保萬壽,延億齡。** 

明堂饗神歌

經始明堂,享祀匪懈。 於皇烈考,光配上帝。 赫赫上帝,旣高旣崇。 聖考是配,明德顯

融。率土敬職,萬方來祭。常于時假,保祚永世。

祠廟夕牲歌

我夕我牲,猗歟敬止。 嘉豢孔時,供茲享祀。 神鑒厥誠,博碩斯歆。 祖考降饗,以虞孝

孫之心。

祠廟迎送神歌

嗚 呼悠哉, 日監在茲。 以時享祀,神明降之。 神明斯降,旣祐饗之。 祚我無疆,受天之

赫赫太上,巍巍聖祖。 明明烈考,丕承繼序。

耐。

祠征西將軍登歌

經始宗廟, 神明戾止。 申錫無疆,祗承享祀。 假哉皇祖,綏予孫子。 燕及後昆,

繁祉。

**祠豫章府君登歌** 

嘉樂肆筵,薦祀在堂。 皇皇宗廟,乃祖乃皇。 濟濟辟公, 相予蒸嘗。 享祀不忒, 降福

祠潁川府君登歌

於邈 **光后,實司于天。** 顯矣皇祖,帝祉肇臻。 本枝克昌, 資始開元。 惠我無疆,

永年。

祠京兆府君登歌

於惟曾皇, 顯顯令德。 高明清亮,匪競柔克,保乂命祐, 基命惟則。 **篤生聖祖**,

四國。

祠宣皇帝登歌

於鑠皇祖,聖德欽明。 動施四方,夙夜敬止。 載敷文教、載揚武烈。 匡定社稷,龔行天

經始大業,造創帝基。畏天之命,于時保之。

罰。

祠景皇帝登歌

執競景皇,克明克哲。 旁作穆穆,惟祗惟畏。 纂宣之緒,耆定厥功。

登此雋义,糾彼羣

凶。業業在位,帝旣勤止。惟天之命,於穆不已。

祠文皇帝登歌

於皇時晉,允文文皇。 聰明叡智,聖敬神武。 萬機莫綜,皇斯淸之。 蛇豕放命,回鼻

志第十二 樂上

斯平之。柔遠能邇,簡授英賢。創業垂統,勳格皇天。

**阿廟饗神歌二篇** 

載。 亦有和羹,薦羞斯 晉是常,享祀時序。 備。 蒸蒸永慕,威時興思。 宗廟致敬、禮樂具舉。 登歌奏舞,神樂其和。 惟其來祭,普天率土。 祖考來格,祐我邦 **犧樽旣奠**,清酤 旣

家。 溥天之下, 罔不休嘉。

兮! 肅 肅肅在位,臣工 肅 肅在位,有來雍雍。 肅在位,濟濟臣工。 一濟濟。 穆穆天子,相維辟公。 几 小大咸敬,上下有 海來格,禮儀有容。 禮。 禮有儀,樂有則,舞象功,歌詠德, 理管絃,振鼓鍾,舞象德,歌詠 鍾鼓振,管絃理,舞開元,歌永始,神胥樂 功,神胥樂

日洋洋篇,詠明帝,用延年所改文王聲。 日於赫篇,詠武帝,聲節與古鹿鳴同。 |延年改||夔騶虞、伐檀、文王三曲,更自作聲節,其名雖存,而聲實異。 唯因變應鳴,全不改 杜夔 每正旦大會,太尉奉璧,羣后行禮,東廂雅樂常作者是也。至後又改三篇之行禮詩。第 《傳舊雅樂四曲,一日鹿鳴,二日騶虞,三日伐檀,四日文王,皆古聲辭。 第四日復用鹿鳴。 第二日巍巍篇,詠文帝,用延年所改騶虞聲。 鹿鳴之聲重用,而除古伐檀。及 及太和中, 異旨也。時韶又使中書侍郎成公綏亦作焉,今並採列之云。 其韵逗留曲折,[k] 皆繫於舊,有由然也。是以一皆因就,不敢有所改易。」 此則譁、勖所明 足以制聲度曲,法用率非凡近之所能改。二代三京,襲而不變,雖詩章辭異,興廢隨時,至 舉詩及漢氏所施用,其文句長短不齊,未皆合古。蓋以依詠弦節,本有因循,而識樂知 必皆當。」故聞造層歌,皆爲四言,唯王公上壽酒一篇爲三言五言焉。 張華以爲「魏上壽、食 或二言,或三言,或四言,或五言,與古詩不類,以問司律中郎將陳頎。順曰:「被之金石,未 陳三朝朝宗之義。又爲正旦大會、王公上壽歌詩幷食舉樂歌詩,合十三篇。 又鹿鳴以宴嘉賓,無取於朝,考之舊聞,未知所應。」勖乃除鹿鳴舊歌,更作行禮詩四篇,先 正旦行禮及王公上壽酒、食舉樂歌詩。荀勖云:「魏氏行禮、食舉,再取周詩鹿鳴以爲樂章。 晉初,食舉亦用鹿鳴。 至泰始五年,尚書奏,使太僕傅玄、中書監荀勖、黃門侍郎張華各造 又以魏氏歌詩

四廂樂歌

正旦大會行禮歌 成公綏

穆穆天子,光臨萬國。 多士盈朝,莫匪俊德。流化罔極,王猷允塞。嘉會置酒,嘉賓充

羽旄 曜宸極,鐘鼓振泰淸。 百辟朝三朝,彧彧明儀形。[+] 濟濟鏘鏘,金聲玉振。

禮樂具,宴嘉賓。眉壽祚聖皇,云景福惟日新。羣后戾止,有來雍雍。獻酬納贄,崇

此 禮容。 豐羞萬俎,旨酒千鍾。 嘉樂盡宴樂,福祿咸 攸同

!天下安寧。 道化行,風俗淸。 簫韶作,詠九成。 年豐穰、世泰平。 至治哉,樂無

窮。元首聰明,股肱忠。樹豐澤,揚淸風。

承天位,統萬國。 嘉瑞出、靈應彰。 麒麟見,鳳皇翔。醴泉湧,流中唐。 受命應期,授聖德,四世重光。 宣開洪業,景克昌,文欽明,德彌彰 嘉禾生,穗盈箱。 降繁祉,祚聖

肇啓晉邦,流祚無疆。

德光大,道熙隆。被四表,格皇穹。奕奕萬嗣,明明顯融,高朗令終。保茲永祚,與天 泰始建元,鳳皇龍興。龍興伊何,享祚萬乘。 奄有八荒,化育黎蒸。 圖書旣煥,金石有

比 崇。

聖皇君四海,順人應天期。 三葉合重光, 泰始開洪基。 明曜參日月, 功化侔四時。

宙清且泰,黎庶咸雍熙,善哉雍熙!

惟 ·天降命,翼仁祐聖。於穆三皇,載德彌盛。總齊琁璣,光統七政。 百揆時序,化若

神聖。

宣,芬芳播來胤。播來胤,垂後昆。 四 海 同風,興至仁。濟民育物,擬陶均。 清廟何穆穆,皇極闢四門。 擬陶均,垂惠潤。 皇皇羣賢、峨峨英雋。 皇極闢四門,萬機無不綜。 德化

亹亹翼翼,樂不及荒,饑不遑食。 大禮旣行,樂無極

登崑崙 一上層 城。 乘飛龍,升泰淸。 冠日月,佩五 星。 揚 虹 一鲵, 建篲旌。 披慶雲,

榮。 覽八極,遊天庭。

順 天地 和和 陰陽。 序四時,曜三光。 張帝網,正皇綱。 播仁風, 流惠康。 邁洪化, 振靈

威。懷萬方,納九夷。朝閶闔,宴紫微。

建 五 旗 深羅 鍾虡。 列 四 懸 》奏韶武。 鏗金石、揚旌羽。 縱八佾, 巴渝 詠雅頌, 和律

呂。于胥樂,樂聖主。

化蕩蕩,清風 泄。 總英雄,御俊傑。 開宇宙,掃四裔。 光緝熙, 美聖哲。 超百代, 揚休

烈。流景祚,顯萬世。

皇 皇顯 祖, 翼世佐時。 寧濟六合, 受命應期。 神武鷹揚, 大化咸熙。 廓開皇衢,用成

帝基。

光 光景皇, 無競惟烈。 匡時拯俗, 休功蓋世。 宇宙旣康, 九域有截。 天命降監,

明哲。

穆 烈考, 克明克雋。 實天生德,誕應靈運。 肇建帝業,開 國有晉。 載德 奕世, 垂慶

洪胤。

志第十二 樂上

六八八

明 明 了聖帝, 龍飛在天。 與靈合契了通德幽玄。 仰化青雲, 俯育重川。

斯年。

正旦大會王公上壽酒歌 荀勖

踐 元辰,延顯融。 獻羽觴,祈令終。 我皇壽而隆, 我皇茂而嵩。 本枝奮百世, 休祚鍾

聖躬。

食舉樂東西廂歌 葡勖

煌 煌 七曜,重明交暢。 我有嘉賓,是應是貺。 邦政旣圖, 接以大饗。人之好我, 式遵

德讓。

賓之初筵,藹藹濟濟。 既朝乃宴,以洽百禮。 頒以位敍,或庭或陛。 登儐台叟,亦有兄

弟。胥子陪寮、憲茲度楷。觀頤養正、降福孔偕。

昔我三后,大業是維。 今我聖皇,焜燿前 暉。 奕世重規,明照九畿。 思輯用光,時罔有

違。陟禹之跡,莫不來威。天被顯祿,福履是綏。

赫 矣 太祖 克廣 (明德。 廓開宇宙, 正 世立則。 變化不經,民無瑕慝。 創業垂統, 兆我

晉國。

烈文伯考, 時維帝景。 夷險平亂,威而不猛。 御衡不迷, 皇塗煥景。 七德咸宣,其寧

惟永。

無垠

嘉勳 猗 修 敟 、盛敷 己濟治,民用寧殷。 ! 先皇聖文。 則天作学, 懷遠燭幽,玄敎氤氳。 大哉爲君。 愼徽五典, 善世不伐,服事三分。 帝載是勤。 文武 德博化隆,道 發揮,茂 建

| 虞唐。 嶽藩王。 隆 化 封建 時見世享,率茲有常。 洋洋,帝命溥將。 厥福,駿發其祥。 登我晉道,越惟聖王。 三朝習吉,終然允臧。 旅揖在庭, 嘉客在堂。 蘢 飛革運,臨燾八荒。 **其臧維何**, 朱衛旣臻,陳留山陽。 總彼萬方。 叡喆 欽明, 元侯列辟, 有賓有使,觀 配蹤 四

國之光。 **貢賢納計,獻璧奉璋。** 保祐命之,申錫無疆

京邑穆穆,四方是式。

無競維人,王綱允敕。

君子來朝,言觀

其極。

振

鷺于飛,鴻漸其翼。

位。 廙 九 敷奏讜 漢 族 既睦,庶 大君,民之攸 言,納 邦順 以 無諱。 曁。 比。 樹 開元布憲,四海鱗萃。 信理天工,惠康不匱。 之典象,海 之義類。 協時正統,殊塗 上 將遠不仁,訓以醇粹。 教 如風,下應如 同致。 卉。 厚德載物、靈 幽明有倫,俊义在 人 有慶,羣萌以 心隆

逐。我后宴喜,令問不墜。

旣 宴旣喜,翕 是萬 邦 禮儀卒度,物有其容。 哲哲庭燎, 喤喤鼓鐘。 笙磬詠德,萬舞象

志第十二 樂上

八音克諧,俗易化 從 其 和 如 樂,庶品 時 邕

爱造草昧 時 邕斌 斌、六合同 應乾 頄 民。 塵。 往我 靈瑞 韓濊進樂,宮徵清鈞。 告符 祖宣 、休徴響 一,威 靜 殊 震。 鄰。 西旅 天 首定荆楚, 地 弗 獻獒,扶南效珍。 違 以以 遂 平 和 燕 神 秦。 人。 蠻裔 旣禽 亹亹 庸蜀 重譯,玄齒 文皇,邁 吳會是 德 流

身。 我皇撫之,景 命惟 新。 賓。

肅愼

率

職

枯

矢

來

陳。

榗 悟 嘉 會, 有 聞 無聲。 清酤旣奠,籩豆旣升。 禮充樂備,簫韶九成。 愷樂飲酒 計 而

率土歡豫,邦 國 以 寧。 王猷 允塞,萬載無傾。

冬至初歲小會歌 張華

宴百 僚。 日月 不留, 繁肴綺錯,旨酒泉渟。 四 氣 回 周。 節 慶代序,萬國同 笙鏞 和 奏,磬管流 休。 聲。 庶 尹羣后,[弘奉壽升朝。 上隆其愛,下盡其心。 我有壽禮, 宣其壅滯,訓 式

之德音。 乃宣 乃訓 配配 享交泰。 永載 仁風,長撫無外。

宴 會 歌 張

設。 陳。 宣揚 亹亹 肴 蒸 四 多 我 皇,配 品 體,繁手 , 八 珍 天 趣 代 垂 摰 光。 變。 留精 歡足發和,酣不 羽 爵 無算,究 日昃,經覽 樂 忘 無 極 禮 宴。 方。 歌者 聽朝 好樂無荒 有暇 流 聲 延 舞者 翼翼濟濟。 命衆 投袂 臣。 冠蓋 動容 有節 三雲集,罇俎 絲絲 竹並

# 命將出征歌 張華

類,疏狄思自親。 **狼染牙爪,羣生號穹旻。元帥統方夏,出車撫凉寮。** 重華隆帝道,戎蠻或不賓。 單醪豈有味,挾纊感至仁。 徐夷興有周,鬼方亦違殷。今在盛明世,寇虐動四垠。豺 武功尙止戈,七德美安民。 衆貞必以律,臧否實在人。 遠跡由斯舉,永世 威信加殊

# 勞還師歌 張華

無風

塵。

首,北土永淸夷。 在凱歸。 勢如鞹弩,赴節如發機。 **玁**犹背天德,構亂擾 昔往冒隆暑,今來白雪霏。 邦畿。 囂聲動 山谷, 戎車震朔野, 羣帥贊皇威。 金光曜素暉。 征夫信勤瘁,自古詠采薇。 揮戈陵勁敵, 將士齊心旅, 武步蹈橫屍。 收榮於舍爵,燕喜 感義忘其私。 鯨鯢皆授

# 中宮所歌 張華

德宣隆教,正位理厥機。 先王統大業,玄化漸八維。 含章體柔順,帥禮蹈 儀刑孚萬邦, 謙祗。 內訓隆壺闡。 螽斯弘慈惠, 樛木逮幽微。 皇英垂帝典, 大雅詠三妃。 徽音穆清

# 宗親會歌 張華

風,高義邈不追。

遺榮參日月,百世仰餘暉。

志第十二 樂上

六九二

洽,上下同歡欣。 皇聖明后,天覆弘且仁。 降禮崇親戚, 旁施協族姻。 族燕明禮順,餟食序親親。骨肉散不殊,昆弟豈他人。本枝篤同慶,棠棣著先民。 德教加四海,敦睦被無垠。 式宴盡酣娛,飲御備羞珍。 和樂旣宣

用。 亦張華之所作云。 古尺,作新律呂,以調聲韵。 **勖逐典知樂事,啓朝士解音律者共掌之。** 泰始九年,光祿大夫荀勖以杜夔所制律呂,校太樂、總章、鼓吹八音,與律呂乖錯,乃制 事具律曆志。 律成、遂班下太常、使太樂、總章、鼓吹、清商施 使郭夏、宋識等造正德、大豫二舞,其樂章

## 正德舞歌 張華

在庭。 方。 大明垂曜, 旁燭無疆。 日皇上天,玄鑒惟光。 象容表慶,協律被聲。 神器周回,五德代章。 **蚩蚩**庶類, 風德永康。 **軼武超濩,取節六英。** 祚命于晉,世有哲王。 皇道惟淸,禮樂斯經。 同進退讓,化漸無形。 弘濟區 金石在懸, 大和宣洽,通於 夏,陶甄萬 萬舞

# 大豫舞歌 張華

惟天之命,符運有歸。赫赫大晉,三后重暉。繼明紹世,光撫九圍。 我皇紹期,遂在琁

功。 璣。 醇化旣穆,王道協隆。 羣生屬命, 奄有庶邦。 愼徽五典,玄教遐通。 仁及草木,惠加昆蟲。 萬方同軌,率土咸雍。 億兆夷人, 悅仰皇風。 爱制 **丕顯大業**, 大豫,宣 一德舞 永世

彌崇。

葬値 中和。 謂勖 造二舞,次更修正鐘聲。[10]會聞薨,未竟其業。 時玉尺,勖以校已所治鐘鼓金石絲竹,皆短校一米,於此伏咸之妙,復徵咸歸。 暗解。 !喪亂,莫有記之者。 荀勖又作新律笛十二枚,以調律呂,正雅樂,正會殿庭作之,自謂宮商克諧,然論者猶 每公會樂作,勖意咸謂之不調,以爲異己,乃出咸爲始平相。 時阮咸妙達八音,論者謂之神解。 咸常心譏勖新律聲高,以爲高近哀思,不合 元康三年, 詔其子藩修定金石, 以施郊廟。 後有田父耕於野 聞旣以新律 7,得周

四篇。 所居,故名曰巴渝舞。 侯,復實 漢高祖自蜀漢將定三秦,閬中范因率竇人以從帝,八八爲前鋒。及定秦中,封因爲閬中 其辭 人七姓。 既武古, 其俗喜舞,高祖樂其猛銳,數觀其舞,後使樂人習之。 閬中有渝水,因其 莫能曉其句度。 舞曲有矛渝本歌曲、安弩渝本歌曲、江三安臺本歌曲、行辭本歌曲、總 魏初, 乃使軍謀祭酒王粲改創其詞。 桑問巴渝帥李管、

志

第

+

樂上

舞日宣武舞,羽籥舞日宣文舞。 种玉歌曲意,試使歌,聽之,以考校歌曲,而爲之改爲矛渝新福歌曲、弩渝新福歌曲、安臺新 書奏,考覽三代禮樂遺曲,據功象德,奏作武始、咸熙、章斌三舞,皆執羽籥。 及晉又改昭武 福歌曲、行辭新福歌曲,行辭以述魏德。 ·用荀勖所使郭夏、[1三宋識等所造正德、大豫二舞云。 咸寧元年,韶定祖宗之號,而廟樂乃停宣武、宣文二舞,而 黄初三年,又改巴渝舞曰昭武舞。至景初元年,尚

## 校勘記

[1] 南者任也 「南者」,各本誤作「南呂」,宋本不誤,今從之。

善訓雅樂 魏志杜夔傳作「善詠雅樂」,隋書樂志下亦作「詠」,「詠」字義長。

整泰折 「折」,各本誤作「圻」,宋本不誤,樂府詩集一亦作「折」,今從宋本。「泰折」見禮記

蛇豕放命 「蛇豕」、宋書樂志在本志校記中以後簡稱朱志二作「虎兕」、蓋晉代原文。 唐人諱虎,因改

爲「蛇豕」。

五二 東廂雅樂常作者是也 宋志一、樂府詩集一三「常」作「郎」。「雅樂郎」見魏志杜夔傳。

747 彧彧明 儀形 「彧彧」,各本作「式式」,殿本作「彧彧」,今從殿本,與宋志二、樂府詩集一三合。

眉壽祚聖皇 「祚」,各本作「作」,殿本作「祚」,今從殿本,與朱志二、樂府詩集一三合。

一九山 庶尹羣后 「尹」,各本作「允」,今從宋本作「尹」,與樂府詩集一三合。

次更修正鐘聲 宋志一、通典一四一及御覽五六六「聲」並作「磬」。

 $\subseteq$ 范因 料注"蜀典「因」作「目」。按"文選蜀都賦注引風俗通亦作「目」。

安弩渝本歌曲 「安」字疑行。 樂府詩集五三、通典一四五、陳陽樂書引並無「安」字。

<u>二</u> 郭夏 「郭夏」原作「郭瓊」。 上文旣有「郭夏朱識」,而宋志一、魏書樂志、通典一四一、通志四

九亦皆作「郭夏」,因據改。

# 晉書卷二十三

## 志第十三

#### 樂下

荆州,與謝尙修復雅樂,未具而亮薨。庾翼、桓溫專事軍旅,樂器在庫,遂至朽壞焉。及慕 以無雅樂器及伶人,省太樂幷鼓吹令。是後頗得登歌,食舉之樂,猶有未備。太寧末,明帝 又訪阮学等增益之。[1]咸和中,成帝乃復置太樂官,鳩集遺逸,而尚未有金石也。庾亮爲 此禮,自造新詩而已。舊京荒廢,今旣散亡,音韻曲折,又無識者,則於今難以意言。」于時 庭,琴瑟在堂,八音迭奏,雅樂並作,登歌下管,各有常詠,周人之舊也。自漢氏以來,依倣 亂,舊典不存。然此諸樂皆和之以鍾律,文之以五聲,詠之於歌辭,陳之於舞列。宮懸在 樂名。太常賀循答云:「魏氏增損漢樂,以爲一代之禮,未審大晉樂名所以爲異。遭離喪 永嘉之亂,海內分崩,伶官樂器,皆沒於劉、石。江左初立宗廟,尚書下太常祭祀所用

第

容儁平冉閔, 兵戈之際, 而鄴下樂人亦頗有來者。 永和十一年,謝尚鎭壽陽, 於是採拾樂

破苻堅,又獲其樂工楊蜀等, 人,以備太樂,幷制石磬, 雅樂始頗 閑習舊樂,於是四廂金石始備焉。 具。 而王猛平鄴,慕容氏所得樂聲又入關 乃使曹毗、 王珣等增造宗 右。 太元中,

廟歌詩,然郊祀遂不設樂。今列其詞於後云。

## 歌宣帝 曹毗

於赫 高祖 一、德協 靈 符。 應運撥亂, 釐整天衢。 勳格宇宙,化動 八區。 肅以典刑,陶以玄

珠。神石吐瑞、靈芝自敷。肇基天命,道均唐虞。

## 歌景帝 曹毗

景皇承運,纂隆洪緒。 亹亹神算,赫赫王 旅。 皇羅重抗,三 鯨鯢旣平,功冠帝宇。 一天暉 再舉。 蠢矣二寇,擾我揚楚。 乃整元戎,以

歌文帝 曹毗

風。 太祖 平蜀夷楚,以文以戎。 齊聖,王猷 誕 融。 奄有參墟,聲流無窮 仁敎四塞,天基累崇。 皇室多難,嚴淸紫宮。 威厲秋霜,惠過春

歌武帝 曹毗

於穆武皇,允龔欽明。 應期登禪、龍飛紫庭。 百揆時序,聽斷以情。 殊域既實,偽吳亦

平。晨流甘露,宵映朗星。[三]野有擊壤,路垂頌聲。

歌元帝 曹毗

運屯百六,天羅解 貫。 元皇勃興,網籠江漢。 仰齊七政,俯平禍亂。 化若風行,澤猶雨

散。淪光更曜,金輝復煥。德冠千載,蔚有餘粲。

歌明帝 曹毗

明 明 肅祖,闡 弘帝 祚。 英風夙發,清暉載路。 姦逆縱忒,罔式皇度。 躬振朱旗、遂豁天

少。宏猷允塞,高羅雲布。品物咸寧,洪基永固。

歌成帝 曹毗

於休 顯宗,道澤玄播。 式宣德音,暢物以 和。 邁德蹈仁,匪禮 不過。 敷以純 風,濯以清

連理映阜,鳴鳳棲柯。同規放勛,義蓋山河。

波。

歌康帝 曹毗

康皇 穆穆, 仰嗣 洪德。 爲而 不宰, 雅音四塞。 閑邪 以誠, 鎭物以默。 威靜 區

邦國。

歌穆帝 [四] 曹毗

孝宗 夙哲 小休 音允臧 会 如彼晨離,燿景扶桑。 垂訓華幄,流潤 八荒。 幽 贊 玄妙,爱該

志第十三 樂下

典章。西平僭蜀,北靜舊疆。高猷遠暢,朝有遺芳。

歌哀帝 曹毗

於穆哀皇,聖心虛遠。 雅好玄古,大庭是踐。 道尙無爲,治存易簡。化若風行,時猶草

偃。云雖曰登遐,徽音彌闡。悟悟雲韶,盡美盡善。

歌簡文帝 王珣

皇矣簡文,於昭于天。 靈明若神,周淡 如川。行沙沖應其來,實與其遷。 亹亹心化,日用

小言。易而有親,簡而可傳。觀流彌遠,求本逾玄。

歌孝武帝 王珣

天監有晉,欽哉烈宗。 同規文考,玄默允恭。 威而不猛,約而能通。 神鉦 震,九域來

同。道積潍海,雅頌自東。氣陶醇露,化協時雍。

四時祠祀 曹毗

樂兮! 肅肅淸廟,巍巍聖功。 理管絃,有來斯和。 說功德,吐淸歌。 萬國來賓,禮儀有容。 神斯樂兮!洋洋玄化,潤被九壤。 鐘鼓振,金石熙。 宣兆祚、武開基。 民無不悅, 神斯

道無不往。 禮有儀,樂有式。詠九功,永無極。 神斯樂兮!

陵、將進酒 漢 時有短簫鐃歌之樂,其曲有朱鷺、思悲翁、艾如張、上之回、雍離、戰城南、巫山 君馬黃、芳樹、「宀」有所思、雉子班、聖人出、上邪、臨高臺、遠如期、石留、務成

玄雲、黃爵行、釣竿等曲,列於鼓吹,多序戰陣之事

將進酒 期也。 悲翁 城、言曹公越北塞、歷白檀、破三郡烏桓於柳城也。 死亡士卒也。 克官渡,言曹公與袁紹戰,破之於官渡也。改雍離 爲戰榮陽,言曹公也。 及魏受命,改其十二曲,使繆襲爲詞,述以功德代漢。 爲平關中,言曹公征馬超,定關中也。 改芳樹爲邕熙,言魏氏 改戰城南爲定武功,言 改艾如張爲獲呂布,言曹公東圍臨淮,擒呂布也。改上之回 臨其國,君臣 曹公初破鄴,武 功之定始乎此也。 爲穆,庶績咸熙也。改上邪爲太和,言明帝繼體 改有所思爲應帝期,言文帝以聖德受命,應運 爲舊邦,言曹公勝袁紹於官渡,還譙收 改上陵爲平南荆 改朱鷺爲楚之平,言魏也。 ,言曹公平荆州 改 巫 山 改

承統 ,太和改元,德澤流布 也。 其餘並 同 ·舊名。

旣 猛 破 荆州 是時吳亦使韋昭制十二曲名,以述功德受命。 念在匡教,王迹始乎此 內也。 順流 東下,欲來爭鋒,權命將周瑜逆擊之於烏林而破走也。 改艾如張 爲攄武師,言權卒父之業而征 也。 改思悲翁爲漢之季,言堅悼漢 改朱鷺爲炎精缺,言漢室 伐 也。 之念微 改上之回爲烏林, , 痛董卓 改雍離爲秋風,言權 衰,孫堅 之亂 言 興 魏武 奮迅 兵

志 第

十

時主聖德踐位,道化至盛也。改上邪曲爲玄化,言其時主修文武,則天而行,仁澤流洽,天 遠方來附也。 權與蜀交好齊盟,中有關羽自失之愆,終復初好也。改將進酒爲章洪德,言權章其大德,而 巫山高爲關背德,言蜀將關羽背棄吳德,權引師浮江 悦以使人,人忘其死也。 改有所思爲順曆數,言權順錄圖之符,而建大號也。改芳樹爲承天命,言其 改戰城南爲克皖城,言魏武志圖幷兼,而權親征,破之於皖也。 .而擒之也。改上陵曲爲通荆州,[忠]言 改

宣帝禦諸葛亮,養威重,運神兵,亮震怖而死也。改艾如張爲征遼東,言宣帝陵大海之表, 桀之黨,以武濟文,以邁其德也。 改有所思爲惟庸蜀,言文帝旣平萬乘之蜀,封建萬國,復 飛,言景帝克明威教,賞順夷逆,隆無疆,崇洪基也。改巫山高爲平玉衡,言景帝一萬國之 以定二儀之序也。改雍離爲時運多難,言宣帝致討吳方,有征無戰也。改戰城南爲景龍 佐魏,猶虞舜之事善,旣有石瑞之徵,又能用武以誅孟達之逆命也。改思悲翁爲宜受命,言 殊風,齊四海之乖心,禮賢養士,而纂洪業也。改上陵爲文皇統百揆,言文帝始統百揆,用 討滅公孫氏而梟其首也。改上之回爲宣輔政,言宣帝聖道深遠,撥亂反正,網羅文武之才, 人有序,以敷太平之化也。改將進酒爲因時運,言因時運變,聖謀潛施,解長蛇之交,離羣 下喜樂也。其餘亦用舊名不改。 及武帝受禪,乃令傅玄製爲二十二篇,亦述以功德代魏。 改朱鷺爲靈之祥,言宣帝之

改遠如期爲仲秋獮田,言大晉雖有文德,不廢武事,順時以殺伐也。 旅,言大晉申文武之教,畋獵以時也。改臨高臺爲夏苗田,言大晉畋狩順時,爲苗除害也。 神雀來也。 依舊名,言聖皇用人,各盡其材也。改黃爵行爲伯益,言赤烏衡書,有周以興,今聖皇受命, 冬大閱,用武修文,大晉之德配天也。 孝道行於天下也。改維子班爲於穆我皇,言聖皇受禪,德合神明也。改聖人出爲仲春振 晉承運期,言聖皇應錄受圖,化象神明也。 五等之爵也。改芳樹爲天序,言聖皇應曆受禪,弘濟大化,用人各盡其才也。改上邪爲大 釣竿依舊名,言聖皇德配堯舜,又有呂望之佐,濟大功,致太平也。 改務成爲唐堯,言聖皇陟帝位,德化光四表也。 改君馬黃爲金靈運,言聖皇踐阼,致敬宗廟 改石留爲順天道,言仲 其辭並列之 而

#### 靈之祥

於後云。

遐荒。 唐。 讚武文,[10]建帝綱。 靈之祥,石瑞章。 宣赫怒,奮鷹揚。 旌金德,出西方。天降命,授宣皇。 震乾威,曜電光。陵九天,陷石城。 孟氏叛,據南疆。 追有扈,亂五常。 應期運,時龍驤。 梟逆命, 拯有生。 吳寇叛,蜀虜强。 繼大舜,佐陶 萬國安,四 交誓盟,連

#### 宣受命

海寧。

七〇四

定傾。 宣受命,應天機。 攬英雄、保持盈。 風雲時動,神龍飛。 深穆穆,赫明明。 沖而泰,天之經。 禦葛亮,鎭雍梁。 養威重, 運神兵。 邊境安,夷夏康。 亮乃震斃, 務節事,勤

#### 征遼東

天下安寧。

征遼東、敵失據。 威靈邁日域,公孫旣授首,羣逆破膽,咸震怖。 朔北響應,海表景附。

武功赫赫,德雲布。

#### 宣輔政

上治民,化風移。 宣皇輔政、聖烈深。 肇創帝基,洪業垂。 撥亂反正,順天心。 於鑠明明,時赫戲。 網羅文武才,慎厥所生。 功濟萬世,定二儀。 所生賢,遺敎施。 定二儀,雲 安

## 時運多難

行雨施,海外風

馳

時運多難,道敎痡。 天地變化,有盈虛。 **鳌爾吳蠻,武視江湖。[11]我皇赫斯,致天誅。** 

有征無戰,弭其圖。天威橫被,廓東隅。

#### 景龍飛

景龍飛,御天威。 聰鑒玄察,動與神明協機。 從之者顯,逆之者滅夷。 文教敷,武功

巍。 普被四海,萬邦望風,莫不來綏。 聖德潛斷,先天弗違。口己弗違祥,享世永長。 猛以致

寬,道化光。 赫明明,祚隆無疆。 帝績惟期,有命旣集,崇此洪基。

#### 平玉衡

平玉衡,糾姦回。 萬國殊風,四海乖。 禮賢養士,羈御英雄,思心齊。 纂戎洪業, 崇皇

階。品物咸亨,聖敬日躋。聰鑒盡下情,明明綜天機。

## 文皇統百揆

澤所漸潤,礫石爲珪璋。 功濟四海,洪烈流萬世。 內外,六合並康义。並康义,遘茲嘉會。 文皇統百揆,繼天理萬方。 大道侔五帝,盛德踰三王。 武將鎭四隅,英佐盈朝堂。 在昔羲與農,大晉德斯邁。 咸光大,上參天與地,至化無內外。 謀言協秋蘭,淸風發其芳。 鎭征及諸州, 爲藩衞 洪 無

#### 因時運

因 時運,聖策施。 長蛇交解,羣桀離。 勢窮奔吳, 獸騎厲。 惟武進,審大計。 時邁其

德,清一世。

#### 惟庸蜀

惟庸蜀,僭號天一 隅。 劉備逆帝命,禪亮承其餘。 **擁衆數十萬**, 闚隙乘我虛。 驛騎進

志

七〇六

謨衆 羽檄,天下不遑居。|姜維屢寇邊,隴上爲荒蕪。 士夫。 逋虜畏天誅,面縛造壘門。 爪牙應指受,腹心獻良圖。 萬里同風敎,逆命稱妾臣。 良圖協成文,大興百萬軍。 文皇愍斯民,歷世受罪辜。外謨藩屏臣,內 光建五等,紀綱天人。 雷鼓震地起,猛勢陵浮

#### 天序

鎭四方。 天序,應曆受禪,承靈祜。 **答繇稷契之疇,協蘭芳。** 御羣龍,勒螭武。 禮王臣,覆兆民。 弘濟大化,英雋作輔。 化之如天與地、誰敢愛其身。 明明統萬機,赫赫

## 大晉承運期

明,至哉道隆虞與唐,元首敷洪化,百僚股肱並忠良。 大晉承運期,德隆聖皇。 時淸晏,白日垂光。 應錄圖,陟帝位,繼天正玉衡。 時太康,隆隆赫赫,福祚盈無疆 化行象神

#### 金靈運

神歆饗,咸悅康。 登大麓,御萬乘。 神祇應、嘉瑞章。 金靈運,天符發。 宴孫子,祐無疆。 恭享禮,薦先皇。 皇之輔,若闞武。 聖徵見,參日月。 惟我皇、體神聖。 樂時奏,磬管鏘。 爪牙奮,莫之禦。 大孝蒸蒸,德教被萬方。 受魏禪, 鼓殷殷,鐘鍠鍠。 皇之佐, 讚淸化。 應天命。 皇之興, 百事 **奠**樽俎, 理 萬邦

## 於穆我皇

**羣英。** 赫煌煌,曜幽冥。三光克從,於顯天,垂景星。 風 仰泰清。 於穆我皇,盛德聖且明。受禪君世,光濟羣生。普天率土,莫不來庭。 夙夜乾乾,萬機是經。 萬國雍雍,興頌聲。 雖治興,匪荒寧。 大化洽,地平而天成。七政齊,玉衡惟平。 龍鳳臻,甘露宵零。 謙道光,沖不盈。 天地合德, 日月同 肅神祇, 祗上靈。 峨峨佐 **顒顒六合內,望** 命,濟 樂。 萬物 赫 濟

## 仲春振旅

欣戴,自天效其成

戰,大教明,古今誰能去兵。 大晉繼天,濟羣生。 允武 仲春振旅,大致人,武教於時日新。 蒐田表碼,申法誓。 遂圍禁,獻社祭。 師執提,工執鼓。 允以時,明國制。文武並用,禮之經。 坐作從、三節有序。 盛矣允文 列車如

#### 夏苗田

罷陣弊車。 八門,行同上帝居。 夏苗田,運將徂。 獻禽享祀,蒸蒸配有虞。 時路建大麾,雲旗翳紫虛。 軍國異容,文武殊。 惟大晉,德參兩儀,化雲敷。 乃命羣吏,撰車徒,辯其號名,讚契書。王軍啓 百官象其事,疾則疾,徐則徐。 回衡旋軫,

### 仲秋獺田

仲秋 公獺田、 金德 常綱。 涼風清且厲,凝露結爲霜。 白藏司辰,倉隼時鷹揚。 鷹揚猶尚

志

七〇八

大晉德,芬烈陵三五。 父,順天以殺伐,春秋時序。 敷化以文,雖安不廢武。 雷霆震威曜,進退由鉦鼓。 光宅四海、永享天之祜。 致禽祀前,羽毛之用充軍府。 赫赫

#### 順天道

貌 武。 報功,爵俟賢。饗燕樂,受茲百祿,壽萬年。 氣陵靑雲。解圍三面,殺不殄羣。偃旌麾,班六軍。 順 動軍誓衆,禮成而義舉。三驅以崇仁,進止不失其序。 天道,握神契,三時示,講武事。冬大閱,鳴鐲振鼓鐸,旌旗象虹霓。 獻享蒸,修典文。嘉大晉,德配天。 兵卒練,將如闞 文制其中,武不 武 惟闞 禄

#### 唐堯

表,祥氣見其徵。 **禹統百揆,元凱以次升。禪讓應大曆,睿聖世相承。我皇陟帝位,平衡正準繩。德化飛四** 唐堯諮務成,謙謙德所興。積漸終光大,履霜致堅冰。神明道自然,河海猶可凝。 興王坐俟旦,亡主恬自矜。致遠由近始,覆簣成山陵。披圖案先籍,有其

#### 玄雲

證靈液。

親遊萬國,流光溢天外。 玄雲起丘 山,祥氣萬里會。 鶴鳴在後園,淸音隨風邁。 龍飛何蜿蜿,鳳翔何翽翽。昔在唐虞朝,時見靑雲際。今 成湯隆顯命,伊擊來如飛。 周文獵渭

芬馨世所 遂載呂望歸。 丕顯惟昧旦,日新孔所諮。 稀。我皇敍羣才,洪烈何巍巍。桓桓征四表,濟濟理 符合如影響,自己先天天不遠。輟耕綜地綱,解褐衿天維。 茂哉明聖德, 日月同 .光輝。 一萬機。 神化感無方,髦才盈 元功配二王,

#### 伯

纖網 皇統 雲。江沿巓風發芳氣,蓋世同其芬。 應淸化,翔習何翩翩。 羽羣。 ,當柰黃雀何。 伯益佐舜禹,職掌山與川。 赤鳥銜書至,天命瑞周文。 殷湯崇天德,去其三面羅。 和鳴棲庭樹,徘徊雲日間。 德侔十六相,思心入無間。 神雀今來遊,爲我受命君。 逍遙羣飛來,鳴聲乃復和。 夏桀爲無道,密網施山河。口鬥酷祝 智理周萬物,下知衆鳥言。 嘉祥致天和,膏澤隆 朱雀作南宿 二,鳳

黄

振

#### 釣竿

萬方。 不足幷。 異,兩儀 變隨物移 釣竿何冉冉,甘餌芳且鮮。 速夏禹 出渾成。 う精 天人初幷時, 妙貫 而 德衰, 、未然。 玉衡 昧昧. 正三辰,造化賦羣形。 三代不及虞與唐。 遊魚驚著釣,潛龍飛戾天。戾天安所至?撫翼翔太淸。太淸一 何芒芒。 臨川運思心,微綸沈九泉。太公寶此術,乃在靈祕篇 日月有徵兆,文象興二皇。蚩尤亂生靈,黃帝用兵征 我皇盛德配堯舜,受禪即阼享天祥。 退願輔聖君,與神合其靈。我君弘遠略,天人 率土蒙祐, 何

七〇九

志

靡 肅, 庶事康。 庶事康,穆穆明明。 荷百祿、保無極、永太平。

郎袁 舞詩序云:「故漢靈帝西園鼓吹有率堅者,能鼙舞,遭世荒亂,堅播越關 襲,故依前曲作新歌五篇。」及泰始中,又製 帝聞其舊伎,下書召堅。 {關 東有賢女,二、章和二年中,三、樂久長,四、四方皇,五、殿前生桂樹,其辭 明子 鑵 舞、未詳所起,然漢代已施於燕享矣。 啓增滿八佾。 泰始中歌辭今列之後云。 堅年踰七十,中間廢而不爲,又古曲甚多謬誤,異代之文,未必 其辭焉。 傅毅、張衡所賦、皆其事也。 其舞故常二八,桓玄將僭位,尚書殿 西,隨將軍段 舊曲有五篇,一、 並亡。 曹植鼙 煨。 中 相

# **鼙舞歌詩五篇**

洪業篇當魏曲明明魏皇帝,古曲關東有賢女。〔117〕

潛龍 體無爲。 並佐命,伊呂升王臣。 禪帝位,虞舜惟恭己。恭己正南面,道化與時移。 升天路。 宣文創洪業,盛德在泰始。 聰明配日月,神聖參兩儀。 備物立成器,變通極其數。 **蘭芷登朝肆,下無失宿人。** 聖皇應靈符,受命君 雖有三凶類,靜言無所施。 百事以時敍,萬機有常度。 聲發響自應,表立景來 四海。 大赦盪萌漸,文教被黃支。 萬國何所樂? 象天 訓之以克讓,納之以 則 附。 地, 上有 體 哮 明天子。 無 闞 象天 爲。 順 則地, 羇 稷契

德應期運,天地不能違。 諮。 纖介,今去情與故。 忠恕。 臣譬列星景, 羣下仰淸風,海外同歡慕。 君配 象天則 朝日輝。 仰之彌 地,化雲布。 已高,猶天不 事業並通濟, 象天則地,化雲布。 濟濟大朝士,夙夜綜萬機。 ·可階。 功烈何巍巍。 將復御龍氏,鳳皇在庭棲。 昔日貴彫飾,今尚儉與素。 五帝繼三皇,三皇世所 萬機無廢理,明 昔日 明降訓 聖

天命篇 當魏曲太和有聖帝,古曲章和二年中

應福始,王凌爲禍先。 東征 寇邊疆。 罪,元惡宗爲虛。 隆舜臣堯,積德踰 陵 海表,萬里克朝鮮。日己受遺齊七政, 祖受天命,應期輔魏皇。 我皇邁 神武、執鉞鎭雍涼。 太王。 威風震 勁蜀,武烈慴强吳。 孟度阻窮險, 入則綜萬 亮乃畏 造亂天一 機,出則征四方。 曹爽又滔天。 天威,未戰先仆僵。 諸葛不 隅。 知命 神兵 ,肆逆亂 出 羣凶受誅殛,百祿咸來臻。 不意, 朝廷無遺理,方表寧且康。 盈虛自然運 天常。 奉命致 擁徒十 天誅。 一,時變故 餘萬,數來 赦善罰 多艱 道 有

景皇篇當魏曲魏曆長,古曲樂久長。

玄,內則張與李,三凶構逆, 咸伏辜,威風振萬里。 景皇帝,聰明命世生,盛德參天地。 平衡綜萬機,萬機無不理。 亂帝紀。 順天行誅,窮其姦宄。 帝王道大,創基旣 召陵桓不君,口心內外何紛紛。 已難, 邊將 禦其漸 繼世亦未易。 ")潛謀不 外 得 衆小便 則夏侯 起。 罪

關,清和未幾間,羽檄首尾至,變起東南藩。 成羣,蒙昧恣心 天下懼不安。 神武御六軍,我皇執鉞征。 ,治亂不分。 兩軍不期遇,敵退計無施。 叡聖獨斷,濟武常以文。 儉欽 儉飲爲長蛇,外則憑吳蠻。 起壽春,前鋒據項城。 順天惟廢立,掃霓披浮雲。 豹騎惟武進,大戰沙陽陂。 出 其不意,並 萬國紛 騷 雲霓旣已 縱奇兵。 擾, 戚戚

魂走,奔虜若雲披。 天因赦有罪,[10]東土效鯨鯢 奇兵誠難御,廟勝實難支。

大晉篇 當魏曲天生蒸民,古曲四方皇

靡順 致討儉欽,罔不肅虔。 命將致討,委國稽服。 一等,藩國正封界。 不懷 亡秦壞諸侯,序祚不二世。 顯,武又彰。思弘六合,[三]兼濟萬方。 赫赫大晉,於穆文王。 ,逆命斯亡。 仁配春日, 威踰秋霜。 莘莘文武佐,千秋遘嘉會。 吳人放命,馮海阻江。 化感海內,海外來賓。 蕩蕩巍巍,道邁陶唐。 歷代不能復,忽踰五百歲。我皇邁聖德,應期創典制。 飛書告喻,響應來同。 內舉元凱,朝政以綱。 濟濟多士,同茲蘭芳。 獻其聲樂,並稱妾臣。 洪澤溢區內,仁風翔海外。 世稱三皇五帝,及今重其光。 先王建萬國,九服爲藩 外簡武臣, 時惟鷹揚。 唐虞至治,四凶滔天 西蜀猾夏, 僭號方域。 九德克明,

明 君篇 當魏曲爲君旣不易,古曲殿前生桂樹

明 君御四海,聽鑒盡物情。 顧望有譴罰,竭忠身必榮。蘭芷出荒野,萬里升紫庭。

桂摧 濁。 在 邪 爲 草穢堂階,掃截不得生。能否莫相蒙,百官正 信,羣下執異端。 身患。 綱 正 為薪。 不並存,譬若胡與寮。胡寮有合時,邪正各異津。忠臣遇明君,乾乾惟日新。羣目統 **積偽罔時主,養交以持祿。言行恒相違,難魘甚谿谷。昧死則乾沒,覺露則滅族。** ,衆星共北辰。<br />
設令遭闇主,<br />
斥退爲凡人。 清流豈不潔,飛塵濁其源。岐路令人迷,未遠勝不還。 邪臣多端變,用心何委曲。 正直 「羅浸潤,姦臣奪其權 便辟順情指,動隨君所欲。偸安樂目前,不問清與 雖欲盡忠誠,結舌不敢言。結舌亦何憚,盡忠 其名。 雖薄供時用,白茅猶爲珍。 恭已愼有爲, 有爲無不成。 忠臣立君朝,正色不顧身 冰霜晝夜結,蘭 闇君 不自

見白 ·[符舞,或言白鳧鳩舞,云有此來數十年矣。 拂 舞,出自江左。舊云吳舞,檢其歌,非吳辭也。 察其辭旨,乃是吳人患孫晧虐政,思屬晉 亦陳於殿庭。楊泓序云:「自到江南

拂舞歌詩五篇

也。」今列之於後云

#### 白鳩篇

乾。 策我 皎 翩 皎 翩 鳴 白 良 鳩 駟 鳩 或或 再 習 飛 我 丹 (驅馳 或 再 黄 鳴。 樂我 懷我君德,來集君 與君周旋,樂道忘饑。 君惠 振 羽 來 翔。 庭。 我 東 白雀呈瑞,素羽 壁餘 心虛靜,我志霑 光,魚 在 明 江 濡 鮮。 湖 彈琴 翔 惠 庭 而 舞翼,以 鼓瑟,聊以自 不 費 敬 應仁 我微

志

第

娛。 陵雲登臺,浮遊太淸。 攀龍附鳳,自望身輕。

#### 濟濟篇

近桑楡,但當飲酒爲歡娛。 暢暢飛舞氣流芳,三追念三五大綺黃。 衰老逝,有 何期,行三多憂耿耿內懷思。 去失有, 時可行, 去來時同此未 深池曠,魚獨 央。 ,希,願得黃 時冉冉,

#### 獨 減篇

浦衆所依。

恩威人,世無比,悲歌且舞無極已。

子狐 別偽眞。 散。 獨 獨 **祿祿、〔三〕水深泥濁。** 刀鳴削中,倚牀無施。 翩翩浮萍,得風 搖 輕。 泥濁尙可,水深殺我。 父冤不報,欲活何爲。 我心何合,與之同 幷。 雍雍雙雁, 猛獸班班 空狀低韓,誰 一遊戲 遊戲 知 Щ 田 無 畔。 間。 人。 夜衣錦 我欲射雁, 獸欲嚙人,不 繡 誰

#### 碣石篇

起。 日月之行,若出 東臨碣石,以觀 滄海。 . 其 中。 星漢燦爛,若出其裏。 水何淡淡,山島竦 峙。 樹木叢生,百草豐茂。 幸甚至哉,歌以詠志。 秋風蕭 觀滄海 瑟, 洪波涌

孟冬十月,北風 **耨**鑮停置, 農收積場。 徘徊。 逆旅整設,以通賈商。 天氣肅清,繁霜霏 霏。 幸甚至哉、歌以詠志。 **鵙鷄晨鳴,雁** 過 南 飛。 鷙鳥潛藏,熊羆窟

鄕 土不同,河朔隆寒。 流澌浮漂,舟船行難。 錐不入地,豐籟深奧。 水竭不流,冰堅可

蹈。 士隱者貧,勇俠 輕非。 心常歎怨,戚戚多悲。 幸甚至哉,歌以詠志。 土木洞

神龜 盈縮之期,不但在天。養怡之福,可得永年。 雖壽,猶有竟時。 騰蛇乘霧,終爲土灰。 驥老伏櫪,气恶志在千里。 幸甚至哉,歌以詠志。 烈 龜雖壽 士暮年,壯

淮南王篇

年,少年窈窕何能賢。揚聲悲歌音絕天。我欲渡河河無梁,願作雙黃鵠,還故鄉。 入故里,徘徊故郷,苦身不已。덕艺繁舞奇歌無不泰,徘徊桑梓遊天外。 淮 南王,自言尊,百尺高樓與天連。 後園鑿井銀作牀、金瓶素綆汲寒漿。 汲寒漿,飲少 還故鄉,

應,帝乃始命吹角爲龍鳴以禦之。〔三〕其後魏武北征烏丸,越沙漠而軍士思歸,於是滅爲中 鼓角橫吹曲。鼓,案周禮「以鼖鼓鼓軍事」。角,說者云,蚩尤氏帥魑魅與黃帝戰於涿

鳴,而尤更悲矣。

邊將了三四和帝時,萬人將軍得用之。三四魏晉以來,二十八解不復具存,用者有黃鵠 於西京,惟得摩訶兜勒一曲。李延年因胡曲更造新聲二十八解,乘輿以爲武樂。後漢以給 胡角者,本以應胡笳之聲,後漸用之橫吹,有雙角,即胡樂也。張博望入西域,傳其法 {確

頭、「一〇出關、入關、出塞、入塞、折楊柳、黃覃子、赤之楊、「一一望行人十曲。

則也 六人生於上世,越今古而無儷,何但變汙同 契哉!」案此說,則自茲以後,皆孫朱等之遺 彈筝,行門上,生善琵琶,尤發新聲。故博玄著書曰:「人若欽所聞而忽所見,不亦惑乎!設此 案魏晉之世,有孫氏善弘舊曲,任則以宋識善擊節唱和,陳左善淸歌,列和善吹笛,郝索善

曲、朱生、宋識、別和等復合之爲十三曲。 相和,漢舊歌也,絲竹更相和,執節者歌。 本一部,魏明帝分爲二,更遞夜宿。本十七

有宋容華者,淸徹好聲,善唱此曲,當時之特妙。自晉以來不復傳,遂絕。 但歌,四曲,出自漢世。〔一言〕無絃節,作伎最先唱,一人唱,三人和。魏武帝尤好之。時

吳歌雜曲並出江南,東晉以來,稍有增廣。 凡樂章古辭,今之存者,並漢世街陌謠謳,江南可採蓮、烏生十五子、白頭吟之屬也。

子夜歌者,女子名子夜,造此聲。孝武太元中,琅邪王軻之家有鬼歌子夜,則子夜是此

時以前人也。〔三〕

鳳將雛歌者,舊曲也。應璩百一詩云「言是鳳將鑑」,然則其來久矣。前溪歌者,車騎

將軍沈充所制。「長」

阿子及懽聞歌者,穆帝升平初,歌畢輒呼「阿子,汝聞不。」語在五行志。後人衍其聲,以

爲此二曲。

團扇歌者,中書令王珉與嫂婢有情,愛好甚篤,嫂捶撻婢過苦,婢素善歌,而珉好捉白

團扇,故制此歌。

懊憹歌者,隆安初俗間訛謠之曲,語在五行志。

長史變者,司徒左長史王廢臨敗所制。

凡此諸曲,始皆徒歌,旣而被之管絃。 又有因絲竹金石,造歌以被之,魏世三調歌辭之

類是也。

杯拌舞,案太康中天下爲晉世寧舞,務手以接杯拌反覆之。〔言〕此則漢世惟有拌舞, 而

晉加之以杯,反覆之也。

公莫舞,今之巾舞也。 相傳云項莊劍舞,項伯以袖隔之,使不得害漢高祖,且語項莊 云

「公莫」!古人相呼曰公,言公莫害漢王也。今之用巾蓋像項伯衣袖之遺式。

然案琴操有公

莫渡河曲,然則其聲所從來已久,俗云項伯,非也。

白紵舞, 案舞辭有巾袍之言。紵本吳地所出,宜是吳舞也。 晉俳歌又云:「皎皎白緒,

志第十三 樂下

節節爲雙。」吳音呼緒爲紵,疑白紵即白緒也。

鐸舞歌一篇,幡舞歌一篇,鼓舞伎六曲,並陳於元會。

龜抃舞、背負靈嶽、桂樹白雪、畫地成川之樂。 數丈,兩倡女對舞,行於繩上,相逢切肩而不傾。 魏晉訖江左,猶有夏育扛鼎、巨象行乳、神 水、作霧翳日。畢、又化成龍、長八九丈、出水遊戲、炫燿日光。以兩大絲繩繫兩柱頭、相去 後漢正旦,天子臨德陽殿受朝賀,舍利從西方來,戲於殿前,激水化成比目魚,跳躍嗽

以天下體大,禮從權宜,三正之饗,宜盡用吉禮也。至娛耳目之樂,所不忍聞,故闕之耳。 禮,陵有儐弔之位,庭奏宮懸之樂,二禮兼用,哀樂不分,體國經制,莫大於此」。詔曰:「今旣 張澄、給事黃門侍郎陳達駁,以爲「王者觀時設敎,至於吉凶殊斷,不易之道也。今四方觀 事之大者,不過上壽酒,稱萬歲,已許其大,不足復闕鐘鼓鼓吹也。」 成帝咸康七年,尚書蔡謨奏:「八年正會儀注,惟作鼓吹鐘鼓,其餘伎樂盡不作。」侍中

義無盡吉。是以咸寧之會,有徹樂之典,實先朝稽古憲章,垂式萬世者也。」詔曰:「若元日 大饗,萬國朝宗,庭廢鐘鼓之奏,遂闕起居之節,朝無磬制之音,賓無蹈履之度,其於事義, 澄、達又啓:「今大禮雖降,事吉於朝。 然儐弔顯於園陵,則未滅有哀,禮服定於典文,

不亦闕乎!惟可量輕重,以制事中。」

經、紫鹿、跂行、鼈食及齊王捲衣、笮兒等樂,又減其廩。其後復高經、紫鹿焉。 簡儉之德,邁康哉之詠,淸風旣行,下應如草,此之謂也。 愚管之誠,惟垂採察,」於是除高 德頌聲,永著于來葉,此乃所以『燕及皇天,克昌厥後』者也。諸伎而傷人者,皆宜除之。 順,傷彝倫之大方。今夷狄對岸,外禦爲急,兵食七升,忘身赴難,過泰之戲,日廩五斗。 連倒,頭足入筥之屬,「云」皮膚外剝,肝心內摧,敦彼行葦,猶謂勿踐,矧伊生靈,而不惻愴。 作備矣。 黎元,體五行之正音,協八風以陶物。 掃神州,經略中甸,若此之事,不可示遠。 宜下太常,纂備雅樂,簫韶九成,惟新於盛運,功 加四海朝觀,言觀帝庭,耳聆雅頌之聲,目覩威儀之序,足以蹋天,頭以履地,反天地之至 散騎侍郎顧臻表曰:「臣聞聖王制樂,讚揚政道,養以仁義,防其淫佚,上享宗廟,下訓 故通神至化,有率舞之感,移風易俗,致和樂之極。末世之伎,設禮外之觀,逆行 宮聲正方而好義,角聲堅齊而率禮,絃歌鐘鼓金石之

## 校勘記

- (一) 明帝又訪阮孚等增益之 「訪」,宋志一作「詔」。
- 〔三〕皇羅重抗 「羅」、宋志二、樂府詩集八作「維」。

志第十三 校勘記

- \_ 宵映朗星 「映」,各本作「應」,今從宋本,與宋志二、樂府詩集八合。
- 歌穆帝 「歌哀帝」之前,應有「歌穆帝」一首,宋、明各本均缺,殿本有,今從之。
- 万姓し 休音允臧 「允」,殿本作「久」,今據宋志二、樂府詩集八改。
- 時猶草偃 「時」、朱志二、樂府詩集八均作「民」,此乃曹毗本文。晉志則唐人避諱改。
- 周淡如川 「川」、宋志二、樂府詩集八均作「淵」,乃王珣本文。晉志作「川」,則唐人避諱改。
- 上陵至芳樹 詩集一六及所引古今樂錄、御覽五六七、通志四九、通考一四一合。「芳樹」各本在「聖人出」 下,今亦從宋本在「君馬黃」下,與宋志四、樂府詩集一六及所引古今樂錄、御覽五六七合。 諸曲次序,各本「上陵」在「君馬黃」下,今從宋本在「巫山高」下,與宋志四、樂府
- 八九 通荆州 朱志四、樂府詩集一八及所引古今樂錄皆作「通荆門」,與歌詞首句合。
- 讚武文 原作「文武」、宋志四、樂府詩集一九作「武文」、指魏武帝、魏文帝、今據乙轉。
- 武視 **鄭**武」同。 江湖 歌詞中「虎」改「獸」,改「武」,改「藏」者不一而足。其他「淵」字、「世」字、「民」字、「治」 <del>| 宋志四、樂府詩集一九「武」作「虎」,是原文。作「武」者乃唐人避諱改。下天序「勒</del>
- 坐作從 普被四海至先天弗違 「從」,各本作「起」,今從宋本,與宋志四、樂府詩集一九合。 各本無此五語,殿本有,今從之。 宋志四、樂府詩集一九均有。

字被改者亦多,不一一

出校。

- 周文獵渭濱至影響 此三句宋、明本皆無、殿本依、宋志四、樂府詩集一九補、今從之。
- [三] 山河 「山河」當依朱志四作「山阿」。
- [1六] 膏澤隆靑雲 「隆」當依宋志四、樂府詩集一九作「降」。
- 關東有賢女 「關東」,各本作「關中」。上文旣作「關東」,此不應異。 宋志四、樂府詩集五三引

古今樂錄均作「關東」,今據改。

- 萬里克朝鮮 原作「萬里梟賊淵」。唐人諱「淵」而竄改、宋志四、 樂府詩集五三可證。
- [12] 召陵桓不君 「桓」,各本作「恒」,今據宋志四改。
- [110] 天因赦有罪 宋志四、樂府詩集五三「天因」作「天恩」。
- [11] 思弘六合 朱志四、樂府詩集五三「思」作「恩」。
- 有何期 暢暢飛舞 各本作「何有期」,今從宋本,與宋志四、樂府詩集五四合。 朱志四、南齊書樂志、樂府詩集五四俱作「暢飛暢舞」。
- 獨獨 祿祿 朱志四、南齊書樂志作「獨祿獨祿」當從之。 李校云:古人凡重句者,于每字下作

「二」,後人遂誤讀也。

〔三〕驥老伏櫪 樂府詩集五四「驥老」作「老驥」。

云 徘徊 故鄉苦身不已 朱志四無「苦」字、疑是。 此七字句,與下文「徘徊桑梓遊天外」同。

志第十三 校勘記

- 二出 帝乃始命吹角 「始命」原作「命始」,樂府詩集二一引本志作「始命」,是,今乙正。
- 云 後漢以給邊將 原無「將」字。斠注:後漢書班超傳注引古今樂錄「邊」下有「將」字。

詩集二一引本志、通典一四一、通志四九皆有。今據補。

原無「用」字,樂府詩集二一、古今注引皆有「用」字,今據補。

「記む

萬人將軍得用之

隴頭 各本作「壟頭」,今從殿本,與古今注、御覽五六七、通典一四一、通志四九、樂府詩集二

- 赤之楊 疑當從御覽五六七作「赤枝楊」。
- 登 善弘舊曲 李校:「弘」當作「引」。 按"册府八五六作「哥」。
- 郝索 斠注:通典一四五「索」作「素」。 按:御覽五七六引傳子亦作「素」。
- 出自漢世 原無「出」字,據宋志三補。
- 至 則子夜是此時以前人也 原無「以前」二字,據宋志一補。 按文義及事實(子夜歌自漢有)「以

前」二字不可少。

- 沈充 宋志一、御覽五七三引古今樂錄作「沈玩」,舊唐書音樂志二又作「沈珫」。
- 日出 務手以接杯件 「接」,各本作「按」,今從宋本作「接」,與五行志上「手接杯盤而反復之」合。
- 頭足入筥之屬 「筥」,各本作「笞」,殿本從宋志一作「筥」,今從殿本。

## 晉書卷二十四

## 志第十四

#### 職官

征興於漢代,四安起於魏初,四鎭通於柔遠,四平止於喪亂,其渡遼、浚江,輕車、强弩,式揚 化,咸樹司存,各題標準,苟非其道,人弗虛榮。 貽厥孫謀,其固本也如此。及秦變周官,漢 遵嬴舊,或隨時適用,或因務遷革,霸王之典,義在於斯,旣獲厥安,所謂得其時制者也。四 相,以伊尹、仲虺爲之,凡厥樞會,仰承君命。總及周武下車,成康垂則,六卿分職,二公弘 言焉。伊尹曰:「三公調陰陽,九卿通寒暑,大夫知人事,列士去其私。」而成湯居亳,初置二 執法在南宮之右,上相處端門之外,而鳥龍居位,雲火垂名,前史詳之,其以尙矣。黃帝置 三公之秩,以親黎元,少昊配九扈之名,以爲農正,命重黎於天地,詔融冥於水火,則可得而 書曰:「唐虞稽古,建官惟百。」所以獎導民萌,裁成庶政。 易曰:「天垂象,聖人則之。」

志

第十

職

北銑,用處茲秩。雖未擬乎變拊龍言,天工人代,亦庶幾乎任官惟賢,蒞事惟能者也。 周之十亂而理殷民者也。是以泰始盡於太康,喬柯茂葉,來居斯位,自太興訖于建元,南金 產,楚材晉用,斯亦曩時之良具,其叉昭彰者焉。宣王旣誅曹爽,政由己出,網羅英俊,以備 夢,或垂釣以申其道,或空桑以獻其術,或操版以啓其心。臥龍飛鴻,方金擬璧,秦奚、鄭 辰,攀雲附翼者也。若乃成乎棟宇,非一枝之勢;處乎經綸,稱萬夫之敵。或牽羊以叶於 保,司馬望爲太尉,何曾爲司徒,荀顗爲司空,石苞爲大司馬,陳騫爲大將軍,世所謂八公同 建安十三年,罷漢台司,更置丞相,而以曹公居之,用兼端揆。孫吳、劉蜀,多依漢制,雖復 退外,用表攻伐,興而復毁,厥號彌繁。 及當塗得志,克平諸夏,初有軍師祭酒,參掌戎律· 二衞,有前驅養由之弩,及設三部,有熊渠依飛之衆。是以武帝龍飛,乘茲奮翼,猶武王以 天官。及蘭卿受羈,貴公顯戮,雖復策名魏氏,而乃心皇晉。及文王纂業,初啓晉臺,始置 臨時命氏,而無忝舊章。世祖武皇帝卽位之初,以安平王字爲太宰,鄭沖爲太傅,王祥爲太

梁王肜、成都王穎、南陽王保、王敦、王導之徒,皆非復尋常人臣之職。 丞相、相國,並凑官也。晉受魏禪,並不置,自惠帝之後,省置無恒。爲之者,趙王倫、

太宰、太傅、太保、周之三公官也。魏初唯置太傅,以鍾繇爲之,末年又置太保,以鄭沖

上公,論道經邦,變理陰陽,無其人則闕。以安平獻王字居之。自渡江以後,其名不替,而 爲之。晉初以景帝諱故,又採周官官名,置太宰以代太師之任,秩增三司,與太傅太保皆爲

居之者甚寡。

太尉、司徒、司空,並古官也。自漢歷魏,置以爲三公。及晉受命,迄江左,其官相承

不替。

爲大司馬,陳騫爲大將軍,凡八公同時並置,唯無丞相焉。自義陽王望爲大司馬之後,定令 |平王||字爲太宰,鄭沖爲太傅,||王祥爲太保,義陽||王望爲太尉,|何曾爲司徒,||荀顗爲司空,||石苞 不並列。及魏有太尉,而大司馬、大將軍各自爲官,位在三司上。晉受魏禪,因其制,以安 如舊,在三司上。 大司馬、古官也。漢制以冠大將軍、驃騎、車騎之上,以代太尉之職,故恒與太尉迭置,

軍,復制在三司下,伷薨後如舊。 尉下。及晉受命,猶依其制,位次三司下,後復舊,在三司上。太康元年,琅邪王伷遷大將 爲之者皆擅朝權。至景帝爲大將軍,亦受非常之任。後以叔父俘爲太尉,奏改大將軍在太 大將軍,古官也。 漢武帝置, 冠以大司馬名, 爲崇重之職。 及漢東京, 大將軍不常置,

開府儀同三司,漢官也。殤帝延平元年,鄧騭爲車騎將軍,儀同三司,儀同之名,始自

此也。 及魏黃權以車騎將軍開府儀同三司,開府之名,起於此也。

驃騎、車騎、衞將軍、伏波、撫軍、都護、鎭軍、中軍、四征、四鎭、龍驤、典軍、上軍、輔國

等大將軍,左右光祿、光祿三大夫,開府者皆爲位從公。

賢三梁,黑介幘

太宰、太傅、太保、司徒、司空、左右光祿大夫、光祿大夫,開府位從公者爲文官公,冠進

冠,平上黑幘

文武官公,皆假金章紫綬,著五時服。 大司馬、大將軍、太尉、驃騎、車騎、衞將軍、諸大將軍,開府位從公者爲武官公,皆著武 其相國、丞相,皆衮冕,綠盭綬,所以殊於常公

阜輪犢車各一乘。自祭酒已下,令史已上,皆阜零辟朝服。太尉雖不加兵者,吏屬皆絳服。 戶賊曹令史、門令史、記室省事令史、閤下記室書令史、西東曹學事各一人。給武賁二十 匹,緜二百斤。元康元年,給菜田十頃,田騶十人,日立夏後不及田者,食奉一年。置長史 也。 人,持班劍。給朝車駕駟、安車黑耳駕三各一乘,祭酒掾屬白蓋小車七乘,軺車施耳後戶、 一人,秩一千石,西東閤祭酒、西東曹掾、戶倉賊曹令史屬各一人,御屬閤下令史、西東曹倉 諸公及開府位從公者,品秩第一,食奉日五斛。太康二年,又給絹,春百匹,秋絹二百

司徒加置左右長史各一人,秩千石,主簿、左西曹掾屬各一人,西曹稱右西曹,其左西曹令

史已下人數如舊令。司空加置導橋掾一人。

下,令史已上,皆絳服。司馬給吏卒如長史,從事中郎給侍二人,主簿、記室督各給侍一人。 室督各一人,舍人四人,兵、鎧、士曹,營軍、刺姦、帳下都督,外都督,令史各一人。 主簿已 諸公及開府位從公加兵者,增置司馬一人,秩千石,從事中郞二人,秩比千石,主簿、記

祭酒、掾屬、舍人如常加兵公制。 諸公及開府位從公爲持節都督,增參軍爲六人,長史、司馬、從事中郎、主簿、記室督、 其餘臨時增崇者,則褒加各因其時爲節文,不爲定制。

服,佩水蒼玉,無章綬,食奉日四斛。」太康二年,始賜春服絹五十匹,秋絹百五十匹,縣一百 門亭長、門下書佐各一人,給安車黑耳駕御一人,軺車施耳後戶一乘。 五十斤。一元康元年,給菜田八頃,田騶八人,立夏後不及田者,食奉一年。置主簿、功曹史、 **吏卒車服,後定令。 特進品秩第二,位次諸公,在開府驃騎上,冠進賢兩梁,黑介幘,五時朝** 騎常侍,無餘官,故給吏卒車服。 其餘加特進者,唯食其祿賜,位其班位而已,不別給特進 特進,漢官也。二漢及魏晉以加官從本官車服,無東卒。太僕羊琇遜位,拜特進,加散

左右光祿大夫,假金章紫綬。光祿大夫加金章紫綬者,品秩第二,祿賜、班位、冠幘、車

十四四

職官

服、佩玉,置吏卒羽林及卒,諸所賜給皆與特進同。其以爲加官者,唯假章綬、祿賜班位而 已,不別給車服吏卒也。又卒贈此位,本已有卿官者,不復重給吏卒,其餘皆給。

位,不復加之,或更拜上公,或以本封食公祿。其諸卿尹中朝大官年老致仕者,及內外之職 皆家拜此位;及在朝顯職,復用加之。及晉受命,仍舊不改,復以爲優崇之制。 子詹事楊跳加給事中光祿大夫。加兵之制,諸所供給依三品將軍。其餘自如舊制,終武、 加此者,前後甚衆。 爲拜假賵贈之使,及監護喪事。魏氏已來,轉復優重,不復以爲使命之官。其諸公告老者, 光祿大夫假銀章青綬者,品秩第三,位在金紫將軍下,諸卿上。漢時所置無定員,多以 由是或因得開府,或進加金章紫綬,又復以爲禮贈之位。 泰始中,唯太 而諸公遜

騶六人,置主簿、功曹史、門亭長、門下書佐各一人。 **斛。**|太康二年,始給春賜絹五十匹,秋絹百匹,緜百斤。 光祿大夫與卿同秩中二千石,著進賢兩梁冠,黑介幘,五時朝服,佩水蒼玉,食奉日三 惠帝元康元年,始給菜田六頃,田

門更,門下書吏各一人。其假節爲都督者,所置與四征、鎮加大將軍不開府爲都督者同。 各一人,秩千石;主簿,功曹史,門下督,錄事,兵鎧士賊曹,營軍、刺姦、帳下都督,功曹書佐 驃騎已下及諸大將軍不開府非持節都督者,品秩第二,其祿與特進同。 置長史、司馬

來,都督中外尤重,唯王導等權重者乃居之。 史。又上軍大將軍曹真都督中外諸軍事、假黄鉞,則總統內外諸軍矣。魏明帝太和四年秋, 宣帝征蜀,加號大都督。 二千石以下,持節殺無官位人,若軍事,得與使持節同,假節唯軍事得殺犯軍令者。」江左以 都督諸軍爲上,監諸軍次之,督諸軍爲下;使持節爲上,持節次之,假節爲下。 十一年,征孫權還,夏侯惇督二十六軍是也。 建武初,征伐四方,始權時置督軍御史,事竟罷。」建安中,魏武爲相,始遣大將軍督之。二 都督制,唯朝會禄賜從二品將軍之例。然則持節、都督無定員,前漢遣使始有持節。 四征、鎮、安、平加大將軍不開府、持節都督者,品秩第二,置參佐吏卒、幕府兵騎如常 高貴鄉公正元二年,文帝都督中外諸軍,尋加大都督。 魏文帝黄初三年,始置都督諸州軍事,或領刺 使持節得殺 及晉受禪,

菜田、田騶如光禄大夫諸卿制。 兵鎧士賊曹,營軍、刺姦吏、帳下都督、こ司功曹書佐門吏,門下書吏各一人。 三品將軍秩中二千石者,著武冠,平上黑幘,五時朝服,佩水蒼玉,食奉、春秋賜緜絹、 置長史、司馬各一人,秩千石;主簿,功曹,門下都督,録事,

將軍,霍光以大將軍,王鳳以大司馬,師丹以左將軍並領尚書事。 録尚書,案漢武時,左右曹諸吏分平尚書奏事, 知樞要者始領尚書事。 後漢章帝以太傅趙憙、太 張安世以車騎

和帝 尉牟融並錄尚書事。 時,太尉鄧彪爲太傅,錄尚書事,位上公,在三公上,漢制遂以爲常,每少帝立則置太傅 尚書有錄名,蓋自廛、融始,亦西京領尚書之任,猶唐虞大麓之職也

錄尙書事,猶古冢宰總已之義,薨輒罷之。自魏晉以後,亦公卿權重者爲之。

以目疾表置省事吏四人,省事蓋自此始 斤。元康元年,始給菜田六頃,田騶六人,立夏後不及田者,食奉一年。 十斛。受拜則策命之,以在端右故也。 太康二年,始給賜絹,春三十匹,秋七十匹,縣七十 尚書令,秩千石,假銅印墨綬,冠進賢兩梁冠,納言幘,五時朝服,佩水蒼玉,食奉月五 始賈充爲尚書令,

僕射,至僕射分置左右,蓋自此始。 ·兩置,但曰尙書僕射。 令闕,則左爲省主,若左右並闕,則置尙書僕射以主左事 僕射,服秩印綬與令同。 案漢本置一人,至漢獻帝建安四年,以執金吾榮郃爲尙書左 經魏至晉,迄於江左,省置無恒,置二,則爲左右僕射,

其二日二千石曹,主刺史郡 狄事。後成帝又置三公曹,主斷獄,是爲五曹。後漢光武以三公曹主歲盡考課諸州郡事, 間遂罷其官,以爲中書之職。 而 四人分爲四曹,通掌圖書秘記章奏之事,各有其任。其一曰常侍曹,主丞相御史公卿事。 列曹尙書,案尙書本漢承秦置,及武帝遊宴後庭,始用宦者主中書,以司馬遷爲之,中 國事。其三曰民曹,主吏民上書事。 至成帝建始四年,罷中書宦者,又置尚書五人,一人爲僕射, 其四曰主客曹,主外國夷

駕部尙書。太康中,有吏部、殿中及五兵、田曹、度支、左民爲六曹尙書,又無駕部、三公、客 曹。」惠帝世又有右民尚書,止於六曹,不知此時省何曹也。及渡江,有吏部、祠部、五兵、左 選部事,又有左民、客曹、五兵、度支,凡五曹尙書、二僕射、一令爲八座。及晉置吏部、三 改常侍曹爲吏部曹,主選舉祠祀事,民曹主繕修功作鹽池園苑事,客曹主護駕羌胡朝賀事 部尚書攝知右事。 民、度支五尚書。祠部尚書常與右僕射通職,不恒置,以右僕射攝之,若右僕射闕,則以祠 公、客曹、駕部、屯田、度支六曹,而無五兵。咸寧二年,省駕部尚書。四年,省一僕射,又置 有曹名,不以爲號。靈帝以侍中梁鵠爲選部尚書,於此始見曹名。及魏改選部爲吏部,主 二千石曹主辭訟事,中都官曹主水火盜賊事,合爲六曹。幷令僕二人,謂之八座。 尚書雖

假,四右丞掌臺內庫藏廬舍,凡諸器用之物,及廩振人租布,四刑獄兵器,督錄遠道文書 章表奏事。八座郎初拜,皆沿漢舊制,並集都座交禮,遷職又解交焉。 右丞蓋自此始也。自此至晉不改。晉左丞主臺內禁令,宗廟祠祀,朝儀禮制,選用署吏,急 左右丞,自漢武帝建始四年置尚書,而便置丞四人。及光武始減其二,唯置左右丞,左

志 + 職

、口墾田,一人主財帛委輸。及光武分尙書爲六曹之後,合置三十四人,秩四百石,幷左

尚書郎,西漢舊置四人,以分掌尚書。其一人主匈奴單于營部,一人主羌夷吏民,一人

書郎,中歲滿稱尚書郎,三年稱侍郎,選有吏能者爲之。 別兵、都兵、騎兵、左右士、北主客、南主客,爲三十四曹郎。後又置運曹,凡三十五曹,置郎 石、左民、右民、虞曹、屯田、起部、水部、左右主客、駕部、車部、庫部、左右中兵、左右外兵、 |帝罷農部、定課,置直事、殿中、祠部、儀曹、吏部、三公、比部、金部、倉部、度支、都官、 二千 兵、外兵、都兵、別兵、考功、定課,凡二十三郎。一青龍二年,尚書陳燆奏置都官、騎兵,合凡 金部、虞曹、比部、南主客、祠部、度支、庫部、農部、水部、儀曹、三公、倉部、民曹、二千石、中 右丞爲三十六人。郎主作文書起草,更直五日於建禮門內。尚書郎初從三署詣臺試 守 尚 曹郎。康穆以後,又無虞曹、二千石二郎,但有殿中、祠部、吏部、儀曹、三公、比部、金部、 起部、水部,餘十五曹云。 **倉部、度支、都官、左民、起部、水部、主客、駕部、庫部、中兵、外兵十八曹郎。 後又省主客、** 二十五郎。每一郎缺,白試諸孝廉能結文案者五人,謹封奏其姓名以補之。及晉受命,武 二十三人,更相統攝。及江左,無直事、右民、屯田、車部、別兵、都兵、騎兵、左右士、運曹十 至魏,尚書郎有殿中、吏部、駕部、

員,以功高者一人爲僕射。魏晉以來置四人,別加官者則非數。掌儐贊威儀,大駕出則次 侍中,案黃帝時風后爲侍中,於周爲常伯之任,秦取古名置侍中,漢因之。 秦漢俱無定

直侍中護駕,正直侍中負璽陪乘,不帶劍,餘皆騎從。 左,常侍居右。 給事黃門侍郎,秦官也。漢已後並因之,與侍中俱管門下衆事,無員。及晉,置員四 備切問近對,拾遺補闕。及江左哀帝興寧四年,「中」桓溫奏省二人,後復舊 御登殿,與散騎常侍對扶,任司侍中居

人。

者董猛 皆無員,亦以爲加官。漢東京初,省散騎,而中常侍用宦者。魏文帝黃初初,置散騎,合之 於中常侍,云同掌規諫,不典事,貂璫插右,騎而散從,至晉不改。 散騎常侍,本秦官也。秦置散騎,又置中常侍,散騎騎從乘輿車後,中常侍得入禁中, 爲中常侍,後遂止。常爲顯職。 及元康中,惠帝始以宦

東京省,魏世復置,至晉不改。 給 事中,秦官也。 所加或大夫、博士、議郎、掌顧問應對、位次中常侍。 在散騎常侍下,給事黃門侍郎上,無員。 漢因之。及漢

通直散騎常侍,案쀓末散騎常侍又有在員外者。 泰始十年,武帝使二人與散騎常侍通

員直,故謂之通直散騎常侍。江左置四人。

員外散騎常侍,魏末置,無員。

散騎侍 郎四 人,魏初與散騎常侍同置。 自魏至晉,散騎常侍、侍郎與侍中、黃門侍郎共

平尚書奏事,江左乃罷。

志第十四 職官

通直散騎侍郞四人。 初,武帝置員外散騎侍郎,及太興元年,一元帝使二人與散騎侍郎

通員直,故謂之通直散騎侍郎,後增爲四人。

員外散騎侍郎,武帝置,無員。

唯留駙馬都尉奉朝請。諸尚公主者劉惔、桓溫皆爲之。 軍爲奉車都尉,掾屬爲駙馬都尉,行參軍舍人爲騎都尉,皆奉朝請。 會請召而已。武帝亦以宗室、外戚爲奉車、駙馬、騎三都尉而奉朝請焉。 奉朝請,本不爲官,無員。漢東京罷三公、外戚、宗室、諸侯多奉朝請。 後罷奉車、騎二都尉, 元帝爲晉王,以參 奉朝請者,奉朝

帝改中書謁者令曰中謁者令,罷僕射。 爲中書監,右丞孫資爲中書令,監、令蓋自此始也。及晉因之,並置員一人。 魏武帝爲魏王,置秘書令,典尚書奏事。文帝黃初初改爲中書,置監、令,以秘書左丞劉放 中書監及令、案漢武帝遊宴後庭、始使宦者典事尚書、謂之中書謁者、置令、僕射。 漢東京省中謁者令,而有中官謁者令,非其職也。

乃署名。已署,奏以入,爲帝省讀,書可。及曆,改曰中書侍郎,員四人。中書侍郎蓋此始 及江左初、改中書侍郎曰通事郎、尋復爲中書侍郎。 中書侍郎,魏黃初初,中書旣置監、令,又置通事郎,次黃門郎。 黃門郎已署,事過通事

中書舍人,案晉初初置舍人、通事各一人,至江左合舍人通事謂之通事舍人,掌呈奏

案章。[10]後省,而以中書侍郎一人直西省,又掌詔命。

黃初初,置中書令,典尚書奏事,而秘書改令爲監。後以何顧爲秘書丞,而秘書先自有丞, 中,復置秘書監,其屬官有丞,有郞,幷統著作省。 乃以| 旗爲秘書右丞。 及| 晉受命,| 武帝以秘書幷中書省,其秘書著作之局不廢。 | 惠帝永平 秘書監,案漢桓帝延熹二年置秘書監,行己後省。 魏武爲魏王,置祕書令、丞。及文帝

作郞八人。 改隸秘書省。後別自置省而猶隸秘書。著作郎一人,謂之大著作郎,專掌史任,又置佐著 郎。元康二年,詔曰:「著作舊屬中書,而祕書旣典文籍,今改中書著作爲祕書著作。」於是 魏明帝太和中,詔置著作郎,於此始有其官,隸中書省。及晉受命,武帝以繆徵爲中書著作 著作郎,周左史之任也。漢東京圖籍在東觀,故使名儒著作東觀,有其名,尚未有官。 著作郎始到職,必撰名臣傳一人。

秋,皆爲列卿,各置丞、功曹、主簿、五官等員。 太常、光祿勳、衞尉、太僕、廷尉、大鴻臚、宗正、大司農、少府、將作大匠、太后三卿、大

太常,有博士、協律校尉員,又統太學諸博士、祭酒及太史、太廟、太樂、鼓吹、陵等令,

太史又別置靈臺丞。

太常博士,魏官也。 魏文帝初置,晉因之。 掌引導乘輿。 王公已下應追諡者,則博士

議定之。

協律校尉,漢協律都尉之職也,魏杜夔爲之。及晉,改爲協律校尉。

爲十一人。後又增爲十六人,不復分掌五經,而謂之太學博士也。孝武太元十年,損國子 中庶子以上,乃得召試。及江左初,滅爲九人。元帝末,增儀禮、春秋公羊博士各一人,合 助敎員爲十人。 人,助教十五人,以教生徒。博士皆取履行淸淳,通明典義者,若散騎常侍、中書侍郎、太子 晉初承魏制,置博士十九人。 及咸寧四年,武帝初立國子學,定置國子祭酒、博士各一

官、御府、守宮、黄門、掖庭、清商、華林園、暴室等令。 光祿勳,統武賁中郎將、羽林郎將、冗從僕射、羽林左監、五官左右中郎將、東園匠、太 哀帝興寧二年,省光祿勳,幷司徒。

孝武寧康元年復置。

等令。典牧又別置羊牧丞。 太僕,統典農、典虞都尉,典虞丞,左右中典牧都尉,車府典牧,乘黃廐、驊騮廐、龍馬廐 衞尉,統武庫、公車、衞士、諸冶等令,左右都候,南北東西督冶掾。曰三及渡江,省衞尉。 太僕,自元帝渡江之後或省或置。 太僕省,故驊騮爲門下之

職。

廷尉,主刑法獄訟,屬官有正、監、評,幷有律博士員。

大鴻臚,統大行、典客、園池、華林園、鈎盾等令,又有青宮列丞、鄴玄武苑丞。 及江左,

有事則權置,無事則省。

宗正,統皇族宗人圖諜,又統太醫令史,又有司牧掾員。 及渡江,哀帝省幷太常,太醫

以給門下省。

大司農、統太倉、籍田、導官三令、襄國都水長、東西南北部護漕掾。 及渡江,哀帝省弁

都水,孝武復置。

鄭中黃左右藏、油官等丞。 及渡江,哀帝省幷丹楊尹,孝武復置。 少府,統材官校尉、中左右三尙方、中黃左右藏、左校、甄官、平準、奚官等令,左校坊、 自渡江唯置一尚方,又省

御府。

將作大匠,有事則置,無事則罷。

太后三卿,衞尉、少府、太僕,漢置,皆隨太后宮爲官號,在同名卿上,無太后則闕。 魏

改漢制,在九卿下。及晉復舊,在同號卿上。

大長秋,皇后卿也,有后則置,無后則省。

志第十四 職官

司空,置長史,而中丞官職如故。哀帝建平二年,復爲御史大夫。元壽二年,又爲大司空, 而中丞出外爲御史臺主。歷漢東京至晉因其制,以中丞爲臺主。 刺史,內領侍御史,受公卿奏事,舉劾案章。漢因之,及成帝綏和元年,更名御史大夫爲大 御史中丞,本溱官也。溱時,御史大夫有二丞,其一御史丞,其一爲中丞。 中丞外督部

獄及廷尉不當者皆治之。 層,唯置治書侍御史,員四人。。泰始四年,又置黃沙獄治書侍御史一人,秩與中丞同, 書侍御史,蓋其始也。及魏,又置治書執法,掌奏劾,而治書侍御史掌律令,二官俱置。及 治書侍御史,案漢宣帝幸宣室,齋居而決事,令侍御史二人治書侍側,後因別置,謂之治 後幷河南,遂省黃沙治書侍御史。 及太康中,又省治書侍御史 掌詔

軍曹、法曹、算曹。及江左初,省課第曹,置庫曹,掌廐牧牛馬市租,後分曹,置外左庫、內左 十三曹:吏曹、課第曹、直事曹、印曹、中都督曹、外都督曹、媒曹、符節曹、 水曹、中壘曹、營 祠;四曰尉馬曹,掌廐馬,五曰乘曹,掌護駕。 魏置八人。及晉,置員九人,品同治書,而有 侍御史,案二<u>漢</u>所掌凡有五曹:一曰令曹,掌律令,二曰印曹,掌刻印,三曰供曹,掌齋

庫云。

殿 又案魏晉官品令又有禁防御史第七品,孝武太元中有檢校御史吳琨,自則此二職 (中侍御史,案魏蘭臺遣二御史居殿中,伺察非法,卽其始也。及晉,置四人,)江左置

亦蘭臺之職也。

丞,掌授節、銅武符、竹使符。及泰始九年,武帝省幷蘭臺,置符節御史掌其事焉。 符節御史,秦符璽令之職也。漢因之,位次御史中丞。至魏,別爲一臺,位次御史中

江,乃罷司隸校尉官,其職乃揚州刺史也。 歷漢東京及魏晉,其官不替。屬官有功曹、都官從事、諸曹從事、部郡從事、主簿、錄事、門 下書佐、省事、記室書佐、諸曹書佐守從事、武猛從事等員,凡吏一百人,卒三十二人。 及渡 司隸校尉,案漢武初置十三州,刺史各一人,又置司隸校尉,察三輔、三河、弘農 七郡,

武帝省僕射,以謁者幷蘭臺。江左復置僕射,後又省。 謁者僕射,秦官也,自漢至覷因之。。魏置僕射,掌大拜授及百官班次,統謁者十人。 及

省都水,置河隄謁者,魏因之。[四及武帝省水衡,[三置都水使者一人,以河隄謁者爲都水 都水使者,漢水衡之職也。漢又有都水長丞,主陂池灌溉,保守河渠,屬太常。漢東京 及江左,省河隄謁者,置謁者六人。

酤 帝踐阼,始置領軍將軍,以曹休爲之,主五校、中壘、武衞等三營。武帝初省,使中軍將軍洋 元年,改曰北軍中候,尋復爲領軍。成帝世,復爲中候,尋復爲領軍 統二衞、前、後、左、右、驍衞等營,卽領軍之任也。懷帝永嘉中,改中軍日中領軍。 中 領軍將軍,魏官也。 漢建安四年,魏武丞相府自置,及拔漢中,以曹休爲中領軍。

軍為 以 則 都尉,屬大司馬。魏武爲相,以韓浩爲護軍,史渙爲領軍,江江非漢官也。建安十二年,改護 軍,資輕者爲 |來,領 不 隸 中護軍,領軍爲中領軍,置長史、司馬。 護軍將軍,案本秦護軍都尉官也。漢因之,高祖以陳平爲護軍中尉,武帝復以爲護軍 左右衞 也。 軍 不復別領營,總統二衞、驍騎、材官諸營,護軍猶別有營也。 將軍,案文帝初置中衞及衞,江北武帝受命,分爲左右衞,以羊琇爲左,趙序爲 元帝永昌元年,省護軍,幷領軍。明帝太寧二年,復置領、護,各領營兵。 中領軍、中護軍。 屬官有長史、司馬、功曹、主簿、五官,受命出征 魏初,因置護軍將軍,主武官選,隸領軍,晉世 資重者爲領軍、護 則置參軍 江

右。 並置 長史、司 、馬、功曹、主簿員,江左 一罷長史。

驍 騎 將軍 、遊擊將軍,並漢雜號將軍 也。 魏置爲中軍。 及晉,以領、護、左右衞、驍騎、

遊擊爲六軍。

左右前後軍將軍,案魏明帝時有左軍,則左軍魏官也,至晉不改。 武帝初又置前軍、右

軍,泰始八年又置後軍,是爲四軍。

領軍統之。

並置 司馬、功曹、主簿。 屯騎、步兵、越騎、長水、射聲等校尉,是爲五校,並漢官也。 後省左軍、右軍、前軍、後軍爲鎭衞軍,其左右營校尉自如舊,皆中 魏晉逮于江左,猶領營兵,

閑解,甚爲武帝所任。 當合函,停乘輿,良久不得合,乃詔勰合之。勰舉白獸幡指麾,須臾之間而函成。 委任使典兵事。及蜀破後,令勰受諸葛亮圍陣用兵倚伏之法,又甲乙校標幟之制,勰悉闇 故軍校多選朝廷淸望之士居之。先是,陳勰爲文帝所待,特有才用,明解軍 斧武賁,分屬二衞。尉中武賁、ᠬむ持級冗從、羽林司馬,常從人數各有差。 簿陳列齊肅。 爲五督。其衞、鎭四軍如五校,各置千人。更制殿中將軍,中郎、校尉、司馬比驍騎。日〇持椎 一衞各五部督。 二衞始制前驅、由基、强弩爲三部司馬,各置督史。 太康末、武帝嘗出射雉、勰時已爲都水使者、散從。 其命中武賁、驍騎、遊擊各領之。又置武賁、羽林、上騎、異力四部,幷命中 左衞、熊渠武賁、右衞、依飛武賁。 車駕逼暗乃還,漏已盡, **武帝甚重兵官** 令。 帝爲晉王

門下亭長、門下書佐、省事各一人,給赤耳安車一乘。及愍懷建官,自己乃置六傅,三太、三 傳或二或三,或四或六,及永康中復不置詹事也。自太安已來置詹事,終孝懷之世。渡江 崇廣傅訓,命太尉<u>賈充領太保,司空齊王</u>攸領太傅,所置吏屬復如舊。 傅在前,少傅在後。 之後,有太傅少傅,不立師保。 少,以景帝諱師,故改太師爲太保,曰司通省尚書事,詹事文書關由六傅。 置丞一人,秩千石;主簿、五官掾、功曹史、主記門下史、錄事、戶曹法曹倉曹賊曹功曹書佐、 斤。 事黃門侍郎楊珧爲詹事,掌宮事,二傅不復領官屬。及楊珧爲衞將軍,領少傅,省詹事,遂 位重,故或行或領。 無大小,至三皆由二傳,並有功曹、主簿、五官。太傅中二千石,少傅二千石。其訓導者,太 介幘,五時朝服,佩水蒼玉,食奉日三斛。太康二年,始給春賜絹五十匹,秋絹百匹,縣百 其後太尉汝南王亮、車騎將軍楊駿、司空衞瓘、石鑒皆領傅保,猶不置詹事,以終武帝 太子太傅、少傅,皆古官也。 惠帝元康元年,復置詹事,二傅給菜田六頃,田騶六人,立夏後不及田者,食奉一年。 時侍中任愷,武帝所親敬,復使領之,蓋一時之制也。咸寧元年,以給 皇太子先拜,諸傅然後答之。武帝後以儲副體傳,遂命諸公居之,以本 泰始三年,武帝始建官,[110]各置一人,尚未置詹事,官事 二傅進賢兩梁冠,黑 然自元康之後,諸

中庶子四人、職如侍中。

中舍人四人,咸寧四年置,以舍人才學美者爲之,與中庶子共掌文翰,職如黃門侍郎,

在中庶子下,洗馬上。

食官令一人,職如太官令。

庶子四人,職比散騎常侍、中書監令。

舍人十六人,職比散騎、中書等侍郎。

率更令,主宮殿門戶及賞罰事,職如光祿勳、衞尉。 洗馬八人,職如謁者祕書,掌圖籍。 釋奠講經則掌其事,出則直者前驅,導威儀。

家令,主刑獄、穀貨、飲食,職比司農、少府。 漢東京主食官令、食官令及晉自爲官、不

復屬家令。

僕,主車馬、親族、職如太僕、宗正。

左右衞率,案武帝建東宮,口司置衞率,初曰中衞率。 泰始五年,分爲左右,各領一軍。

惠帝時,愍懷太子在東宮,又加前後二率。 及江左,省前後二率,孝武太元中又置。

守爲內史,省相及僕。 王置師、友、文學各一人、景帝諱、故改師爲傅。 有郞中令、中尉、大農爲三卿。 大國置左右常侍各一人,省郎中,置 友者因文王、仲尼四友之名號。 改太

志第十四

職官

侍郎二人,典書、典祠、典衞、學官令、典書丞各一人,治書四人,中尉司馬、世子庶子、陵廟 牧長各一人,謁者四人,中大夫六人,舍人十人,典府各一人。

泰始 度如五千戶國,侯之制度如不滿五千戶國,亦置一軍千人,中尉領之,伯子男以下各有差而 邑,追進封故司空博陵公王沈爲郡公,鉅平侯羊祜爲南城郡侯。又南宮王承、隨王萬各於 燕、安平、義陽爲次國,其餘爲小國,皆制所近縣益滿萬戶。又爲郡公制度如小國王,亦中 方岳任大,而諸王爲帥,都督封國,旣各不臣其統內,於事重非宜。又異姓諸將居邊,宜參 秀立五等封建之旨,從容共陳時宜於武帝,以爲「古者建侯,所以藩衞王室。 今吳寇未殄, 支子爲子,不滿五千戶始封王之支子及始封公侯之支子皆爲男,非此皆不得封。 其公之制 非皇子不得爲王,而諸王之支庶,皆皇家之近屬至親,亦各以土推恩受封。其大國次國始 尉領兵。 奏、從諸王公更制戶邑、皆中尉領兵。其平原、汝南、琅邪、扶風、齊爲大國,梁、趙、樂安、 以親戚,而諸王公皆在京都,非扞城之義,萬世之固」。帝初未之察,於是下詔議其制。 封王之支子爲公,承封王之支子爲侯,繼承封王之支子爲伯。小國五千戶已上,始封王之 中封爲縣王、至邑千戶,至是改正縣王增邑爲三千戶,制度如郡侯,亦置一軍。自此 咸寧三年,衞將軍楊珧與中書監荀勖以齊王攸有時望,懼惠帝有後難,因追故司空裴 郡侯如不滿五千戶王,置一軍一千一百人,亦中尉領之。于時,唯特增魯公國戶

常。 置守土百人,次國八十人,小國六十人,郡侯縣公亦如小國制度。旣行,所增徙各如本奏遣 不置軍。 大國中軍二千人,上下軍各千五百人,次國上軍二千人,下軍千人。 大國始封之孫罷下軍,曾孫又罷上軍,次國始封子孫亦罷下軍,其餘皆以一軍爲 其未之國者,大 國

就國,而諸公皆戀京師,涕泣而去。及吳平後,齊王攸遂之國

損焉。 始初故事 官。 銅錫,始平之竹園,別都宮室園 則無中尉、常侍、三軍,侯國又無大農、侍郎,伯子男唯典書以下,又無學官、令史職,皆以次 諸入作卿士而其世子年已壯者,皆遣莅國。 中 朝制 公侯以下置官屬, 了,典書令在常侍下,侍郎上。 及渡江,則侍郎次常侍,而典書令居三軍下。 隨國大小無定制, 囿 ,皆不爲屬國。 其餘官司各有差。 其仕 其王公已下,茅社符璽,車旗命服,一如泰 在天朝者,與之國同,皆自選其 名山大澤不以封,鹽鐵 文武 金 銀

餘人。 等。凡吏四十一人,卒二十人。 從事一人,小郡亦置一人。又有主簿,門亭長、錄事、記室書佐、諸曹佐、 州置 徐州又置淮海、凉州置河津、諸州置都水從事各一人。凉、益州置吏八十五人、卒二 刺 史,別駕、治中從事、諸曹從事等員。 諸州邊遠,或有 山險,濱近寇賊羌 所領中郡以上及江陽、 夷者,又置弓馬從事 守從事、武 朱提郡,郡各置部 猛 五十 從事

志

# 十人。荆州又置監佃督一人。

則職吏六十三人,散吏二十一人,萬戶以上,職吏六十九人,散吏三十九人。郡國皆置文學 佐、循行小史、五官掾等員。郡國戶不滿五千者、置職吏五十人、散吏十三人,五千戶以上, 室、門下賊曹、議生、門下史、記室史、錄事史、書佐、循行、幹、小史、五官掾、功曹史、功曹書 郡皆置太守,河南郡京師所在,則曰尹。諸王國以內史掌太守之任,又置主簿、主記

#### 掾一人。

散吏二十六人。 曹史、獄小史、獄門亭長、都亭長、賊捕掾等員。戶不滿三百以下,職吏十八人,散吏四人, 曹史、小史、廷掾、功曹史、小史書佐幹、戶曹掾史幹、法曹門幹、金倉賊曹掾史、兵曹史、吏 三百以上,職吏二十八人,散吏六人;五百以上,職吏四十人,散吏八人;千以上,職吏五十 三人,散吏十二人,千五百以上,職吏六十八人,散吏一十八人,三千以上,職吏八十八人, 縣大者置令,小者置長。有主簿、錄事史、主記室史、門下書佐、幹、游徼、議生、循行功

置二鄉,五千以上置三鄉,萬以上置四鄉,鄉置嗇夫一人。鄉戶不滿千以下,置治書史一 人,千以上置史、佐各一人,正一人,五千五百以上,置史一人,佐二人。 縣率百戶置里吏 郡國及縣,農月皆隨所領戶多少爲差,散吏爲勸農。又縣五百以上皆置鄉,三千以上

人,其土廣人稀,聽隨宜置里吏,限不得減五十戶。戶千以上,置校官掾一人。

縣皆置方略吏四人。洛陽縣置六部尉。江左以後,建康亦置六部尉,餘大縣置二人,

次縣、小縣各一人。鄴、長安置吏如三千戶以上之制。

四中郎將,並後漢置,歷魏及晉,並有其職,江左彌重。

護羌、夷、蠻等校尉,案武帝置南蠻校尉於襄陽,西戎校尉於長安,南夷校尉於寧州。

元康中,護羌梭尉爲凉州刺史,西戎梭尉爲雍州刺史,南蠻校尉爲荆州刺史。 及安帝時,於襄陽置寧蠻校尉 及江左初,省

南蠻校尉,尋又置於江陵,改南夷校尉曰鎭蠻校尉。 護匈奴、羌、戎、蠻、夷、越中郎將,案武帝置四中郎將,或領刺史,或持節爲之。武帝又

置平越中郎將,居廣州,主護南越。

### 校勘記

- 田騶 十人 原無「田」字。 周校"當作「田騶十人」。 按:下文屢言「田騶」,今據補
- 營軍 刺 姦吏帳下都督 「營軍」、「刺姦」、「帳下」爲三督)「吏」字疑衍
- 以 執 金吾榮郃爲尙書左僕射 考異:宋書百官志「以榮郃爲尚書左僕射, 衞臻爲右僕射」, 此志

志第十四 校勘記

脫 一句。 按:通典二二、通志五三、通考五一、職官分紀八均有「衞臻爲右僕射」句。

後漢書百官志注作「榮邵」。

急假 御覽二一三引晉書百官表志注、職官分紀八引本志並作「給假」。

つまし 料注"御覽二一三引晉書百官表志注作「民戶租布」。按"書鈔六八、 職官分紀八引亦

皆有「戶」字。

へかし 對扶 初學記一一、御覽二一九引齊職儀作「對挾」,相對夾輔之意。

〔4〕 興寧四年 興寧只三年,必有誤字。

[c] 合之於中常侍 原無「常侍」二字。宋書百官志下、通典二一、通考五〇及晉灼漢百官表注、通

鑑六九胡注「中」下並有「常侍」二字、今據補。

[10] 掌呈奏案章 各本均作「掌呈奏案」,無「章」字,文義不具。今據宋書百官志下、通典二一及職

[t] 各一人 各本作「各十人」,局本據宋書百官志下及通鑑九〇問注改「十」爲「一」,今從之。

官分紀七引補「章」字。

延熹二年。各本作「三年」、宋本作「二年」、後漢書桓紀、通典二六均作「二年」、今從宋本。

督冶掾 「治」,各本作「治」,今從殿本作「治」。、職官分紀一九引亦作「治」。

吳琨 斠注:通典作「吳混之」。 按:通志五四、通考五三、職官分紀一四引徐邈晉紀皆作「吳混

- 第八 漢東京省都水置河隄謁者魏因之 品 有都水使者令史,是魏有都水也。 通典三六魏官品,第四品有都水使者,第七品有都水參軍,
- 二吾 及武帝省水衡 是志文誤也。 按:册府六二〇明言晉武帝時有左右前後中五水衡,是武帝時有水衡也。 (料 注: 通典職官一〇引元康百官名云,陳慎、戴熊俱以都水使者領水衡都尉,
- 原作「史奐」。 魏志武帝紀、張楊傳、夏侯惇傳、 通志五五、御覽二四〇引魏略「奐」皆作

「渙」,今據改。

- 置中衛及衛 衛將軍。」司馬望傳於武帝卽位前拜衞將軍,魏志龐德傳,龐會爲中衞將軍,足證文帝時有中衞 各本「及」下無「衞」字, 宋本有。 通典二八云:「初有衞將軍,魏末晉文王又置中
- 及衞兩將軍。故從宋本。
- 比 驍 騎 「比」原作「此」。 李校:「此」當作「比」。 今據改。
- 二之 尉中 式 賁 食貨志有殿中武賁、疑卽此、此「尉」字恐爲「殿」字之形近誤。
- 武帝 始建官 通典三○、通志五五、通考六○、職官分紀二七引「官」作「宮」。「宮」指「東宮」。
- 官事 無大小 官」 疑「宮」字之誤。 **書鈔六五引晉起居注引卽作「宮」。下文云「掌宮事」亦**

可證。

志第十四 校勘記

愍懷建官 「官」亦當作「宮」。初學記一〇引晉公卿禮秩、職官分紀二七引本志「官」俱作

宮」。

宣 故改太師爲太保 李校: 旣置三太三少,若改「師」爲「保」,則有兩太保、兩少保。 通典一二作

「太帥」,蓋避諱缺筆。 按:唐六典二六亦云、「避景帝諱改爲『帥』」。

CHED 武帝建東宮 「武帝」原作「惠帝」,與下文「惠帝時」云云相矛盾。今據通典三〇、通志五五、通

透王萬 斠生:本專「萬」作考六○改「惠帝」爲「武帝」。

○三 隨王萬 斠注"本傳「萬」作「邁」。

## 晉書卷二十五

## 志第十五

#### 輿服

朵,見秋蓬孤轉,杓觿旁建,乃作輿輪,而方圓異則。 遇物成象,觸類興端,周因於<u>殷</u>,其來 服以庸。」禮記曰:「鸞車,有虞氏之路也。鉤車,夏后氏之路也。大路,殷路也。乘路,周路 (冷季夏之月,「命婦官染綵」,赬丹班次,各有品章矣。高旗有日月之象,式視有威儀之選, 也。」而韍火山龍,以通其意。前史以爲聖人見鳥獸容貌,草木英華,始創衣冠,而玄黃殊 傾天之害,功尤彰者飾彌煥,德愈盛者服彌尊,莫不質良,用成其美。,費曰:「明試以功,車 衣兼鞙珮,衡載鳴和,是以閑邪屏棄,不可入也。若乃正名百物,補緝四維,疏懷山之水,靜 丑之建,玄戈玉刃,作會相暉。若乃參旗分景,帝車含曜,又所以營衞南宮,增華北極。月 史臣曰:昔者乘雲效駕,卷领垂衣,則黃帝阜衣纁裳,放勳彤車白馬,叶三微之序,舍寅

第十五

輿

秦制。 等差。 備。 申之第。及秦皇幷國,攬其餘軌,豐貂東至,獬豸南來,又有玄旗阜旒之制,旄頭罕車之飾, 則,是以有嚴有翼,用光其武,鉤膺鞗革,乃暢其文。六服之冕,五時之路,王之常制,各有 也。」帝從其議,改靑龍五年爲景初元年,服色尚黃,從地正也。世祖武皇帝接天人之貺,開 是隨章儐略,而損者半焉。高堂隆奏曰:「改正朔、殊徽號者,帝王所以神明其政,變民耳目 武車常朝,赤眉之亂,文物無遺。建武十三年,吳漢平蜀,始送葆車輿輦,充庭之飾,漸以周 中,又楊雄所謂彏天狼之威弧,張曜日之靈旄,駢羅列布,霧集雲合者也。 昊天,奉常獻儀,謂之大駕,車千乘而騎萬匹。至於成帝,自以幸姬趙飛燕置屬車間豹尾 脂布網,經書咸燼,削滅三代,以金根爲帝軫,除棄六冕,以袀玄爲祭服。 寫 曰:「君子其學也博,其服也鄉。」若乃豪傑不經,庶人干典,影鷸冠於鄭伯之門,躡珠履於春 此焉低首。 九王之廷於咸陽北坂,車輿之綵,各樹其文,所謂秦人大備,而陳戰國之後車者也。 明帝採周官、禮記,更服袞章,天子冠通天而佩玉璽。 逮禮業彫訛,人情馳爽,諸侯征伐,憲度淪亡,一紫亂於齊飾,長纓混於鄒翫。 成王之會,壇垂陰羽,五方之盛,有八十物者焉。宗馬鳥旌,奚往不格,殷公、曹叔, 世宗挺英雄之略,總文景之資,揚霓拂翳,皮軒記鼓,横汾河而祠后土,登甘泉 周禮,巾車氏建大赤以朝,大白以戎。雅制弘多,式遵遺範,賓入異憲,師行殊 魏明以黼黻之美,有疑於僭,於 於後王氏擅朝, 高祖入關 一既因 及凝 孔子 而祭

繡,上爲亞字,繫大蛙蟆幡。 軛長丈餘。 於戟之杪,以氂牛尾,大如斗,置左騑馬軛上,是爲 故世人亦謂之金鵾車。 謂之黃屋。 倚較,較重,爲文獸伏軾,龍首銜軛,左右吉陽筩,鸞雀立衡,嫭文畫轅及轓。 月之數;重穀貳轄。以赤油,廣八寸,長三尺,注地,繋兩軸頭,謂之飛幹。 玉、金、象、革、木等路,是爲五路,並天子之法車,皆朱班漆輪,畫爲櫨文。三十輻,法 轅皆曲向上,取禮緯「山車垂句」之義,言不揉而能自曲 金華施橑末,日禄二十八以象宿。 斜注旂旗於車之左,又加棨戟於車之右,皆橐而施之。 兩箱之後,皆玳瑁爲鵾翅,加以金銀雕飾, 金薄繆龍之爲輿 青蓋,黃爲裏, **棨戟韜以黻** 

兵事 而方釳,金麥謂以金麥爲文。 四路皆駕四馬,馬並以黃金爲文髦,插以翟尾。 賜上公及王子母弟。 太常,十有二旒,九仞委地,畫日月升龍,以祀天。 ,亦以賜四鎭諸侯。 玉、金、象三路,各以其物飾車,因以爲名。 象路建大赤,通赤無畫,所以視朝,亦以賜諸侯。 **釳以鐵爲之,〔四〕其大三寸,中央兩頭高,如山形,貫中以翟尾而結著之也。** 木路建大麾,以田獵,其麾色黑,亦以賜藩國。 革者漆革,木者漆木。 象鐮而鏤錫,[三]錫在馬面,所謂當顯者也。 金路建大旂, 九旒, 以會萬國之賓,亦以 革路建大白,以卽戎 其制,玉路最尊,建 玉路駕六黑馬,餘 金変

易茸,金就十有一。繁纓,馬飾纓,至亞在馬膚前,如索帶。五路皆有鍚鸞之飾,和鈴之響,鉤膺玉瓖, 鉤屑,即繁纓也。 瓖,馬帶玦名也。 龍 躺 華 義 輈,車轅也,頭爲龍象。 轙,謂車衡上環受鸞者也。 人君以朱纏鑣扇汗,以爲飾也。 法駕行則五路各有所主,不俱出,臨軒大會則陳乘輿車輦旌鼓於 朱幩。

其殿庭。

吳後所造,以五牛建旗,車設五牛,青赤在左,黃在中,白黑在右。豎旗於牛背,行則使人與之。牛 無之。 之爲義,蓋取其負重致遠而安穩也。旗常纏不舒,所謂德車結旌也。天子親戎則舒,謂武車綏旌也。 色,白馬則朱其臘尾。左右騑驂,金変鏤鍚,黃屋左纛,如金根之制,行則從後。五牛旗,平 餘並駕四。 立車、白安車、黑立車、黑安車,合十乘,名爲五時車,俗謂之五帝車。天子所御則駕六,其 車,坐乘者謂之安車,倚乘者謂之立車,亦謂之高車。案題禮,惟王后有安車也,王亦 自漢以來制乘輿,乃有之。有靑立車、靑安車、赤立車、赤安車、黃立車、黃安車、白 建旂十二,各如車色。立車則正豎其旂,安車則邪注。駕馬,馬亦各隨五時之

金根車,駕四馬,不建旗幟,其上如畫輪車,下猶金根之飾。

旂,朝會則建大白,行殷之時也。泰始二年,有司奏「宜如有虞遵唐故事,皆用前代正朔服 耒耜於軾上。 耕根 車,駕四馬,建赤旗,十有二旒,天子親耕所乘者也。一名芝車,一名三蓋車。置 魏景初元年,改正朔,易服色,色尚黄,牲用白,戎事乘黑首白馬,建大赤之

色,其金根、耕根車,並以建赤旗。」帝從之。

輦,案自漢以來爲人君之乘,魏晉御小出即乘之。

戎車,駕四馬,天子親戎所乘者也。 載金鼓、羽旗、幢翳,置弩於軾上,其建矛麾悉斜

注。

獵車,駕四馬,天子校獵所乘也。 重輞漫輪,繆龍繞之。 一名關戟車,一名蹋猪車。 魏

遊車,九乘,駕四,先驅之乘是也。

文帝改名蹋獸車。

記云「國君不乘奇車」,奇車亦獵車也。

古天子獵則乘木輅,後人代以獵車也。

雲罕車,駕四。

皮軒車、駕四、以獸皮爲軒。

鸞旗車,駕四,先輅所載也。 鸞旗者,謂析羽旄而編之,列繫幢傍也。

建華車,駕四,凡二乘,行則分居左右。

輕車,駕二,古之戰車也。「乃前後二十乘,分居左右。輿輪洞朱,不巾不蓋,建矛戟麾

幢,置弩箙於軾上。 大駕法駕出,射聲校尉、司馬、東士、戰士載,以次屬車。 司南車,一名指南車,駕四馬,其下制如樓,三級;四角金龍銜羽葆,刻木爲仙人,衣羽

衣,立車上,車雖回運而手常南指。 大駕出行,爲先啓之乘。

志

七五六

記里鼓車、駕四、形制如司南、其中有木人執槌向鼓、行一里則打一槌。

羊車,一名輦車,其上如軺,伏冤箱,漆畫輪軛。 武帝時,護軍羊琇輒乘羊車,司隸劉毅

糾劾其罪。

堂舉哀乘之。 諸侯寡弱,貧者至乘牛車,其後稍見貴之。自靈獻以來,天子至士遂以爲常乘,至尊出朝 絡,青交路,其上形制事事如輦,其下猶如犢車耳。古之貴者不乘牛車,漢武帝推恩之末, 畫輪車,駕牛,以綵漆畫輪轂,故名曰畫輪車。 上起四夾杖,左右開四望,綠油幢,朱絲

屬車,一曰副車,一曰貳車,一曰左車。漢因秦制,大駕屬車八十一乘,行則中央左右

分爲行。

法駕屬車三十六乘。 最後車懸豹尾,豹尾以前比之省中。 屬車皆阜蓋朱裏云。

陽遂四望繐窗阜輪小形車,駕牛。御衣車、御書車、御軺車、御藥車,皆駕牛。

數十人,使越人騎之。元正大會,駕象入庭。 象車,漢鹵簿最在前。 武帝太康中平吳後,南越獻馴象,詔作大車駕之,以載黃門鼓吹

## 中朝大駕鹵簿

駕一。 右也。 引 道。 道。 簿、主記,並駕一,在左。太僕引從如廷尉,在中。宗正引從如廷尉,在右。 掾,中道。 五官掾居左,功曹史居右,並駕一。 、 次廷尉卿,駕駟,戟吏六人。 駕三,戟吏八人。 內,鼓吹一部,七人。 各八人,鼓吹各一部,七人。 西東賊倉戶等曹屬,並駕一,引從。 廟,中道,戟東六人。太常外部掾居左,五官掾、功曹史居右,並駕一。 人,並駕一,在左。 太常主簿、主記居左,衞尉引從居右,並駕一。 先象車,鼓吹一部,十三人,中道。 次司隸部河南從事、中道。都部從事居左、別駕從事居右、並駕一。 次洛陽令,阜車,駕一,中道。 次河南尹、駕駟、戟吏六人。 次洛陽尉二人,騎,分左右。 次司隸主簿,駕一,中道。 次司 次步兵校尉在左,長水校尉在右,並駕一。各鹵簿左右二行,戟楯 徒引從、駕駟、中道。 次中護軍,中道,駕駟。鹵簿左右各二行,戟楯在外,弓矢在 。 次太尉,駕駟,中道。 太尉主簿、舍人各一人,祭酒二 次河南中部掾、中道。河橋掾在左、功曹史在右、並 次河南主簿,駕一,中道。 次洛陽亭長九人,赤車,駕一,分三道,各吹正二人 次靜室令,駕一,中道。式道候二人,駕一,分左 次司隸主記,駕一,中道。 次司空引從,駕駟,中道。三公騎令史戟 次太尉外督令史,駕一,中道。 次河南主記,駕一,中 次光祿引從,中 次司隸校尉, 次廷尉明法 次太常,駕 次廷尉主

志第

右各司馬史三人引仗,左右各六行,外大戟楯二行,次九尺楯,次刀楯,次弓矢,次弩。 騎。又有護駕尙書一人,騎,督攝前後無常。 道,建華車分左右,並駕駟。 次武賁中郎將,騎,中道。 中道。護駕御史,騎,夾左右。 五時車,左右有遮列騎。 左右各四行,外大戟楯,次九尺楯,次弓矢,次弩,並熊渠、依飛督領之。 將軍在左,前將軍在右,並駕一。皆鹵簿左右各二行,戟楯在外,刀楯在內,鼓吹各一部,七 五在右,隊各五十匹,命中督二人分領左右。各有戟吏二人,麾幢獨揭,鼓在隊前。 並駕一。皆鹵簿左右引各二行,戟楯在外,刀楯在內,鼓吹各一部,七人。 左右各二行,戟楯在外,刀楯在内,鼓吹各一部,七人。 次驍騎將軍在左,游擊將軍在右, 在外,刀楯在內,鼓吹各一部,七人。 次射聲校尉在左,翊軍校尉在右,並駕一。各鹵簿 次高蓋,中道,左單,右罕。 次黃門麾騎,中道。 次關戟車,駕駟,中道,長戟邪偃向後。 次典兵中郎,中道,督攝前却無常。左殿中御史,右殿中監,並 次九遊車、中道、武剛車夾左右、並駕駟。 次黃門前部鼓吹,左右各一部,十三人,駕駟。八校尉佐仗, 次護駕尚書郞三人,都官郞中道,駕部在左,中兵在右,並 次謁者僕射,駕駟,中道。 次御史,中道,左右節郎各四人。 次相風,中道。<br />
次司馬督,在前,中道。左 次皮軒車,駕駟,中道。 次御史中丞,駕一,中道。 次雲罕車,駕駟, 次華蓋,中道。 次司南車、駕駟、 次鸞旗車,中 騎隊,五在左, 次左

次殿 次五 車正 右。 騎在右,日殿中將軍持鑿澁斧夾車,車後衣書主職步從,六行,合左右三十二行。 馬、殿中都尉、殿中校尉、爲左右各十二行。 行,刀楯一行,由基一行,細弩一行,跡禽一行,椎斧一行,力人刀楯一行。連細楯,殿中司 僕 牛,中道。 史二人,分左右,又侍御史二人,分次左右,又蘭臺令史分次左右,並騎。 安車,次白立 華蓋,中道。 二,熊渠督左,依飛督右。 卵 馬 次金根 `一行,殿中都尉一行,殿中校尉一行。 中司馬,中道。殿中都尉在左,殿中校尉在右,左右各四行,細楯一行在弩內,又殿中 一牛旗,赤青在左,黃在中,白黑在右。 御,大將軍參乘。「引左右又各增三行,爲九行。司馬史九人,引大戟楯二行,九尺楯一 一豎旗,安車邪拖之。 次相 車,駕 風,中道。 侍中、散騎常侍、黃門侍郎並騎,分左右。 |車,次白安車,次黑立車,次黑安車,合十乘,並駕駟。 建旗十二,如車色。 立 次尚書令在左,尚書僕射 駉、不建旗。 次中書監騎左,秘書監騎右。 次蹋猪車,駕駟,中道,無旗。 次御軺車,次御四望車,次御衣車,次御書 次青立車,次青安車,次赤立車,次赤安車,次黃立車,次黃 在右,又尚書郞六人,分次左右,並駕。 次提鼓,中道。 次大輦,中道。太官令丞在左,太醫令丞在右。 金根車建青旂十二,左將軍騎在左,右將軍 次黃鉞車,駕一,在左,御麾騎在 次殿中御史騎左,殿中監騎右。 次耕根車,駕駟,中道,赤旗十 次金根車,駕六馬,中道。太 車,次御藥車,並駕 次豹尾車,駕 叉治書侍御 次曲

右各二將。 次領護軍,加大車斧,五官掾騎從。 鼓、鈴下、信幡、軍校並駕一。 功曹吏、主簿並騎從。 尉、三当皆騎,東四人,乘馬夾道,都督兵曹各一人,乘馬在中。 軍。 外,弓矢在內,鼓吹如護軍。 辟車六人,執方扇羽林十人,日子朱衣。 引從,中道,左大鴻臚主簿、主記,右少府引從。 等,並騎,各一人。 右護駕尚書郎幷令史,並騎,各一人。 並騎在前 隊,九尺楯一隊,刀楯一隊,弓一隊,弩一隊,隊各五十人。黑袴褶將一人,騎校、鞉角各 次左大鴻臚外部掾,右五官掾、功曹史,並駕。 自豹 絳袍將一人,騎、鞉各一人,在前,督戰伯長各一人,步,在後。 次越騎校尉在左,屯騎校尉在右,各鹵簿鼓吹如步兵、射聲。 ,督戰伯長各一人,並騎在後,羽林騎督、幽州突騎督分領之。 尾車後而鹵簿盡矣。但以神弩二十張夾道,至後部鼓吹,其五張神弩置一將,左 次輕車二十乘,左右分駕。 次黃門後部鼓吹,左右各十三人。 次戟鼓車,駕牛,二乘,分左右。 次後軍將軍在左,[10]右將軍在右,各鹵簿鼓吹如左軍、 次騎十隊,隊各五十匹。將一人,持幢一人,鞉一人, 次領軍將軍,中道。鹵簿左右各二行,九尺楯在 次金鉦車,駕三,中道。左右護駕侍御史幷令史 次流蘇馬六十匹。 次三卿,並騎,東四人,鈴下二人,執馬鞭 次大鴻臚,駕駟,鉞吏六人。 次大司農 **懒**易幢麾各一騎,鼓吹一 騎將軍四人,騎校、鞉角、金 次金鉞車,駕三,中道。左 騎皆持稍。 次領護驍騎、游軍校 郎簿十隊,隊各五 部,七騎。 次大戟 前

綠油幢,朱絲繩絡,兩箱裏飾以金錦,黃金塗五采。其副車三乘,形制如所乘,但不畫輪耳。 十八枚。黑樓文畫幡,文輈,黃金塗五采。曰曰亦謂之鸞路。 皇太子安車,駕三,左右騑。朱班輪,倚獸較,伏鹿軾。 非法駕則乘畫輪車,上開四望, 九旒,畫降龍。 青蓋,金華蚤二

王青蓋車,皇孫綠蓋車,並駕三,左右騑。

雲母車,以雲母飾犢車。 臣下不得乘,以賜王公耳。

阜輪車,駕四牛,形制猶如犢車,但阜漆輪轂,上加青油幢,朱絲繩絡。 諸王三公有勳

德者特加之。位至公或四望、三望、夾望車。

油幢車,駕牛,形制如阜輪,但不漆轂耳。王公大臣有勳德者特給之。

通憾車,駕牛,猶如今犢車制,但舉其幰通覆車上也。諸王三公並乘之。

諸公給朝車駕四、安車黑耳駕三各一乘,阜輪犢車各一乘。自祭酒掾屬以下及令史,

皆阜零,辟朝服。其武官公又別給大車。

特進及車騎將軍驃騎將軍以下諸大將軍不開府非持節都督者,給安車黑耳駕二,軺車

施耳後戶一乘。

三公、九卿、中二千石、二千石、河南尹、謁者僕射,郊廟明堂法出,皆大車立乘、駕駟。

前後導從大車駕二,右騑。他出乘安車。其去位致仕告老,賜安車駟馬。

郡縣公侯,安車駕二,右騑。皆朱班輪,倚鹿較,伏熊軾,黑輜,三三阜繒蓋。

公旗旂八旒,侯七旒,卿五旒,皆畫降龍。

石,朱左轓。車轓長六尺,下屈廣八寸,上業廣尺二寸,九丈,十二初,口即後謙一寸,若月初 中二千石、二千石、皆阜蓋、朱兩幡、銅五采、駕二。中二千石以上、右騑。千石、六百

王公之世子攝命理國者,安車,駕三,旗旂七旒,其封侯之世子五旒。

生,示不敢自滿也。

太康四年,制:「依漢故事,給九卿朝車駕四及安車各一乘。」八年,詔:「諸尚書軍校加

侍中常侍者,皆給傳事乘軺車,給劍,得入殿省中,與侍臣升降相隨。」

小使車,不立乘,駕四,輕車之流也。 大使車,立乘,駕四,赤帷裳,騶騎導從。舊公卿二千石郊廟上陵從駕,乘大使車,他出乘安車也。 **蘭輿皆朱,赤穀,赤屛泥,白蓋,赤帷裳,從騶騎四** 

十人。 又別有小使車,赤轂阜蓋,追捕考案有所執取者之所乘也。 凡諸使車皆朱班輪,赤

衡軛。

追鋒車,去小平蓋,加通幰,如軺車,駕二。追鋒之名,蓋取其迅速也,施於戎陣之間,

是爲傳乘。

之。

四品 而賤輜輧。 將軍則無後戶,漆轂輪。 軺車,古之時軍車也。 三品將軍以上、尚書令軺車黑耳有後戶,僕射但有後戶無耳,並阜輪。尚書及 一馬曰軺車,二馬曰軺傳。 其中書監令如僕射、侍中、黃門、散騎,初拜及謁陵廟,亦得乘 漢世貴輜朝而賤軺車, 魏晉重軺車

駕則皇太后乘輦,皇后乘畫輪車。 儷駕。 三夫人油輧車,駕兩馬,左騑。 **爪施金華,駕三,左右騑。** 三,皆以紫絳罽輧車。九嬪世婦 二人,持綮戟二人,共載安車,儷駕。 兩轅安車,駕五騩馬,爲副。 皇太后、皇后法駕,乘重翟羽蓋金根車,駕靑輅,口三靑帷裳,雲樓畫轅,黃金塗五采,蓋 其廟見小駕,則乘紫罽輧車,雲樓畫輔,黃金塗五采,駕三。 又,金薄石山軿、紫絳罽軿車,皆駕三騩馬,爲副。 乘輧車,駕三。 皇后先蠶,乘油畫雲母安車,駕六騩馬,騩,淺黑色。油 女尚輦十二人,乘輜車,儷駕。 其貴人駕節畫輈。三夫人助蠶,乘靑交路,安車,駕 女長御八人, 乘安車, 女旄頭十 非法

車,駕三。公主有先置者,乘靑交路安車,駕三。 車,駕三,青交路,以紫絳罽軿車駕三爲副,王太妃、三夫人亦如之。 長公主赤罽輧車,駕兩馬。 公主、王太妃、王妃、皆油軿車、駕 兩馬,右騑。 公主助蠶, 公主油畫安 乘油畫安

志

諸侯監國世子之世婦、侍中常侍尚書中書監令卿校世婦、命婦助蠶,乘阜交路安車,儷 諸王妃、公太夫人、夫人、縣鄉君、諸郡公侯特進夫人助蠶,乘阜交路安車、駕三。

駕。

郡縣公侯、中二千石、二千石夫人會朝及蠶,各乘其夫之安車,皆右騑,阜交路,阜帷

結旌者也。惟天子親戎、五旗舒旆、所謂武車綏旌者也。指南車、過江亡失,及義熙五年, 於牛背,行則使人輿之。牛之義,蓋取其負重致遠安而穩也。旗常纏而不舒旆,所謂德車 玄牡。無復五時車,有事則權以馬車代之,建旗其上。其後但以五色木牛象五時車,豎旗 庭之儀。至於郊祀大事,則權飾餘車以周用。六師親征則用戎路,去其蓋而乘之,屬車但 車、制度始備。其輦、過江亦亡制度、太元中謝安率意造焉、及破苻堅於淮上、獲京都舊輦、 劉裕屠廣固,始復獲焉,乃使工人張綱補緝周用。こ己十三年,裕定關中,又獲司南、記里諸 五乘而已。加綠油幢,朱絲路,飾靑交路,黃金塗五采,其輪轂猶素,兩箱無金錦之飾。其 一車又是軺車。舊儀,天子所乘駕六,是時無復六馬之乘,五路皆駕四而已,同用黑,是爲 自非公會則不得乘軺車,止乘漆布輜輧,銅五采而已。 自過江之後,舊章多缺。一一帝踐極,始造大路、戎路各一,皆卽古金根之制也, 王妃、特進夫人、封郡君、安車、駕三、阜交路。封縣鄉君油軿車、駕兩馬、右騑。 無復充

形制無差,大小如一,時人服其精記。義熙五年,劉裕執慕容超,獲金鉦輦、豹尾,舊式

爲 名 。 建,乘路有青赤旂,致疑。 徐邈議,太子旣不備五路,赤旂宜省。 漢制,太子鸞路皆以安車 王。而安帝爲皇太子乘石山安車,制如金路,義不經見,事無所出。 元帝太興三年,皇太子釋奠。制曰:「今草創,未有高車,可乘安車也。」太元中,東宮 自晉過江,禮儀疏舛,王公以下,車服卑雜,惟有東宮禮秩崇異,上次辰極,下納侯

及公卿之妻奉引,各乘其夫車服,多以宮人權領其職。 中宮初建及祀先蠶、皆用法駕、太僕妻御、大將軍妻參乘、侍中妻陪乘、丹楊尹建康令

公卿以下從大小夏侯氏說,始制天子、三公、九卿、特進之服,侍祠天地明堂、日〇皆冠旒冕, 後,明帝乃始採周官、禮記、尚書及諸儒記說,還備袞冕之服。天子車乘冠服從歐陽氏說, 郊祭之服皆以袀玄,舊法掃地盡矣。 五. 及晉受命 | 冕之制,一服而已。 天子備十二章,三公諸侯用山龍九章,九卿以下用華蟲七章,皆具 照禮, 弁師掌六冕, 司服掌六服。自后王之制爰及庶人, Cl+2各有等差。及溱變古制, 魏明帝以公卿袞衣黼黻之飾、疑於至尊,多所減損,始制天子服刺繡文,公卿服織成 ,遵而無改。 天子郊祀天地明堂宗廟、元會臨軒、黑介幘、日也通天冠、平冕。 漢承秦弊, 西京二百餘年猶未能有所制立。 及中興

第十五

舆

後漢 服,通天冠高九寸,金博山顏,黑介幘,絳紗袍,阜緣中衣。其拜陵,黑介幘,單衣。其雜服, 者,空頂介幘。其釋奠先聖,則阜紗袍,絳緣中衣,絳袴袜,黑舄。其臨軒,亦袞冕也。 四寸,朱裏,以朱綠裨飾其側。中衣以絳緣其領袖。赤皮爲韍,絳袴袜,赤舃。未加元服 幅,衣畫而裳繡,爲日、月、星辰、山、龍、華蟲、藻、火、粉米、黼、黻之象,凡十二章。 素帶廣 以朱組爲纓,無緌。佩白玉,垂珠黃大旒,綬黃赤縹紺四采。衣阜上,絳下,前三幅,後四 冕,阜表,朱綠裏,廣七寸,長二尺二寸,[110]加於通天冠上,前圓後方,垂白玉珠,十有二旒, 有靑赤黃白緗黑色,介幘,五色紗袍,五梁進賢冠,遠遊冠,平上幘武冠。其素服,白餡單衣。 以來,天子之冕,前後旒用眞白玉珠。魏明帝好婦人之飾,改以珊瑚珠。晉初仍舊不 今美玉難得,不能備,可用白璇珠。」從之。 及過江,服章多闕,而冕飾以翡翠珊瑚雜珠。侍中顧和奏:「舊禮,冕十二旒,用白玉

通天冠,本秦制。高九寸,正豎,頂少斜却,乃直下,鐵爲卷梁,前有展筩,冠前加金博

山述,乘輿所常服也。

平冕,王公、卿助祭於郊廟服之。 王公八旒,卿七旒。 以組爲纓,色如其綬。王公衣山

龍以下九章,卿衣華蟲以下七章。

遠游冠,傅玄云秦冠也。似通天而前無山述,有展筩橫于冠前。 皇太子及王者後、帝

之兄弟、帝之子封郡王者服之。諸王加官者自服其官之冠服,惟太子及王者後常冠爲。

子則以翠羽爲矮,綴以白珠,其餘但靑絲而已。

形,一似武冠,又一似進賢,其一上方,其下如幘顏,其一刺上而方下。行鄉射禮則公卿委 領袖。 其執事之人皮弁,以鹿皮爲之。 貌冠,以皂絹爲之。形如覆杯,與皮弁同制,長七寸,高四寸。衣黑而裳素,其中衣以阜緣 緇布冠,蔡邕云卽委貌冠也。太古冠布,齊則緇之。緇布冠,始冠之冠也。 其制有四

梁、二梁、一梁。人主元服,始加緇布,則冠五梁進賢。三公及封郡公、縣公、郡侯、縣侯、鄉 亭侯,則冠三梁。 卿、大夫、八座尚書,關中內侯、二千石及千石以上,則冠兩梁。 加服也。 漢建初中,太官令冠兩梁,親省御膳爲重也。博士兩梁,崇儒也。宗室劉氏亦得兩梁冠,示 秘書丞郎、著作郎、尚書丞郎、太子洗馬舍人、六百石以下至于令史、門郎、小史,並冠一梁。 進賢冠,古緇布遺象也,斯蓋文儒者之服。前高七寸,後高三寸,長八寸,有五梁、三 中書郎、

澤之神,名曰慶忌,冠大冠,乘小車,好疾馳,因象其冠而服焉。 漢幸臣閎孺爲侍中,皆服大 文王所造、因以爲名。亦云,惠者蟪也,其冠文輕細如蟬翼,故名惠文。或云,齊人見千歲涸 武冠,一名武弁,一名大冠,一名繁冠,一名建冠,一名籠冠,即古之惠文冠。或曰趙惠

志

輿服

漢 則 在 秦滅趙,以其君冠賜侍臣。」應劭漢官云:「說者以爲金取剛强,百錬不耗。蟬居高飲淸,口 飾,插以貂毛,黃金爲竿,侍中插左,常侍插右。胡廣曰:「昔趙武靈王爲胡服,以金貂飾首。 拉掖下。 貂 貴 用 《其寶瑩,於義亦有所取。或以爲北土多寒,胡人常以貂皮溫額,後世效此,遂以附冠。 天子元服亦先加大冠,左右侍臣及諸將軍武官通服之。侍中、常侍則加金璫,附蟬爲 赤黑色,王莽用黃貂,各附服色所尚也。 貂內勁悍而外柔縟。」又以蟬取淸高飲露而不食,貂則紫蔚柔潤而毛采不彰灼,金

服焉。 法 Щ 冠也 齊王 詩云「高山仰止」,取其矜莊賓遠者也。 高 了,秦行人使官亦服之。」而漢官儀云「乘輿冠高山之冠,飛翮之纓」,然則天子亦有時 (標子曰:「魏明帝以其制似通天、遠游、故改令卑下。」 Щ 冠 冠,一名側注,高九寸,鐵爲卷梁,制似通天。 也。 傳曰『桓公好高冠大帶』。秦滅齊,以其君冠賜謁者近臣。」應劭曰:「高山,今 中外官、謁者、謁者僕射所服。〔三〕胡廣曰:「高 頂直豎,不斜却,無山述展筩。 高 Щ

其形以制衣冠。」胡廣曰:「春秋左氏傳晉侯觀于軍府,見鍾儀,曰『南冠而絷者誰也』? 南冠 獸名獬 御 史、廷尉 法冠,一名柱後,或謂之獬 3万,一 JE. 角,性別 監平,凡執法官皆服之。 曲 直。 見人鬭,觸不直者。 多冠。 或謂獬 高五寸,以縱 豸神羊,能 聞 人 爲展筩。 爭, 咋不正 觸邪佞。 鐵爲柱卷,取其不曲撓也。 者。 異物志云『北荒之中,有 楚王嘗獲 此獸,因象

即楚冠。 秦滅楚,以其冠服賜執法臣也。」

非也。 爲此冠,其世因謂劉氏冠。後除竹用漆羅。 長冠,一名齊冠。高七寸,廣三寸,漆纚爲之,制如版,以竹爲裏。 救日蝕則服長冠,而祠宗廟諸祀冠之。 司馬彪曰:「長冠蓋楚制。 此高祖所造,後世以爲祭服,尊敬之至也。」 漢高 人間 或謂之鵲尾冠, 祖微時,以竹皮

建華冠,以鐵爲柱卷,貫大銅珠九枚,古用雜木珠,原憲所冠華冠是也。又春秋左氏傳

鄭子臧好聚鷸冠,謂建華是也。 祀天地、五郊、明堂、舞人服之。 漢育命舞樂人 が所服

方山冠,其制似進賢。 鄧展曰:「方山冠,以五采縠爲之。」 漢大予、八佾、 五行樂人所

服,冠衣各如其行方之色而舞焉。

巧士冠,前高七寸,要後相通,直豎。 此冠不常用,漢氏惟郊天,黃門從官四人冠之,在

鹵簿中,夾乘輿車前,以備宦者四星。或云,掃除從官所服

却非冠,高五寸,制似長冠。宮殿門吏僕射冠之。負赤幡,青翅燕尾,諸僕射幡皆如

却敵冠,前高四寸,通長四寸,後高三寸,制似進賢。 凡當殿門衞士服之。

樊噲常持鐵楯,聞急,乃裂裳苞楯,戴以爲冠,排入羽營,因數羽罪,漢王乘間得出。後人壯 樊噲冠,廣九寸,高七寸,前後出各四寸,制似平冕。 昔楚漢會於鴻門,項籍圖危高祖

其意,乃制冠象焉。凡殿門司馬衞士服之。

術氏冠,前圓,吳制,差池四重。趙武靈王好服之。或日,楚莊王復讐冠是也。

**鶡冠,加雙鶡尾,豎插兩邊。 鶡,鳥名也,形類鷂而微黑,性果勇,其鬭到死乃止。 上黨** 

**貢之**,趙武靈王以表顯壯士。至秦漢,猶施之武人。

**香帝也。天子則縫有十二,公九,侯伯七,子男五,孤四,卿大夫三。** 弁。「三」其縫中名曰會,以采玉朱爲臻。藄,結也。天子五采,諸侯三采。邸,冠下抵也,象骨爲之, 皮弁,以鹿皮淺毛黃白色者爲之。禮「王皮弁,會五采玉綦,象邸玉笄」,謂之合皮爲

章弁,制似皮弁,頂上尖,靺草染之,色如淺絳。

持笄,所謂夏收殷冔者也。祠天地、五郊、明堂,雲翹舞樂人服之。曰曰 爵弁,一名廣冕。高八寸,長尺二寸,Clind如爵形,前小後大。增其上似爵頭色。有收

幘者,古賤人不冠者之服也。漢元帝頟有壯髮,始引幘服之。王莽頂禿,又加其屋也。

收又一重,方三寸。又有赤幘,騎吏、武吏、乘輿鼓吹所服。救日蝕,文武官皆免冠著幘,對 冠爲別。介幘服文吏,平上幘服武官也。童子幘無屋者,示未成人也。又有納言幘,幘後

漢注日,冠進賢者宜長耳,今介幘也。冠惠文者宜短耳,今平上幘也。始時各隨所宜,遂因

朝服、示武威也。

軍飾,非爲國容也。徐爰曰:「俗說餡本未有岐,荀文若巾之行,觸樹枝成岐,謂之爲善,因 案漢末王公名士多委王服,以幅巾爲雅,是以袁紹、崔鈞之徒,雖爲將帥,皆著縑巾。 以天下凶荒,資財乏匱,擬古皮弁,裁縑帛以爲餡,合乎簡易隨時之義,以色別其貴賤,本施 漢儀,立秋日獵,服緗幘。及江左,哀帝從博士曹弘之等議,立秋御讀令,改用素白帖。

而弗改。」今通以爲慶弔服。

**幘於冠,因或裁纚爲帽。自乘輿宴居,下至庶人無爵者皆服之。** 成帝咸和九年,制聽尚書 八座丞郎、門下三省侍官乘車、三三白幍低幃,出入掖門。又,二宮直官著鳥紗餡。然則往 |人宴居皆著帕矣。而||江||左時野人已著帽,人士亦往往而然,但其頂圓耳,後乃高其屋 帽名猶冠也,義取於蒙覆其首,其本纚也。古者冠無幘,冠下有纚,以繒爲之。後世施 巾,以葛爲之,形如餡而横著之,古尊卑共服也。故漢末妖賊以黃爲巾,世謂黃巾賊。

賤者亦用蜯、金銀、玳瑁爲雕飾。 漢制,自天子至於百官,無不佩劍,其後惟朝帶劍。 晉世始代之以木,貴者猶用玉首,

乘輿六璽,秦制也。 曰「皇帝行璽」、「皇帝之璽」、「皇帝信璽」、「天子行璽」、「天子之

帝時武庫火燒之,遂亡。 命,皇帝壽昌」。漢高祖佩之,後世名曰傳國璽,與斬白蛇劍俱爲乘輿所寶。 璽」、「天子信璽」,漢遵秦不改。 又有秦始皇藍田玉璽,螭獸紐,在六璽之外,文曰「受天之 及懷帝沒胡,傳國璽沒於劉聰,後又沒於石勒。及石季龍死,胡 斬白蛇劍至惠

亂,穆帝世乃還江南。

以綴於革帶,其戎服則以皮絡帶代之。 革帶,古之鞶帶也,謂之鞶革,文武衆官牧守丞令下及騶寺皆服之。其有囊綬,曰於則 車前五百者,卿行旅從,五百人爲一 昔周公負成王,制此服衣,至今以爲朝服。 八坐尙書荷紫,ᠬ以以生紫爲袷囊,綴之服外,加於 旅。漢氏一統,故去其人,留其名也 或云漢世用盛奏事,負之以行,未詳也。

摽,行留文武悉同。 以繒爲之,長四寸,廣一寸、腰有絡帶以代鞶。 袴褶之制,未詳所起,近世凡**車駕親戎、中外戒嚴服之**。 其畋獵巡幸,則惟從官戎服帶鞶革,文官不下纓,武官脫冠 中官紫摽,外官絳摽。 服無定色,冠黑帽,綴紫摽,摽 又有纂嚴戎服而不綴

朝服 書監奏靜曰:「漢氏承秦,改六冕之制,但玄冠絳衣而已。」魏已來名爲五時朝服,又有四書 ,又有朝服。 漢制,一歲五郊,天子與執事者所服各如方色,百官不執事者服常服絳衣以從。 自皇太子以下隨官受給。百官雖服五時朝服,據今止給四時朝服,闕秋 魏祕

服。

三年一易。

世著鞶囊者,側在腰間,或謂之傍囊,或謂之綬囊,然則以紫囊盛綬也。或盛或散,各有其 諸假印綬而官不給鞶裹者,得自具作,其但假印不假綬者,不得佩綬。鞶,古制也。漢

長三尺。笏者,有事則書之,故常簪筆,今之白筆是其遺象。三臺五省二品文官簪之,王、 公、侯、伯、子、男、卿尹及武官不簪,加内侍位者乃簪之。 手版卽古笏矣。尚書令、僕射、尚 笏,古者貴賤皆執笏,其有事則搢之於腰帶,所謂搢紳之士者,搢笏而垂紳帶也。

辟邪首,紫緑二色帶,采畫廣領、曲領各一,赤鳥絳袜。 若講,則著介幘單衣;釋奠,則遠遊 其大小會、祠宗廟、朔望、五日還朝皆朝服,常還上宫則朱服,預上宫正會則於殿下脱劍舄。 冠,玄朝服,絳緣中單,絳袴袜,玄鳥。若未加元服,則中舍人執冕從,介幘單衣玄服。曰云 玉,垂組。朱衣絳紗襮,阜緣白紗,其中衣白曲領。帶劍,火珠素首。革帶,玉鉤燮獸頭鞶囊。 書手版頭復有白筆,以紫皮裹之,名曰笏。 又有三梁進賢冠。其侍祀則平冕九旒,袞衣九章,白紗絳緣中單,絳繒轉,采畫織成袞帶,金 皇太子金璽龜鈕,朱黄綬,四采:赤、黄、縹、紺。給五時朝服、遠遊冠,介幘、翠緌。佩瑜 諸王金璽龜鈕,纁朱綬,四采:朱、黄、縹、紺。五時朝服,遠遊冠介幘,亦有三梁進賢

朱衣絳紗襮阜緣,中衣表素。革帶,黑鳥,佩山玄玉,垂組,大帶。若加餘官,則服其加

官之服也。

赤羆、天鹿、辟邪、南山豐大特六獸,諸爵獸皆以翡翠爲毛羽,金題白珠璫,繞以翡翠爲華。 步搖,俗謂之珠松是也,簪珥。步搖以黃金爲山題,貫白珠爲支相繆。八爵九華,熊、獸、曰記 元康六年,詔曰:「魏以來皇后蠶服皆以文繡,非古義也。 今宜純服青,以爲永制。」 皇后謁廟,其服阜上阜下,親蠶則靑上縹下,皆深衣制,隱領,袖緣以絛。首飾則假髻,

淑妃、淑媛、淑儀、修華、修容、修儀、婕妤、容華、充華,是爲九嬪,銀印青綬,佩采瓄玉。 人、貴嬪、夫人助蠶,服純縹爲上與下,如即皆深衣制。 九嬪及公主、夫人五鎮,世婦三鎮。助蠶之義,自古而然矣。 貴人、夫人、貴嬪,是爲三夫人,皆金章紫綬,章文曰貴人、夫人、貴嬪之章。 太平髻,七籅蔽髻,黑玳瑁,又加簪 佩于窴玉。

皇太子妃金璽龜鈕,纁朱綬,佩瑜玉。

諸王太妃、妃、諸長公主、公主、封君金印紫綬,佩山玄玉。

長公主、公主見會,太平髻,七鎭蔽髻。 其長公主得有步搖,皆有簪珥,衣服同制。

自公主、封君以上皆帶綬,以綵組爲緄帶,各如其綬色,金辟邪首爲帶 玦。

中二千石二千石夫人紺繒幗,黃金龍首銜白珠,魚須擿長一尺爲簪珥。「引己入廟佐祭者阜絹 郡公侯縣公侯太夫人、夫人銀印青綬,佩水蒼玉,其特加乃金紫。 公特進侯卿校世婦、

## 上下,助蠶者縹絹上下,皆深衣制緣。

# 自二千石夫人以上至皇后,皆以蠶衣爲朝服。

## 校勘記

- 至於成帝 各本無此四字,殿本有。 趙飛燕爲成帝后,故從殿本。
- 金華施橑末 「末」原作「朱」。 李校:「朱」當作「末」。 後漢書輿服志 在本志校記中以後簡稱續漢志 Ŀ

注及宋書禮志五作「末」。按"通典六四注亦作「末」。今據改。

- 象鐮 而 鏤 錫 鐮」 原作「鹿」。 **{校** (校文: 「鹿」爲「鑣」字之譌文,續漢志上可證。 通典六四亦
- . 8] 釳以鐵爲之 「釳」,各本誤作「旄」,今從殿本作「釳」。

作「鑣」。

今據改。

- 33 繁纓馬飾纓 「繁纓」,各本倒作「纓繁」,今從殿本作「繁纓」,通考一 六亦作「繁纓」
- ベレ 古之戰車 也 「戰」原作「獸」,今據續漢志上、宋書禮志五改。
- 717 太僕 乘。 卿御大將軍 參 乘 「御」字原脫。 續漢志上云: 「乘輿大駕, 公卿奉行, 太僕御,大將軍
- 左 將 軍騎 通鑑 在 一三六胡注引此文亦作「太僕卿御」,今據補 左右將軍 騎 在 右 姚鼐惜抱軒筆記謂當云左軍將軍、 右軍 一將軍。 此脫

志

第

十

五

校

勘

記

兩

「軍」字,

與前引從之左將軍右將軍無別矣。

بر ا 羽林 各本作「羽林郎」、宋本無「郎」字、今從宋本。 通典六六、通志四八、通考一一六、通鑑

三六胡注引皆無「郎」字。

次後軍將軍在左 「後軍將軍」當作「後將軍」,前、後、左、右四將軍本漢官,魏晉因之,又別有前

軍、後軍、左軍、右軍四將軍,則宿衞之職。 前者金印,後者銀印,見朱書禮志五,不相混同 也,

[11] 游軍校尉 周校:「游擊」誤「游軍」。

[三] 黄金塗五采 商權"「采」當作「末」。下文重句同。

[1] 黑輜 李校:「輜」當作「轓」、續漢志作「幡」。

[15] 九丈十二初 續漢志上作「九文,十二初」。

[三] 駕靑輅 通典六五、通志四八作「加靑絡」。

二乙 乃使工人張綱補緝 周用 「乃」,各本作「及」,今從殿本作「乃」,與通考一一六合

出出 自后王之制爱及庶人 「自」,各本作「非」,今從殿本作「自」。

始制天子三公九卿特進之服侍祠天地明堂 天 、地明堂」,據此,此當作「始制天子、三公、九卿、特進、侍祠祀天地明堂之服」。 通典六一、通志 續漢志下云「天子、三公、九卿、特進 侯、侍祠侯祀

四七亦可證。

- 二六 黑介贖 各本無「黑」字,今從宋本,與宋書禮志五、通典五七、通志四七合。
- 長二尺二寸 蔡邕獨斷、續漢志下、朱書禮志五、通典五七、通志四七皆作「尺二寸」,古冕無長

二尺以上者,「二」字疑行。

- [II] 謁者謁者僕射所服 續漢志下不重「謁者」二字。
- C三〕 謂之合皮爲弁 各本無「皮」字,宋本有,今從宋本。
- 長尺二寸 原無「尺」字。 商権:「長」下脱「尺」字。 按:獨斷、續漢志下皆有「尺」字,今據補。
- 引董巴輿服志皆作「雲翹舞」。 雲翹舞又見續漢書祭祀志中。 今 據補。

李校:「翹」上脫「雲」字,

應據續漢志增。

按:

通典五七及御覽六八六

雲翹

舞

原無「雲」字。

- 至 門下三省侍官乘 車 李 校、宋書禮志五「侍官」作「侍郎」。
- 囊綬 周校:「 綬」當在「囊」上。 按:下文及宋書禮志五 云「或謂之綬囊」, 御覽六九一引謝承與

步騭書「虎頭綬囊」,均可證。

- 宝 荷紫 李校:「荷紫」當作「紫荷」。 按:「紫荷」見宋書禮志五、南齊書興服 志。
- 吕 介幘單 衣 玄服 宋 本無「幘單衣玄服」五字、局本作「介一中元玄」、今從殿本•
- [h] 獸 當從續漢志下作「虎」,此唐人避諱改。
- 如0D 服純縹爲上與下 「與」,各本作「輿」,今從殿本作「與」。

魚須擿長一尺爲簪珥 魚須擿長一尺爲簪珥,俱不重「簪」字,茲據删。 原「爲」下重一「簪」字。續漢志下及通典六二述漢制、魏制、陳制皆以

## 晉書卷一十十

## 志第十六

#### 食貨

陶之業。 其紀 農官澤虞,各有攸次,父兄之習,不翫而成,十五從務,始勝衣服,鄉無遊手,邑不廢時,所謂 夫之士,十畝之宅,三日之**徭,九均之賦,施陽禮以興其讓,命春**社以勖其耕。 天之所貴者 之隸,先諸布帛,繼以貨泉,貿遷有無,各得其所。周禮,正月始和,乃布教于象魏。若乃一 厥初生民,各從其事者也。是以太公通市井之貨,以致齊國之强,鴟夷善廢斂之居,以盛中 人也,明之所求者學也,治經入官,則君子之道焉。 詩曰:「三之日于耜,四之日舉趾。」是以 綱。 昔者先王量地以制邑,度地以居民,因三才以節其務,敬四序以成其業,觀其謠俗而正 昔在金天,勤於民事,命春鳳以耕稼,召夏鳳以耘鋤,秋鳳所以收斂,冬鳳於焉蓋 **勖農桑之本,通魚鹽之利,登良山而採符玉,泛瀛海而罩珠璣。 日中爲市,總天下** 

志第

十六

食貨

·之麗,廣收珍玩以備沙丘之遊。懸肉成林,積醪爲沼,使男女裸體相逐於其間,伏詣酒池中 高 牛飲者三千餘人,宮中以錦綺爲席,綾紈爲薦。及周王誅討,肅拜殷墟,乃盡 朝聘自其儀,宴饗由其制,家殷國阜,遠至邇安。救水旱之災,卹寰瀛之弊,然後王之常膳, 範,靡有孑遺。 預財內府,永爲 之,乃上層 **憍栗,上天降休,殷人大喜。**王赧云季,徙都西周,九鼎淪沒,二南堙盡,貸於百姓,無以償 乃間笙鏞。商周之興,用此道也。辛利暴虐,翫其經費,金鏤傾宮,廣延百里,玉飾鹿臺,崇 躬稼,而有三年之蓄,可以長孺齒,可以養耆年。因乎人民,用之邦國,宮室有度,旗章有序, **轩,荆郢桂林,旁通竹箭,江干橘柚,河外舟車,遼西旃罽之鄉,葱右蒲梢之駿,殖物怪錯,于** 範,東吳有齒角之饒,西蜀有丹沙之富,兗豫漆絲之廥,燕齊怪石之府,秦邠旄羽,迥帶琅 何不有。 千仞,宮中九市,各有女司。厚賦以實應臺之錢,大斂以增鉅橋之粟,多發妖冶以充傾宮 書曰:「曆象日月星辰,敬授民時。」傳曰:「禹稷躬稼而有天下。」若乃九土旣敷,四民承 若乃上法星象,下料無外,因天地之利,而總山海之饒,百畝之田,十一而稅,九年 臺以避其責,周人謂王所居爲逃責臺者也。 史臣曰:班固為殖貨志,自三代至王莽之誅,網羅前載,其文詳悉。 不刊。及刑政陵夷,菁茅罕至,魯侯初踐畝之稅,秦君收太半之入,前王之 昔周姬公制以六典,職方陳其九貢, 振鹿財,並頒

光武寬仁,襲行天討,王莽之後,赤眉新敗,雖復三暉乃眷,而九服蕭條,及得隴望蜀,

緣。 除,皆責助治宮室錢,大郡至二千萬錢,不畢者或至自殺。 作家,曾無私蓄。」故於西園造萬金堂,以爲私藏。 延及 都之膀,開賣官之路,公卿以降,悉有等差。 **葷旅之費三百二十餘億,府帑空虛,延及內郡。沖質短祚,桓靈不軌。** 以用度不足,三公又奏請令吏民入錢穀得爲關內侯云。恒帝永興元年,郡 泛數千里,流入十餘萬戶,所在廩給。 九焉」,蓋天地之恆數也。 殷阜,牛羊彌望,作貢尤輕,府廩還積,姦回不用,禮義專行。于時東方旣明,百官詣闕,戚 安寧,民無橫徭,歲比登稔。永平五年作常滿倉,至立粟市於城東,粟斛直錢二十。 **単侯家,自相** 黎民安堵,自此始行五銖之錢,田租三十稅一,民有產子者復以三年之算。 北闕。 有識者尤之曰:「豈京師破壞,此錢四出 於是復收天下田畝十錢,用營宮宇。 馳騖,車如流水,馬若飛龍,照映軒廡, 安帝永初三年,天下水旱,人民相食。帝以鴻陂之地假與貧民。 迨建寧永和之初,[E] 西羌反叛,二十餘年兵連師老, 也。」 廷尉崔烈入錢五百萬以買司徒,刺史二千石遷 帝出自侯門,居貧卽位,常曰:「桓帝不能 復寄小黃門私錢,家至巨億。 光華前載。 獻帝作五銖錢,而有四道連於邊 傳曰「三統之元,有陰陽之 中平二年,南宫災, 國少半遭蝗,河 顯宗卽位,天下 於是懸 草樹 鴻

銅 人飛廉之屬,以充鼓鑄。又錢無輪郭,文章不便。時人以爲秦始皇見長人於臨洮,乃鑄 及董卓尋戈,火焚宮室,乃劫鸞駕,西幸長安,悉壞五銖錢,更鑄小錢,盡收長安及洛陽

志第十

六

食貨

銅人。卓,臨洮人也,興毁不同,凶訛相類。及卓誅死,李傕、郭汜自相攻伐,於長安城中以 皆四散,二三年間,關中無復行人。建安元年,車駕至洛陽,宮闈蕩滌,百官披荆棘而居焉。 旁侍者,血濺后服。旣至安邑,御衣穿敗,唯以野棗園菜以爲糇糧。自此長安城中盡空,並 州郡各擁强兵,而委輸不至,尚書郎官自出採稆,或不能自反,死於墟巷。 曹陽,夜潛渡河,六宮皆步。初出營欄,后手持縑敷匹,董承使符節令孫徽以刃脅奪之,殺 廩,乃親於御前自加臨給,饑者人皆泣曰:「今始得耳」,帝東歸也,李傕、郭氾等追敗乘輿於 使侍御史侯汶出太倉米豆,爲饑民作糜,經日頒布而死者愈多。帝於是始疑有司盜其糧 爲戰地。 是時穀一斛五十萬,豆麥二十萬,人相食啖,白骨盈積,殘骸餘肉,臭穢 道路。帝

孔子 萬斛 椹 權報曰:「甚善。 皆不得擅興,藏强賦弱。文帝黃初二年,以穀貴,始罷五銖錢。于時天下未幷,戎車歲動, 滅,戰勝攻取,耕夫釋耒,江淮之鄉,尤缺儲峙。吳上大將軍陸遜抗疏請令諸將各廣其田。 日,「加之以師旅,因之以饑饉」,此言兵凶之謀而沴氣應之也。于時三方之人,志相吞 魏武 ,以充兵戎之用。及初平袁氏,以定鄴都,令收田租畝粟四升,戶絹二匹而綿二斤,餘 ,袁術戰士取給贏蒲。<br />
「包魏武于是乃募良民屯田許下,又於州郡列置田官,歲有數千 之初,九州雲擾,攻城掠地,保此懷民,軍旅之資,權時調給。于時袁紹軍人皆資 今孤父子親自受田,<br />
車中八牛,以為四耦。<br />
雖未及古人,亦欲與衆均其勞

此後關 也。」有吳之務農重穀,始於此焉。 東遇水,民亡產業,而興師遼陽,坐甲江甸,皆以國乏經用,胡可勝言。 魏明帝不恭,淫於宮籞,百僚編於手役,天下失其躬稼。

增飾 東作 莫不揮涕。元后渡江,軍事草創,蠻陬賧布,不有恆準,中府所儲 斛。 泉, 於府庫,破舟船於江壑,河濱海岸,三丘八藪,耒耨之所不至者,人皆受焉。 挺亂淮南,至帝懼其侵逼,甚患之,乃詔方鎭云,有斬石勸首者,賞布千匹云。 宅,餒饉弘多,斗米二金,死者太半。 粉珊 恵后 ,服翫相輝,於是王君夫、武子、石崇等更相誇尙,輿服鼎俎之盛,連衡帝室,布金埓之 ,荷鍤贏 世 劉 祖武皇帝太康元年,旣平孫皓,納百萬而罄三吳之資,接千年而總西蜀之用,韜干戈 瑚之樹。 曜 北 征 所圍,王師累敗,府帑旣竭,百官飢甚,比屋不見火煙,飢人自相啖食。 糧,有同雲布。 ,蕩陰反駕,寒桃在御,隻雞 物盛則衰, 固其宜也。 若夫因天而資五緯,因 劉曜 永寧之初,洛中尚有錦帛四百萬, 陳兵,內外斷絕,十麩之麴,屑 以給,其布衾兩幅,囊錢三千, 地而興五材,世屬升平,物流倉府,宮闈 數 四 千匹。于 而 以爲車駕 供帝,君 農祥晨正,平秩 珠寶金銀百餘 時石勒勇銳 臣 之資焉 愍皇西 相顧,

而苦軍食不足,羽林監潁川棗祗建置屯田議。 漢 自董卓之亂,百姓流離,穀石至五十餘萬, 魏武乃令曰一夫定國之術在於强兵足食,秦 人多 相 食。 魏武旣 破黄巾,欲經略 四方,

志

第

+

六

倍常 不以 揚 追 魏武遣謁者僕射監鹽官,移司隸校尉居弘農。流人果還,關中豐實。 以其直益市犁牛,百姓歸者以供給之。 姓 渠者也。當<u>黃初中,四方郡守墾田又加,以故國用不匱。時濟北顏斐爲京兆太守,京兆</u> 賈逵之爲豫州,南與吳接,修守戰之具,揭汝水,造新陂,又通運渠二百餘里,〔云〕所謂賈侯 歸,而無以自業。於是衞覬議爲「鹽者國之大寶,自喪亂以來放散, 人 上 馬超之亂,百姓不專農殖,乃無車牛。。變又課百姓,令閑月取車材,轉相教匠。 思其 州 屯田許下,得穀百萬斛。 以急農兼天下,孝武以屯田定西域,此先世之良式也。」於是以任峻 刺 爲沛郡太守,郡居下溼,水澇爲患,百姓飢乏。渾於蕭、相二縣興陂堨,開稻田,郡人皆 ,投貴賣以買牛。始者皆以爲煩,一二年中編戶皆有車牛,於田役省贍,京兆遂以豐沃。 史,鎭合肥,廣屯田,修芍陂、茄陂、七門、吳塘諸堨,以溉稻田,公私有蓄,歷代 、功,封爵其子。 中 酒泉鹽池,以收虜穀。又廣開水田,募貧民佃之,家家豐足,倉庫盈溢。及度支 賴其利,刻石頌之,號日鄭陂。魏明帝世徐邈爲涼州,土地少雨,常苦乏穀。邈 渾以爲終有經久之利,遂躬率百姓興功,一冬皆成。比年大收,頃畝歲增,租入 建安初,關中百姓流入荆州者十餘萬家,及聞本土安寧,皆企望思 郡國列置田官,數年之中,所在積栗,倉廩皆滿。 動耕積栗,以豐殖關中,遠者聞之,必多競還。」於是 今宜. 旣而 爲典農中郎將,募百 如舊置 又以沛國 祗 其無牛者令 死, 使者監賣, 劉馥 魏武 爲利。 後 自

州 到 其 界軍用之餘,以市金錦犬馬,「刊通供中國之費。 ,乃敎作耬犁,又 後皇甫 隆 爲敦煌 太守, 教 使灌漑。 敦煌俗不作樓犂 歲終 率 計 ,所省庸 一及不 知 力過半,得穀加五,西方 用水,人牛功力旣費,而收穀更少。隆 西域人入貢,財貨流通,皆邈之功也 以豐。

渠 萬 修 遂 萬 且 陳 穀 爲 充 益 實焉。 頃 蔡之間, 可可 北 餘 佃 許 兼 廣 軍 解於 臨淮 并 淮南 淮陽、百尺二渠,上引河流 都 實。 嘉平 且. 以 之計 守。 门,以 大積 正始 水 淮土,此 青龍 껄 制 、淮北皆相連接。 土下田良,可省許昌左右諸 年,公 自 水豐,常收三倍於西,計除衆 ,乃使鄧艾行陳、頂以東,至壽春地。 四 四 軍 元年,開成 一年,宣帝又督諸軍伐吳將諸葛恪 方。 糧,又通運漕之道。 鍾 離 則十萬之衆五 關中饑,宣帝表徙冀州農夫五千人佃 而 今三隅已定,事在淮 南横石 國渠 自壽春到京師,農官兵田,雞犬之聲,阡陌 以 自陳倉至槐里,築臨晉陂,引汧洛漑舄鹵之地三千餘頃,國以 ,下通潍潁,大治諸陂於潁南 西。盡 年食也。 乃著濟河論 稻 沘水四百餘 南。 田, 費,歲完五 以此 幷水東 毎 乘敵,無不 大軍 ,焚其積聚,恪棄城遁走。帝因 以喻其指。 艾以爲田 里,五里置一 百萬斛以爲 下。 征 舉,運兵過半,功費巨億 上邽,興京兆、天水、南安鹽池 令淮 克矣。 良水少,不足 、潁北, 穿渠三百 又以爲昔破黃巾 北 營,營六十人, 軍資。 二萬· 宣帝 人、淮南三萬 善之,皆 六七 相 以 屬。 盡 年間 ·, 因 餘 地利, 毎東 公欲 且. 如 以以 里, 艾計 · 可 廣 爲 佃 爲 人分休, 南有事 屯田,積 田積穀 且 宜開 漑 積三千 一守。兼 大 施行。 田二 · 以 河

志

大軍出征,汎舟而下,達于江淮,資食有儲,而無水害,艾所建也。

頃,遇年普饑而郡界獨無匱乏,可謂能以勸敎,時同功異者矣。其賜穀千斛,布告天下」。八 守相令長,務盡地利,禁游食商販。其休假者令與父兄同其勤勞,豪勢不得侵役寡弱,私相 勸,而猶或騰踊,至於農人並傷。今宜通糴,以充儉乏。〔己主者平議,具爲條制。」然事竟未 政之善者也。然此事廢入,天下希習其宜。 匱,是相報之理也。故古人權量國用,取贏散滯,有輕重平糴之法。 匹。」是歲,乃立常平倉,豐則糴,儉則糶,以利百姓。 五年正月癸巳,敕戒郡國計吏、諸郡國 之內,棄末反本,競農務功,能奉宣朕志,令百姓勸事樂業者,其唯郡縣長吏乎!先之勞之, 議者謂軍資尙少,不宜以貴易賤。 泰始二年,帝乃下詔曰:「夫百姓年豐則用奢, 在於不倦。 更令國寶散於穰歲而上不收,貧弱困於荒年而國無備。豪人富商,挾輕資,蘊重積,以管其 是時江南未平,朝廷厲精於稼穡。四年正月丁亥,帝親耕藉田。庚寅,詔曰:「使四海 故農夫苦其業,而末作不可禁也。今者省傜務本,幷力墾殖,欲令農功益登,耕者益 及晉受命,武帝欲平一江表。時穀賤而布帛貴,帝欲立平糴法,用布帛市穀,以爲糧儲。 十月,詔以「司隸校尉石鑒所上汲郡太守王宏勤恤百姓,導化有方,督勸開荒五千餘 每念其經營職事,亦爲勤矣。其以中左典牧種草馬,賜縣令長相及郡國丞各一 加以官蓄未廣,言者異同,財貨未能達通其制。 理財鈞施, 惠而 凶荒則窮 不費,

{傳。 年,司徒石苞奏:「州郡農桑未有殿最之制,宜增掾屬令史,有所循行。」帝從之。 苞旣 明於勸課,百姓安之。 十年,光祿勳夏侯和上修新渠、富壽、遊陂三渠,凡溉田千 事見石苞

年,又詔曰:「今年霖雨過差,又有蟲災。 今以鄴奚官奴婢著新城,代田兵種稻,奴婢各五十人爲一屯,屯置司馬,使皆如屯田法。」三 五百頃。 咸寧元年十二月,韶曰:「出戰入耕,雖自古之常,然事力未息,未嘗不以戰士爲念也。 潁川、襄城自春以來,略不下種,深以爲慮。 主者

何

以爲百姓計,促處當之。」杜預上疏曰:

旦暮 多磅 **克、豫州** 春,野無青草,則 定其趣舍之宜,恐徒文具,所益蓋薄。 野食,此目 婚, 臣 臣 輒 愚謂旣 東界諸 此即 思惟,今者水災東南特劇,非但五稼不收,居業幷損,下田所在停汙,高地皆 百 以 下 陂,隨其所歸 姓困窮方在來年。 水 必指仰官穀,以爲生命。 日給 爲 困 之益也。 ,當恃魚菜螺蜯,而洪波汎濫,**貧弱者終不能得**。 而宣導之。 水去之後,塡淤之田,畝收數鍾。 雖詔書切告長吏二千石爲之設計,而不廓開大制, 當今秋夏蔬食之時,而百姓已有不贍,前至冬 交令饑者盡得水產之饒,百姓不 此乃一方之大事,不可不豫爲思慮者也。 至春 大種五穀,五穀 出境界之內, **今者宜大壞** 

志第

必豐,此又明

年

益

也。

臣 . 前 啓,典牧種牛不供耕駕,至於老不穿鼻者,無益於用,而徒有吏士穀草之費,歲

**送任駕者甚少,尚復不調習,宜大出賣,以易穀及爲賞直。** 

猪羊類· 是爲化無用之費,得運水次成穀七百萬斛,此又數年後之益也。 地,明其考課。 公私之饒乃不可計。 旣壞陂,可分種牛三萬五千頭,以付二州將吏士庶,使及春耕。 五千餘頭。 詔 曰:「孳育之物,不宜減散。」事遂停寢。問主者,今典虞右典牧種產牛,大小相通,有四萬 也。 苟不益世用,頭數雖多,其費日廣。古者匹馬匹牛,居則以耕,出則以戰,非 今徒養宜用之牛,終爲無用之費,甚失事宜。 此又三魏近甸,歲當復入數十萬斛穀,牛又皆當調習,動可駕用,皆今日之 其所留好種萬頭,可即令右典牧都尉官屬養之。 東南以水田爲業,人無牛犢。今 穀登之後,頭責三百斛。[10] 加以百姓降丘宅土,將來 人多畜少,可並佃牧 如

### 預叉言:

可全者也。

變生蒲葦,人居沮澤之際,水陸失宜,放牧絕種,樹木立枯,皆陂之害也。 相絕離者耳。往者東南草創人稀,故得火田之利。自頃戶口日增,而陂堨歲 水淺,潦不下潤。故每有水雨,輒復横流,延及陸田。言者不思其故,因云此土不可陸 諸欲修水田者,皆以火耕水耨爲便。 非不爾也,然此事施於新田草萊,與百姓居 陂多則 決,良田

有異。 運道 種。 縣 理之所以未盡,而事之所以多患也。 便宜,求壞泗陂,徙運道。 而 領 都督度支方復執異,非所見之難,直以不 定東詣 應佃二千六百口,可謂至少,而猶患地狹,不足肆力,此皆水之爲害也 爲 臣計漢之戶口,以驗今之陂處,皆陸業也。 人害者也。 軍家之與郡縣,士大夫之與百姓,其意莫有同者,此皆偏其利以忘其害者也。此 壽春,有舊渠,可不由泗陂。 臣前見尚書胡威啓宜壞陂, 時下都督度支共處當,各據所見,不從遵言。 泗陂在遵地界壞地凡萬三千餘頃,傷敗成業。遵 同害理也。 其或 其言懇至。 《有舊陂舊堨,則堅完修固,非今所 '人心所見旣不同,利害之情又 臣中 者又見宋侯相 臣案遵上事 一。當所共恤, 應遵上

之類,皆決瀝之。長東二千石躬親勸功,諸食力之人並一時附功令,比及水凍,得粗枯 及山谷私家小陂,皆當修繕以積水。 故事,豫爲部分列上,須冬東南休兵交代,各留一月以佐之。 涸,其所修功實之人皆以俾之。其舊陂揭溝渠當有所補塞者,皆尋求微跡,一如漢時 爲災害。 三年之儲,不過二萬餘頃。 臣 又案,豫州界二度支所領佃者,州郡 臣以爲與其失當,寧瀉之不滀。 以常理言之, 其諸魏氏以來所造立,及諸因雨決溢蒲葦馬腸陂 無爲多積無用之水,況於今者水澇瓫溢,大 宜發明詔,敕刺史二千石,其漢氏舊陂舊堨 大軍雜士,凡用水田七千五百餘 夫川**瀆有常流**,地形有定 頃耳,計

志

體,漢氏居人衆多,循以無患,今因其所患而宣寫之,跡古事以明近,大理顯然,可坐論

而得。 臣不勝愚意,竊謂最是今日之實益也。

朝廷從之。

大國田十五頃,次國十頃,小國七頃。城內無宅城外有者,皆聽留之。」 當使城中有往來處,近郊有芻藁之田」。今可限之,國王公侯,京城得有一 及平吳之後,有司又奏:「詔書『王公以國爲家,京城不宜復有田宅。 今未暇作諸國邸, 宅之處。近郊田,

六十爲正丁。十五已下至十三、六十一已上至六十五爲次丁,十二已下六十六已上爲老小, 又各以品之高卑蔭其親屬,多者及九族,少者三世。宗室、國賓、先賢之後及士人子孫亦如 至于第九,各以貴賤占田,品第一者占五十頃,第二品四十五頃,第三品四十頃,第四品三 不事。遠夷不課田者輸義米,戶三斛,遠者五斗,極遠者輸算錢,人二十八文。其官品第一 三十畝。其外丁男課田五十畝,丁女二十畝,次丁男半之,女則不課。男女年十六已上至 三分之二,遠者三分之一。夷人輸賨布,戶一匹,遠者或一丈。男子一人占田七十畝,女子 而又得蔭人以爲衣食客及佃客,品第六已上得衣食客三人,第七第八品二人,第九品 一頃,第五品三十頃,第六品二十五頃,第七品二十頃,第八品十五頃,第九品十頃。 而 又制戶調之式:丁男之戶,歲輸絹三匹,縣三斤,女及次丁男爲戶者半輸。 其諸邊郡或

持級冗從武賁、命中武賁武騎一人。其應有佃客者,官品第一第二者佃客無過五十戶,第 及舉輦、跡禽、前驅、由基、强弩、司馬、羽林郎、殿中亢從武賁、殿中武賁、持椎斧武騎武賁、 三品十戶,第四品七戶,第五品五戶,第六品三戶,第七品二戶,第八品第九品一戶。

州大蝗,草木及牛馬毛皆盡。又大疾疫,兼以饑饉,百姓又爲寇賊所殺,流尸滿河,白骨蔽 喪亂彌甚。雍州以東,人多飢乏,更相鬻賣,奔迸流移,不可勝數。幽、幷、司、冀、秦、雍六 劉曜之逼,朝廷議欲遷都倉垣,人多相食,饑疫總至,百官流亡者十八九。 是時天下無事,賦稅平均,人咸安其業而樂其事。及惠帝之後,政敎陵夷,至於永嘉,

各上 至夏而 太守鄧攸 立美利,而望國足人給,豈不難哉!古人言曰,飢寒並至,堯舜不能使野無寇盜;貧富幷兼, 朝廷宗廟,百官用度,旣已殷廣,下及工商流寓僮僕不親農桑而遊食者,以十萬計。 不思開 **遂穰。勿令後晚。」其後頻年麥雖有旱蝗,而爲益猶多。二年,三吳大饑,死者以百數,吳郡** 使軍各自佃作,卽以爲廩。 太興元年,詔曰:「除、楊二州土宜三麥,可督令熯地,投秋下種, 封 元帝爲晉王,課督農功,詔二千石長吏以入穀多少爲殿最。 其非宿衞要任,皆宜赴農, 為,繼新故之交,於以周濟,所益甚大。昔漢遣輕車使者氾勝之督三輔種麥,而關中 | 輒開倉廩賑之。元帝時使黃門侍郎虞駿、桓彝開倉廩振給、5113 幷省衆役。百官 ,後軍將軍應詹表曰:「夫一人不耕,天下必有受其饑者。 而軍興以來,征戰運漕,

志第

十六

食貨

七九二

於渭濱,規抗上國。今諸軍自不對敵,皆宜齊課。」 鎭,綏集流散,使人有攸依,專委農功,令事有所局。趙充國農於金城,以平西零,諸葛亮耕 壽春一方之會,去此不遠,宜選都督有文武經略者,遠以振河洛之形勢,近以爲徐豫之藩 武委鍾繇以西事,故能使八表夷蕩,區內輯寧。今中州蕭條,未蒙疆理,此兆庶所以企望。 私兼濟,則倉盈庾億,可計日而待也。」又曰:「昔高祖使蕭何鎭關中,光武令寇恂守河內,魏 議,廣建屯田,又於征伐之中,分帶甲之士,隨宜開墾,故下不甚勞,而大功克舉也。 雖臯陶不能使强不陵弱。故有國有家者,何嘗不務農重穀。近魏武皇帝用棗祗、 人奔東吳,東吳今儉,皆已還反。江西良田,曠廢未久,曰三火耕水耨,爲功差易。 人,興復農官,功勞報賞,皆如魏氏故事,一年中與百姓,二年分稅,三年計賦稅以使之,公人,與復農官,功勞報賞,皆如魏氏故事,一年中與百姓,二年分稅,三年計賦稅以使之,公 宜簡流 問者流 韓浩之

共借一人,助度支運。升平初,荀羡爲北府都督,鎭下邳,起田于東陽之石鼈,公私利之。哀 繼,發王公以下餘丁,各運米六斛。是後頻年水災旱蝗,田收不至。咸康初,算度田稅米,空 帝卽位,乃減田租,畝收二升。孝武太元二年,除度田收租之制,王公以下口稅三斛,唯蠲 懸五十餘萬斛,尚書褚良以下免官。江記穆帝之世,頻有大軍,糧運不繼,制王公以下十三戶 在役之身。八年,又增税米,口五石。至於末年,天下無事,時和年豐,百姓樂業,穀帛殷 咸和五年,成帝始度百姓田,取十分之一,率畝稅米三升。六年,以海賊寇抄,運漕 爭利,非明王所宜行。」 帝本以林言爲是,得暉議,因發怒,遂用林言,少時復止。 之,名曰均輸。」於是事下尙書通議,尙書朱暉議曰:「王制,天子不言有無,諸侯不言多少, 皆用之,封錢勿出,如此則錢少物皆賤矣。又,鹽者食之急也,縣官可自賣鹽,武帝時施行 之。尙書張林言:「今非但穀貴也,百物皆貴,此錢賤故爾。宜令天下悉以布帛爲租,市買 錢。」帝從之。於是復鑄五銖錢,天下以爲便。及章帝時,穀帛價貴,縣官經用不足,朝廷憂 至光武中興,除葬貨泉。建武十六年,馬援又上書曰:「富國之本,在於食貨,宜如舊鑄五銖 五銖當復。」好事者竊言,王莽稱黃,述欲繼之,故稱白帝。五銖漢貨,言漢當復倂天下也。 食祿者不與百姓爭利。均輸之法,與賈販無異。以布帛爲租,則吏多姦。官自賣鹽,與下 漢錢舊用五銖,自王莽改革,百姓皆不便之。及公孫述僭號於蜀,童謠曰:「黃牛白腹,

桓帝時有上書言:「人以貨輕錢薄,故致貧困,宜改鑄大錢。」事下四府羣僚及太學能言

之士,孝廉劉陶上議曰:[四]

志

第十

大

食 货 蓋以當今之憂,不在於貨,在乎人飢。是以先王觀象育物,敬授民時,使男不連 臣伏讀鑄錢之詔,平輕重之議,訪覃幽微,不遺窮賤,是以藿食之人,謬延逮及。

貴也。 畝,女不下機,故君臣之道行,王路之教通。 可百年無貨,不可以一朝有飢,故食爲至急也。 姓渴無所飲,飢無所食,雖皇羲之純德,唐虞之文明,猶不能以保蕭牆之內也。 盬之事,豈謂錢之厚薄,錄兩之輕重哉!就使當今沙礫化爲南金,瓦石變爲和 竊以比年已來,良苗盡於蝗螟之口,杼柚空於公私之求。所急朝夕之食,所患靡 由是言之,食者乃有國之所寶,百姓之至 玉,使百 蓋百姓

傷天下之艱難,欲鑄錢齊貨,以救其弊,此猶養魚沸鼎之中,棲鳥烈火之上。 之乎!雖以陰陽爲炭,萬物爲銅,役不食之民,使不飢之士,猶不能足無厭之求 競,造鑄之端,於是乎生。 魚鳥之所生也,用之不時,必至焦爛。 夫欲民財殷阜,要在止役禁奪,CIEI則百姓不勞而足。 議者不達農殖之本,多言鑄冶之便,或欲因緣行詐,以賈國利。 蓋萬人鑄之,一人奪之,猶不能給,況今一人鑄之則萬人奪 願陛下寬鐭薄之禁,後冶鑄之議也。 陛下聖德, 國利將盡,取者爭 愍海內之憂戚, 木水,本 也。

帝竟不鑄錢。

魏文帝罷五銖錢,使百姓以穀帛爲市。 於是罷之,還用五銖。是時不鑄錢旣久,貨本不多,又更無增益,故穀賤無已。 及獻帝初平中,董卓乃更鑄小錢,由是貨輕而物貴,穀一 至明帝世,錢廢穀用旣久,人間巧偽漸多,競溼穀以 斛至錢數百萬。 及黄初 至魏武爲相, 二年,

要利 州 聞 所 有 以 孫 省 `,作薄絹以爲市,雖處以嚴刑而不能禁也。 所 權 改創。 刑。 賜 錢 也。 今若更鑄五銖錢, 億。 孫權嘉禾五年,江公鑄大錢一當五百。 錢旣太貴,但有空名,人間患之。 則 國 豊刑省,於事 爲便。 司馬芝等舉朝大議,以爲用錢非徒豐 赤烏元年,又鑄當千錢。 權聞 魏明帝乃 百姓不以爲便,省息之,鑄爲器 更 立五五 銖錢,至晉用之,不 故呂蒙定荆 國,亦

物,官勿

復

出

私家有者,並以輸藏,平卑其直,勿有所枉

安帝元興中,桓玄輔政,立議欲廢錢用穀帛。 寶,小人貪利,銷壞無已,監司當以爲意。 興 人皆於此下貪比輪錢斤兩差重,以入廣州,貨與夷人,鑄敗作鼓。 沈充 晉自中一 又鑄 原 小錢,謂之沈郎 喪 亂 ,元帝過江,用孫氏舊錢,輕重雜 錢。 錢旣不多,由是稍 廣州 孔琳之議日 夷人寶貴銅鼓,而 貴。 行, 大者謂之比輪, 孝武太元三年, 州境素不出 其重爲禁制,得者科罪。」 中者謂之四文。吳 詔曰:「錢, 銅, 聞 官私賈 國之重

王制 則是妨爲生之業,禁之可也。今農自務穀,工自務器,各隸其業,何嘗致勤於錢。 於割截之用,此之爲弊,著自於曩。 代不廢者也。 無用之貨,以通有用之財,旣無毀敗之費,又省難運之苦,此錢所以嗣 洪範八政,貨爲食次,豈不以交易所資,爲用之至要者乎!若使百姓用力於 穀帛爲寶,本充衣食,分以爲貨,則致損甚多。又勞毀於商販之手,秏 故鍾繇曰,巧僞之人,競溼穀以要利,制薄絹以充 功龜 員,歷 聖

志

第

+

六

食

货

富。致富之道,實假於錢,一朝斷之,便爲棄物。是有錢無糧之人,皆坐而飢困,以此 斷之,又立弊也。 今括囊天下之穀,以周天下之食,或倉廩充溢,或糧靡幷儲,[l+]以相資通,則貧者仰 用,由於兵亂積久,自致於廢,有由而然,漢末是也。今旣用而廢之,則百姓頓亡其利。 魏世制以嚴刑,弗能禁也。是以司馬芝以爲用錢非徒豐國,亦所以省刑。錢之不

以明穀帛之弊著於已誠也。 大議。精才達政之士莫不以宜復用錢,下無異情,朝無異論。彼尙舍穀帛而用錢,足 日,利不百,不易業,況又錢便于穀邪!魏明帝時錢廢,穀用旣久,不以便於人,乃舉朝 且據今用錢之處,不以爲貧,用穀之處,不以爲富。又人習來久,革之必惑。語

業,穀帛殷阜,幾乎家給人足,驗之實事,錢叉不妨人也。 謀天下之利害,將定經國之要術。若穀實便錢,義不昧當時之近利,而廢永用之通業, 謀,而先成齊之信,以爲雖有一時之勳,不如萬世之益。于時名賢在列,君子盈朝,大 斷可知矣。斯實由困而思革,改而更張耳。近孝武之末,天下無事,時和年豐,百姓樂 世或謂魏氏不用錢久,積累巨萬,故欲行之,利公富國,斯殆不然。晉文後舅犯之

頃兵革屢興,荒饉荐及,飢寒未振,實此之由。公旣援而拯之,大革親聽,弘敦本

壤矣。 之教,明廣農之科,敬授人時,各從其業,游蕩知反,務末自休,同以南畝競力, 於此以往,將升平必至,何衣食之足卹! 愚謂救弊之術,無取於廢錢。 野無遺

朝議多同琳之,故玄議不行。

### 校勘記

殖貨志 **禁注** . 當作「食貨志」。

常滿倉 通典一二、通志六二作「常平倉」。

迨建寧永和之初

贏浦 魏志武帝紀注引魏書「袁術在江淮, 取給蒲贏」,卽此。「蒲贏」又見夏小正及吳語

「迨」,各本作「乏」,屬上爲句。殿本作「迨」,屬下爲句。

今從殿本。

此誤倒"

万五 挺亂淮南、「淮」,各本作「江」,今從宋本作「淮」。

[六] 二百餘里 「二」、各本作「三」、今從宋本作「二」、與魏志賈逵傳、水經渠水注合。

及度支至以市金錦犬馬 料注:魏志徐邈傳「及」作「乃」、「錦」作「帛」。

嘉平四年 嘉平四年,司馬懿已死。五行志上云,太和四年八月大霖雨,歲以凶饑。 此「嘉平」

乃「太和」之誤。

志 第 十六 校 勘 記

- [4] 以充儉乏 「乏」,各本作「法」,今從殿本。
- 頭責三百斛 以一頭得穀二百斛計之, 三萬五千頭正得穀七

百萬斛。

元帝時至 開倉廩振給 「元帝」本作「武帝」。 校文:腰、蜂均非武帝時人,此乃「元帝」之譌、鄧攸

傳可證。按:丁說是,今據改。

二世 曠廢未久 「未」原作「來」,於上下文義難通。 通典二、通考七及御覽三三三引均作「未」,今

據改。

尚書褚裒以下発官 成紀咸康二年「褚裒」作「謝褒」。 據褚哀傳,康帝卽位始拜尚書,似作「謝

褒」是。

- 桓帝時至孝廉劉陶上議曰 時。「和」乃「桓」之誤,今據改。 「桓帝」原作「和帝」。 後漢書劉陶傳及後漢紀均謂劉陶上疏在恒帝
- 至 止役禁奪 原作「止役役禁奪」。李校:行一「役」字。今據後漢書劉陶傳删。
- 二公 孫權嘉禾五年 「嘉禾」原作「嘉平」,孫權無此年號,今據吳志孫權傳改。
- 公古 或糧靡幷儲 「幷儲」費解,通典八作「斗儲」。或謂「幷」爲「餅」之壞字,此用詩藝莪「餅之罄

矣」義。

# 晉書卷二十七

## 志第十七

## 五行上

仲舒治公羊春秋,始推陰陽,爲儒者之宗。宣元之間,劉向治穀梁春秋,數其禍福,傳以洪 司存。爱及殷之箕子,在父師之位,典斯大範。周旣克殷,以箕子歸,武王虛己而問焉。箕 賜洛書,法而陳之,洪範是也。聖人行其道,寶其眞,自天祐之,吉無不利。三五已降,各有 絕,文王演周易,周道弊,孔子述春秋。奉乾坤之陰陽,效洪範之休咎,天人之道粲然著矣。 子對以禹所得鑑書,授之以垂訓。然則河圖、雒書相爲經緯,八卦、九章更爲表裏。殷道 「惠迪吉,從逆凶,惟影響。」昔伏羲氏繼天而王,受河圖,則而畫之,八卦是也。禹治洪水, 夫帝王者、配德天地、叶契陰陽、發號施令、動關幽顯、休咎之徵、隨感而作、故書曰: 漢興,承秦滅學之後,文帝時,處生創紀大傳,其言五行庶徵備矣。後景武之際,董

七九九

第

十七七

五行

上

舒、劉向、劉歆著五行志,而傳載眭孟、夏侯勝、京房、谷永、李尋之徒所陳行事,訖于王莽, 範,與仲舒多所不同。至向子歐治左氏傳,其言春秋及五行,又甚乖異。班固據大傳,采仲

博通祥變,以傅春秋。〔1〕

黃初以降言祥異者,著于此篇。 綜時變,婉而成章,有足觀者。 大臣見災異,退而自省,責躬修德,共禦補過, 效,國以安。 二日,君違其道,小人在位,衆庶失常,則乖氣應,咎徵效,國以亡。 三日,人君 綜而爲言,凡有三術。其一曰,君治以道,臣輔克忠,萬物咸遂其性,則和氣應,休徵 及司馬彪纂光武之後以究漢事,災眚之說不越前規。今採 則消禍而福至。此其大略也。輒舉斯例,錯

直,金日從革,土爰稼穡。」 經曰:「五行:一曰水,二曰火,三曰木,四曰金,五曰土。 水曰潤下,火曰炎上,木曰曲

傳曰:「田獵不宿,飲食不享,出入不節,奪農時及有姦謀,則木不曲直。」

桑,謀在安百姓,如此,則木得其性矣。若乃田獵馳騁,不反宮室;飲食沈湎,不顧法度;妄 玉之度,登車有和鸞之節,三驅之制,曰一飲食有享獻之禮;出入有名,使人以時,務在勸農 說曰:木,東方也。於易,地上之木爲觀。 於王事,威儀容貌亦可觀者也。 故行步有

興徭役,以奪農時,作爲姦詐,以傷人財,則木失其性矣。 蓋工匠之爲輪矢者多傷敗,及木

爲變怪,是爲不曲直。

方,又八月天子自將以舟師征吳,戍卒十餘萬,連旌數百里,臨江觀兵,又屬常雨也。 反。太守,古之諸侯,貴臣有害之應也。 爲之冰、雰氣寒、木不曲直也。劉向曰、冰者陰之盛、木者少陽、貴臣卿大夫象也。 有害,則陰氣脅木,木先寒,故得雨而冰也。是年六月,利成郡兵蔡方等殺太守徐質,據郡 魏文帝黃初六年正月,雨,木冰。案劉歆說,上陽施不下通,下陰施不上達,故雨,而木 。一說以木冰爲木介,介者甲兵之象。是歲,旣討察 此 人將

元帝太興三年二月辛未,雨,木冰。後二年,周顗等遇害,是陽施不下通也。

穆帝永和八年正月乙巳,雨,木冰。 是年殷浩北伐,明年軍敗,十年廢黜。又曰,荀羡、

殷浩北伐,桓溫入關之象也。

月王國寶爲中書令,尋加領軍將軍,十七年殷仲堪爲荆州,雖邪正異規,而終同夷滅,是其 孝武帝太元十四年十二月乙巳,雨,木冰。明年二月王恭爲北藩,八月庾楷爲西藩,九

傷國財力,故木失其性致毁折也。及旋師而誅滅,於潤易又爲「棟撓之凶」也。 吳孫亮建興二年,諸葛恪征淮南,後所坐聽事棟中折。恪妄興徵役,奪農時,作邪謀,

逐亂 其 一月庚寅梁又折。天戒若曰,地陷者分離之象,梁折者木不曲直也。明年帝崩,而王室 、年九月,遂更營新廟,遠致名材,雜以銅柱,陳勰爲匠,作者六萬人。 至十年四月乃成,十 武帝太康五年五月,宣帝廟地陷,梁折。 八年正月,太廟殿又陷,改作廟,築基及泉。

敗,機被誅,潁遂奔潰,卒賜死。此姦謀之罰,木不曲直也。 惠帝太安二年,成都王穎使陸機率衆向京都,擊長沙王乂,及軍始引而牙竿折,俄而戰

後王敦終以逆命加戮其尸。一說亦華寧也,於周易爲「枯楊生華」。 寶 以爲狂華生枯木,又在鈴閤之間,言威儀之富,榮華之盛,皆如狂華之發,不可久也。 |元帝||太興四年,||王敦在武昌,鈴下儀仗生華如蓮華,五六日而萎落。此木失其性。||

天戒若曰, 旂所以掛三辰, 章著明也, 旂竿之折, 高明去矣。 桓玄始篡,龍旂竿折。時」玄田獵無度,飲食奢恣,土木妨農,又多姦謀,故木失其性。 玄果敗。

(傳曰:「藥法律,逐功臣、殺太子、以妾爲妻、則火不炎上。」

人。」故堯舜舉羣賢而命之朝,遠四佞而放諸埜。 曰:火,南方,揚光煇爲明者也。其於王者,南面嚮明而治。 孔子曰:「浸潤之譖,膚受之愬,不行焉,可 書云:「知人則哲,能官

謂明矣。」賢佞分別,官人有序,帥由舊章,敬重功勳,殊別嫡庶,如此則火得其性矣。 信道不篤,或燿虛僞,讒夫昌,邪勝正,則火失其性矣。 自上而降,及濫炎妄起,焚宗廟,燒 若乃

宮館,雖興師衆,不能救也,是爲火不炎上。

后,更立典虞車工卒毛嘉女爲后。 魏明帝太和五年五月,清商殿災。 后本仄微,非所宜升,以妾爲妻之罰 初,帝爲平原王,納河南虞氏爲妃。及卽位,不以爲 也

其臺, 以郡 占曰:『災火之發,皆以臺榭宮室爲誡。』今宜罷散作役,務從節約, 以 此有所營造, 月,此殿又災。 明教誡也,惟率禮修德可以勝之。 國前後言龍見者九,故以爲名。 青龍元年六月,洛陽宮鞠室災。 天火爲災。』 **萐**莆嘉禾必生此 帝問高堂隆 此人君苟飾宮室,不知百姓空竭,故天應之以旱,火從高殿起也。 一一,此何咎也? 地, 以報陛下虔恭之德。」帝不 易傳曰:『上不儉,下不節, 多棄法度,疲衆逞欲,以妾爲妻之應也。 二年四月,崇華殿災,延於南閤,繕復之。 於禮寧有祈禳之義乎。」對曰:「夫災變之發,皆所 從。 **孽火燒其室**。』 遂復崇華殿, 清掃所災之處,不敢於 又曰『君高 改日九龍 至三年七 案舊

天戒若曰,宜除其貴要之首者,恪果喪衆殄人,峻授政於綝,綝廢亮也。 之所。 吳孫 亮建興元年十二月,武昌端門災,改作,端門又災。 是時諸葛恪執政,而 ! 矜慢放肆,孫峻總禁旅,而險害終著。 內殿門者,號令所出,殿者,聽 武昌, 或日, 孫氏尊號 孫權毀徹武 所始。

志 第

+

昌以增太初宮,諸葛恪有遷都意,更起門殿,事非時宜,故見災也。京房易傳曰:「君不思

道,厥妖火燒宮。」

明年,又輒殺朱異。棄法律逐功臣之罰也。 太平元年二月朔,建鄴火,人之火也。〔三〕是秋,孫綝始執政,矯以亮詔殺呂據、滕胤。

時嬖人張布專擅國勢,多行無禮,而韋昭、盛沖終斥不用,兼遣察戰等爲內史,驚擾州郡,致 孫休永安五年二月,城西門北樓災。 六年十月, 石頭小城火, 燒西南百八十丈。是

使交阯反亂,是其咎也。

餘,女謁數行,其中隆寵佩皇后璽綬者又多矣,故有大火。 好內,聽女口,妻妾數更之罰也。時時制令詭暴,蕩棄法度,勞臣名士,誅斥甚衆,後宮萬 孫晧建衡二年三月,大火,燒萬餘家,死者七百人。案春秋齊大災,四劉向以爲桓公

是時帝納馮紞之間,廢脹華之功,聽楊駿之讒,離衞瓘之寵,此逐功臣之罰也。明年,宮車 災。十一月庚辰,至含章鞠室、脩成堂前廡、景坊東屋、暉章殿南閤火。時有上書曰:「漢 王氏五侯,兄弟迭任,今楊氏三公,並在大位,故天變屢見,竊爲陛下憂之。」由是楊珧求退。 武帝太康八年三月乙丑,震災西閤楚王所止坊及臨商觀窗。 其後楚王承竊發之旨,戮害二公,身亦不免。震災其坊,又天意乎。 十年四月癸丑,崇賢殿

王莽頭,孔子屐,漢高祖斷白蛇劍及二百萬人器械,一時蕩盡。 無所復施,皇旅又將誰衞。 天戒若曰,夫設險擊柝,所以固其國,儲積戎器,所以戒不虞。 惠帝元康五年閏月庚寅,武庫火。張華疑有亂,先命固守,然後救火。是以累代異寶, 帝后不悟,終喪四海,是其應也。 張華、閻纂皆日,云「武庫火 **今**冢嗣將傾,社稷將泯,禁兵 是後愍懷太子見殺之罰也。

頗、劉卞之謀,故后遂與 齡殺太子也。 臣妾之不可者,雖親貴莫比,猶宜忍而誅之,如吾燔高原陵也。帝旣眊弱,而張華又不納裴 便殿火,董仲舒對與此占同」。 八年十一月,高原陵火。是時賈后凶恣,賈謐擅朝,惡積罪稔,宜見誅絕。天戒若曰, 干寶以爲「高原陵火,太子廢之應。漢武帝世,高園

而

(氐羌反,太子見廢,則四海可知」。

后,處之金墉城。是後還立,立而復廢者四。又詔賜死,荀藩表全之。雖來還在位,然憂逼 折辱,終古未聞。 永康元年,帝納皇后羊氏,后將入宮,衣中忽有火,衆咸怪之。 此孽火之應也。 永興元年,成都王遂廢

之應也。 永興二年七月甲午,尚書諸曹火起,延崇禮闥及閣道。 後清 河王覃入嗣,不終於位,又殺太子之罰也。 夫百揆王化之本,王者棄法律

孝懷 帝 永 嘉 四年十一 月, 襄陽火, 燒死者三千餘人。 是時王如自號大將軍、司雍二州

志

第十

七

五行上

牧,衆四五萬,攻略郡縣。此下陵上,陽失其節之應也。

**俱應,數日不絕。** 元帝太興中,王敦鎭武昌,武昌災,火起,興衆救之,救於此而發於彼,東西南北數十處 舊說所謂「濫炎妄起,雖興師衆不能救之」之謂也。一寶以爲「此臣而君

行,亢陽失節,是爲王敦陵上,有無君之心,故災也」。

永昌二年正月癸巳,京都大火。三月,饒安、東光、安陵三縣火,燒七千餘家,死者萬五

生陽 也。

明帝太寧元年正月,京都火。 是時王敦威侮朝廷,多行無禮,內外臣下咸懷怨毒,極陰

成帝 咸和二年五月,京師火。

建元元年七月庚申,吳郡災。

穆帝 永和五年六月、震災石季龍太武殿及兩廟端門。 震災月餘乃滅,金石皆盡。

季龍 死,大亂,遂滅亡。[刊]

炎煙蔽天,不可撲滅。 海西公太和中,都悟爲會稽太守。六月大旱災,火燒數千家,延及山陰倉米數百萬斛, 此亦桓溫强盛,將廢 海西,極陰生陽之應也

<u></u>孝武帝寧康元年三月,京師風火大起。是時桓溫入朝,志在陵上,少主踐位,人懷憂

恐,此與太寧火事同。

太元十年正月,國子學生因風放火,焚房百餘間。是後考課不厲,賞黜無章。 蓋有育

才之名,而無收賢之實,此不哲之罰先兆也。

道,故災其殿焉。道子復賞賜不節,故府庫被災,斯亦其罰也。 災之也。又,孝武帝更不立皇后,寵幸微賤張夫人,夫人驕妬,皇子不繁,乖「螽斯則百」之 母,各樹用其親戚,乃至出入宮掖,禮見人主。天戒若曰,登延賢堂及客館者多非其人,故 朝多弊政,衰陵日兆,不哲之罰,皆有象類,主相不悟,終至亂亡。會稽王道子寵幸尼及姑 十三年十二月乙未,延賢堂災。是月丙申,螽斯則百堂及客館、驃騎府庫皆災。于時

安帝隆安二年三月、龍舟二乘災、是水沴火也。其後桓玄篡位、帝乃播越。天戒若曰、

王者流遷,不復御龍舟,故災之耳。

元興元年八月庚子,尚書下舍曹火。時恒玄遙錄尚書,故天火,示不復居也。

城內,隱之懼有應賊者,但務嚴兵,不先救火。 三年,盧循攻略廣州,刺史吳隱之閉城固守。其十月壬戌夜,火起。 由是府舍焚蕩,燒死者萬餘人,因遂散潰,悉 時百姓避寇盈滿

爲賊擒。

義熙四年七月丁酉,尚書殿中吏部曹火。 九年,京都大火,燒數千家。 十一年,京

志第十七 五行上

赤物下,狀如信幡,遙集路南人家屋上,火卽大發。 都所在大行火災,吳界尤甚。火防甚峻,猶自不絕。 弘知天爲之災,故不罪火主。 王弘時爲吳郡,晝在聽事,見天上有一 此帝室衰

傳曰:「修宮室,飾臺榭,內淫亂,犯親戚,侮父兄,則稼穡不成。」

矣。若乃奢淫驕慢,則土失其性。亡水旱之災而草木百穀不熟,是爲稼穡不成。 其奢也, 寧儉。」故禹卑宮室, 文王刑于寡妻, 此聖人之所以昭敎化也。 天子諸侯,宮廟大小高卑有制,后夫人媵妾多少有度,九族親疏長幼有序。孔子曰:「禮,與 說曰:土,中央,生萬物者也。 其於王者,爲內事,宮室、夫婦、親屬,亦相生者也。 古者 如此,則土得其性

苑囿, 成」,此其義也。 酷初遷都武昌,尋還建鄴,又起新館,綴飾珠玉,壯麗過甚,破壞諸營,增廣 爲傷露、非也。案劉向春秋說曰「水旱當書,不書水旱而曰大無麥禾者,土氣不養,稼穡不 吳孫皓時,常歲無水旱,苗稼豐美而實不成,百姓以飢,闔境皆然,連歲不已。吳人以 犯暑妨農,官私疲怠。另今,季夏不可以興土功,酷皆冒之。此修宮室飾臺榭之

元帝太興二年,吳郡、吳興、東陽無麥禾,大饑。

罰也。

成帝咸和五年,無麥禾,天下大饑。

穆帝永和十年,三麥不登。 十二年,大無麥。

安帝元興元年,無麥禾,天下大饑。

· 傳曰:「好戰攻,輕百姓,飾城郭,侵邊境,則金不從革。」

烈。」又曰:「載戢干戈,載櫜弓矢。」動靜應宜,說以犯難,人忘其死,金得其性矣。 出軍行師,把旄杖鉞,誓士衆,抗威武,所以征叛逆,止暴亂也。 恣睢,務立威勝,不重人命,則金失其性。 說曰:金,西方,萬物旣成,殺氣之始也。 蓋工冶鑄金鐵,冰滯涸堅,不成者衆,乃爲變怪, 故立秋而鷹隼擊,秋分而微霜降。 。詩云:「有虔執鉞,如 其於王事, 若乃貪慾 火烈

祖皆有其事。 曹」之應也。 |魏時張掖石瑞,雖是||晉之符命,而於魏爲妖。 案劉歆以春秋石言于晉,爲金石同類也,是爲金不從革,失其性也。 石圖發於非常之文,此不從革之異也。晉定大業,多斃曹氏,石瑞文「大討 好攻戰,輕百姓,飾城郭,侵邊境,魏氏三 劉向以爲

是爲金不從革。

志第十七 五行上

石白色爲主,屬白祥。

魏明帝青龍 中,盛修宮室,西取長安金狄,承露槃折,聲聞數十里,金狄泣,於是因留霸

城。 此金失其性而爲異也

湊 出華里,侵邊境之謂也。 故令金失其性,卒面縛而吳亡。 城郭同占」,飾城郭之謂也。 山有石穴,長十餘丈。 吳時,歷陽縣有巖穿,似印,咸云「石印封發,天下太平」。孫皓天璽元年,印發。 時初修武昌宮,有遷都之意。是時武昌爲離宮。 其寶鼎三年後,皓出東關,遣丁奉至合肥,建衡三年皓又大舉 班固云「離宮與 叉,陽

惠帝元康三年閏二月,殿前六鍾皆出涕,五刻止。 前年賈后殺楊太后於金墉城, 而買

后爲惡不止,故鍾出涕,猶傷之也。

|永興元年,成都伐長沙,每夜戈戟鋒有火光如懸燭。 此輕人命,好攻戰,金失其性而爲

光變也。天戒若曰,兵猶火也,不戢將自焚。成都不悟,終以敗亡。

汲桑作亂,羣寇飆起。 懷帝永嘉元年,項縣有魏豫州刺史賈逵石碑,生金可採,此金不從革而爲變也。 清河王 覃爲世子時,所佩金鈴忽生起如粟者,康王母疑不祥,毀棄 五月,

及後爲惠帝太子,不終于位,卒爲司馬越所殺。

|愍帝建興五年,石言于||平陽。 是時帝蒙塵亦在||平陽,故有非言之物而言,妖之大者。

俄而帝為逆胡所弑。

元帝 永昌元年,甘卓將襲王敦,旣而中止。 及還,家多變怪,照鏡不見其頭。 此金失其

性而爲妖也。尋爲敦所襲,遂夷滅。

石季龍時,鄴城鳳陽門上金鳳皇二頭飛入漳河。

海西太和中,會稽山陰縣起倉,鑿地得兩大船,滿中錢,錢皆輪文大形。時日向暮,鑿

至明旦,失錢所在,惟有船存。

視其狀,悉有錢處。

安帝義熙初,東陽太守殷仲文照鏡不見其頭,尋亦誅翦,占與甘卓同也。

者馳以告官,官夜遣防守甚嚴。

傳曰:「簡宗廟,不禱祠,廢祭祀,逆天時,則水不潤下。」

收 也。 不宗事。 魂氣,春秋祭祀,以終孝道。 及至發號施令, 說曰:水,北方,終藏萬物者也。其於人道,命終而形藏,精神放越。 愼其齋戒,致其嚴敬,是故鬼神歆饗,多獲福助。 亦奉天時。 主者卽位,必郊祀天地,禱祈神祇,望秩 十二月咸得其氣,則陰陽調而終始成。 此聖王所以順事陰氣, 山川,懷柔百神,亡 如 聖人爲之宗廟,以 此,則 水 和神 得其性

稼穡,是爲水不潤下。

志

第

+

七

Ŧi.

行上

若迺不

敬鬼神,政令逆時,水失其性。

霧水暴出,百川逆溢,壞鄉邑,溺人民,及淫雨傷

京房易傳 「顓事者加,〔<〕誅罰絕理,厥災水。 其水也,雨,殺人,以隕霜,大風天黃。

茲謂皆陰,厥水流入國邑,隕霜殺穀。」董仲舒曰:「交兵結讐,伏尸流血,百姓愁怨,陰氣盛, 饑 不損 歸獄不解,茲謂追非,厥水寒,殺 **,茲謂** 泰,厥大水,水殺人。 人。追誅不解,茲謂不理,厥水五穀不收。 避遏有德,茲謂狂,厥水,水流殺人也。 已水則地生 大敗不解,

還鄴。 |鄴遷洛,營造宮室,而不起宗廟。 |太祖神主猶在||鄴,嘗於||建始殿饗祭如家人禮,終黃初不復 魏文帝黃初四年六月,大雨霖,伊洛溢,至津陽城門,漂數千家,殺人。 又郊社神祇,未有定位。此簡宗廟廢祭祀之罰也。 初,帝卽位,自

故大水也。」

初,羣臣奏宜郊祀,又不許。末年雖一南郊,而北郊遂無聞焉。吳楚之望亦不見秩,反祀羅 陽妖神,以求福助。天戒若曰,權簡宗廟,不禱祠,廢祭祀,故示此罰,欲其感悟也。 水溢出。案權稱帝三十年,竟不於建鄴創七廟。惟父堅一廟遠在長沙,而郊祀禮闕。嘉禾 吳孫權赤烏八年夏,茶陵縣鴻水溢出,漂二百餘家。 十三年秋,丹楊、故鄣等縣又鴻

子同事也。且赤鳥中無年不用兵,百姓愁怨。八年秋,將軍馬茂等又圖逆。 |太元元年,又有大風涌水之異。是冬,|權南郊,宜是鑒咎徵乎!還而寢疾,明年四月 一日,權時信納譖訴,雖陸遜勳重,子和儲貳,猶不得其終,與漢安帝聽讒免楊震、廢太

魏明帝景初元年九月,淫雨,冀、虎、徐、豫四州水出,沒溺殺人,漂失財產。帝自初即

位,便淫奢極慾,多占幼女,或奪士妻,崇飾宮室,妨害農戰,觸情恣慾,至是彌甚,號令逆

時,飢不損役。此水不潤下之應也。

父之禮,昭穆之數有闕。 亮及怵、皓又並廢二郊,不秩羣神。此簡宗廟不祭祀之罰也。又, 吳孫亮五鳳元年夏,大水。亮卽位四年,乃立權廟。 又終吳世不上祖宗之號,不修嚴

是時孫峻專政,陰勝陽之應乎!

叛,或自賊殺,百姓愁怨,陰氣盛也。 休又專任張布,退盛冲等,吳人賊之應也。 孫休永安四年五月,大雨,水泉涌溢。昔歲作浦里塘,功費無數,而田不可成,士卒死

五年八月壬午,大雨震電,水泉湧溢。

溢,殺二百餘人。自帝卽尊位,不加三后祖宗之號。泰始二年又除明堂南郊五帝座,同稱 昊天上帝,一位而已。又省先后配地之祀。此簡宗廟廢祭祀之罰也。 武帝泰始四年九月,青、徐、虎、豫四州大水。〔5〕七年六月,大雨霖,河、洛、伊、沁皆

有磁 郡 國 匿 五 咸寧元年九月,徐州大水。 者以 大水,流四千餘家。去年采擇良家子女,露面入殿,帝親簡閱,務在姿色,不訪德行, 不敬論,搢紳愁怨,天下非之,陰盛之應也。 二年七月癸亥,河南、魏郡暴水,殺百餘人。閏月,荆州

三年六月,溢、梁二州郡國八暴水,殺三百餘人。七月,荆州大水。 九月,始平郡大水。

志第十

七

五行上

十月,靑、徐、兗、豫、荆、隘、梁七州又大水。 是時賈充等用事專恣,而正人疏外者多,陰氣

盛也。

四年七月,同、冀、虎、豫、荆、揚郡國二十大水,傷秋稼,壞屋室,有死者。

|太康二年六月,泰山、江夏大水,泰山流三百家,殺六十餘人,江夏亦殺人。 時平吳後,

王濬爲元功而詆劾妄加,荷、賈爲無謀而並蒙重賞,收吳姬五千,納之後宮,此其應也

隕霜。 四 是月,南安等五郡大水。 年七月,兗州大水。十二月,河南及荆、楊六州大水。 六年四月,郡國十大水,壞廬舍。 五年九月,郡國四大水,又 七年九月,郡國八大

水。 八年六月,郡國八大水。

惠帝元康二年,有水災。 五年五月,潁川、淮南大水。 六月,城陽、東莞大水,殺

人,荆、腸、除、虎、豫五州又水。 是時帝卽位已五載,猶未郊祀,其蒸嘗亦多不親行事。 此

簡宗廟廢祭祀之罰。

六年五月,荆、揚二州大水。是時賈后亂朝,寵樹賈、郭,女主專政,陰氣盛之應也。

廢帝 於此城,井溢所在,其天意也。 年五月、金墉城井溢。漢志、成帝時有此妖、後王莽僭逆。今有此妖、趙王倫篡位、倫 九月、荆、揚、徐、冀、豫五州大水。 是時賈后暴戾滋甚,

韓謐

魔猜彌扇,卒害太子,旋以禍滅。

九年四月,宮中井水沸溢。

永寧元年七月,南陽、東海大水。是時齊王冏專政,陰盛之應也。

太安元年七月,殪、豫、徐、冀四州水。 時將相力政,無尊主心,陰盛故也。

孝懷帝永嘉四年四月,江東大水。時王導等潛懷翼戴之計,陰氣盛也。

元帝太興三年六月,大水。 是時王敦內懷不臣,傲很陵上,此陰氣盛也。 四年七月,

叉大水。

永昌二年五月、荆州及丹楊、宣城、吳興、壽春大水。

明帝太寧元年五月,丹楊、宜城、吳興、壽春大水。[10]是時王敦威權震主,陰氣盛故也。

成帝咸和元年五月,大水。是時嗣主幼沖,母后稱制,庾亮以元舅決事禁中,陰勝陽

故也。

二年五月戊子,京都大水。是冬,以蘇峻稱兵,都邑塗地。

四 年七月、丹楊、宣城、吳興、會稽大水。是冬,郭默作亂,荆豫共討之,半歲乃定,兵役

之應也。

七年五月,大水。是時帝未親機務,政在大臣,陰勝陽也。

咸康元年八月,長沙、武陵大水。

和 四 年 五月、大水。 五年五月、大水。 六年五月,又大水。 時幼主沖弱,母

志第十七 五行上

永

后臨朝,又將相大臣各執權政,與咸和初同事也。

幼主在上而殷恒交惡,選徒聚甲,各崇私權,陰勝陽之應也。一說,濤水入石頭,以爲兵占。 七年七月甲辰夜,濤水入石頭,死者數百人。是時殷浩以私忿廢蔡謨,遐邇非之。又

是後殷浩、桓溫、謝尚、荀羨連年征伐,百姓愁怨也。

升平二年五月,大水。 五年四月,又大水。是時桓溫權制朝廷,專征伐,陰勝陽也。

丹楊、晉陵、吳郡、吳興、臨海五郡又大水,稻稼蕩沒,黎庶饑饉。初,四年桓溫北伐敗績,十 海西太和六年六月,京師大水,平地數尺,浸及太廟。朱雀大航纜斷,三艘流入大江。

喪其九,五年又征淮南,踰歲乃克,百姓愁怨之應也。

簡文帝咸安元年十二月壬午,濤水入石頭。明年,妖賊盧竦率其屬數百人入殿,八日即

取 庫三庫甲仗,遊擊將軍毛安之討滅之,兵興陰盛之應也。

揚、荆、江三州大水。 孝武帝太元三年六月,大水。是時帝幼弱,政在將相。 八年三月,始興、南康、廬陵大水,平地五丈。 五年五月,大水。 十年五月,大 六年六

自八年破苻堅後,有事中州,役無寧歲,愁怨之應也。

十三年十二月,濤水入石頭,毁大航,殺人。 明年,慕容氏寇擾同兗,鎭戍西北,疲於

奔命,愁怨之應也。

十五年七月,河中諸郡及兗州大水。是時緣河紛爭,征戍勤瘁之應也。

**郡潮水湧起,近海四縣人多死。後四年帝崩,而王恭再攻京師,京師亦發衆以禦之,兵役頻** 十七年六月甲寅、濤水入石頭、毁大航、漂船舫、有死者。京口西浦亦濤入殺人。永嘉

興,百姓愁怨之應也。

十八年六月己亥,始興、南康、廬陵大水,深五丈。 十九年七月,荆徐大水,傷秋稼。

一十年六月,荆徐又大水。 二十一年五月癸卯,大水。是時政事多弊,兆庶非之。

安帝隆安三年五月、荆州大水、平地三丈。去年殷仲堪舉兵向京師、是年春又殺鄙恢、

陰盛作威之應也。仲堪尋亦敗亡。

五年五月,大水。是時會稽王世子元顯作威陵上,又桓玄擅西夏,孫恩亂東國,陰勝陽

之應也。

流斷,骸胔相望。 元興二年十二月,桓玄篡位。其明年二月庚寅夜,濤水入石頭。商旅方舟萬計,漂敗 江左雖頻有濤變,未有若斯之甚。 三月,義軍克京都,玄敗走,遂夷滅之。

三年二月己丑朔夜,濤水入石頭,漂沒殺人,大航流敗。

義熙元年十二月已未,濤水入石頭。 年十二月己未夜,濤水入石頭。 明年,駱球

父環潛結桓胤 、殷仲文等謀作亂,劉確亦謀反,凡所誅滅數十家。

志第十七 五行上

三年五月丙午,大水。 四年十二月戊寅,濤水入石頭。明年,王旅北討。

六年五月丁巳、大水。乙丑、盧循至蔡洲。〇日日

戌、大水、淹漬太廟、百官赴救。 明年,王旅北討關河。 穿,涌水出,毁門扇及限,亦水沴土也。七月乙丑,潍北風災,大水殺人。 十一年七月丙 八年六月,大水。 九年五月辛巳,大水。 十年五月丁丑,大水。 戊寅,西明門地

若;哲,時燠若;謀,時寒若;聖,時風若。咎徵:曰狂,恒雨若;僭,恒暘若;豫,恒燠若;急,恒 寒若,霧,口三恒風若。」 聽曰聰,思曰睿。恭作肅,從作义,明作哲,聰作謀,睿作聖。休徵:曰肅,時雨若;义,時賜 經曰:「庶用五事:一曰貌,二曰言,三曰視,四曰聽,五曰思。 貌曰恭,言曰從,視曰明,

則 有雞禍,時則有下體生上之痾,時則有靑眚靑祥。惟金沴木。」 傳曰:「貌之不恭,是謂不肅,厥咎狂,厥罰恒雨,厥極惡。時則有服妖,時則有龜孽,時

自外來、謂之祥。祥、猶禎也。氣相傷、謂之沴。冷猶臨莅、不和意也。每一事云「時則」以 **,謂之禍,言其著也。及人,謂之痾。痾,病貌也,言濡深也。** 說曰:凡草木之類謂之妖。 妖猶夭胎,言尙微也。 蟲豸之類謂之孽。孽則芽孽矣。及 甚則有異物生,謂之告,

常雨 鼻痾。 爲水。 不肅。 者 也。 故其極惡也。一曰,人多被刑,或形貌醜惡,亦是也。 易,故其咎狂也。 春陽常旱也。 氣毀,故有雞禍。 之服,故有服妖。 族子夏侯勝,下及許商,皆以敎所賢弟子。 絕之,言非必俱至,或有或亡,或在前或在後。 下體生於上之痾。 於易,震在東方,爲春爲木,發在西方,爲秋爲金;離在南方,爲夏爲火;坎在北方,爲冬 同 氣然也。 說 肅,敬也。 應。 春與秋日夜分,寒暑平,是以金木之氣易以相變,故貌傷則致秋陰常雨,言傷則致 以爲 此 於天文東方辰爲龍星,故爲鱗 說 至於冬夏,日夜相反,寒暑殊絕,水火之氣不得相幷,故視傷常燠、聽傷常寒 逆之,其極 非 水類動,故有龜孽。於易,異爲雞。 上慢下暴,則陰氣勝,故其罰常雨也。 內曰恭,外曰敬。人君行已,體貌不恭,怠慢驕蹇,則不能敬萬事,失則狂 一日,水歲多雞死及爲怪,亦是也。 木色青,故有青眚青祥。凡貌傷者病木氣,木氣病則金沴之,衝氣相 是。 春與秋氣陰陽相敵,木病金盛,故能相幷,惟此一事耳。 日惡,順之,其福 其傳與劉向同,惟劉歆傳獨異。貌之不恭,是謂 日攸好德。 ·蟲。於易,発爲羊,木爲金所 孝武時,夏侯始昌通五經,善推五行傳,以傳 風俗狂慢,變節易度,則爲剽輕奇怪 雞有冠、距,文武之貌。而不爲威,貌 上失威儀,則有强臣害君上者,故有 劉歆貌 水傷百穀,衣食不足,則姦宄並作, (博日有鱗蟲之孽、(三)羊禍, 病,故致羊禍,與 禍與妖痾 通

**祥** 情同

類

,不得獨

異

魏尚書鄧颺行步弛縱,筋不束體,坐起傾倚,若無手足,此貌之不恭也。 管輅謂之鬼

躁。鬼躁者,凶終之徵,後卒誅也。

世之士恥不與焉。 惠帝元康中,貴游子弟相與爲散髮倮身之飲,對弄婢妾,逆之者傷好,非之者負譏,希 蓋貌之不恭,胡狄侵中國之萌也。其後遂有二胡之亂,此又失在狂也。

元康中,賈謐親貴,數入二宮,與儲君遊戲,無降下心。又嘗因弈棊爭道,成都王穎厲

色曰:「皇太子國之儲貳,賈謐何敢無禮」」謐猶不悛,故及於禍,貌不恭之罰也。

之咎也。天下莫不高其功而慮其亡也,冏終弗改,遂致夷滅。 齊王冏旣誅趙王倫,因留輔政,坐拜百官,符敕臺府,淫醟專驕,不一朝覲,此狂恣不肅

司馬道子於府園內列肆,使姬人酤鬻,身自貿易。干寶以爲貴者失位,降在阜隸之象

也。俄而道子見廢,以庶人終,此貌不恭之應也。

義熙七年,將拜授劉毅世子。毅以王命之重,當設饗宴,親請吏佐臨視。 至拜日,

曰,此惰略嘉禮 國僚不重白,默拜於廏中。 不肅之妖也。 王人將反命,毅方知之,大以爲恨,免郎中令劉敬叔官。天戒若 其後毅遂被殺焉。

庶徵恒雨,劉歆以爲春秋大雨,劉向以爲大水。

魏明帝太和元年秋,數大雨,多暴卒,雷電非常,至殺鳥雀。 案楊阜上疏,此恒雨之罰

也。 時天子居喪不哀,出入弋獵無度,奢侈繁興,奪農時,故水失其性而恒 雨爲罰。

太 和 四 年八月,大雨霖三十餘日,伊、洛、河、漢皆溢,歲以凶饑

大, 則雪不當復降,皆失時之異也。 大雨,恒雨之罰也。 吳孫亮太平二年二月甲寅,大雨,震電。 於始震電之明日而雪,大寒,又常寒之罰也。 天戒若曰,爲君失時,賊臣將起。 乙卯,雪,大寒。 案劉歆說,此時當雨 **先震電而後雪者,陰見** 劉向以爲旣已雷電, 而不當

間隙,起而勝陽,逆弑之禍將成也。 武帝泰始六年六月,大雨霖。 甲辰,河、洛、伊、沁水同時並溢,流 亮不悟, 葬見廢。 此與春秋魯隱 同 四千 九百餘家,殺二

百餘人,沒秋稼千三百六十餘頃。

是秋,魏郡西平郡九縣、淮南、平原霖 太康五年七月,任城、梁國暴雨,害豆麥。 雨暴水,霜傷秋 九月,南安郡霖雨暴雪,樹木摧折,

害秋稼。

惠帝永寧元年十月,義陽、南陽、東海霖 雨,淹害秋麥。

元帝太興三年,春雨至于夏。 是時王敦執權,不恭 之罰 也。

永昌元年,春雨 四十餘日,晝夜雷電震五 一十餘日。 是時王敦 興兵,王師敗績之應也。

成帝 咸和四年,春雨五十餘日,恒雷電。 是時雖斬蘇峻,其餘黨猶據守石頭,至其滅

後,淫雨乃霽。

志第十七 五行上

咸康元年八月乙丑,荆州之長沙攸、醴陵,武陵之龍陽,三縣雨水,浮漂屋室,殺人,損

秋稼。是時帝幼、權在於下。

#### 服妖

魏武帝以天下凶荒,資財乏匱,始擬古皮弁,裁練帛爲白帢,以易舊服。傅玄曰:「白乃

軍容,非國容也。」干寶以爲「縞素,凶喪之象也」。名之爲恰,毀辱之言也,蓋革代之後,劫殺

之妖也。

服妖 也。 魏 明帝著繡帽,披縹紈半袖,常以見直臣楊阜,諫曰:「三」「此禮何法服邪」。帝默然。近 夫縹,非禮之色。 褻服尙不以紅紫,況接臣下乎。人主親御非法之章,所謂自作

可禳 也。 帝旣不享永年,身沒而祿去王室,後嗣不終,遂亡天下。

臨洮,爲秦亡之禍。 景初元年,發銅鑄爲巨人二,號日翁仲,置之司馬門外。 始皇不悟,反以爲嘉祥,鑄銅人以象之。 案古長人見,爲國亡。長狄見 魏法亡國之器,而於義竟無取

焉。蓋服妖也。

雅云『玄袞赤舃,鉤膺鏤鍚』,歌其文也。 尚書何晏好服 婦人之服,傅玄曰:「此妖服也。夫衣裳之制,所以定上下殊內外也。大 小雅云『有嚴有翼,共武之服』,詠其武也。 若內外

不殊,王制失敍,服妖旣作,身隨之亡。|末嬉冠男子之冠,桀亡天下,何晏服婦人之服,亦亡

其家,其咎均也。」

與之風俗, 相驅以急, 言論彈射, 以刻薄相尙。居三年之喪者, 往往有致毀以死。 諸葛患 吳婦人修容者,急束其髮而劘角過于耳,蓋其俗自操束太急,而廉隅失中之謂也。故

之,著正交論,「日子」雖不可以經訓整亂,蓋亦救時之作也。

餘下不足之妖也。」至孫晧,果奢暴恣情於上,而百姓彫困於下,卒以亡國,是其應也。 孫休後,衣服之制上長下短,又積領五六而裳居一二。干寶曰:「上饒奢,下儉逼,上有

沒於戎狄,內出外之應也。及天下撓亂,宰輔方伯多負其任,又數改易不崇實之應也 以爲晉之禍徵也。及惠帝踐阼,權制在於寵臣,下掩上之應也。至永嘉末,六宮才人流冗 白篾爲純,蓋古喪車之遺象也。夫乘者,君子之器。蓋君子立心無恒,事不崇實也。干寶 康末,婦人出兩襠,加乎交領之上,此內出外也。爲車乘者苟貴輕細,又數變易其形,皆以 武帝泰始初,衣服上儉下豐,著衣者皆厭瘦,此君衰弱,臣放縱,下掩上之象也。至元

胡,而天下以爲絈頭、帶身、袴口,胡旣三制之矣,能無敗乎!至元康中,氐羌互反,永嘉 泰始之後,中國相尙用胡牀貊槃,及爲羌煮貊炙,貴人富室,必畜其器,吉享嘉會,皆以 太康中,又以氊爲絈頭及絡帶袴口。百姓相戲曰,中國必爲胡所破。夫氊毳產於

志

後,劉、石遂篡中都,自後四夷迭據華土,是服妖之應也。

初作屐者,婦人頭圓,男子頭方。 圓者順之義,所以別男女也。至太康初,婦人屐乃頭

方,與男無別。此賈后專妬之徵也。

樂生人心,所以觀事也。今接杯盤於手上而反覆之,至危之事也。杯盤者,酒食之器,而名 太康中,天下爲晉世寧之舞,手接杯盤而反覆之,歌曰「晉世寧,舞杯盤」。識者曰:「夫

日晉世寧,言晉世之士苟偸於酒食之間,而知不及遠,晉世之寧猶杯盤之在手也。」

「男女之別,國之大節,故服物異等,贄幣不同。今婦人而以兵器爲飾,此婦人妖之甚者。 自中宫,天下化之。其後賈后廢害太子之應也。 於是遂有賈后之事」。終亡天下。是時婦人結髮者旣成,以繒急束其環,名曰擷子紒。始 惠帝元康中,婦人之飾有五兵佩,又以金銀瑇瑁之屬,爲斧鉞戈戟,以當笄。一實以爲

之,言木因於金,能孤立也。及懷愍之世,王室多故,而此中都喪敗,元帝以藩臣樹德東方, 臣也。杖者扶體之器,烏其頭者,尤便用也。必旁柱掖者,旁救之象也。施其金,柱則植 維持天下,柱掖之應也。至社稷無主,海內歸之,遂承天命,建都江外,獨立之應也。 元康中,天下始相傚爲烏杖以柱掖,其後稍施其鐓,住則植之。 夫木, 東方之行, 金之

元康、太安之間,江淮之域有敗屩自聚于道,多者至四五十量,人或散投坑谷,明日視

亂,以絕王命也」。太安中,發壬午兵,百姓怨叛。 者,疲弊之象;道者,四方往來,所以交通王命也。 之復如故。 或云,見狸衝聚之。干寶以爲「夫屩者,人之賤服,處于勞辱,黔庶之象也。 江夏張昌唱亂,荆楚從之如流。 今敗屩聚于道者,象黔庶罷病,將相 於是兵 聚為

之後,二帝不反,天下愧焉。 額者,慚之貌也。其緩彌甚者,言天下亡禮與義,放縱情性,及其終極,至于大恥也。永嘉 恰,而婦人束髮,其緩彌甚,紒之堅不能自立,髮被于額,目出而已。 初,魏造白帢,横縫其前以別後,名之曰顏恰,傳行之。至永嘉之間,稍去其縫,名無顏 。無顏者,愧之言也。覆

革歲起,服妖也。

也。日刊今無故服之,殆有應乎」其後遂有胡賊之亂,帝遇害焉。 孝懷帝永嘉中,士大夫競服生箋單衣。識者指之曰:「此則古者繐衰,諸侯所以服天子

今以朱囊縛紒,臣道上侵君之象也。」於是王敦陵上焉。 元帝太興中,兵士以絳囊縛紒。識者曰:「紒者在首,爲乾,君道也。囊者坤,臣道也。

制 柄,下出可捉,而減其羽用八。識者尤之曰:「夫羽扇,翼之名也。 創爲長柄者,將執其柄以 羽翼也。 舊爲羽扇柄者,刻木象其骨形,列羽用十,取全數也。自中興初,王敦南征,始改爲長 改十爲八者,將未備奪已備也。此殆敦之擅權以制朝廷之柄,又將以無德之材

+

五行

欲竊非據也。」是時,爲衣者又上短,帶纔至于掖,著帽者又以帶縛項。 下逼上,上無地也

爲袴者直幅爲口,無殺,下大之象。 尋而王敦謀逆,再攻京師。

海西嗣位,忘設豹尾。天戒若曰,夫豹尾,儀服之主,大人所以豹變也。 而海西豹變之

日,非所宜忘而忘之。 非主社稷之人,故忘其豹尾,示不終也。 尋而被廢焉。

孝武太元中,人不復著帩頭。天戒若曰,頭者元首,帩者助元首爲儀飾者也。今忽廢

之,若人君獨立無輔佐,以至危亡也。至安帝,桓玄乃篡位焉。

舊爲屐者,齒皆達楄上,名曰露卯。 太元中忽不徹,名曰陰卯。 識者以爲卯,謀也,必

有陰謀之事。至烈宗末,驃騎參軍袁悅之始攬搆內外,隆安中遂謀詐相傾,以致大亂

名曰假髻,或名假頭。至於貧家,不能自辦,自號無頭,就人借頭。 太元中,公主婦女必緩鬢傾髻,以爲盛飾。用髲旣多,不可恒戴,乃先於木及籠上裝之, 遂布天下, 亦服妖也。

無幾時,孝武晏駕而天下騷動,刑戮無數,多喪其元。 至於大殮,皆刻木及蠟或縛菰草爲

頭,是假頭之應云。

桓玄篡立,殿上施絳帳,鏤黃金爲顏,四角金龍衡五色羽葆流蘇。 羣下相謂曰:「頗類

轜車。」尋而玄敗,此服之妖也。

晉末皆冠小而衣裳博大,風流相放,輿臺成俗。 識者曰:「上小而下大,此禪代之象

#### 雞禍

魏明帝景初二年,廷尉府中雌雞化爲雄,不鳴不將。 干寶日"「是歲宣帝平遼東,百姓

始有 與能之義,此其象也。 然晉三后並以人臣終,不鳴不將,叉天意也。」

象。 坑者, 惠帝元康六年,陳國有雞生雄雞 母象。 今雞生無翅,墜坑而死,此子無羽翼,爲母所陷害乎。」於後賈后誣殺愍 無翅,旣大,墜坑而死。 王隱以爲:「雄者,胤嗣子之

事。 敏雖控制江表,終無紀綱文章, 太安中,周玘家雌雞逃承霤中,六七日 殆其象· 也。 而下,奮翼鳴將, 卒爲玘所滅。 獨毛羽不變。 雞禍見冠家,又天意也。 其後有陳敏之 京

懷,此其應也。

房易傳曰:「牝雞雄鳴,主不榮。」

元 帝太興中,王敦鎭武昌,有雌雞化爲雄。 天戒若曰,雌化爲雄,臣陵其上。 其後王敦

再攻京師。

房易傳 孝武 曰:「君用婦人言,則雞生妖。」是時,主相並用尼媼之言,寵賜過厚,故妖象見焉。 太元十三年四月,廣陵高平閻嵩家雌雞生無右翅,彭城 人劉象之家雞 有三足。 京

志第十七 五行上

安帝隆安元年八月,琅邪王道子家青雌雞化爲赤雄雞,不鳴不將。 桓玄將篡,不能成

業之象。

四年,荆州有雞生角,角尋墮落。 是時桓玄始擅西夏,狂慢不肅, 故有雞禍。 天戒若

日,角,兵象,尋墮落者,暫起不終之妖也。後皆應也。

元興二年,衡陽有雌雞化爲雄,八十日 而冠萎。 天戒若日,衡陽,桓玄楚國之邦略也。

及桓玄篡位,果八十日而敗,此其應也。

青祥

武帝咸寧元年八月丁酉,大風折大社樹,有靑氣出焉,此靑祥也。 占曰:「東莞當有帝

者。」明年,元帝生。 是時,帝大父武王封東莞, 由是徙封琅邪。 孫盛以爲中興之表。

之亂,武帝子孫無孑遺,社樹折之應,又常風之罰。

惠帝元康中,洛陽南山有虻作聲,曰「韓尸尸」。 識者曰:「韓氏將尸也,言尸尸者,盡死

意也。」其後韓證誅而韓族殲焉,此靑祥也。

金沴木

魏文帝|黄初七年正月,幸|許昌。|許昌城南門無故自崩,帝心惡之,遂不入,還洛陽。 此

金沙木,木動之也。五月,宮車晏駕。京房易傳曰:「上下咸悖,厥妖也城門壞。」

元帝太興二年六月,吳郡米廡無故自壞。天戒若曰,夫米廡,貨糴之屋,無故自壞,此

五穀踴貴,所以無糴賣也。是歲遂大饑,死者千數焉。

明帝太寧元年,周莚自歸王敦,自己旣立其宅宇,所起五間六梁,一時躍出墜地,餘桁猶

亙柱頭。此金沴木也。明年五月,錢鳳謀亂,遂族滅處,而湖熟尋亦爲墟矣。

安帝元興元年正月丙子,會稽王世子元顯將討桓玄,建牙竿于揚州南門,其東者難立,

良久乃正。近沴妖也。而元顯尋爲玄所擒。

三年五月,樂賢堂壞。時帝嚚眊,無樂賢之心,故此堂是沴。

義熙九年五月,國子聖堂壞。天戒若曰,聖堂,禮樂之本,無故自壞,業祚將墜之象。

未及十年而禪位焉。

### 校勘記

以傅春秋 「傅」,各本作「傳」,局本據漢書五行志在本志校記中以後簡稱漢志上改作「傅」,今從之

三驅之制 《料注:漢志上作「田狩有三驅之制」,此似脫「田狩有」三字。

志 第 + 校 勘

人之火也 宋書五行志在本志校記中以後簡稱朱志三作「人火之也」,用左傳宣公十六年文。 疑此

「之火」二字互倒。

春秋齊大災 「大」原作「火」、蓋字之誤、今據春秋莊公二十年經文及漢志上改。

十一月庚辰 原無「一」字,今據武紀補。 蓋十月無庚辰,庚辰爲十一月十九。

「八」閻纂 見卷四八校記。

其後季龍死大亂塗滅亡 周校:季龍死在震災之前,「其後」當作「其年」。 按:朱志三作「是年

四月石虎死矣,其後胡遂滅亡」。

【4】顓事者加 漢志上作「顓事有知」。

へんし 青徐兗豫 四州大水 「青」下原行「州」字,今據決志四删。

永昌二年至明帝太寧元年五月丹楊宣城吳興壽春大水 校文: 永昌止一年, 此「永昌二年」云

云,卽太寧元年事,誤分爲二。

盧竦 海西公紀、孝武紀、毛安之傳及通鑑一〇三並作「盧悚」。

(三) 蔡洲 「洲」原誤作「州」、今據盧循傳改。

[1] 霧「霧」,各本誤作「霧」,今從宋本及音義作「霧」。

劉歆貌傳曰 原無「貌」字。 漢志中之上作「劉歆貌傳曰」、今補「貌」字。

至 常以見直臣楊阜諫曰 宋志一重「阜」字,作「阜諫曰」。

諸葛患之著正交論 商權:諸葛不知何人,其下必脫一字,當是「恪」字。 觀吳志恪本傳與陸遜

書,其意正如此。

諸侯所以服天子也

字。

周莚 「莚」、各本作「筵」、今從宋本。見卷五十八校記。

# 晉書卷二十八

# 志第十八

五行中

者,謂小蟲有甲飛揚之類,陽氣所生也,於春秋爲螽,今謂之蝗,皆其類也。 憂,故其極憂也。君炕陽而暴虐,臣畏刑而箝口,則怨謗之氣發於歌謠,故有詩妖。介蟲孼 孼,時則有犬禍,時則有口舌之痾,時則有白眚白祥。惟木沴金。」言之不從,從,順也。是 犬以吠守而不可信,言氣毁,故有犬禍。一日,旱歲犬多狂死及爲怪,亦是也。及人,則多病 咎僭差也。 刑罰妄加, 羣陰不附,則陽氣勝,故其罰常陽也。 旱傷百穀,則有寇難,上下俱 謂不义,义,治也。孔子曰:「君子居其室,出其言不善,則千里之外違之,况其邇者乎」」詩 曰:「如蜩如螗,如沸如羹。」言上號令不順人心,虛譁憒亂,則不能治海內。失在過差,故其 《傅曰:「言之不從,是謂不义,厥咎僭,厥罰恒陽,厥極憂。 時則有詩妖,時則有介蟲之 於易,兌爲口,

志

第十

八

五行中

星,故爲毛蟲 其極憂者,順之,其福曰康寧。[1]劉歆言傳曰時則有毛蟲之孽。說以爲於天文西方參爲獸 口喉欬嗽者,故有口舌痾。金色白,故有白眚白祥。凡言傷者,病金氣,金氣病,則木沴之。

與王凌謀共立之。事泄,凌、愚被誅,彪賜死。此言不從之罰也。詩云:「人之訛言,寧莫 跡,大如斛,行數里,還入河。一楚王彪本封白馬,兗州刺史令狐愚以彪有智勇,及聞此言,遂 魏齊王嘉平初,東郡有訛言,云白馬河出妖馬,夜過官牧邊嗚呼,衆馬皆應,明日見其

不忍一年而有二君。今可謂亟而不知禮義矣。後遂降焉。 葬,亦未踰月,而改元爲建興,此言之不從也。禮,國君即位踰年而後改元者,緣臣子之心 授與人,甚於晉穆侯、漢靈帝命子之祥也。」蜀果亡,此言之不從也。劉備卒,劉禪即位,未 蜀劉禪嗣位,譙周曰:「先主諱備,其訓具也,後主諱禪,其訓授也。若言劉已具矣,當

報書曰:「良田百頃,不計一畝,但見遠志,無有當歸。」維卒不免。 魏明帝太和中,姜維歸屬,失其母。魏人使其母手書呼繼令反,幷送當歸以譬之。維

號,皆身沒名成乃正其禮。故雖功赫天壤,德邁前王,未有豫定之典。此蓋言之不從失之 景初元年,有司奏,帝爲烈祖,與太祖、高祖並爲不毁之廟,從之。案宗廟之制,祖宗之

甚者也。後二年而宮車晏駕,於是統微政逸。

數里。 **愼倒畀之,其人亦不自知所以然也。言不從之咎也。** 其聲之大也。 吳孫休時,鳥程人有得困病,及差,能以響言者,言於此而聞於彼。自其所聽之,不覺 其鄰人有責息於外,歷年不還,乃假之使爲責讓,懼以禍福。負物者以爲鬼神,即 自遠聽之,如人對言,不覺聲之自遠來也。聲之所往,隨其所向,遠者所過十

子孫之憂也。」自永熙後王室漸亂,永嘉中天下大壞,及何綏以非辜被殺,皆如曾言。 國 遠圖。 魏 時起安世殿,武帝後居之。安世,武帝字也。 此言之不從也。 何曾謂子遵曰:「國家無貽厥之謀,及身而已,後嗣其殆乎! 武帝每延羣臣,多說平生常事,未嘗及

趙王倫廢惠帝於金墉城,改號金墉城爲永安宮。 帝尋復位而倫誅。

也。 嗣,所以遠絕覬覦,永一 嗣,則不 丞相 備 後猶 惠帝永興元年,詔廢太子覃還爲淸河王,立成都王顯爲皇太弟,猶加侍中、大都督,領 應復開封 九錫,封二十郡,如魏王故事。 不 悟,又立 土,兼領庶職。 懷帝爲皇太弟。 一宗祕。 後代遵履, 此言之不從,進退乖爽,故帝旣播越,顯亦不終,是其咎僭 懷終流弑,不永厥祚,又其應也。 案周禮傳國以胤不以勳,故雖公旦之聖不易成王之 改之則亂。 今擬 非其實,僭差已甚。 語曰、「變古易常,不 且旣 爲國

志第十八 五行中

**亂則亡」,此之謂** 

乎。

元帝永昌二年,大將軍王敦下據姑孰。 自淮泗遂及京都,數日之間,百姓驚擾,人人皆自云已 百姓訛言行蟲病,食人大孔,數日入腹,入腹則

泗也。 諒闇,又有異謀,是以下逆上,腹心內爛也。 静。 德,共除蟲害也。」案中興之際,大將軍本以腹心受伊呂之任,而元帝末年,遂攻京邑,明帝 王之運,王霸會于戌。〔三〕戌主用兵,金者晉行,火燒鐵以療疾者,言必去其類而來火與金合 明其逆也。 得蟲病。 死,療之有方,當得白犬膽以爲藥。 相請奪,其價十倍。 而 不能濟水,自北中即劉遐及淮陵內史蘇峻率淮泗之衆以救朝廷,自改其謠言首作於淮 說曰:「夫裸蟲人類,而人爲之主。今云蟲食人,言本同臭類 朝廷卒以弱制强,罪人授首,是用白犬膽可救之效也。 叉云,始在外時,當燒鐵以灼之。 必入腹者,言害由中不由外也。犬有守衞之性,白者金色,而膽,用武之主也。帝 或有自云能行燒鐵灼者,賃灼百姓,日得五六萬,憊而後已。 於是翕然,被燒灼者十七八矣。 及錢鳳、沈充等逆兵四合,而爲王師所挫,踰 而相殘賊也。 而白犬暴貴,至 自下而上, 四五日漸

新安人歌舞離別之辭,其聲悲切。〔三〕時人怪之,後亦果敗 海 西公時,庾晞四五年中喜爲挽歌,自搖大鈴爲唱,使左右齊和。 又讌會輒令倡妓作

桓玄初改年爲大亨,遐邇讙言曰「二月了」,故義謀以仲春發也。 中,小兒以兩鐵相打於土中,名曰關族。 後王國寶、王孝伯一 玄篡立,又改年爲建 姓之中自相

遜位 始,以與趙王倫同,又易爲永始,永始復是王莽受封之年也。 了,出永安宫,封爲平固王,琅邪王德文爲石陽公,並使住**尋陽城**。 始徙司馬道子于安成。安帝 識者皆以爲言不從之

妖僭也。

**崇旣誅死,天下尋亦淪喪。** 致聲色,窮珍極麗。 武帝初,何曾薄太官御膳,自取私食,子劭又過之,而王愷又過劭。 至元康中,夸恣成俗,轉相高尚,石崇之侈,遂兼王、何,而儷人主矣。 僭踰之咎也。 王愷、羊琇之儔,盛

謂廣,其旱不生。上下皆蔽茲謂隔,其旱天赤三月,時有雹殺飛禽。 房易傳曰:「欲德不用茲謂張,厥災荒,旱也。 其旱陰雲不雨,變而赤,因四際。 旱澤物枯,爲火所傷。」 三月大溫亡雲。君高臺府茲謂犯陰侵陽,其旱萬物根死,數有火災。庶位踰節茲爲僭,其 **庶徵恒陽,劉向以爲春秋大旱也。 其夏旱,雩,禮謂之大雩。 不傷二穀謂之不雨。** 上緣求妃茲謂僭,其旱 師出過時茲 京

|郡,張郃西破諸葛亮,斃馬謖。 亢陽自大,又其應也。 魏明帝太和二年五月,大旱。 元年以來崇廣宮府之應也。 又,是春宣帝南擒孟達,置

太和五年三月,自去冬十月至此月不雨。辛巳,大雩。

主,轉宣帝爲太傅,外示尊崇,內實欲令事先由己。是時宣帝功蓋魏朝,欲德不用之應也。 齊王正始元年二月,自去冬十二月至此月不雨。去歲正月,明帝崩。二月,曹爽白嗣

高貴鄉公甘露三年正月,自去秋至此月旱。是時文帝圍諸葛誕,衆出過時之應也。

初,壽春秋夏常雨淹城,而此旱踰年,城陷,乃大雨。咸以誕爲天亡。

吳孫亮五鳳二年,大旱,百姓饑。 是歲征役煩興,軍士怨叛。此亢陽自大,勞役失衆之

罰也。其役彌歲,故旱亦竟年。

孫晧寶鼎元年,春夏旱。時孫晧遷都武昌,勞役動衆之應也。

武帝泰始七年五月閏月旱,大雩。 八年五月,旱。 是時帝納荷勖邪說,留賈充不復

西鎮,而任愷漸疎,上下皆蔽之應也。及李憙、「KI 魯芝、李胤等並在散職,近厥德不用之

謂也。

中、聲聞于外、行人悲酸。是殆積陰生陽、上緣求妃之應也。 採擇卿校諸葛沖等女。是春,五十餘人入殿簡選。 又取小將吏女數十 人,母子 號哭於宮 九年,自正月旱,至于六月,祈宗廟社稷山川。癸未,雨。 十年四月,旱。 去年秋冬,

咸寧二年五月旱,大雩。 至六月,乃澍雨。

|太康二年早,自去冬旱至此春。 三年四月旱,乙酉韶司空齊王攸與尚書、廷尉、河南

尹錄訊繫囚,事從蠲宥。

五. |年六月,旱。此年正月天陰,解而復合。|劉毅上疏曰:「必有阿黨之臣姦以事君者,

當誅而不赦也。」帝不答。是時荀勖、馮紞僭作威福、亂朝尤甚。

六年三月,青、梁、幽、冀郡國旱。六月,濟陰、武陵旱,傷麥。 七年夏,郡國十三大

八年四月,冀州旱。 九年夏,郡國三十三旱,扶風、始平、京兆、安定旱,傷麥。

年二月,旱。

太熙元年二月,旱。自太康已後,雖正人滿朝,不被親仗,而賈充、荀勖、楊駿、馮紞等

迭居要重,所以無年不旱者,欲德不用,上下皆蔽,庶位踰節之罰也。

刺史解系敗績。 惠帝元康七年七月,秦、雍二州大旱,疾疫,關中饑,米斛萬錢。因此氐羌反叛,雍州 而饑疫荐臻,戎晉並困,朝廷不能振,詔聽相賣鬻。 其九月,郡國五旱。

|永寧元年,自夏及秋,靑、徐、幽、拌四州旱。 十二月,又郡國十二旱。 是年春,三王討

趙王倫,六旬之中數十戰,死者十餘萬人。

越歸京都,遣兵入宮,收中書令繆播等九人殺之,皆僭踰之罰 心,劉元海、石勒 懷帝永嘉三年五月,大旱,襄平縣梁水淡池竭,河、洛、江、漢皆可涉。是年三月,司馬 、王爾、李雄之徒賊害百姓,流血成泥,又其應也。 也。 五年,自去冬旱至此春。 又四方諸侯多懷無君之

志

去歲十一月,司馬越以行臺自隨,斥黜宮衞,無君臣之節。

月又旱。干寶曰「殺淳于伯之後旱三年」是也。刑罰妄加、羣陰不附,則陽氣勝之罰也。 元帝建武元年六月,日間揚州旱。去年十二月,淳于伯冤死,其年即旱,而太興元年六

元帝太興四年五月,旱。是時王敦陵僭已著。

永昌元年夏,大旱。是年三月,王敦有石頭之變,二宮陵辱,大臣誅死,僭踰無上,故旱

尤甚也。其閏十一月,京都大旱,川谷並竭。

明帝太寧三年,自春不雨,至于六月。

成帝咸和元年,夏秋旱。是時庾太后臨朝稱制,言不從而僭踰之罰也。

二年夏,旱。 五年五月,大旱。 六年四月,大旱。 八年秋七月,旱。 九年,自

四月不雨,至于八月。

|姚特甚,米斗直五百,人有相鬻者。 定,務在遵養,不任刑罰,遂盜賊公行,頻五年亢旱,亦舒緩之應也。 歲旱也。 咸康元年六月,旱。是時成帝沖弱,未親萬機,內外之政,決之將相。此僭踰之罰,連 至四年,王導固讓太傅,復子明辟。是後不旱,殆其應也。時天下普旱,會稽、餘 二年三月,旱。 三年六月,旱。時王導以天下新

康帝建元元年五月,旱。

穆帝永和元年五月,旱。是時帝在襁褓,褚太后臨朝,如明穆太后故事。 五年七月

不雨,至于十月。 六年夏,旱。 八年夏,旱。 九年春,旱。

升平三年冬,大旱。 四年冬,大旱。

哀帝隆和元年夏,旱。是時桓溫强恣,權制朝廷,僭踰之罰也。

海西公太和元年夏,旱。 四年冬,旱。涼州春旱至夏。

簡文帝咸安二年十月,大旱,饑。自永和至是,嗣主幼沖,桓溫陵僭,用兵征伐,百姓

怨苦。

孝武帝寧康元年三月,旱。是時桓溫入觀高平陵,闔朝致拜,踰僭之應也。

冬,旱。

略地,有事徐豫,楊亮、趙統攻討巴沔。 太元四年夏,大旱。 八年六月,旱。 是年正月,謝安又出鎮廣陵,使子琰進次彭城,頻有 十年七月,旱,饑。 初,八年破苻堅,九年諸將

十三年六月,旱。 去歲北府遣戍胡陸,荆州經略河南。 是年夏,郭銓置戍野王,又遣軍

破黃淮。

軍役。

十五 一年七月, 旱。 十七年,秋旱至冬。是時烈宗仁恕,信任會稽王道子,政事舒緩。

八四二

又茹千秋爲驃騎諮議,竊弄主相威福。又比丘尼乳母親黨及婢僕之子階緣近習, 臨部領

又所在多上春竟囚,不以其辜,建康獄吏,枉暴旣甚。 此又僭踰不從冤濫之罰。

安帝隆安二年冬,旱,寒甚。 四年五月,旱。 五年,夏秋大旱。十二月,不雨。

孫恩作亂,桓玄疑貳,迫殺殷仲堪,而朝廷即授以荆州之任,司馬元顯又諷百僚悉使敬己,

內外騷動,兵革煩興。此皆陵僭憂愁之應也。

元興元年七月,大饑。 九月、十月不雨,泉水涸。 二年六月,不雨。冬,又旱。 時桓

玄奢曆,十二月遂篡位。 三年八月,不雨。

義熙四年冬,不雨。

六年九月,不雨。 八年十月,不雨。

九年、秋冬不雨。

年九月,旱。十二月又旱,井瀆多竭。是時軍役煩興。

詩妖

魏明帝太和中,京師歌兜鈴曹子,其唱曰「其柰汝曹何」,此詩妖也。 其後曹爽見誅,

曹氏遂廢。

歸,至白屋,當還鎭長安。會帝疾篤,急召之,乃乘追鋒車東渡河,終如童謠之言。 景初初,童謠曰:「阿公阿公駕馬車,不意阿公東渡河,阿公來還當柰何」」及宣帝遼東

齊王嘉平中,有謠曰:「白馬素羈西南馳,其誰乘者朱虎騎。」朱虎者,楚王小字也。〔5〕

王凌、令狐愚聞此謠,謀立彪。事發,凌等伏誅,彪賜死。

者,反語石子堈也。鉤絡,鉤帶也。及諸葛恪死,果以葦席裹身,篾束其要,投之石子堈。 吳孫亮初,童謠曰:「吁汝恪,何若若,蘆葦單衣篾鉤絡,於何相求常子閣。」「常子閣」

後聽恪故吏收斂,求之此墹云。

成。」「南郡城中可長生」者,有急易以逃也。明年,諸葛恪敗,弟融鎭公安,亦見襲,融刮金印 龜服之而死。 孫亮初,公安有白鼉鳴。童謠曰:「白鼉鳴,龜背平。南郡城中可長生,守死不去義無 **鼉有鱗介,甲兵之象。又曰,白祥也。** 

而魏廢,二十一年而吳平。」於是九服歸晉。 「我非人,熒惑星也。」言畢上昇,仰視若曳一匹練,有頃沒。 孫休永安二年,「弘將守質子羣聚嬉戲,有異小兒忽來言曰:「三公鋤,司馬如。」又曰: 魏與吳蜀並戰國了三公鋤,司馬如」之謂也。 干寶日:「後四年而獨亡,六年

孫皓遣使者祭石印山下妖祠,使者因以丹書巖曰:「楚九州渚,吳九州都。 四世治,太平矣。」[10] 皓聞之,意益張,曰:「從大皇帝至朕四世,太平之主非朕復 揚州

誰!恣虐踰甚,尋以降亡,近詩妖也。

志

第十

八

五行

孫皓天紀中,童謠曰:「阿童復阿童,銜刀游渡江。不畏岸上獸,但畏水中龍。」武帝聞

之,加王濬龍驤將軍。 '及征吳,江西衆軍無過者,而王濬先定秣陵。

如童謠之言焉。元帝愞而少斷,「局縮肉」者,有所斥也。 子孫,故竊發爲亂者相繼。案「横目」者四字,自吳亡至元帝興幾四十年,元帝興於江東,皆 柱,且當朽,吳當復,在三十年後。」又曰:「雞鳴不拊翼,吳復不用力。」于時吳人皆謂在孫氏 武帝太康三年平吳後,江南童謠曰:「局縮肉,數橫目,中國當敗吳當復。」又曰:「宮門

貴盛而被族滅,太后廢黜,幽死中宮,「折楊柳」之應也。 太康末,京洛爲折楊柳之歌,其曲始有兵革苦辛之辭,終以擒獲斬截之事。是時三楊

時楊駿專權,楚王用事,故言「荆筆楊板」。二人不誅,則君臣禮悖,故云「幾作驢」也。 **闝,楊后字也。 其時又有童謠曰:「二月末,三月初,荆筆楊板行詔書,宮中大馬幾作驢。」 此** 傷。」又曰:「兩火沒地,哀哉秋蘭。歸形街郵,終爲人歎。」及楊駿居內府,以戟爲衞,死時又 爲戟所害傷。楊后被廢,賈后絕其膳八日而崩,葬街郵亭北,百姓哀之也。兩火,武帝諱, 惠帝永熙中,河內溫縣有人如狂,造書曰:「光光文長,大戟爲牆。毒藥雖行,戟還自

賈謐國也。言賈后將與艦爲亂,以危太子,而趙王因釁咀嚼豪賢,以成篡奪,不得其死之 東馬子莫嚨哅,比至來年纏女鬉。」南風,賈后字也。白,晉行也。沙門,太子小名也。魯, 元康中,京洛童謠曰:「南風起,吹白沙,遙望魯國何嵯峨,千歲髑髏生齒牙。」又曰:「城

來」。齊東藩而在許,故曰「龍從南來」。 河間水源而在關中,故曰「水從西來」。 齊留輔政, 從西來河灌灌。」數月而齊王、成都、河間義兵同會誅倫。案成都西藩而在鄴,故曰「獸從北 居于宮西,又有無君之心,故言「登城看」也。 王倫篡位,其目實眇焉。 元康 中,天下商農通著大鄣日。時童謠曰:「屠蘇鄣日覆兩耳,當見瞎兒作天子。」及趙 趙王倫旣篡,洛中童謠曰:「獸從北來鼻頭汗,龍從南來登城看,水

陽、南頓、彭城同至江東,而元帝嗣統矣。 太安中、童謠曰:「五馬游渡江,一馬化爲龍。」後中原大亂,宗藩多絕,唯琅邪、汝南、西

日:「元超兄弟大落度,上桑打椹爲苟作。」由是越惡晞,奪其<u>兗州,</u>隙難遂搆焉 司馬越還洛,有童謠曰:「洛中大鼠長尺二,若不早去大狗至。」及苟晞將破汲桑,又謠

及石頭之事,六軍大潰,兵人抄掠京邑,爰及二宮。其後三年,錢鳳復攻京邑,阻水而守,相 也。 「合集持作甒」者,元帝鳩集遺餘,以主社稷,未能克復中原,但偏王江南,故其喻也。 愍帝初,有童謠曰:「天子何在豆田中。」[1]]至建興四年,帝降劉曜,在城東豆田壁中。 建 坑器 興 (中,)江南謠歌曰:「訇如白坑破,)合集持作甒。 有口 屬甕,瓦甕質剛,亦金之類也。 「訇如白坑破」者,言二都傾覆, 揚州破換敗,吳興覆瓿甊。」案白者, 王室大壞

志

第

+

Л

五行中

父子授首,黨與誅者以百數。所謂「揚州破換敗,吳興覆瓿甊」, 瓿甊瓦器, 又小於甒也。 持月餘日,焚燒城邑,井堙木刊矣。鳳等敗退,沈充將其黨還吳興,官軍踵之,蹈藉郡縣,充

帝崩,成帝幼,爲蘇峻所逼,遷於石頭,御膳不足,此「大馬死,小馬餓」也。高山,峻也,又言 |峻尋死。石,|峻弟蘇石也。|峻死後,石據石頭,尋爲諸公所破,復是崩山石破之應也。 明帝太寧初,童謠曰:「惻惻力力,放馬山側。大馬死,小馬餓。高山崩,石自破。」及明

|咸康二年十二月,河北謠云:「麥入土,殺石武。」 [11]後如謠言。 成帝之末,又有童謠曰:「礚礚何隆隆,駕車入梓宮。」少日而宮車晏駕。

白馬牽旒族。」又曰:「庾公初上時,翩翩如飛鳥。庾公還揚州,白馬牽流蘇。」後連徵不入, 初鎭武昌,出至石頭,百姓於岸上歌曰:「庾公上武昌,翩翩如飛鳥。 庾公還揚州,

及薨於鎭,以喪還都葬,皆如謠言。

哭之曰:「阿子汝聞不?」 穆帝升平中,童兒輩忽歌於道曰阿子聞,曲終輒云「阿子汝聞不」,無幾而帝崩,太后

升平末,俗間忽作廉歌,有扈謙者聞之曰:「廉者,臨也。 歌云『白門廉,宮庭廉』,內外

**添臨,國家其大諱乎!」少時而穆帝晏駕。** 

哀帝隆和初,童謠曰:「升平不滿斗,隆和那得久!桓公入石頭,陛下徒跣走。」朝廷聞

而惡之,改年曰興寧。人復歌曰:「雖復改興寧,亦復無聊生。」哀帝尋崩。 升平五年而穆帝

崩,「不滿斗」,升平不至十年也。〔111〕

海西公之子,縊以馬韁。 者曰:「白者,金行。 馬者,國族。 海西公太和中,百姓歌曰:「青青御路楊,白馬紫遊韁。汝非皇太子,那得甘露漿。」識 死之明日,南方獻甘露焉。 紫爲奪正之色,明以紫間朱也。」海西公尋廢,其三子並非

太和末,童謠曰:「犁牛耕御路,白門種小麥。」及海西公被廢,百姓耕其門以種小麥,遂

如謠言。

海西公初生皇子,百姓歌云:「鳳皇生一雛,天下莫不喜。本言是馬駒,今定成龍子。」

其歌甚美,其旨甚微。海西公不男,使左右向龍與內侍接,生子,以爲己子。

明。」頃之而桓石民死,王忱爲荆州。黃曇子乃是王忱字也。忱小字佛大,是「大佛來上

桓石民爲荆州,鎭上明,百姓忽歌曰「黃曇子」。曲中又曰:〔1四〕「黃曇英,揚州大佛來上

映」也 。

王恭起兵誅王國寶,旋爲劉牢之所敗,故言「拉颴栖」也。 孝武帝太元末,京口謠曰:[四]黃雌雞,莫作雄父啼。 一旦去毛衣,衣被拉鼤栖。」尋而

會稽王道子於東府造土山,名曰靈秀山。無幾而孫恩作亂,再踐會稽。 會稽,道子所

志 第

封,靈秀,孫恩之字也。

庾楷鎭歷陽,百姓歌曰:「重羅黎,重羅黎,使君南上無還時。」後楷南奔桓玄, 爲玄

月記

仲堪在荆州,童謠曰:「芒籠目,繩縛腹。 殷當敗,桓當復。」未幾而仲堪敗,桓玄遂有

荆州。

粗穢,其精已去,明將敗也,天公將加譴讁而誅之也。捻嚨喉,氣不通,死之祥也。敗復敗, 汝捻嚨喉。 丁寧之辭也。」恭尋死,京都又大行欬疾,而喉並喝焉。 王恭鎭京口,舉兵誅王國寶。百姓謠云:「昔年食白飯,今年食麥髮。 嚨喉喝復喝,京口敗復敗。」識者曰:「昔年食白飯,言得志也。今年食麥麪, 愛 天公誅讁汝,敎

欲作亂,賴得金刀作藩扞。」黃字上恭字頭也,小人恭字下也,尋如謠言者焉。 王恭在京口,百姓間忽云:「黃頭小兒欲作賊,阿公在城,下指縛得。」又云:「黃頭小人

· 旗以三月二日掃定京都,誅之。 | 玄之宮女及逆黨之家子女妓妾悉爲軍賞, 東及[甌]越,北 安帝隆安中,百姓忽作懊憹之歌,其曲曰:「草生可攬結,女兒可攬擷。」尋而桓玄篡位,

流淮泗,皆人有所獲。故言時則草可結,事則女可擷也。

桓玄旣篡,童謠曰:「草生及馬腹,烏啄桓玄目。」及玄敗,走至江陵,時正五月中,誅如

其期焉。

奉以名州,養之極也。 安帝義熙初,童謠曰:「官家養蘆化成荻,蘆生不止自成積。」其時官養盧龍,「以記龍以金 而龍不能懷我好音,舉兵內伐。遂成讐敵也。「蘆生不 止自成

積」,及盧龍之敗,斬伐其黨,猶如草木以成積也。

盧龍 據 廣州,人爲之謠曰:「蘆生漫漫竟天半。」後擁上流數州之地,內逼京輦,應「天

半」之言。

官關、「關歎」之應也。「翁年老」,羣公有期頤之慶,知妖逆之徒自然消殄也。 言曰:「盧橙橙,逐水流,東風忽如起,那得入石頭」」盧龍果敗,不得入石頭 年老」。 義熙二年,小兒相逢於道,輒舉其兩手曰「盧健健」,次曰「鬭歎鬭歎」,末曰「翁年老翁 當時莫知 所謂。 其後盧龍內逼,舟艦蓋川,「健健」之謂也。 既至查浦,屢 也。 其時 包刔期 復 有謠 欲 與

言。 昔溫 吾等與 嶠 國家同安危,而曰『元吉』,是事有成 令郭景純 也。」於是協同討滅王敦。 一一景純每筮是,不敢盡

於 復謠歌云:「魚羊田 淝 水,是其應也。 苻堅初,童謠云:「阿堅連牽三十年,後若欲敗時,當在江湖邊。」及壓在位凡三十年,敗 .升當滅秦。」識者以爲「魚羊,鮮也,田升,卑也,堅自號秦,言滅之者鮮卑 又謠語云:「河水淸復淸,苻堅死新城。」及堅爲姚萇所殺,死於新城

志

第

也。」其羣臣諫堅,令盡誅鮮卑,壓不從。 及淮南敗還,初爲慕容沖所攻,又爲姚萇所殺,身

毛蟲之孼

死國滅。

始終相乘之數也。自帝受命,至愍懷之廢,凡三十五年焉。 水數旣極,火慝得作,而金受其敗也。至元康九年,始殺太子,距此十四年。二七十四,火 者陰精,居于陽,金獸也。南陽,火名也。金精入火而失其形,王室亂之妖也。」六,水數,言 儀,聖主應天,斯異何爲!]言兆亂也。 武帝太康六年,南陽獻兩足猛獸,此毛蟲之孼也。識者爲其文曰:「武形有虧,金獸失 京房易傳曰:「足少者,下不勝任也。」干寶以爲:「獸

者,四方之象,當有兵亂起于四方。後河間王遂連四方之兵,作爲亂階,殆其應也 太康七年十一月丙辰,四角獸見于河間,河間王顒獲以獻。天戒若曰,角,兵象也,四

自死矣。」其後吳興徐馥作亂,殺太守袁琇,馥亦時滅,是其應也。 懷帝永嘉五年,蝘鼠出延陵。郭景純筮之曰:「此郡東之縣,當有妖人欲稱制者,亦尋

夫秀孝,Cl+3天下之彦士,樂賢堂,所以樂養賢也。 自喪亂以後,風敎陵夷,秀孝策試,乏四 成帝咸和六年正月丁巳,會州郡秀孝於樂賢堂,有麏見於前,獲之。孫盛以爲吉祥。

科之實。 譽興於前,或斯故乎?

哀帝隆和元年十月甲申,有鏖入東海第。 百姓讙言曰「麈入東海第」,識者怪之。 及海

西廢爲東海王,乃入其第。

孝武太元十三年四月癸巳,祠廟畢,有冤行廟堂上。 天戒若日,兔,野物也,而集宗廟

之堂,不祥莫之甚焉。

犬福

公孫文懿家有犬,冠幘絳衣上屋,此犬禍也。屋上,亢陽高危之地。天戒若曰,亢陽無

上,偷自尊高,狗而冠者也。及文懿自立爲燕王,果爲魏所滅。 京房易傳曰:「君不正、臣欲

篡,厥妖狗出朝門。」

魏侍中應璩在直廬,紮見一白狗出門,問衆人,無見者。 踰年卒,近犬禍也。

吳諸葛恪征淮南歸,將朝會,犬銜引其衣。恪曰「大不欲我行乎」還坐。有頃復起,

犬叉銜衣,乃令逐犬,遂升車,入而被害。

武帝太康九年,幽州有犬,鼻行地三百餘步。天戒若日,是時帝不思和嶠之言,卒立惠

**渧,以致衰亂,是言不從之罰也。** 

志第十八 五行中

惠帝元康中,吳郡婁縣人家聞地中有犬子聲,掘之,得雌雄各一。 還置窟中,覆以磨

石,經宿失所在。天戒若曰,帝旣衰弱,藩王相譖,故有犬禍。

永興元年,丹楊內史朱逵家犬生三子,皆無頭。後逵爲揚州刺史曹武所殺。

孝懷帝永嘉五年,吳郡嘉興張林家狗人言云:「天下人餓死。」於是果有二胡之亂,天下

饑荒焉。

應也。 革之占也。豕,北方匈奴之象。逆言失聽,異類相交,必生害也。俄而帝沒于胡,是其 愍帝建興元年,狗與猪交。案漢書,景帝時有此,以爲悖亂之氣,亦犬豕禍也。犬,兵

子,取而養之,皆死。尋而懋爲沈充所害。京房易傳曰:「讒臣在側,則犬生妖。」 元帝太興中,吳郡太守張懋聞齋內牀下犬聲,江公求而不得。旣而地自坼,見有二犬

入草中,不知所在。 大興四年,廬江灊縣何旭家忽聞地中有犬子聲,掘之得一母犬,青釐色,狀甚羸瘦,走 視其處有二犬子,一雄一雌,哺而養之,雌死雄活。及長爲犬,善噬獸。

其後<br />
旭里中<br />
爲蠻所沒。

云:「一狗假有兩三頭,皆前向亂吠。」無幾,孫恩亂於吳會焉。 安帝隆安初,吳郡治下狗恒夜吠,聚高橋上,人家狗有限而吠聲甚衆。或有夜覘視之 是時輔國將軍孫無終家于既

陽,地中聞犬子聲,尋而地坼,有二犬子,皆白色,一雄一雌,取而養之,皆死。 ||**这所誅滅。案?**||子曰:「地中有犬,名曰地狼。」夏鼎志曰:「掘地得犬,名曰賈。」此蓋自然之 後無終為桓

物,不應出而出,爲犬禍也。

**甚也。八十日玄敗亡焉。**[15] 暴,竟無言者,逐狗改席而已。 桓玄將拜楚王,已設拜席,羣官陪位。 天戒若曰,桓玄無德而叨竊大位,故犬便其席,示其妄據之 玄未及出,有狗來便其席,莫不驚怪。 玄性猜

白眚白祥

星隕于宋者,象宋襄公將得諸侯而不終也。」秦始皇時有隕石,班固以爲:「石,陰類也。 魏明帝青龍三年正月乙亥,隕石于壽光。案左氏傳「隕石,星也」,劉歆說曰:「庶衆惟

白祥,臣將危君。」是後宣帝得政云。

武帝太康五年五月丁巳,隕石于溫及河陽各二。 六年正月,隕石于溫,三。

成帝咸和 八年五月,星隕于肥鄉,一。 九年正月,隕石于涼州了一。

其說曰:「石立於山同姓,平地異姓。」干寶以爲「孫晧承廢故之家得位,其應也」。或曰孫休 吳孫亮五鳳二年五月,陽羨縣離里山大石自立。案京房易傳曰「庶士爲天子之祥也」,

志

+

五行中

見立之祥也。

案劉向說,此白眚也。明年宮車晏駕,王室始騷,卒以亂亡。京房易傳曰:「石立如人, 武帝太康十年,洛陽宮西宜秋里石生地中,始高三尺,如香鑪形,後如傴人,槃薄不可

庶士爲天下雄。」此近之矣。

七八里。 惠帝元康五年十二月,有石生于宜年里。永康元年,襄陽郡上言,得鳴石,撞之,聲聞 太安元年,丹楊湖熟縣夏架湖有大石,浮二百步而登岸,民驚噪相告曰「石來」。

干寶曰:「尋有石冰入建鄴。」

騰怪而 食,妖祥之兆,衰亡之徵。案占,此白祥也。 車騎大將軍、東嬴王騰自幷州遷鎭鄴,行次眞定。時久積雪,而當門前方數丈獨消釋, 掘之, 得玉馬,高尺許,口齒缺。 騰以馬者國姓,上送之,以爲瑞。然馬無齒則不得 是後騰爲汲桑所殺,而天下遂亂。

武帝泰始八年五月,蜀地雨白毛,此白祥也。 時益州刺史皇甫晏伐汶山胡,從事何旅

初。」又曰:「邪人進,賢人逃,天雨毛。」其<u>易妖曰:「天雨毛羽,貴人出走。」三占皆應</u>。 固諫,不從,牙門張弘等因衆之怨,誣晏謀逆,害之。 京房易傳曰:「前樂後憂,厥妖天雨

惠帝永寧元年,齊王冏舉義軍。 軍中有小兒、出於裏城繁昌縣,年八歲,髮體悉白,頗

能卜,於洪範,白祥也。

成帝咸康初,地生毛,近白祥也。 孫盛以爲人勞之異也。是後石季龍滅而中原向化,

將相皆甘心焉。於是方鎭屢革,邊戍仍遷,皆擁帶部曲,動有萬數。 其間征伐徵賦,役無寧

歲,天下勞擾,百姓疲怨。

咸康三年六月,地生毛。

孝武太元二年五月,京都地生毛,至四年而氐賊次襄國,圍彭城,向廣陵,征戍仍出,兵

連年不解。

太元十四年四月,京都地生毛。 是時苻堅滅後,經略多事,人勞之應也。 十七年四

月,地生毛。

安帝隆安四年四月乙未,地生毛,或白或黑。元興三年五月,江陵地生毛。 是後江陵

見襲,交戰者數矣。

義熙三年三月,地生白毛。 十年三月,ClioJ地生毛。 明年,王旅西討司馬休之。 叉明

年,北掃關洛。

#### 木沴金

魏齊王 正始末,河南尹李勝治聽事,有小材激墮,檛受符吏石彪頭,曰三斷之,此木沴金

志第十八 五行中

也。勝後旬日而敗。

惠帝元康八年五月,郊禖壇石中破爲二,此木沴金也。郊禖壇者,求子之神位,無故自

毁,太子將危之象也。 明年, 愍懷廢死。

意也。天戒若曰,安徒揚經略之聲,終無其實,鉦鼓不用之象也。月餘,以疾還而薨。 孝武帝太元十年四月,謝安出鎭廣陵,始發石頭,金鼓無故自破。此木沴金之異也,天

也。 知善惡,親近習,長同類,亡功者受賞,有罪者不殺,百官廢亂,失在舒緩,故其咎舒也。盛夏 不以色者,五色,物之大分也,在於眚祥,故聖人以爲草妖,失物柄之明者也。溫燠生蟲,故 行 日長、暑以養物、政弛緩、故其罰常燠也。燠則冬溫、春夏不和、傷病疾人、其極疾也。誅不 ·嬴蟲之孼,謂螟螣之類當死不死,當生而不生,或多於故而爲災也。</a>
劉歆以爲屬思心不 則霜不殺草,繇臣下則殺不以時,故有草妖。凡妖,貌則以服,言則以詩,聽則以聲。視 時則有羊禍,時則有目痾,時則有赤眚赤祥。惟水沴火。」視之不明,是謂不哲。哲,知 詩云:「爾德不明,以亡陪亡卿。不明爾德,以亡背亡側。」言上不明,暗昧蔽惑,則不能 (傳曰:「視之不明,是謂不哲,厥咎舒,厥罰恒燠,厥極疾。 時則有草妖,時則有蠃蟲之 於易,剛而苞柔爲離,離爲火,爲目。羊上角下蹄,剛而苞柔,羊大目而不精明,視氣

劉歆 赤,故有赤眚赤祥。[三] 凡視傷者,病火氣,火氣傷,則水沴之。 毁,故有羊禍。 視傳 日有羽蟲之孼,雞禍。 一日,暑歲羊多疫死,及爲怪,亦是也。及人,則多病目者,故有目痾。 說以爲於天文南方朱張爲鳥星,故爲羽蟲。 其極疾者順之, 其福 禍亦從羽,故 火色

爲雞。雞於易自在巽,說非是。

日二日 日也。」 罪不誅茲謂舒,其煥,夏則暑殺人,冬則物華實。 一祿不遂行茲謂欺,厥咎燠。 庶徵之恒燠、劉向 以爲春秋無冰也。 **其燠,雨雲四至而溫。** 小燠不書,無冰然後書,舉其大者也。 重過不誅茲謂亡徵,其咎當寒而燠盡六 臣安祿樂逸茲謂 亂, 燠而 生蟲。 京房易傳 知

校官,原逋責,除關梁,崇寬厚,此舒緩之應也。 吳孫亮建興元年九月,桃李華。 孫權世政煩賦重, 說桃李寒華爲草妖,或屬華孼。 人彫於役。 是時諸葛恪始輔政, 息

魏少帝景元三年十月,三三桃李華。時少帝深樹恩德,事崇優緩,此其應也。

汝南王亮及太保衞瓘,帝不能察。今非時草結實,此恒煥寬舒之罰。 惠帝元康二年二月,巴西郡界草皆生華,結子如麥,可食。 時帝初即位,楚王瑋矯詔誅

穆帝永和九年十二月,桃李華。 是時簡文輔政,事多弛略,舒緩之應也。

草氏

棃,根傷亦血出。帝惡之,遂寢疾,是月崩。 漢獻帝建安二十五年春正月,魏武帝在洛陽起建始殿,伐濯龍樹而血出,曰曰又掘徙 蓋草妖,又赤祥,是歲魏文帝黃初元年也。

吳孫亮五鳳元年六月,交阯稗草化爲稻。昔三苗將亡,五穀變種,此草妖也。其後

亮廢。

立者乎。蜀果亡,如周言,此草妖也。 具而授,若何復。」言曹者衆也,魏者大也,衆而大,天下其當會也。具而授,如何復有 蜀劉禪景耀五年,宮中大樹無故自折。 譙周憂之,無所與言,乃書柱曰:「衆而大,其之

天下亂,此湖開,天下平。吳尋亡而九服爲一。 吳孫皓天璽元年,吳郡臨平湖自漢末穢塞,是時一夕忽開除無草。長老相傳:此湖塞,

故初有黃龍之瑞。及其季年,而有鬼目之妖託黃狗之家。黃稱不改,而貴賤大殊,天道精 干寶日 東觀案圖,名鬼目作芝草,蕒菜作平慮,遂以胸爲侍芝郎,平爲平慮郎,皆銀印靑綬。 又有蕒菜生工吳平家,高四尺,如枇杷形,上圓,徑一尺八寸,莖廣五寸,兩邊生葉,綠 天紀三年八月, 建鄴有鬼目菜於工黃狗家生, 气 三依緣棗樹, 長丈餘, 莖廣四寸, 厚二 明年平吳,王濬止船正得平渚,姓名顯然,指事之徵也。 黃狗者, 吳以土運承漢,

微之應也。

惠帝元康二年春,巴西郡界竹生花,紫色,結實如麥,外皮青,中赤白,味甘。

能悟,故至廢戮也。」班固稱「野木生朝而暴長,小人將暴居大臣之位,危國亡家之象,朝將 |元康九年六月庚子,有桑生東宮西廂,日長尺餘,甲辰枯死。 此與殷太戊同妖,太子不

爲墟也」。是後孫秀、張林用事,遂至大亂。

篡位,鴆殺臧,此與愍懷同妖也。是月,壯武國有桑化爲柏,而張華遇害。 永康元年四月,立皇孫臧爲皇太孫。 五月甲子,就東宮,桑又生於西廂。 壯武,華之封 明年,趙王倫

爲哭聲,不祥之甚。是時京師虛弱,胡寇交侵,東海王越無衞國之心,四年冬季而南出,至民 其屍。是敗也,中原無所請命,洛京亦尋覆沒,桑哭之應也。 五年春薨于此城。石勸邀其衆,圍而射之,王公以下至衆庶,死者十餘萬人。又剖越棺,焚 孝懷帝永嘉二年冬,項縣桑樹有聲如解材,人謂之桑樹哭。案劉向說,「桑者喪也」,又

與之益,曰:「後當復有妖樹生,若瑞而非,辛螫之木也。 儻有此,東西數百里必有作逆者。」 及此木生,其後徐馥果作亂,亦草妖也。郭又以爲「木不曲直」。其七月,豫章郡有樟樹久 六年五月,無錫縣有四株茱萸樹,相樛而生,狀若連理。先是,郭景純筮延陵蝘鼠,遇

志

枯,是月忽更榮茂,與漢昌邑枯社復生同占。是懷愍淪陷之徵,元帝中興之應也

之世 並有此妖,而人貌備具,故其禍亦大。今此但如人面而已,故其變也輕矣。 明帝太寧元年九月,會稽剡縣木生如人面。 是後王敦稱兵作逆,禍敗無成。 昔漢哀成

吳雄家有死楡樹,是日因風雨起生,與漢上林斷柳起生同象。初,康帝爲吳王,于時雖改封 琅邪,而猶食吳郡爲邑,是帝越正體饗國之象也。 曲阿先亦吳地,象見吳邑雄之舍,又天 成帝咸和六年五月癸亥,曲阿有柳樹枯倒六載,是日忽復起生,至九年五月甲戌,吳縣

意乎!

歲,俄而哀帝崩,海西即位,未幾而廢,簡文越自藩王,入纂大業,登阼享國,又不踰二年,而 孝武嗣統。帝諱昌明,識者竊謂西昌修明之祥,帝諱實應焉。是亦與漢宣帝同象也。 哀帝興寧三年五月癸卯,廬陵西昌縣修明家有僵栗樹,是日忽復起生。時孝武年始四

生於楊、豈非永久之業將集危亡之地邪。是時張天錫稱雄於涼州、尋而降苻堅。 海西太和元年,江沿凉州楊樹生松。天戒若曰,松者不改柯易葉,楊者柔脆之木,今松

淫,厥妖木斷自屬。 妃后有專,木仆反立。」是時正道多僻,其後張夫人專寵,及帝崩, 兆庶 孝武太元十四年六月,建寧郡銅樂縣枯樹斷折,忽然自立相屬。京房易傳曰:「棄正作

歸咎張氏焉。

安帝元興三年,荆、江二州界竹生實,如麥。

亦草妖也。 義熙二年九月,揚武將軍營士陳蓋家有苦蕒菜,莖高四尺六寸,廣三尺二寸,厚三寸, 此殆與吳終同象。 識者以爲苦蕒者,買勤苦也。 自後歲歲征討,百姓勞苦,是

買苦也。十餘年中,姚泓滅,兵始戢,是苦蕒之應也。

義熙中,宮城上及御道左右皆生蒺藜,亦草妖也。 蒺藜有刺,不可踐而行。 生宮牆及

馳道,天戒若曰,人君不聽政,雖有宮室馳道,若空廢也,故生蒺藜。

## 羽蟲之孼

魏文帝黃初四年五月,有鵜鶘鳥集靈芝池。案劉向說,此羽蟲之孼,又青祥也。

薦舉,此所謂覩妖知懼者也。 鳥何爲而至哉!其博舉天下儁德茂才獨行君子,以答曹人之刺。」於是楊彪、管寧之徒咸見 「此詩人所謂汙澤者也。 曹詩『刺共公遠君子近小人』,今豈有賢智之士處于下位,否則斯 然猶不能優容亮直而多溺偏私矣。京房易傳曰「辟退有德,厥

妖水鳥集于國中」。

黄初元年,未央宮中又有燕生鷹,口爪俱赤,此與商紂、宋隱同象。

景初元年,又有燕生巨鷇於衞國李蓋家,形若鷹,吻似燕,此羽蟲之孼,又赤眚也。 高

志第十八 五行中

堂隆曰:「此魏室之大異,宜防鷹揚之臣於蕭牆之內。」其後宣帝起誅曹爽,遂有魏室

年,又集雒陽芳林園池。七年,又集。其夏,文帝崩。 漢獻帝建安二十三年,禿鶖鳥集鄴宮文昌殿後池。 景初末,又集芳林園池。 明年,魏武王薨。 魏文帝黃初三 已前再至,

輒有大喪,帝惡之。其年,明帝崩。

類矣。 能達 時諸葛亮連年動衆,志吞中夏,而終死渭南,所圖不遂。又諸將分爭,頗喪徒旅,鳥北飛不 墮 蜀 劉禪建興九年十月,江陽至江州有鳥從江南飛渡江北,不能達,墮水死者以千數。是, 水 死者,皆有其象也。亮竟不能過渭,又其應乎!此與漢時楚國烏鬭墮泗水粗

得居之象也。天戒若曰,宮室未成,將有他姓制御之,不可不深慮。」於是帝改顏動色。 帝以問高堂隆,對曰:「詩云『惟鵲有巢,惟鳩居之』,今興起宮室而鵲來巢,此宮室未成身不 景初元年,陵霄闕始構,至了有鵲巢其上。鵲體白黑雜色,此羽蟲之壁,又白黑祥也。

將相 此 羽 俱 蟲之孼,又黑祥也。 吳孫權赤烏十二年四月,有兩烏銜鵲墮東館,權使領丞相朱據燎鵲以祭。案劉歆說, 了殆,覩妖不悟,加之以燎,昧道之甚者也。明年,太子和廢,魯王<u>霸賜死,朱據左遷,陸</u> 東館,典教之府,鵲墮東館,又天意乎? 視不明、聽不聰之罰也。是時權意溢德衰,信讒好殺,二子將危,

議憂卒,是其應也。

吳孫權太元二年正月,封前太子和爲南陽王,遣之長沙,有鵲巢其帆檣。 和故宮僚聞

之,皆憂慘,以爲檣末傾危,非久安之象。是後果不得其死。

帝時有五色大鳥,司馬彪云:「政道衰缺,無以致鳳,乃羽蟲孼耳。」孫亮未有德政,孫峻縣暴 孫亮建興二年十一月,有大鳥五見于春申,吳人以爲鳳皇。明年,改元爲五鳳。 漢桓

方甚,此與桓帝同事也。 案瑞應圖,大鳥似鳳而爲孼者非一,宜皆是也。

孫晧建衡三年,西苑言鳳皇集,以之改元,義同於亮。

武帝泰始四年八月,有翟雉飛上閶闔門。天戒若曰,閶闔門非雉所止,猶殷宗雉登鼎

耳之戒也。

宮、密籠鳥、幷閉小兒戶中,明日視之、悉不見。 積日,宮西有小兒見之,逆自言曰:「服留鳥翳。」持者即還白倫,倫使更求,又見之,乃將入 留者,謂倫留將服其罪也。 惠帝永康元年,趙王倫旣篡,京師得異鳥,莫能名。 尋而 倫誅。 此羽蟲之孼。 倫使人持出,周旋城邑市以問人。 時趙王倫有目瘤之疾,言服

此 同 之謂乎! 日集之者,趙王倫不當居此位也。 詩云:「鵲之强强,鶉之奔奔,人之無良,我以爲君。」 其 趙王倫篡位,有鶉入太極殿,雉集東堂。天戒若曰,太極東堂皆朝享聽政之所,而鶉雉 尋而 倫 滅。

志第十八 五行中

此羽 孝懷帝永嘉元年二月,洛陽東北步廣里地陷,有蒼白二色鵝出,蒼者飛翔沖天,白者上 過之壁,又黑白祥也。陳留董養曰:「步廣,周之狄泉,盟會地也。 白者,金色,國

也。 蒼爲胡象,其可盡言乎?」是後,劉元海、石勒相繼亂華。

一集市北家人舍,亦獲焉。此羽蟲之孼,又黑祥也。 太寧三年八月庚戌,有大鳥二,蒼黑色,翼廣一丈四尺,其一集司徒府,射而殺之, 及閏月戊子而帝崩,後遂有蘇峻、祖

約之亂。

成帝咸和二年正月,有五鷗鳥集殿庭,此又白祥也。是時庾亮荷違衆謀,將召蘇峻,有

言不從之咎,故白祥先見也。三年二月,峻果作亂,宮掖焚毁,化爲汙萊,此其應也。 咸康 八年七月,有白鷺集殿屋。是時康帝始即位,不永之祥也。後涉再期而帝崩。

案

劉向曰:「野鳥入處,宮室將空。」此其應也。

海西 初 以興寧三年二月即位,有野雉集于相風。此羽蟲之孼也。尋爲桓溫所廢 也。

十九 孝武 年正月鵲又巢其西門。 帝太元十六年六月,鵲巢太極東頭鵄尾,又巢國子學堂西頭。十八年東宮始成, 此殆與魏景初同占。 學堂,風敎之所聚,西頭,又金行之祥。

及帝崩後,安皇嗣位,桓玄遂篡,風敎乃穨,金行不競之象也。

安帝義熙三年,龍驤將軍朱猗戍壽陽。 **婢炊飯,忽有羣烏集竈,競來啄噉,婢驅逐不** 

有獵狗咋殺兩鳥,餘鳥因共啄殺狗,又噉其肉,唯餘骨存。 此亦羽蟲之孼,又黑祥也。

明年六月,猗死,此其應也。

羊禍

成帝咸和二年五月,司徒王導廏羊生無後足,此羊禍也。 京房易傳曰「足少者,下不

勝任也。」明年,蘇峻破京都,導與帝俱幽石頭,僅乃得免,是其應也。

赤眚赤祥

公孫文懿時,襄平北市生肉,長圍各數尺,有頭目口喙,無手足而動搖,此赤祥也。 占

曰:「有形不成,有體不聲,其國滅亡。」文懿尋爲魏所誅。

吳戍將鄧喜殺猪祠神,治畢懸之,忽見一人頭往食肉,喜引弓射中之,咋咋作聲,繞屋

三日,近赤祥也。 後人白喜謀北叛,闔門被誅。 京房易傳曰:「山見葆,江于邑,邑有兵,狀

如人頭,赤色。」

武帝太康五年四月壬子,魯國池水變赤如血。 七年十月,河陰有赤雪二頃。此赤祥

也。是後四載而帝崩,王室遂亂。

八六五

志

惠帝元康五年三月,呂縣有流血,東西百餘步,此赤祥也。至元康末,窮凶極亂,僵屍

流血之應也。干寶以爲「後八載而封雲亂徐州,殺傷數萬人」,是其應也。

是王室成釁,禍流天下。淖齒殺齊湣王日,天雨血霑衣,天以告也,此之謂乎。京房易傳 幽于許宮。天戒若曰,不宜緩恣姦人,將使太子冤死。惠帝愚眊不寤,是月愍懷遂斃。於 人祿,功臣戮,天雨血也。」 曰:「歸獄不解,茲謂追非,厥咎天雨血,茲謂不親,下有惡心,不出三年,無其宗。」又曰:「佞 永康元年三月,尉氏雨血。夫政刑舒緩,則有常煥赤祥之妖。此歲正月,送愍懷太子

純曰:「血者水類,同屬于坎。、坎爲法象,水平潤下,不宜逆流。 此政有咎失之徵也。」 伯,血逆流上柱二丈三尺,此赤祥也。是時,後將軍褚裒鎭廣陵,宣忍丞相揚聲北伐,伯以督 佐莫之理。及有變,司直彈劾衆官,元帝不問,遂頻旱三年。于寶以爲冤氣之應也。 兵家之勢,先聲後實,實是屯戍,非爲征軍。自四年已來,運漕稽停,皆不以軍興法論。」僚 運稽留及役使贓罪,依軍法戮之。其息訴稱:「督運事訖,無所稽乏,受賕役使,罪不及死。 愍帝建興元年十二月,河東地震,雨肉。 四年十二月丙寅,丞相府斬督運令史淳于

而去。流星起于牽牛,入紫微,龍形委蛇,其光照地,落于平陽北十里。 視之則肉,臭聞于 劉 聰偽建元元年正月,平陽地震,其崇明觀陷爲池,水赤如血,赤氣至天,有赤龍奮迅

聰旣自稱劉姓,三后又俱劉氏,逆骨肉之綱,亂人倫之則。隕肉諸妖,其眚亦大。 害人而走。尋之不得,頃之見於隕肉之旁。 平陽,長三十步,廣二十七步。肉旁常有哭聲,晝夜不止。 是時,劉聰納劉殷三女,並爲其后。天戒若日, 數日,聰后劉氏產一蛇一獸,各 俄而劉氏

校勘記

死,哭聲自絕

- [1] 其福曰康寧 原無「曰」字,今據漢志中之上補。
- [二] 王霸會于戌 | 李校"[王霸]當作「五霸」,宋志不誤。
- J ] 踰月而不能濟水 | 斠注:宋志無「水」字。
- 24 北中郎劉遐及淮陵內史蘇峻 校文:「郎」下脫「將」字,「淮陵」當作「臨淮」,二人本傳及帝紀

可證。料注:宋志有「將」字。

- ハベン 万五山 李憙 庾晞至 「憙」,各本誤作「熹」,今從宋本,與本傳合。 其聲悲切 此是司馬晞事,見世說黜免注引司馬晞傳。
- アキコ 元帝 建武元年 「元帝」原誤作「愍帝」,而「建武」爲一一帝年號,今據搜神記改。
- C < 〕 楚王小字也 < 校文: 「王」下宋志有「彪」字。

志第十八 校勘記

- 八九山 永安二年 「二年」,各本作「三年」,今從宋本。 册府八九四、吳志孫皓傳引搜神記、宋志二俱
- 揚州士至太平矣 「士」,各本誤作「土」,今從宋本,與吳志孫晧傳、宋志二合。「矣」,吳志作
- $\subseteq$ 天子何在豆田中 類聚八五、御覽八四一引王隱晉書作「天子在何許?近在豆田中」。
- $\subseteq$ 一石武 「武」、朱志二作「虎」。「石虎」爲原名、朱志爲河北謠原文,唐人避諱改「虎」爲「武」。
- 不滿斗升平不至十年也 公」十九字。「不滿斗」,釋上隆和初一謠;「無聊生」,釋改年後一謠。本志及宋志二疑有脫文。 册府八九四此下有「無聊 生 謂哀帝葬晏駕也。 後桓溫入朝廢海西
- 曲中 校文"「中」當從宋志作「終」。
- 至 京口謠曰 各本無「曰」字,今從宋本,與册府八九四合。
- 盧龍 御覽卷一〇〇〇引中興書作「盧循」。循小字元龍、盧龍蓋「盧元龍」之省。
- 孫盛至夫秀孝 以爲吉祥也。疑此處「以爲吉祥」四字本在「孫盛」上、而「盛」下脫一「曰」字。 李校:宋志作「孫盛曰: 夫秀孝」云云,無「以爲吉祥」四字。玩下文義、盛固不
- 張懋 元紀、宋志二作「張茂」,但占經一一九引中興書亦作「張懋」。
- (12) 八十日玄敗亡焉 據安紀,桓玄以元興二年八月稱楚王,三年三月己未潰敗。相距約百八十

# 日、疑此「八十日」上脫一百」字。

- 十年三月 「十年」原作「十三年」。校文:帝紀、劉裕討休之在十一年春、志旣云「明年王旅西
- 討」,則當從宋志作「十年」乃合。按:御覽八八〇引正作「十年」,今據删「三」字。
- 檛受符吏石彪頭 各本無「吏」字,今從殿本。「石彪頭」,宋志二作「石虎項」。

|李校:「赤祥」上脫「赤眚」二字。今依漢志中之下增。下文有「赤眚赤祥」|

目,尤可證。

故有赤管赤祥

- 魏少帝景元三年 「少」,下同。 「少帝」原作「文帝」。校文:景元爲陳留王年號。今據宋志三改「文」爲
- [三] 濯龍 校文二:「龍」下脫「祠」字。
- [三六] 四年冬季而南出 <u>斠注:「季」當從宋志作「委」。</u> [三] 於工黃狗家生 各本「於」作「生」,今從宋本。
- 宝 太和元年 「元」、各本誤作「九」、太和無九年、今從宋本。
- [三八] 陵霄闕 搜神記作「凌霄閣」。
- 是時後將軍褚裒鎭 字。 以元四 王傅及建武元年帝紀考之、疑本琅邪王裒事。 廣陵 據褚裒傳推算,裒此時年僅十歲,不能領軍出鎮,此「褚」字恐是譌

第十八 校勘記

志

# 晉書卷二十九

## 志第十九

#### 五行下

者,病水氣,水氣病,則火沴之。 常寒也。寒則不生百穀,上下俱貧,故其極貧也。 豕多死及爲怪,亦是也。及人,則多病耳者,故有耳痾。水色黑,故有黑眚黑祥。凡聽傷 聰,下情隔塞,則謀慮利害,失在嚴急,故其咎急也。 死,極陰之孼也。於易,坎爲水,爲豕,豕大耳而不聰察,聽氣毀,故有豕禍也。 氣發於音聲,故有鼓妖。 則有豕禍,時則有耳痾,時則有黑眚黑祥。 傳曰:「聽之不聰,是謂不謀,厥咎急,厥罰恒寒,厥極貧。 寒氣動,故有魚擘。而龜能爲擘,龜能陸處,非極陰也, 其極貧者,順之,其福曰富。 惟火沴水。」聽之不聰,是謂不謀,言上偏聽不 君嚴猛而閉下,臣戰慄而塞耳,則妄聞之 盛冬日短,寒以殺物,政促迫,故其罰 劉歆聽傳日有介蟲之孼也。 時則有鼓妖,時則有魚擘,時 魚去水而 日,寒歲

志

十九

五行下

害正不誅茲謂養賊,寒七十二日,殺飛禽。道人始去茲謂傷,其寒,物無霜而死,涌水而出。 罰 也。 庶徵之恒寒,劉歆以爲大雨雪,及未當雨雪而雨雪,及大雨雹,隕霜殺菽 京房易傳曰:「有德遭險茲謂逆命,厥異寒。誅罰過深,當燠而寒,盡六日,亦爲雹。 草,皆恒寒之

戰不量敵茲謂辱命,其寒,雖雨物不茂。聞善不予,厥咎聾。」

麥。誅不原情茲謂不仁,其霜,夏先大雷風,冬先雨,乃隕霜,有芒角。賢聖遭害,其霜附木 未可以傷穀也。 壹後亦伏誅。 京房易傳曰:「興兵妄誅茲謂亡法,厥災霜,夏殺五穀,冬殺 時,校事呂壹專作威福,與漢元帝時石顯用事隕霜同應。班固書九月二日,陳壽言朔,皆明 不下地。佞人依刑茲謂私賊,其霜在草根土隟間。不敎而誅茲謂虐,其霜反在草下。」 吳孫權嘉禾三年九月朔,隕霜傷穀。案劉向說,「誅罰不由君出,在臣下之象也」。是

應也。 臣,排陷無辜。 匹 年七月,雨雹,又隕霜。案劉向說,「雹者,陰脅陽也」。是時,呂壹作威用事,詆毀重 漢安帝 信讒,多殺無辜,亦雨雹。董仲舒曰:「凡雹皆爲有所脅,行專一之政故也。」 自太子燈以下咸患毒之,而壹反獲封侯寵異,與春秋時公子遂專任雨雹同

赤烏 ,戰死者千餘人。其後,權以讒邪數責讓陸議,議憤恚致卒,與漢景武大雪同事。 四年正月,大雪,平地深三尺,鳥獸死者太半。是年夏,全琮等四將軍攻略淮南、

十一年四月,雨雹。 是時,權聽讒,將危太子。其後,朱據、屈晃以迕意黜辱,陳正、陳

像以忠諫族誅,而太子終廢。 此有德遭險、誅罰過深之應也。

武 帝泰始六年冬,大雪。 七年十二月,又大雪。 明年,有步闡、楊肇之敗,死傷甚衆,不

聰之罰也。

九年四月辛未、隕霜。是時、賈充親黨比周用事、與魯定公、漢元帝時隕霜同應也。

隕霜 傷穀。 咸寧三年八月,平原、安平、上黨、泰山四郡霜,害三豆。是月,河間暴風寒冰,郡國五 是後大舉征吳,馬隆又帥精勇討涼州。 五年五月丁亥,鉅鹿、魏郡雨雹,傷禾

霜,傷秋麥千三百餘頃,壞屋百二十餘間。 麥。 壬子,新興又雨雹。 八月庚子,河南、河東、弘農又雨雹,兼傷秋稼三豆 辛卯,雁門雨雹,傷秋稼。六月庚戌,汲郡、廣平、陳留、滎陽雨雹。 癸亥,安定雨雹。 七月丙申,魏郡又雨雹。 丙辰, 又雨雹, 隕 閏月

麥豆。 上黨、雁門、濟南雨雹,傷禾麥三豆。是時王濬有大功,而權戚互加陷抑,帝從容不斷,陰脅 太康元年三月,河東、高平霜雹,傷桑麥。 是月庚午,畿內縣二及東平、范陽雨雹。 癸酉,畿內縣五叉雨雹。 四月,河南、河內、河東、魏郡、弘農雨雹,傷 五月,東平、平陽、

霜,害桑。五月丙戌,城陽、章武、琅邪傷麥。 二年二月辛酉,隕霜于濟南、琅邪,傷麥。 庚寅,河東、樂安、東平、濟陰、弘農、濮陽、**齊** 壬申,琅邪雨雹,傷麥。 三月甲午,河東隕

陽之應也

志

+

九

五

行下

國、頓丘、魏郡、河內、汲郡、上黨雨雹,傷禾稼。 六月,郡國十七雨雹。 七月,上黨雨雹。

三年十二月,大雪。

五年七月乙卯,中山、東平雨雹,傷秋稼。甲辰,中山雨雹。九月,南安大雪,折木。

縣,琅邪臨沂等八縣,河間易城等六縣,高陽北新城等四縣隕霜,口傷桑麥。六月,滎陽、 六年二月,東海隕霜,傷桑麥。三月戊辰,齊郡臨淄、長廣不其等四縣,樂安梁鄒等八

汲郡、鴈門雨雹。

八年四月,齊國、天水二郡隕霜。十二月,大雪。 九年正月,京都大風雨雹,發屋拔

木。四月,隴西隕霜。 十年四月,郡國八隕霜。

惠帝元康二年八月,沛及蕩陰雨雹。 三年四月,滎陽雨雹。六月,弘農湖、三華陰又

雨雹,深三尺。是時,賈后凶淫專恣,與春秋魯桓夫人同事,陰氣盛也。

五年六月,東海雨雹,深五寸。十二月,丹楊建鄴雨雹。是月,丹楊建鄴大雪。

三月,東海隕雪,殺桑麥。 七年五月,魯國雨雹。七月,秦、雍二州隕霜,殺稼也。

九年三月旬有八日,河南、滎陽、潁川隕霜,傷禾。五月,雨雹。是時,賈后凶躁滋甚,

及冬,遂廢愍懷。

|永寧元年七月,襄城、河南雨雹。十月,襄城、河南、高平、平陽又風雹,折木傷稼。

光熙元年閏八月甲申朔,霰雪。 劉向曰:「盛陽雨水,傷熱,陰氣脅之,則轉而爲雹。 盛

陰雨雪,疑滯,陽氣薄之,則散而爲霰。今雪非其時,此聽不聰之應。」是年,帝崩。

孝懷帝永嘉元年十二月冬,雪,平地三尺。 七年十月庚午,大雪。

元帝太興二年三月丁未,成都風雹,殺人。 三年三月,海鹽雨雹。 是時,王敦陵上。

永昌二年十二月,幽、冀、弁三州大雨

明帝太寧元年十二月,幽、冀、抖三州大雪。 二年四月庚子,京都雨雹,灩雀死。

三年三月丁丑,雨雪。癸巳,隕霜。 四月,大雨雹。 是年,帝崩,尋有蘇峻之亂

成帝咸和六年三月癸未,雨雹。是時,帝幼弱,政在大臣。 九年八月,成都大雪。

咸康二年正月丁巳,皇后見于太廟,其夕雨雹。

康帝建元元年八月,大雪。 是時,政在將相,陰氣盛也。 劉向日"「凡雨陰也,雪又雨之

陰也。 出 非其時,迫近象也。」

穆帝永和二年八月,冀方大雪,人馬多凍死。 五年六月、臨漳暴風震電、雨雹、大如升。

十年五月,涼州雪。明年八月,張祚枹罕護軍張瓘率朱混等攻滅祚,更立張耀靈弟玄

靚。 京房易傳曰:「夏雪,戒臣爲亂。」此其亂之應也。

志 第

+ 九

五 行 下

八七六

十一年四月壬申朔、霜。十二月戊午、雷。己未、雪。 是時帝幼,母后稱制,政在大臣,

陰盛故也。

升平二年正月,大雪。

海西太和三年四月,雨雹,折木。四

<u>|孝武||太元二年四月已酉,雨雹。十二月,大雪。是時帝幼,政在將相,陰之盛也。</u>

十二年四月己丑,雨雹。 二十年五月癸卯,上虞雨雹。

二十一年四月丁亥,雨雹。是時,張夫人專寵,及帝暴崩,兆庶尤之。十二月,雨雪二

十三日。是時嗣主幼沖,冢宰專政。

安帝隆安二年三月乙卯,雨雹。是秋,王恭、殷仲堪稱兵內侮,終皆誅之也。

元興二年十二月,酷寒過甚。是時,桓玄篡位,政事煩苛。 識者以爲朝政失在舒緩,玄

則反之以酷。案劉向曰:「周襄無寒歲,秦滅無燠年。」此之謂也。 三年正月甲申,霰雪又雷。 雷霰同時, 皆失節之應也。 四月丙午,江陵雨雹。

是時,

安帝蒙塵。

義熙元年四月壬申,雨雹。 是時,四方未一,鉦鼓日 戒。

五年三月已亥,雪,深數尺。五月癸巳,溧陽雨雹。 九月己丑,廣陵雨雹。 明年,盧循

**六年正月丙寅**,雪又雷。 五月壬申,雨雹。

八年四月辛未朔,雨雹。六月癸亥,雨雹,

大風發屋。是秋,誅劉蕃等。[5]

十年四月辛卯,雨雹。

#### 雷震

魏明帝景初中,洛陽城東橋、城西洛水浮橋桓楹同日三處俱時震。云尋又震西城上候

風木飛鳥。「引時勞役大起,帝尋晏駕。

吳孫權赤烏八年夏,震宮門柱,又擊南津大橋桓楹。

孫亮建興元年十二月朔,大風震電。 是月,又雷雨。 義同前說,亮終廢。

武帝太康六年十二月甲申朔,淮南郡震電。 七年十二月己亥,毗陵雷電, 南沙司鹽

都尉戴亮以聞 十年十二月癸卯,廬江、建安雷電大雨。

輔,龍樹私戚,與漢桓帝 惠帝永康元年六月癸卯,震崇陽陵標西南五百步,標破爲七十片。 時震憲陵寢同事也。 后終誅滅。 是時,賈后陷害鼎

|永興二年十月丁丑, 雷震。

志第十九 五行下

懷帝永嘉四年十月,震電。

庚午,大雪。案<u>劉向</u>說,「雷以二月出,八月入」。今此月震電者,陽不閉藏也。 日便大雪,皆失節之異也。是時,劉載僭號平陽, [5] 李雄稱制於屬,九州幅裂,西京孤微, 愍帝建興元年十一月戊午,會稽大雨震電。己巳夜,赤氣曜於西北。是夕,大雨震電。 旣發泄而明

爲君失時之象也。赤氣,赤祥也。

元帝太興元年十一月乙卯、暴雨雷電。

永昌二年七月丙子朔,至重震太極殿柱。十二月,會稽、吳郡雷震電。

成帝咸和元年十月己已,會稽郡大雨震電。 三年六月辛卯,Clol臨海大雷,破郡府內

小屋柱十枚,殺人。 九月二日壬午立冬, 會稽雷電。 四年十一月,吳郡、會稽又震電

穆帝永和七年十月壬午,雷雨震電。 |升平元年十一月庚戌、雷。乙丑、又雷。 五年十

月庚午,雷發東南方。

方。 孝武帝太元五年六月甲寅、雷震含章殿四柱,并殺內侍二人。 十四年七月甲寅、雷震,燒宣陽門西柱。 十年十二月,雷聲在南

安帝隆安二年九月壬辰,雷雨。

元興三年,永安皇后至自巴陵,將設儀導入宮,天雷震,人馬各一俱殪焉。

帝爲太子時所造次,故號太子池。 及安帝多病,患無嗣,故天震之,明無後也。 丙寅,雷,又雪。 十二月壬辰,大雷。 東鴟尾, 徹柱, 又震太子<u>西</u>池合堂。是時, 帝不親燕嘗, 故天震之, 明簡宗廟也。 |義熙四年十一月辛卯朔,西北方疾風發。癸丑,雷。五年六月丙寅,5113雷震太廟,破 九年十一月甲戌、雷。乙亥、叉雷。 西池是明 六年正月

鼓妖

惠帝元康九年三月,有聲若牛,出許昌城。十二月,廢愍懷太子,幽于許宮。 明年,賈

后遣黃門孫慮殺太子,擊以藥杵,聲聞于外,是其應也。 蘇峻在歷陽外營,將軍鼓自鳴,如人弄鼓者。 峻手自破之,日:「我鄉土時有此,則城空

矣。」俄而作亂夷滅,此聽不聰之罰也。

季龍遣人打落兩耳

及尾,鐵釘釘四 石季龍末,洛陽城西北九里,石牛在青石趺上,忽鳴,聲聞四十里。 脚。 尋而季龍死

於臣。 孝武太元十五年三月己酉朔,東北方有聲如雷。 無 ·雲而雷,此君不恤於下,下人將叛之象也」。 及帝崩而天下漸亂,孫恩、桓玄交陵 案劉向說,以爲「雷當託於雲,猶君託

志第十九 五行下

京邑。

吳興長城夏架山有石鼓,長丈餘,面逕三尺所,下有盤石爲足,鳴則聲如金鼓,三吳有

魚孼

兵。

至安帝隆安中大鳴,後有孫恩之亂

公兵禍之應。 屋,介鱗之物,失其所也。邊將其殆有弃甲之變乎!後果有東關之敗。干寶又以爲高貴鄉 魏齊王嘉平四年五月,有二魚集于武庫屋上,此魚孼也。 王肅曰:「魚生於水,而亢於 二說皆與班固旨同

亂搆矣。」京房易傳曰:「魚去水,飛入道路,兵且作。」 旣極陰,屋上太陽,魚見屋上,象至陰以兵革之禍干太陽也。至惠帝初,誅楊駿,廢太后,矢 武帝太康中,有鯉魚二見武庫屋上。一寶以爲、「武庫兵府,魚有鱗甲,亦兵類也。 元康末,賈后謗殺太子,尋亦誅廢。十年之間,母后之難再興,是其應也,自是禍

蝗蟲

魏文帝黃初三年七月、冀州大蝗、人飢。案蔡邕說、「蝗者,在上貪苛之所致也」。是時, 春秋、螽。劉歆從介蟲之擘、與魚同占。

孫權歸順,帝因其有西陵之役,舉大衆襲之,權遂背叛也。

武帝泰始十年六月,蝗。是時,荀、賈任政,疾害公直。

惠帝永寧元年,郡國六蝗。

懷帝永嘉四年五月,大蝗,自幽、幷、司、冀至于秦雍,草木牛馬毛鬣皆盡。 是時,天下

兵亂,漁獵黔黎,存亡所繼,惟司馬越、苟晞而已。競爲暴刻,經略無章,故有此孼。

愍帝建興四年六月,大蝗。 去歲劉曜頻攻北地、馮翊,麴允等悉衆御之,卒爲劉曜所

破,西京遂潰。 五年,帝在平陽,司、冀、靑、雍螽。

月,東海、彭城、下邳、臨淮 元帝太興元年六月,蘭陵合鄉蝗,害禾稼。乙未,東莞蝗蟲縱廣三百里,害苗稼。七 四郡蝗蟲害禾豆。八月,冀、靑、除三州蝗,食生草盡,至于二年。

是時,中州淪喪,暴亂滋甚也。

西諸郡蝗,吳郡百姓多餓死。 二年五月,淮陵、臨淮 、淮南、安豐、廬江等五郡蝗蟲食秋麥。 是年,王敦幷領荆州,苛暴之釁自此興矣。 是月癸丑,徐州及揚州江

年五 .護軍及東宮,後尋散亡殆盡。 月,飛蝗從南來,集堂邑縣界,害苗稼。 孝武帝太元十五年八月,兗州蝗。 又邊將連有征役,故有斯孼。 是時,慕容氏逼河南,征戍不已,故有斯孼。 是年春,發江州兵營甲士二千人,家口六七千,

志 第 + 九 五 行 配

來入宫室,宮室將空」,又其象也。 泄,奉時雖已死,皓追討穀陽事,殺其子溫,家屬皆遠徙,豕禍之應也。龔遂曰,「山野之獸, 問怒,斬其導軍。及舉大衆北出,奉及萬彧等相謂曰:「若至華里,不得不各自還也。」此謀 吳孫噹寶鼎元年,野豕入右大司馬丁奉營,此豕禍也。 後奉見遣攻穀陽,無功而反。

狄象。 不寤,遂欲迎天子令諸侯,俄爲元帝所敗,是其應也。石勸亦尋渡淮,百姓死者十有其九。 懷帝永嘉中,壽春城內有豕生兩頭而不活,周馥取而觀之。時識者云:「豕,北方畜,胡 兩頭者,無上也。生而死,不遂也。天戒若日,勿生專利之謀,將自致傾覆也。」周馥

元帝建武元年,有豕生八足,此聽不聰之罰,又所任邪也。是後有劉隗之變。

曰:「豕生人頭豕身者,危且亂。今此猳豕而產,異之甚者也。」 成帝咸和六年六月,錢唐人家猳豕產兩子,而皆人面,如胡人狀,其身猶豕。京房易妖

身八足,並與建武同妖也。是後,宰相沈酗,不恤朝政,近習用事,漸亂國綱,至於大壞也。 孝武帝太元十年四月,京都有豚一頭二脊八足。 十三年,京都人家豕產子,一頭二

### 黑眚黑祥

孝懷帝永嘉五年十二月,黑氣四塞,近黑祥也。帝尋淪陷,王室丘墟,是其應也。

愍帝建興二年正月已巳朔,黑霧著人如墨,連夜,五日乃止,此近黑祥也。 其四年,帝

#### 降劉曜。

元帝永昌元年十月,京師大霧,黑氣蔽天,日月無光。十一月,帝崩。

#### 火沴水

武帝太康五年六月,任城、魯國池水皆赤如血。 案劉向說,近火沴水,聽之不聰之罰

也。 京房易傳曰:「君淫於色,賢人潛,國家危,厥異水流赤。」

穆帝升平三年二月,凉州城東池中有火。 四年四月,姑臧澤水中又有火。

此火沴水

之妖也。 明年,張天錫殺中護軍張邕。 邕,執政之人也。

安帝元興二年十月,錢唐臨平湖水赤,桓玄諷吳郡使言開除以爲己瑞,俄而桓玄敗。

則 有華壁,時則有牛禍,時則有心腹之痾,時則有黃眚黃祥,時則有金木水火沴土。」思心不 **漂日:「思心之不容,是謂不聖,厥咎霧,厥罰恒風,厥極凶短折。** 時則有脂夜之妖,時

志

第十

九

五行下

凶,禽獸曰短,草木曰折。一曰,凶,夭也,兄喪弟曰短,父喪子曰折。在人,腹中肥而包裹 寬大包容,臣下則不能居聖位。貌言視聽,以心爲主,四者皆失,則區霧無識,故其咎霧也。 容,是謂不聖。思心者,心思慮也。容,寬也。孔子曰:「居上不寬,吾何以觀之哉」」言上不 所诊,明其異大也。其極凶短折者,順之,其福曰考終命。劉歆思心傳曰:「時有嬴蟲之孽, 病,則金木水火沴之,故曰時則有金木水火沴土。不言「惟」而獨曰「時則有」者,非一衝氣 及人,則多病心腹者,故有心腹之痾。土色黃,故有黃眚黃祥。凡思心傷者,病土氣,土氣 易、坤爲土、爲牛。牛大心而不能思慮、心氣毀、故有牛禍。一曰、牛多死及爲怪、亦是也。 木復華,故有華擘。」一日,地氣盛則秋冬復華。一日,華者色也,土爲內事,謂女擘也。於 劉向以爲:「於易,巽爲風,爲木。卦在三月四月,繼陽而治,主木之華實。風氣盛至,秋冬 象也。一曰,夜妖者,雲風並起而杳冥,故與常風同象也。溫而風則生螟螣,有裸蟲之孼。 心者、脂也。心區霧則冥晦、故有脂夜之妖。一曰、有脂物而夜爲妖、若脂夜汚人衣、淫之 雨旱寒燠,亦以風爲本,四氣皆亂,故其罰恒風也。恒風傷物,故其極凶短折也。傷人曰

謂螟螣之屬也。」

魏齊王正始九年十一月,大風數十日,發屋折樹。十二月戊午晦尤甚,動太極東閤

謂 也。 政作淫茲謂惑,厥風溫,螟蟲起,害有益人之物。 **眊,厥**風 不長,雨 執 風 絕經 政 無澤,厥 後踰 嘉平元 之憂也。 紀 與雲俱起,折五穀莖。 小而傷。 旬而 止即溫,溫即蟲。 風不搖木,旱無雲,傷禾。 年正月壬辰朔,西北大風,發屋折樹木,昏塵蔽天。案管輅說,此爲時刑大臣, 是時,曹爽區霧自專,驕僭過度,天戒數見,終不改革,此思心不睿,恒風之罰 爽等誅滅。 政悖德隱茲謂亂,厥風先風不雨,大風暴起,發屋折木。守義不進茲謂 京房易傳曰:「衆逆同志,至德乃潛,厥異風。其風也,行不解,物 侯專封茲謂不統,厥風疾而樹不搖,穀 臣易上政茲謂不順,厥風 公常於利茲謂亂,厥 諸侯不朝茲謂畔,厥風無恒,地變赤,雨 大猋發屋。 風微而溫, 不成。 賦斂不理茲謂禍,厥 生蟲 蝗,害五穀。 辟不思道利茲

吳城兩門飛落。CI三案華覈對,役繁賦重,區霧不容之罰也。 吳孫權太元元年八月朔,大風,江海涌溢,平地水深八尺,拔高陵樹二千株,石碑蹉動, 明年,權薨

孫 亮建興元年十二月丙申,大風震電。 是歲,魏遣大衆三道來攻,諸葛恪破其東興軍,

一軍亦退。 孫休永安元年十一月甲午,風四轉五復,蒙霧連日。 明年,恪又攻新城,喪衆太半,還,伏誅。

志

第

+

九

五行下

八八五

是時,孫綝一門五侯,

權傾吳主,

風霧之災,與漢五侯、丁、傅同應也。十二月丁卯夜,有大風,發木揚沙。 明日,綝誅

武帝泰始五年五月辛卯朔,廣平大風,折木。

咸寧元年五月,下邳、廣陵大風,壞千餘家,折樹木。其月甲申,廣陵、司吾、下邳大風,

折木。[1] 三年八月,河間大風,折木。

太康二年五月,濟南暴風,折木,傷麥。六月,高平大風,折木,發壞邸閣四十餘區。七

八年六月,郡國八大風。

九年正月,京都風雹,發屋拔樹。後

一年,宮車晏駕。

**月**,上黨又大風,傷秋稼。

惠帝元康四年六月,大風雨,拔木。 五年四月庚寅夜、暴風、城東渠波浪殺人。七月、

下邳大風,壞廬舍。 九年六月,飆風吹賈謐朝服飛數百丈。 九月、雁門、新興、太原、上黨災風傷稼。 明年,艦誅。十一月甲子朔,京都連大風,發屋 明年,氐羌反叛,大兵西討。

折木。十二月、愍懷太子廢、幽于許昌。

**朔**,大風從西北來,折木飛沙石,六日止。 明年正月,趙王倫篡位。 電,幃蓋飛裂。 永康元年二月,大風拔木。三月,愍懷被害。己卯,喪柩發許昌還洛。 四月,張華第舍飆風起,折木飛繒,折軸六七。 是月,華遇害。十一月戊午 是日,又大風雷

永寧元年八月,郡國三大風。

永興元年正月乙丑,西北大風。 趙王倫建始元年正月癸酉,趙王倫祠太廟,災風暴起,

廛四合。 其年四月,倫伏辜。

其風縱橫無常,若風自八方來者。是時,王敦專權,害尙書令刁協、 元帝永昌元年七月丙寅,大風拔木,屋瓦皆飛。 八月,暴風壞屋,拔御道柳樹百餘株。 僕射周顗等,故風縱橫

**若非一處也。此臣易上政,諸侯不朝之罰也。** 十一月,宮車晏駕。

康帝建元元年七月庚申、日四晉陵、吳郡災,風。

成帝咸康四年三月壬辰,成都大風,發屋折木。

四月,李壽襲殺李期,自立。

穆帝升平元年八月丁未,策立皇后何氏。是日,疾風。 後桓玄篡位,乃降后爲零陵縣

君,不睿之罰也。 五年正月戊戌朔,日吾疾風

海西公太和六年二月,大風迅急,是年被廢。

憂恐,斯不睿之徵也。 孝武帝寧康元年三月,京都大風,火大起。是時,桓溫入朝,志在陵上,帝又幼少,人懷 三年三月戊申朔,暴風迅起,從丑上來,須臾逆轉,從子上來,飛沙

揚礫。

**月**,長安大風,拔苻堅宮中樹。 其後,堅再南伐,遂有淝水之敗,身戮國亡。 太元二年二月乙丑朔,暴風折木。閏三月甲子朔,暴風疾雨俱至,發屋折木。 四年八月乙 三年六

+ 九

五. 行

# 未、暴風揚沙石。

晝晦。其後帝崩而諸侯違命,權奪於元顯,禍成於桓玄,是其應也。 十七年六月乙卯,日〇 十二年正月壬子夜、江公暴風。七月甲辰、大風折木。 十三年十二月乙未,江志大風,

大風折木。

三年正月,桓玄出遊大航南,飄風飛其轉輗蓋,經三月而玄敗歸江陵。五月,江陵又大風 安帝元興二年二月甲辰夜、江北大風雨,大航門屋瓦飛落。明年,桓玄篡位,由此門入。

義熙四年十一月辛卯朔,西北疾風起。 五年閏十月丁亥,至三大風發屋。明年,盧循 折木。是月,桓玄敗於崢嶸洲,身亦屠裂。十一月丁酉,回己大風,江陵多死者。

至蔡洲。 六年五月壬申,大風拔北郊樹,樹幾百年也。,弁吹琅邪、揚州二射堂倒壞。是

日,盧循大艦漂沒。甲戌,又風,發屋折木。 是冬,王師南討。

風拔木。七月,淮北大風,壞廬舍。明年,西討司馬休之應。 九年正月,大風,白馬寺浮圖剎柱折壞。 十年四月己丑朔,大風拔木。六月辛亥,大

#### 夜妖

魏高貴鄉公正元二年正月戊戌,景帝討毌丘儉,大風晦暝,行者皆頓伏,近夜妖也。劉

向曰:「正晝而暝,陰爲陽,臣制君也。」

故與常風同象也。」劉向春秋說云:「天戒若日,勿使大夫世官,將令專事。 元帝景元三年十月,京都大震,晝晦,此夜妖也。 班固曰:「夜妖者,雲風並起而杳冥, 暝晦,公室卑

矣。」魏見此妖,晉有天下之應也。

懷帝永嘉四年十月辛卯,至三晝昏,至于庚子,此夜妖也。 後年,劉曜寇洛川,王師頻爲

**賊所敗,帝蒙塵于平陽。** 

孝武帝太元十三年十二月乙未,大風晦暝。 其後帝崩,而諸侯違命,干戈內侮,權奪於

元顯,禍成於桓玄。

贏蟲之孼

食本。與東作爭茲謂不時,蟲食莖。蔽惡生孼,蟲食心。」 京房易傳曰:「臣安祿位茲謂貪,厥災蟲食根。德無常茲謂煩、蟲食葉。不絀無德、蟲

武帝咸寧元年七月,郡國螟。九月,青州又螟。是月,郡國有青蟲食其禾稼。

四年,

同、冀、虎、豫、荆、揚郡國二十螟。

太康四年,會稽彭蜞及蟹皆化爲鼠,甚衆,復大食稻爲災。 九年八月,郡國二十四螟。

志第十九 五行下

八九〇

九月,蟲又傷秋稼。是時,帝聽讒諛,寵任賈充、楊駿,故有蟲蝗之災,不絀無德之罰。

惠帝元康三年九月,帶方等六縣螟,食禾葉盡

西、江陽、太原、新興、北海青蟲食禾葉,甚者十傷五六。 十二月,郡國六螟。 永寧元年七月,梁、隘、凉三州螟。是時,齊王冏執政,貪苛之應也。十月,曰言南安、巴

#### 牛祁

京房易傳曰「一般無罪,牛生妖。」 託 .付不以至公,思瞀亂之應也。案<u>師曠曰:「怨讟動於人,則有非言之物而言。」又其義也</u>。 武帝太康九年,幽州塞北有死牛頭語,近牛禍也。是時,帝多疾病,深以後事爲念,而

侯不以惠下爲務,又其應也。 占吉凶。」易萌氣樞曰:「人君不好士,走馬被文繡,犬狼食人食,則有六畜談言。」時天子諸 年,張昌反,先略江夏,騁爲將帥,於是五州殘亂,騁亦族滅。京房易傳曰:「牛能言,如其言 早也。」尋後牛又人立而行。騁使善卜者卦之,謂曰:「天下將有兵亂,爲禍非止一家。」其 惠帝太安中,江夏張騁所乘牛言曰:「天下亂,乘我何之!」騁懼而還,犬又言曰:「歸何

**|元帝建武元年七月,晉陵陳門才牛生犢,〔回]一體兩頭。案京房易傳言:「牛生子二首** 

身,天下將分之象也。」是時,愍帝蒙塵於平陽,尋為逆胡所殺。元帝卽位江東,天下分爲

二,是其應也。

所任邪也;足少者,不勝任也。」其後王敦等亂政,此其祥也。 尾,皆生而死。 太興元年,武昌太守王諒牛生子,兩頭八足,兩尾共一腹,三年後死。又有牛一足三 案司馬彪說,「兩頭者,政在私門,上下無別之象也。」京房易傳曰「足多者」

四年十二月,郊牛死。案劉向說春秋郊牛死曰「宣公區霧昏亂,故天不饗其祀。」今元

帝中興之業,實王導之謀也。 成帝咸和二年五月,護軍牛生犢,兩頭六足。 劉隗探會上意,以得親幸,導見疎外,此區霧不睿之禍 是冬,蘇峻作亂。 七年,九德人袁榮家

牛產犢,兩頭八足,二尾共身。

乘牛易取。 桓玄之國,在荆州詣刺史殷仲堪,行至鶴穴,逢一老公驅青牛,形色瓌異,桓玄卽以所 乘至零陵涇溪,駿駛非常,息駕飲牛,牛逕入江水不出。 玄遺人覘守,經日無所

元。於後玄敗被誅。

#### 黄眚黄祥

志

+

九

五行下

쮳 劉備章武 一年,東伐。 二月,自秭歸進屯夷道。 六月,秭歸有黃氣見,長十餘里,廣

數十丈。後踰旬,備爲陸議所破,近黃祥也。

斯須更出,語如向。日適欲中,鼠入須臾復出,出復入,轉更數,語如前。 南不應,鼠還穴。後至期,更冠幘阜衣出,語曰:「周南,汝日中當死。」又不應, 鼠復入穴。 汝不應,我復何道」言絕,顚蹶而死,卽失衣冠。取視,俱如常鼠。 魏齊王正始中,中山王周南爲襄邑長。有鼠從穴出,語曰:「王周南,爾以某日死。」周 案班固說,此黃祥 日適中,鼠曰:「周

也。是時,曹爽專政,競爲比周,故鼠作變也。

惠帝元康四年十二月,大霧。帝時昏眊,政非己出,故有區霧之妖。 元帝太興四年八月,黃霧四塞,埃氛蔽天。

永昌元年十月,京師大霧,黑氣貫天,日無光。

明帝太寧元年正月癸巳,黃霧四塞。二月,又黃霧四塞。是時王敦擅權,謀逆愈甚。

守,而所任非其人,至九年死,嗣子見殺,是其應也。 異黃,厥咎聾,厥災不嗣。黃者,有黃濁氣四塞天下。 穆帝永和 七年三月,凉州大風拔木,黃霧下塵。 是時,張重華納語,出謝艾爲酒泉太 蔽賢絕道,故災至絕世也。」 京房易傳曰:「聞善不予茲謂不知,厥

孝武 安帝元興元年十月丙申朔,黄霧昏濁不雨。 太元 八年二月癸未,黄霧四塞。 是時,道子專政,親近佞人,朝綱方替。 是時桓玄謀逆之應。

義熙五年十一月,大霧。 十年十一月,又大霧。 是時,帝室衰微,臣下權盛,兵及土

地,略非君有,此其應也。

地震

劉向曰:「地震,金木水火沙土者也。」伯陽甫曰:「天地之氣,不過其序,若過其序,人之

亂也。 陽伏而不能出,陰迫而不能升,於是有地震。」

跡。 而易臣茲謂陰動,厥震搖政宮。大經搖政茲謂不陰,厥震搖山,出涌水。嗣子無德專祿茲 京房易傳曰:「臣事雖正,專必震。其震,於水則波,於木則搖,於屋則瓦落。大經在辟 吳孫權黃武四年,江東地連震。是時,權受魏爵命爲大將軍、吳王,改元專制,不修臣

謂不順,厥震動丘陵,涌水出。」劉向並云:「則了「臣下强盛,將動而爲害之應也。」 魏明帝青龍二年十一月,京都地震,從東來,隱隱有聲,搖屋瓦。

景初元年六月戊申,京都地震。是秋,吳將朱然圍江夏,荆州刺史胡質擊退之。又,公

孫文懿叛,自立爲燕王,改年,置百官。明年,討平之。

吳孫權嘉禾六年五月,江東地震。

赤烏二年正月,地再震。是時,呂壹專事,步騰上疏曰:「伏聞校事吹毛求瑕,趣欲陷

動,臣下專政之應也。冀所以警悟人主,可不深思其意哉!」壹後卒敗。 人,成其威福,無罪無辜,橫受重刑,雖有大臣,不見信任,如此,天地焉得無變!故地連震

六年二月丁卯,南安郡地震。是時,曹爽專政,遷太后于永寧宮,太后與帝相泣而別。 魏齊王正始二年十一月,南安郡地震。 三年七月甲申,南安郡地震。十二月,魏郡地

連年地震,是其應也。

吳孫權赤烏十一年二月,江東地仍震。是時,權聽讒,尋黜朱據,廢太子。 蜀劉禪炎興元年,蜀地震。是時宦人黃皓專權。案司馬彪說,「閹官無陽施,猶婦人

也。 酷見任之應,與漢和帝時同事也。是冬,蜀亡。

武帝泰始五年四月辛酉,地震。是年冬,新平氐羌叛。明年,孫晧遣大衆入渦口。

七年六月丙申,地震。

咸寧二年八月庚辰,河南、河東、平陽地震。 四年六月丁未,陰平廣武地震,甲子又

震

己丑,地震。[言] 七月,陰平地震。八月,丹楊地震。 太康二年二月庚申,淮南、丹楊地震。 七年七月,南安、犍爲地震。八月,京兆地震。 九年正月,會稽、丹楊、吳興地震。四月辛酉,長 五年正月朔壬辰,口己京師地震。 八年五月壬子,建安地 六年七月

沙、南海等郡國八地震。七月至于八月,地又四震,其三有聲如雷。九月,臨賀地震,十二

月又震。 十年十二月己亥,丹楊地震。

太熙元年正月,地又震。武帝世,始於賈充,終於楊駿,阿黨昧利,苟竊朝權。至於末

年,所任轉弊,故頻年地震,過其序也,終喪天下。

此陰道盛、陽道微故也。 惠帝元康元年十二月辛酉,京都地震。此夏,賈后使楚王暐殺汝南王亮及太保衛瓘,

也。 府。八月,上谷地震,水出,殺百餘人。十月,京都地震。十一月,滎陽、襄城、汝陰、梁國、 南陽地皆震。十二月,京都又震。是時,賈后亂朝,終至禍敗之應也。漢鄧太后攝政時,郡 分離,夷羌叛去。」 國 地 京房易傳曰:「小人剝廬,厥妖山崩,茲謂陰乘陽,弱勝强。」又曰:「陰背陽則地裂,父子 震。李固以爲:「地,陰也,法當安靜。今乃越陰之職,專陽之政,故應以震。」此同事 四年二月,上谷、上庸、遼東地震。五月,蜀郡山移,淮南壽春洪水出,山崩地陷,壞城

五年五月丁丑,地震。六月,金城地震。 六年正月丁丑, 地震。 八年正月丙辰,

地震。

第

十九

五行下

太安元年十月、日日地震。時齊王問專政之應。 二年十二月丙辰,地震。 是時,長沙

王乂專政之應也

孝懷帝永嘉三年十月,荆、湘二州地震。日己時司馬越專政。 四年四月,兗州地震。五

月,石勒寇汲郡,執太守胡寵,遂南濟河,如己是其應也。

愍帝建興二年四月甲辰,地震。 三年六月丁卯,長安又地震。 是時主幼,權傾於下,

四方雲擾,兵亂不息之應也

元帝太興元年四月,西平地震,湧水出。十二月,廬陵、豫章、武昌、西陵地震,湧水出,

山崩。 干寶以爲王敦陵上之應也。

年五月己丑,祁山地震,山崩,殺人。是時,相國南陽王保在祁山,稱晉王不終之象

也。 三年五月庚寅、「三」丹楊、吳郡、晉陵又地震。

作亂。 成帝咸和二年二月,江陵地震。 九年三月丁酉,會稽地震。 三月,益州地震。 四月己未,豫章地震。回己是年,蘇峻

穆帝永和元年六月癸亥,地震。 是時,嗣主幼沖,母后稱制,政在臣下,所以連年地震。

|年十月,〔111]|地震。 三年正月丙辰,地震。 九月,地又震。 四年十月己未,地震。

九年八月丁酉,京都地震,有聲如雷。 五年正月庚寅,地震。是時,石季龍管即皇帝位,亦過其序 十年正月丁卯、地震、聲如雷、雞雉皆鳴响。 也。

十一年四月乙酉,地震。五月丁未,地震。

升平二年十一月辛酉,地震。 五年八月,涼州地震。

哀帝隆和元年四月甲戌,地震。是時,政在將相,人主南面而已。

興寧元年四月甲戌,揚州地震,湖瀆溢。 二年二月庚寅,至三江陵地震。 是時,桓溫

專政。

海 西公太和元年二月,涼州地震,水涌。是海西將廢之應也。

簡文帝咸安二年十月辛未,安成地震。「壹」是年帝崩。

孝武帝寧康元年十月辛未,地震。 二年二月丁巳,地震。 七月甲午,凉州地又震,山

崩。是時,嗣主幼沖,權在將相,陰盛之應也。

諸將連歲兵役,人勞之應也。 太元二年閏三月壬午,地震。五月丁丑,地震。 十五年三月已酉朔夜,地震。八月,京都地震。十二月已 十一年六月己卯,地震。 是後緣河

未,地震。 十七年六月癸卯,地震。十二月己未,地又震。是時,羣小弄權,天下側目。

十八年正月癸亥朔,地震。二月乙未夜,地震。

安帝隆安四年四月乙未,地震。九月癸丑,地震。是時,幼主沖昧,政在臣下。

義熙四年正月壬子夜,地震有聲。十月癸亥,地震。 五年正月戊戌夜,尋陽地震,有

第

十九九

五行下

八九七

聲如雷。明年,盧循下。

八年,自正月至四月,南康、廬陵地四震。 明年,王旅西討荆盆

十年三月戊寅,地震。

## 山崩地陷裂

 與 亡。 楊,其天意矣。 發水,同事也。 君也。水,陰,百姓也。天戒若曰,君道崩壞,百姓將失其所與一春秋梁山崩,漢齊、楚衆山 吳孫權赤烏十三年八月,丹楊、句容及故鄣、寧國諸山崩,鴻水溢。案劉向說,「山,陽, 夫三代命祀、祭不越望、吉凶禍福、不是過也。 吳雖稱帝、其實列國、災發丹 劉歆以爲:「國主山川,山崩川竭,亡之徵也。」後二年而權薨,又二十六年而

魏元帝咸熙二年二月,太行山崩,此魏亡之徵也。其冬,晉有天下。

下者爲崩,厥應泰山之石顚而下,聖王受命人君虜。」及帝晏駕,而祿去王室,惠皇懦弱,懷、 武帝泰始三年三月戊午,大石山崩。 四年七月、泰山崩墜三里。京房易傳曰「自上

|愍二帝俱辱虜庭,淪胥於北,元帝中興於南,此其應也。

月,朱提之大瀘山崩,震壞郡舍,陰平之仇池崖隕。 太康 五年五月丙午,公司宣帝廟地陷。 六年十月,南安新興山崩,涌水出。 八年七月,大雨,殿前地陷,方五尺, 七年二

深數丈,中有破船。

長八十四丈,水出,大饑。上庸四處山崩,地墜廣三十丈,長百三十丈,水出殺人。皆賈后 殺人。六月,壽春大雷,山崩地坼,人家陷死,上庸亦如之。八月,居庸地裂,廣三十六丈, 惠帝元康四年,蜀郡山崩,殺人。五月壬子,壽春山崩,洪水出,城壞,地陷方三十丈,

太安元年四月,西墉崩。

亂朝之應也。

丈,司馬越惡之,遷于濮陽,此見沴之異也。 越卒以陵上受禍。 三年七月戊辰,當陽地裂 三所,廣三丈,長三百餘步。」京房易傳曰:「地坼裂者,臣下分離,不肯相從也。」其後司馬越 懷帝永嘉元年三月,洛陽東北步廣里地陷。 二年八月乙亥,鄄城城無故自壞七十餘

| 荷晞交惡,四方牧伯莫不離散,王室遂亡。

三年十月,宜都夷道山崩。 四年四月,湘東酃黑石山崩。

元帝太興元年二月,廬陵、豫章、武昌、西陽地震山崩。 二年五月,祁山地震,山崩, 三年,南平郡山崩,出雄黃數千斤。時王敦陵傲,帝優容之,示含養禍萌也。 匹

年八月,常山崩,水出,滹沲盈溢,大木傾拔。

成帝咸和四年十月,柴桑廬山西北崖崩。十二月,劉胤爲郭默所殺。

第十

ル

五.

行下

八九九

穆帝永和七年九月,峻平、崇陽二陵崩。 十二年十一月,遺散騎常侍車灌修峻平陵,

開 [埏道,崩壓,殺數十人。

升平五年二月,南掖門馬足陷地,得鍾一,有文四字。

哀帝隆和元年四月丁丑,浩亹山崩,張天錫亡徵也。

安帝義熙八年三月壬寅,山陰地陷,方四丈,有聲如雷。 十年五月戊寅,西明門地穿,

涌 :水出,毁門扇及限,此水沴土也。 十一年五月,霍山崩,出銅鍾六枚。

漢中成固縣水涯有聲若雷,旣而岸崩,出銅鍾十有二枚。

惠帝元康九年六月夜、暴雷雨、賈謐齋屋柱陷入地、壓謐牀帳、此木沴土、土失其性、不

能載也。 明年,艦誅焉。

光熙元年五月,范陽國地燃,可以爨,此火沴土也。是時,禮樂征伐自諸侯出。

皇,君,極,中,建,立也。人君貌言視聽思心五事皆失,不得其中,不能立萬事,失在眊悖, 孼,時則有馬禍,時則有下人伐上之痾,時則有日月亂行,星辰逆行。〕皇之不極,是謂不建。 故其咎眊也。 **"傳曰:「皇之不極,是謂不建,厥咎眊,厥罰恒陰,厥極弱。 時則有射妖,時則有龍蛇之** 王者自下承天理物。 雲起於山,而彌於天,天氣亂,故其罰恒陰。 一日,上失

飲皇極傳日有下體生於上之痾。說以爲下人伐上,天誅已成,不得復爲痾云。 氣。 爲若下不敢沴天,猶春秋曰「王師敗績于貿戎」,不言敗之者,以自敗爲文,尊尊之意也。劉 死及爲怪,亦是也。 動,「量」故有龍蛇之孼。於易,乾爲君,爲馬。任用而强力,君氣毀,故有馬禍。 此,則君有南面之尊,而亡一人之助,故其極弱也。 中 下人伐上之痾。 ·,則下强盛而蔽君明也。 易曰:「亢龍有悔,貴而亡位,高而亡民,賢人在下位而亡輔。」如 上微弱則下奮驚動,故有射妖。 凡君道傷者,病天氣。不言五行沴天,而曰「日月亂行」〔三〕星辰逆行」者, 君亂且弱,人之所叛,天之所去,不有明王之誅,則有篡殺之禍,故有 湯曰:「雲從龍。」又曰:「龍蛇之蟄,以存身也。」陰氣 盛陽動進輕疾。 禮,春而大射,以順陽 一日,馬多

### 恒陰

以兵圍宮,廢亮爲會稽王,此恒陰之罰也。 吳孫亮太平三年,自八月沈陰不雨,四十餘日。 是時,將誅孫綝,謀泄。 九月戊午,綝

廟廢之。及出,留平領兵前驅,凱先語平,平不許,是以不果。時旣肆虐,羣下多懷異圖,終 吳孫晧寶鼎元年十二月,太史奏久陰不雨,將有陰謀。孫晧驚懼。時陸凱等謀因其謁

至降亡。

### 射妖

「嘻! 取木葉塞創。芝歎息、投弩水中,自知當死。 蜀車騎將軍鄧芝征涪陵,見玄猨緣山,手射中之。猨拔其箭,卷木葉塞其創。 吾違物之性,其將死矣!」俄而卒,此射妖也。一曰,缓母抱子, 芝射中之,子爲拔箭, 芝日

「馬,國姓也。 恭帝爲琅邪王,好奇戲,嘗閉一馬於門內,令人射之,欲觀幾箭死。 左右有諫 者曰: 今射之,不祥。」於是乃止,而馬已被十許箭矣。 此蓋射妖也。 俄而禪位於

# 龍蛇之孼

伐也。 也。 龍莫不在井,此居上者逼制之應。 非嘉祥矣。 魏土運,青木色,而不勝于金。黃得位,青失位之象也。青龍多見者,君德國運內相克 魏明帝青龍元年正月甲申,青龍見郟之摩陂井中。凡瑞興非時,則爲妖孽,況困于井, 故高貴鄉公卒敗于兵。」案劉向說,龍貴象而困井中,諸侯將有幽執之禍也。 魏以改年,非也。 · 干寶曰:「自明帝,終魏世,青龍、黃龍見者,皆其主興廢之應 高貴鄉公著潛龍詩,即此旨也。

高貴鄉公正元元年十月戊戌、三五黃龍見于鄴井中。

青龍 見溫 甘 露 縣井中。 元 年正月辛丑,青龍見軹縣井中。六月乙丑,青龍見元城縣界井中。 三年,黃龍、青龍俱見頓丘、冠軍、陽夏縣界井中。 四年正月,黃龍 二年二月,

二見寧陵縣界井中。

元帝景元元年十二月甲申,黃龍見華陰縣井中。[80] 三年二月,龍見軹縣井中。

吳孫 時天册中,龍乳於長沙人家,啖雞雛。 京房易妖曰:「龍乳人家,王者爲庶人。」其

武帝咸寧二年六月丙午,白龍二見于九原井中。

龍 龍 不賀也。 相害,二十八年,果有二胡僭竊神器,二逆皆字曰龍,此之表異,爲有證 後 超王 漦夏庭,禍發周室。 以飛翔 太康 幽死之象。 顯見爲瑞,今則潛伏幽處,非休祥也。」漢惠帝二年,兩龍見蘭陵井中,本志以爲其 五年正月癸卯,二龍見武庫井中。帝觀之,有喜色。百僚將賀,劉毅獨表曰:「昔 孫盛曰:四八龍,水物也,何與於人!子產言之當矣。 武庫者,帝王威御之器所寶藏也,屋字邃密,非龍所 龍見鄭門, 子產不賀。」帝答曰:「朕德政未修、未有以應受嘉祥。」遂 但非其所處,實爲妖災。 矣。 處。 是後七年,藩

愍帝建興二年十一月,枹罕羌妓產一龍子,色似錦文,常就母乳,遙見神光,少得就視。

志 第

+

九

五行

下

此亦皇之不建,於是帝竟淪沒。

美瑞。或曰:「龍者陰類,出入有時,今而屢見,必有下人謀上之變。」後以果爲呂超所殺。 呂纂末、龍出東廂井中、到其殿前蟠臥,比旦失之。俄又有黑龍升其宮門。纂咸以爲

代宮人猥多,晉又過之,燕遊是湎,此其孼也。詩云「惟虺惟蛇,女子之祥」也。 五教之府,此皇極不建,故蛇孼見之。漢靈帝時,蛇見御座,楊賜云爲帝溺於色之應也。 小 ·兒及猪犬之屬。後有一蛇夜出,被刃傷不能去,乃覺之,發徒攻擊,移時乃死。夫司徒, 武帝咸寧中,司徒府有二大蛇,長十許丈,居聽事平橑上而人不知,但數年怪府中數失

景王祠中,不見。天戒若日,昔漢景王有定傾之功,而不厲節忠愼,以至失職奪功之辱。今 齊王冏不寤,雖建興復之功,而驕陵取禍,此其徵也。 惠帝元康五年三月癸巳,臨淄有大蛇,長十餘丈,負二小蛇入城北門,逕從市入漢城陽

於邑,不出三年有大兵,國有大憂。」尋有汪敦之逆。 明帝太寧初,武昌有大蛇,常居故神祠空樹中,每出頭從人受食。京房易妖曰「蛇見

### 馬禍

武帝太熙元年,遼東有馬生角,在兩耳下,長三寸。案劉向說曰,「此兵象也」。及帝晏

不足。」又曰:「天子親伐、馬生角。」。呂氏春秋曰:「人君失道,馬有生角。」及惠帝踐阼, 駕之後,王室毒於兵禍,是其應也。 京房易傳曰「臣易上,政不順,厥妖馬生角,茲謂賢士

失道,又親征伐成都,是其應也。

能 動。 惠帝元康八年十二月,皇太子將釋奠,太傅趙王倫驂乘,至南城門,馬止,力士推之不 倫入軺車,乃進。此馬禍也。天戒若曰,倫不知義方,終爲亂逆,非傅導行禮之人

也。 九年十一月戊寅,忽有牡騮馬鷘奔至廷尉訊堂,悲鳴而死。 天戒若日, 愍懷冤死之象

也。見廷尉訊堂,其天意乎!

懷帝永嘉六年二月,神馬鳴南城門。

愍帝建興二年九月,蕭子縣馬生人。 京房易傳曰:「上亡天子,諸侯相伐,厥妖馬生

是時,帝室衰微,不絕如線,胡狄交侵,兵戈日逼,尋而帝亦淪陷,故此妖見也。 元帝太興二年,丹楊郡東濮陽濱馬生駒,兩頭,自項前別,生而死。司馬彪說曰:「此政

在私門,二頭之象也。」其後王敦陵上。

所在。 成帝咸康八年五月甲戌,有馬色赤 己卯、晉 帝不豫。六月,崩。 此馬禍,又赤祥也。 如血,自宣陽門直走入于殿前,盤旋走出,尋逐莫知 是年,張重華在凉州,將誅其西河

志第十九

五行下

相張祥,廏馬數十匹,同時悉無後尾也。

安帝隆安四年十月,梁州有馬生角,刺史郭銓送示桓玄。 案劉向說曰,馬不當生角,猶

**玄不當舉兵向上也。 玄不寤,以至夷滅。** 

石季龍在鄴,有一馬尾有燒狀,入其中陽門,出顯陽門,東宮皆不得入,走向東北,俄爾

不見。術者佛圖澄歎曰:「災其及矣」」逾年季龍死,其國遂滅。

人痾

魏文帝黃初初,淸河宋士宗母化爲鼈,入水。

明帝太和三年,曹休部曲丘奚農女死復生。時又有開周世冢,得殉葬女子,數日 而有

氣,數月而能言,郭太后愛養之。又,太原人發冢破棺,棺中有一生婦人,問其本事,不知 也,視其墓木,可三十歲。案京房易傳曰:「至陰爲陽,下人爲上。」宣帝起之象也。漢平帝、

獻帝並有此異,占以爲王莽、曹操之徵。

孫休永安四年,安吳民陳焦死七日復生,穿冢出。干寶曰:「此與漢宣帝同事,鳥程侯

腊承廢故之家、得位之祥也。」

孫晧寶鼎元年,丹楊宣騫母年八十,因浴化爲黿,兄弟閉戶衞之。掘堂上作大坎,實水

其中,黿入坎遊戲,一二日恒延頸外望。 伺戶小開,便輪轉自躍,<br />
入于遠潭,遂不復還。 與

漢靈帝時黃氏母同事,吳亡之象也。

魏元帝咸熙二年八月,襄武縣言有大人見,長三丈餘,跡長三尺二寸,髮白,著黃巾黃

單衣,柱杖呼王始語曰:「今當太平。」晉尋代魏。

武帝泰始五年、元城人年七十生角。殆趙王倫篡亂之象也。

棺。」遂出之,漸能飲食屈伸視瞻,不能行語,二年復死。京房易傳曰:「至陰爲陽,下人爲 咸寧二年十二月,琅邪人顏畿病死,棺斂已久,家人咸夢畿謂己曰:「我當復生,可急開

上,厥妖人死復生。」其後劉元海、石勒僭逆,遂亡晉室,下爲上之應也。

惠帝元康中,安豐有女子周世寧,年八歲,漸化爲男,至十七八而氣性成。

曰:「女子化爲丈夫,茲謂陰昌,賤人爲王。」此亦劉元海、石勒蕩覆天下之妖也。

之,婦曰:「我截臍便去耳。」是時,齊王問匡復王室,天下歸功,識者爲其惡之,後果斬戮。 永寧初,齊王冏唱義兵,誅除亂逆,乘輿反正。忽有婦人詣大司馬門求寄產,門者詰

|永寧元年十二月甲子,有白頭公入齊王冏大司馬府,大呼曰:「有大兵起,不 出甲 子

旬。」問殺之。明年十二月戊辰,問敗,卽甲子旬也。

太安元年四月癸酉,有人自雲龍門入殿前,北面再拜曰:「我當作中書監。」卽收斬之。

志第十九 五行下

干寶以爲「禁庭尊祕之處,今賤人徑入而門衞不覺者,宮室將虛而下人踰上之妖也」。

帝北遷鄴,又遷長安,宮闕遂空焉。

書郎王導議曰:「此是非常事,不得以常理斷之,宜還前夫。」朝廷從其議。 樂行,其父母逼强,不得已而去,尋得病亡。後其夫還,問其女所在,其家具說之。其夫逕 至女墓,不勝哀情,便發冢開棺,女遂活,因與俱歸。後壻聞知,詣官爭之,所在不能決。祕 元康中,梁國女子許嫁,已受禮娉,尋而其夫戍長安,經年不歸,女家更以適人。女不

之,自謂再宿耳。 惠帝世,杜錫家葬而婢誤不得出,後十年開冢祔葬而婢尚生。始如暝,有頃漸覺,問 初,婢之埋年十五六,及開冢更生,猶十五六也,嫁之有子。

日 死。 光熙元年,會稽謝眞生子,頭大而有髮,兩蹠反向上,有男女兩體,生便作丈夫聲,經一 此皇之不極,下人伐上之痾,於是諸王有僭亂之象也。

之後,男寵大興,甚於女色,士大夫莫不尙之,天下相倣效,或至夫婦離絕,多生怨曠,故男 惠帝之世,京洛有人兼男女體,亦能兩用人道,而性尤淫,此亂氣所生。自咸寧、太康

枕。 此亦人妖、亂之象也。 懷帝 永嘉 元年,吳郡吳縣萬詳婢生子,晉三鳥頭,兩足馬蹄,一手,無毛,尾黃色,大如

女之氣亂

而妖形作也。

五年五月,枹罕令嚴根妓產一龍,一女,一鵝。原房易傳曰:「人生他物,非人所見者,

皆爲天下大兵。」是時,帝承惠皇之後,四海沸騰,尋而陷於平陽,爲逆胡所害,此其徵也。

草木之異猶以爲瑞,今二人同心,湯稱『二人同心,其利斷金』,蓋四海同心之瑞也。」時皆哂 下未一之妖也。 愍帝建興四年,新蔡縣吏任僑妻產二女,腹與心相合,自胸以上、臍以下各分,此蓋天 時內史呂會上言:「案瑞應圖,異根同體謂之連理,異畝同穎謂之嘉禾。「留」

在首,渡在揚州,性亦淫。京房易妖曰「人生子,陰在首,天下大亂,在腹,天下有事;在背, 天下無後。」于時王敦據上流,將欲爲亂,是其徵。 元帝太興初,有女子其陰在腹,當臍下,自中國來至江東,其性淫而不產。又有女子陰

俄而

四海分崩,帝亦淪沒。

項,口有齒,都連爲一,胸如鼈,手足爪如鳥爪,皆下勾。 三年十二月,尚書騶謝平妻生女,墮地濞濞有聲,須臾便死。鼻目皆在頂上,面處如 此亦人生他物、非人所見者。後二

年,有石頭之敗。

明帝太寧二年七月,丹楊江寧侯紀妻死,經三日復生。

**殺**,當母天下。 成帝咸康五年四月,下邳民王和僑居暨陽,息女可年二十,自云上天來還,得徵瑞印 晉陵太守以爲妖,收付獄。至十一月,有人持柘杖絳衣詣止車門,口列爲聖

志 + 九 五 行下

九一〇

人使求見天子。 門候受辭,辭稱姓呂名賜,〔豎〕其言王和女可右足下有七星,星皆有毛,長

七寸,天今命可爲天下母。奏聞,卽伏誅,幷下晉陵誅回。

康帝建元二年十月,衞將軍營督過望所領兵陳瀆女臺有文在其足,四十一天下之母」,

灸之愈明。 京都諠譁,有司收繫以聞。俄自建康縣獄亡去。明年,帝崩,獻后臨朝,此其

群也。

孝武帝寧康初,南郡州陵女唐氏漸化爲丈夫。

安帝義熙七年,無錫人趙未年八歲,四十旦暴長八尺,髭鬚蔚然,三日而死。

義熙中,東陽 人莫氏生女不養,「四」埋之數日,於土中啼,取養遂活

義熙末,豫章吳平人有二陽道,日已重累生。

恭帝元熙元年,建安人陽道無頭,正平,本下作女人形體。

# 校勘記

北 城 原作「北陽新城」,今據地理志上及宋志四删「陽」字。

ベニン 湖 原 作「湖城 ۳, 周校:「城」衍文。 按:地理志上及宋志四並無「城」字、今據删。

永昌二年十二月幽冀并三州大雨明帝太寧元年十二月幽冀并三州大雪 此本一事,誤

- 折木 海西公紀作「大風折木」。
- 八五 劉蕃 斠注:安紀「蕃」作「藩」。
- 同日三處俱時震 宋志四無「時」字,此「時」字疑行。
- でもし 候風木飛鳥 李校:宋志「鳥」作「鳥」,是也,此卽相風鳥。
- 劉聰一名載,見載記,因此殿本改作「劉聰」。

さい

劉載

- 丙子 各本作「庚子」、今從宋本、與宋志四合。
- 三年六月辛卯 「三年」原作「二年」,今據朱志四改作「三年」,蓋二年六月無辛卯,三年六月辛

卯則爲十四日。

- 五年六月丙寅 字,安紀亦繫此事於五年,因據補。 原無「五年」二字。周校:「六月」上脫去「五年」二字。按: 宋志四有「五年」二
- 吳城兩門飛落 吳志孫權傳「兩門」作「南門」。 經覽八七六引本志「飛落」上有「瓦」字。
- 其月甲申廣陵司吾下邳大風折木 與上條同、疑一事複出。
- 七月庚申 「庚申」原作「庚寅」,七月無庚寅,據康紀改。
- 金 正月戊戌朔 志 第 + 九 校 「戊戌」原作「戊午」,正月戊戌朔、宋志五不誤,今據改 勘 記

- 正月壬子夜 原作「壬午夜」。正月無「壬午」,據孝武紀改。
- こざ 十二月乙未 「乙未」原作「己未」、十二月無「己未」、據孝武紀改。
- [I<] 六月乙卯 「乙卯]原作「乙未」,據孝武紀改。
- [h] 甲辰夜 原無「甲辰」二字,據宋志五補。
- 十一月丁酉 「十一月」,各本作「十二月」,宋本作「十一月」,與宋志五同,干支亦合,今從

宋本。

- 閏十月 各本作「閏十一月」,誤,今據宋志五删「一」字。
- 十月辛卯 「十月」原作「十一月」、干支不合、今據懷紀删「一」字。
- 十月 各本「十月」上有「永寧元年」四字、周校:四字衍文。按:吳本無此四字、今從之。
- 晉陵陳門才牛生犢 犢」、疑此「陳」爲「東」、「才」爲「有」之誤。 朱志五「陳門才」則作「曲阿門」。 「陳門才」不知何義,亦不知是否人名。搜神記七作「晉陵東門有牛生
- [三] 劉向 斠注"朱志「劉向」上有「董仲舒」三字、本志誤脫。
- 正月朔壬辰 周校"「正月朔壬辰」,文理不明、武紀在二月壬辰。
- 七月己丑地震 據帝紀,此巴西震。七月無己丑,疑「己丑」乃「巴西」二字之形譌。
- (IK) 十月 原作「十二月」。 今據飛紀及朱志五删「二」字。

- CIAD 荆湘二州地震 「湘」原作「襄」、今據懷紀及朱志五改。
- 南濟河 「河」原作「沔」,今據懷紀及石勒載記改。濟沔不合地理。
- 五月庚寅 「五月」原作「四月」,四月無庚寅,今依元紀改作「五月」。
- 〔三〕豫章地震 「豫章」原作「豫州」,今依成紀及宋志五改。
- 二年十月 「十月」原作「十二月」、今依穆紀及宋志五删「二」字。
- 二月庚寅 「二月」原作「三月」、三月無庚寅、今據衰紀及決志五改作「二月」。
- 簡文帝咸安二年十月辛未安成地震 校文:此與下文孝武帝寧康元年十月辛未地震,

事而歧爲二,故月日俱同。法於兩帝死亡新立之際,所記事實,動多複出,此其一也。

- [A] 五月丙午 原脱「五月」二字,今據帝紀補。
- 陰氣動 「陰」下原有「陽」字,衍文,今據淡志下之上删。
- [J]公] 而曰日月亂行 各本無「曰」字,殿本有,今從之。
- 日む 正元元年十月戊戌 魏志高貴鄉公紀繫於冬十月下,此脫「十月」二字,今據補。
- 元帝景元元年至華陰縣井中 此陳留王事,陳留王諡元皇帝。「華陰」原作「華容」,華容屬吳,

誤,今據魏志陳留王紀改。

孫盛 志 第 + 孫盛此時(太康五年)猶未生,「盛」爲「楚」之誤,孫楚傳正載此事。 九 校 勘 記

[6] 己卯 六月丙戌朔,無己卯,成紀作「庚寅」。

(25) 萬詳、斠注:宋志「詳」作「祥」。

[四] 異畝同類 | 斠注:宋志[異畝」作「異苗」。

[1] 名賜 | 斠注:「賜」宋志作「錫」。

(A) 臺 朱志五「臺」作「壹」。

Bt.] 豫章吳平人 殿本作「吳豫章人」,似當作「豫章人吳平」•

# 晉書卷三十

# 志第二十

### 刑法

心也。 刑,衢樽先惠,將以屏除災害,引導休和,取譬琴瑟,不忘銜策,擬陽秋之成化,若曉舜之爲 嚴天刑,以懲亂首,論其本意,蓋有不得已而用之者焉。是以丹浦興仁,羽山咸服。而世屬 襲行,却收鋒刃,祖述生成,憲章堯禹,政有膏露,威兼禮樂,或觀辭以明其趣,或傾耳以照 僥倖,事關攸蠹,政失禮微,獄成刑起,則孔子曰:「聽訟吾猶人也,必也使無訟乎」」及周氏 其微,或彰善以激其情,或除惡以崇其本。至夫取威定霸,一匡九合,寓言成康,不由凝網, 若夫穹圓肇判,宵貌攸分,流形播其喜怒,稟氣彰其善惡,則有自然之理焉。念室後 傳曰:「齊之以禮,有恥且格。」刑之不可犯,不若禮之不可踰,則昊歲比於犧年,宜有降 郊原布肅,軒皇有轡野之師,雷電揚威,高辛有觸山之務。陳乎兵甲而肆諸市朝,具

志 第

=+

刑法

時,宮室盛興,而期會迫急,有稽限者,帝親召問,言猶在口,身首已分。王肅抗疏曰:「陛下 焉。而將亡之國,典刑咸棄,刊章以急其憲,適意以寬其網,桓靈之季,不其然歟!魏明帝 不汙宮掖,不爲搢紳驚惋,不爲遠近所疑。人命至重,難生易殺,氣絕而不續者也,是以聖 之所行刑、皆宜死之人也。然衆庶不知、將爲倉卒、願陛下下之於吏而暴其罪。均其死也、 時百姓欣然,將逢交泰。而犴逐情遷,科隨意往,獻瓊杯於闕下,徙靑衣於圖路,覆醢裁刑, 始皇加之抽脅,囹圄如市,悲哀盈路。 漢王以三章之法以弔之,文帝以刑厝之道以臨之,于 傾宗致獄。況乃數囚於京兆之夜,五日於長安之市,北闕相引、中都繼及者,亦往往而有 此所謂酌其遺美,而愛民治國者焉。若乃化蔑彝倫,道睽明愼,則夏癸之虔劉百姓,商辛之 王重之。」孟軻云:『殺一不辜而取天下者,仁者不爲也。』」 四海,衞鞅之無所自容,韓非之不勝其虐,與夫甘棠流詠,未或同歸。秦文初造參夷,

海 道子傾弄朝權,其所樹之黨,貨官私獄,烈祖惛迷,日己不聞司敗,晉之綱紀大亂焉。 久立。及晉圖南徙,百有二年,仰止前規,挹其流潤,<<br />
江左無外,蠻陬來格。 ,內同軌,人甚安之。條綱雖設,稱爲簡惠,仰昭天睠,下濟民心,道有法而無敗,德俟刑而 世祖武皇帝接三統之微,酌千年之範,乃命有司,大明刑憲。于時詔書頒新法於天下, 孝武時,會稽王

千。 司馬法:或起甲兵以征不義,廢貢職則討,不朝會則誅,亂嫡庶則繁,變禮刑則 刑之屬猶有二千五百焉。乃置三刺、三宥、三赦之法:一刺曰訊羣臣,再刺曰 五服 大辟之罪,殊刑之極,布其衣裾 曰訊萬民,一宥曰不識,再宥曰過失,三宥曰遺忘,一赦曰幼弱,再赦曰老旄,三赦曰蠢愚。 三就,五流有宅,五宅三居。」方乎前載,事旣參倍。夏后氏之王天下也,則五刑之屬三 殷因於夏,有所損益。周人以三典刑邦國,以五聽察民情,左嘉右肺,事均鎔造 傳曰「三皇設言而民不遠,五帝畫象而民知禁」,則書所謂「象以典刑,流宥五刑,鞭作 ·扑作教刑」者也。 然則犯黥者阜其巾、犯劓者丹其服、犯臏者墨其體、犯宮者雜 而 無領緣,投之於市,與衆棄之。 舜命皐陶曰:「五刑 訊羣 放 吏, 有服, 其屨, 三刺 而五

者 不可經國,乃命車騎將軍 亂 大刑用甲兵,中刑用刀鋸,薄刑用鞭扑。 離 斯永 傳曰:「殷周之質,不勝其文。」及昭后徂征,穆王斯耄,爱制刑辟,以詰四方,姦宄弘 ,則所謂「夏有亂政而作禹刑,商有亂政而作湯刑, 、守尚書令、魯公徵求英俊,刊律定篇云 自茲厥後,狙詐彌繁。 周有亂 爾 武皇帝並以爲往憲猶疑, 政而作九刑」者也。

離 亂之後,法網弛縱,罪名旣輕,無以懲肅。 漢自王莽篡位之後,舊章不存。 光武中興、留心庶獄、常臨朝聽訟、躬決疑事。 梁統乃上疏曰: 是時承

事,其四十二事,手殺人皆滅死罪一等,著爲常法。 臣竊見元帝初元五年,輕殊刑三十四事,行一哀帝建平元年盡四年,輕殊死者刑八 自是以後,人輕犯法,吏易殺

人,吏民俱失,至於不羈。

所改更,天下稱安。孝成、孝哀,承平繼體,卽位日淺,聽斷尙寡。丞相王嘉等猥以數 出兵命將,征伐遠方,軍役數興,百姓罷弊,豪桀犯禁,姦吏弄法,故設遁匿之科,「三著 省去肉刑,除相坐之法,他皆率由舊章,天下幾致升平。武帝值中國隆盛,財力有餘, |帝受命,制約令,定法律,傳之後世,可常施行。 |文帝寬惠溫克,遭世康平,因時施恩, 尤妨政事、害善良者,傅奏如左。 知縱之律。宣帝聰明正直,履道握要,以御海內,臣下奉憲,不失繩墨。元帝法律,少 刑,所以爲除殘去亂也。 年之間,虧除先帝舊約,穿令斷律,凡百餘事,或不便於政,或不厭人心。 臣謹表取其 愛人故當爲除害, 臣愚以爲刑罰不苟務輕,務其中也。君人之道,仁義爲主,仁者愛人,義者理務。 理務亦當爲去亂。是以五帝有流殛放殺之誅,三王有大辟刻肌之 故孔子稱「仁者必有勇」,又曰「理財正辭,禁人爲非曰義」。高

非所以還初反本,據元更始也。願陛下宣詔有司,悉舉初元、建平之所穿鑿,考其輕 伏惟陛下苞五常,履九德,推時撥亂,博施濟時,而反因循季世末節,衰微軌迹,誠

重,察其化俗,足以知政敎所處,擇其善者而從之,其不善者而改之,定不易之典,施之

無窮,天下幸甚。

**姦,故尚書奏決罰近於苛碎。** 事,非隆刑峻法。 不可施行。 事 極言政刑宜改。 下三公、廷尉議,以爲隆刑峻法,非明王急務,不可開許。、統復上言曰:「有司猥以臣所上 今臣所言,非曰嚴刑。 議竟不從。 不勝至願,願得召見,若對尚書近臣,口陳其意。」帝令尚書問狀,統又對, 及明帝卽位, 竊謂高帝以後,至於宣帝,其所施行,考合經傳,比方今 常臨聽訟觀錄洛陽諸獄。 帝性旣明察,能得下

奉承。 而列叢 行私 狀惡之禁,除文致之請,[3] 讞五十餘事,定著于令。 生,廣至德也。」帝納竈言,決罪行刑,務於寬厚。 唐堯著典曰『流宥五刑、告災肆赦』。帝舜命阜陶以『五宅三居、惟明克允』。文王重易六爻, ·,以逞威福。 夫爲政也,猶張琴瑟,大弦急者小弦絕,故子貢非臧孫 至章帝時、尚書陳寵上疏曰:「先王之政、賞不僭、刑不濫、與其不得已、寧憯不濫。 斷獄者急於榜格酷烈之痛,執憲者繁於詐欺放濫之文,違本離實,箠楚爲姦,或因公 棘之聽,周公作立政,戒成王勿誤乎庶獄。 方今聖德充塞,假於上下,宜因此時,隆先聖之務,蕩滌煩苛, 其後遂詔有司,禁絕鉆鑽諸酷痛舊制,解 陛下即位,率由此義,而有司執事,未悉 是後獄法和平。 輕薄箠楚, 之猛 法,而 以濟羣 美鄭僑 故

措之美,傳之無窮。」未及施行,會寵抵罪,遂寢。寵子忠。忠後復爲尚書,略依寵意,奏上 合爲三千,與禮相應。其餘千九百八十九事,悉可詳除。使百姓改易視聽,以成大化,致刑 『王者三百年一蠲法。』漢興以來,三百二年,憲令稍增,科條無限。又律有三家,說各駁異。 刑法繁多,宜令三公、廷尉集平律令,應經合義可施行者,大辟二百,耐罪、贖罪二千八百, 溢於甫刑千九百八十九,其四百一十大辟,千五百耐罪,(E) 七十九贖罪。春秋保乾圖曰: 裏者也。今律令,犯罪應死刑者六百一十,耐罪千六百九十八,贖罪以下二千六百八十一, 重論,母子兄弟相代死聽赦所代者,事皆施行。雖時有蠲革,而舊律繁蕪,未經纂集。 三十三條,日為決事比,以省請讞之弊。又上除蠶室刑,解贓吏三世禁錮,狂易殺人得減 百,威儀三千,故甫刑大辟二百,五刑之屬三千。禮之所去,刑之所取,失禮卽入刑,相爲表 永元六年,寵叉代郭躬爲廷尉,復校律令,刑法溢於甫刑者,奏除之,曰:「臣聞禮經三

致仕, [公] 朝廷每有政議,數遣廷尉張湯親至陋巷, 問其得失, 於是作春秋折獄二百三十二 載籍也者,決嫌疑,明是非,賞刑之宜,允執厥中,俾後之人永有鑒焉。故膠東相董仲舒老病 今大駕東邁,巡省許都,拔出險難,其命惟新。臣竊不自揆,輒撰具律本章句、尚書舊事、廷 事,動以經對,言之詳矣。逆臣董卓,蕩覆王室,典憲焚燎,靡有孑遺,開闢以來,莫或茲酷。 獻帝建安元年,應劭又删定律令,以爲漢議,「引表奏之曰:「夫國之大事,莫尙載籍也。

體。其二十六,博採古今褒瑋之士,德義可觀。其二十七,臣所創造。左氏云:『雖有姬姜, 尉板令、決事比例、司徒都目、五曹詔書及春秋折獄,凡二百五十篇,蠲去復重,爲之節文。 紀國體,宣洽時雍,庶幾觀察,增闡聖德。惟因萬機之餘暇,遊意省覽。」獻帝善之,於是舊 不棄憔悴,雖有絲麻,不棄菅蒯。』蓋所以代匱也。是用敢露頑才,廁於明哲之末,雖未足綱 又集議駁三十篇,以類相從,凡八十二事。其見漢書二十五,漢記四,皆删敍潤色,以全本

齊,伊戾禍宋,趙高、英布,爲世大患。不能止人遂爲非也。雖忠如鬻拳,信如卞和,智如孫 也,求世休和,弗可得已。且被刑之人,慮不念生,志在思死,類多趨惡,莫復歸正。夙沙亂 區別,東端刑淸政簡,一無過失,百姓有罪,皆自取之。末世陵遲,風化壞亂,政撓其俗,法 寔、[t] 大司農鄭玄、大鴻臚陳紀之徒,咸以爲宜復行肉刑。 漢朝旣不議其事,故無所用矣。 **臢,冤如巷伯,才如史遷,達如子政,[10]一罹刀鋸,沒世不齒。是太甲之思庸,穆公之霸秦,** |新斬朝涉之脛,天下謂爲無道。 夫九牧之地,千八百君,若各則一人,是天下常有千八百||紂 害其敎。故曰『上失其道,人散久矣』。而欲繩之以古刑,投之以殘棄,非所謂與時消息也。 及魏武帝匡輔漢室,尙書令荀彧博訪百官,復欲申之,而少府孔融議以爲:「古者敦厖,善否 是時天下將亂,百姓有土崩之勢,刑罰不足以懲惡,於是名儒大才故遼東太守准

惟,棄短就長,不苟革其政者也。」朝廷善之,卒不改焉。 陳湯之都賴, 魏尙之臨邊,無所復施也。 漢開改惡之路,凡爲此也。 故明德之君,遠度深

便。 重,故令依律論者聽得科半,使從半減也。 寢不行。 時鍾繇爲相國,亦贊成之,而奉常王脩不同其議。 及魏國建,陳紀子羣時爲御史中丞,魏武帝下令又欲復之,使羣申其父論。 於是乃定甲子科,犯針左右趾者易以木械,是時乏鐵,故易以木焉。 魏武帝亦難以藩國改漢朝之制,遂 又嫌漢律太 **羣深陳其** 

後三婦自殺,論失減死輸作尚方,因是下怨毒殺人減死之令。魏明帝改士庶罰金之令,男 聽以罰金,婦人加笞還從鞭督之例,以其形體裸露故也。 魏文帝受禪,又議肉刑。詳議未定,會有軍事,復寢。 時有大女劉朱,撾子婦酷暴,前

假不廉、淫侈、踰制以爲雜律一篇,又以具律具其加減。是故所著六篇而已,然皆罪名之制 政,莫急於盜賊,故其律始於盜賊。 盜賊須劾捕,故著網捕二篇。[1]其輕狡、越城、博戲、借 興、廐、戶三篇,合爲九篇。叔孫通益律所不及,傍章十八篇,張湯越宮律二十七篇,趙禹朝 也。商君受之以相凑。漢承溱制,蕭何定律,除參夷連坐之罪,增部主見知之條,益事律 是時承用秦漢舊律,其文起自魏文侯師李悝。悝撰次諸國法,著法經。以爲王者之

六千二百七十二條,七百七十三萬二千二百餘言,言數益繁,覽者益難。 叔孫宣、郭令卿、馬融、鄭玄諸儒章句十有餘家,家數十萬言。 盜章之文,興律有上獄之法,<br/>
應律有逮捕之事,若此之比,錯糅無常。 比都目,凡九百六卷。 同,輕重乖異。而通條連句,上下相蒙,雖大體異篇,實相採入。盜律有賊傷之例,賊律有 用鄭氏章句,不得雜用餘家。 世有增損,率皆集類爲篇,結事爲章。一章之中或事過數十,事類雖 凡斷罪所當由用者,合二萬 後人生意,各爲章句。 天子於是下詔,但

求復肉刑,詔下其奏,司徒王朗議又不同。時議者百餘人,與朗同者多。帝以吳獨未平, 受屬偏考囚張茂物故,附重法論之。洪、象雖皆棄市,而輕枉者相繼。是時太傅鍾繇 煩廣,事比衆多,離本依末,決獄之東如廷尉獄東范洪受囚絹二丈,附輕法論之,獄吏劉象 用者之所卑下。王政之弊,未必不由此也。請置律博士,轉相教授。」事遂施行。 衞覬又奏曰:「刑法者,國家之所貴重,而私議之所輕賤,獄吏者,百姓之所懸命,而選 然而律文 又上疏

書官令、軍中令,合百八十餘篇。其序略曰: 、中郎黃休、荀詵等删約舊科,傍采漢律,定爲魏法,制新律十八篇,州郡令四十五篇,尚 其後,天子又下詔改定刑制,命司空陳羣、散騎常侍劉邵、給事黃門侍郞韓遜、議郎庾

志

所 難知者,由於六篇篇少故也。 篇少則文荒,文荒則事寡,事寡則罪漏。 是

以 後人稍 增,更與本體相離。 今制新律,宜都總事類,多其篇條

非篇章之義。故集罪例以爲刑名,冠於律首。 舊律因案法經,就增三篇,而具律不移,因在第六。 罪條例旣不在始,又不在終,

故 謾、詐偽、踰封、矯制,囚律有詐偽生死,令<br />
內有詐自復免,事類衆多,故分爲詐律。 減以丁酉詔書,丁酉詔書,漢文所下,不宜復以爲法,故別爲之留律。秦世舊有廐置、 故分爲請財律。 (4) 有受所監受財枉法,雜律有假借不廉,令乙有呵人受錢,科有使者驗賂,其事相類, **鞫獄、斷獄之法,興律有上獄之事,科有考事報讞,宜別爲篇,故分爲繫訊、斷獄律。 (律有賊伐樹木、殺傷人畜產及諸亡印,金布律有毀傷亡失縣官財物,故分爲毀亡律。** 乘傳、副車、食廚,漢初承秦不改,後以費廣稍省,故後漢但設騎置而無車馬,而律猶著 不謹、不承用詔書,漢氏施行有小愆之反不如令,曰三輒劾以不承用詔書乏軍要斬,又 四律有告劾、傳覆,廐律有告反逮受,口己科有登聞道辭,故分爲告劾律。囚律有繫囚、 分爲興擅律。 益律有劫略、恐猲、和賣買人,科有持質,皆非盜事,故分以爲劫略律。 興律有乏徭稽留,賊律有儲峙不辦,廐律有乏軍之興,及舊典有奉詔 

與同罪,失不舉劾,各以贖論,其不見不知,不坐也,是以文約而例通。 初制,無免坐之文,張陽、趙禹始作監臨部主、見知故縱之例。其見知而故不舉劾,各 還贓畀主,金布律有罰贖入責以呈黃金爲價,口己科有平庸坐贓事,以爲償贓律。律之 其文,則爲虛設,故除應律,取其可用合科者,以爲郵驛令。其告反逮驗,別入告劾律。 上言變事,以爲變事令,以驚事告急,與興律烽燧及科令者、口巴以爲驚事律。盜律有 科之爲制,每條

所定增十三篇,就故五篇,合十八篇,於正律九篇爲增,於旁章科令爲省矣。 定其由例,以爲免坐律。諸律令中有其敎制,本條無從坐之文者,皆從此取法也。凡 有違科,不覺不知,從坐之発,不復分別,而免坐繁多,宜總爲免例,以省科文,故更制

與親母同,防繼假之隙也。除異子之科,使父子無異財也。歐兄姊加至五歲刑,以明 許依古義,聽子弟得追殺之。會赦及過誤相殺,不得報讐,所以止殺害也。正殺繼母, 捕之,或汙瀦,或梟菹,夷其三族,不在律令,所以嚴絕惡跡也。賊鬭殺人,以劾而亡, 及犯宗廟園陵,謂之大逆無道,要斬,家屬從坐,不及祖父母、孫。至於謀反大逆,臨時 作刑各三,贖刑十一,罰金六,雜抵罪七,凡三十七名,以爲律首。又改賊律,但以言語 教化也。 改漢舊律不行於魏者皆除之,更依古義制爲五刑。其死刑有三,髠刑有四,完刑、 囚徒誣告人反,罪及親屬,異於善人,所以累之使省刑息誣也。改投書棄市,

刑法

鞫之制,省所煩獄也。改諸郡不得自擇伏日,所以齊風俗也。 ,所以輕刑也。 正篡囚棄市之罪,斷凶强爲義之蹤也。 二歲刑以上,除以家人**乞** 

斯皆魏世所改,其大略如是。其後正始之間,天下無事,於是征西將軍夏侯玄、河南尹李

辟,漢又修之。一大魏承秦漢之弊,未及革制,所以追戮已出之女,誠欲殄醜類之族也。然則 勝、中領軍曹羲、尚書丁謐又追議肉刑,卒不能決。其文甚多,不載。 法貴得中,刑愼 使主簿程咸上議曰:「夫司寇作典,建三等之制;甫侯修刑,通輕重之法。叔世多變,秦立重 妻,亦坐死,以懷姙繫獄。荀氏辭詣司隸校尉何曾乞恩,求沒爲官婢,以贖芝命。曾哀之, 其族兄顗與景帝姻,通表魏帝,以匄其命。詔聽離婚。荀氏所生女芝,爲潁川太守劉子元 忽。 紀,所以明外成之節,異在室之恩。而父母有罪,追刑已出之女,夫黨見誅,又有隨姓之戮。 之婦、從夫家之罰。宜改舊科,以爲永制。」於是有詔改定律令。 獨嬰戮於二門,非所以哀矜女弱,蠲明法制之本分也。 人之身,內外受辟。今女旣嫁,則爲異姓之妻,如或產育,則爲他族之母,此爲元惡之所, .戮無辜之所重,於防則不足懲姦亂之源,於情則傷孝子之心。 男不得罪於他族,而女 及景帝輔政,是時魏法,犯大逆者誅及已出之女。毌丘儉之誅,其子甸妻荀氏應坐死, 、過制。 臣以爲女人有三從之義,無自專之道,出適他族,還喪父母,降其服 臣以爲在室之女,從父母之誅,旣聽

諸儒章 文帝 爲晉王,患前代律令本注煩雜,陳羣、劉邵雖經改革,而科網本密,又叔孫 句,但取鄭氏,又爲偏黨,未可承用。於是令賈充定法律,令與太傅鄭沖、司徒荀 郭、馬、

<del>大</del>立 武帝 施行 分流律 就漢 合二千九百二十六條,十二萬六千三百言,六十卷,故事三十卷。 奴婢之制。 從坐之條,除謀反適養母出女嫁皆不復還坐父母棄市,省禁固相告之條,去捕亡、亡沒爲官 未宜除者,若軍事、田農、酤酒,未得皆從人心,權設其法,太平當除,故不入律,悉以爲令。 百二十條,如己二萬七千六百五十七言。蠲其苛穢,存其淸約,事從中典,歸於益時。 JII 顗 杜 ぐ中 太守周雄、江江齊相郭頎、騎都尉成公綏、尚書郎柳軌及吏部令史樂邵等十四人典其事, |功立事,古今之所重,宜加祿賞,其詳考差敍。 輒如詔簡異弟子百人,隨才品用,賞帛 刑 制 九章增十一篇,仍其族類,正其體號,改舊律爲刑名、法例,辨囚律爲告劾、繫訊、斷獄, 書監荀勖 度,以 曰:「昔蕭何以定律令受封,叔孫通制儀爲奉常,賜金五百斤,弟子百人皆 為請財、詐偽、水火、毁亡,因事類爲衞宮、違制,撰周官爲諸侯律,合二十篇,日也六 崇嫁娶之要,一以下娉爲 輕過誤老少女人當罰金杖罰者 此設教,違令有罪則 、中軍將軍羊祜、中護軍王業、廷尉杜友、守河南尹杜預、散騎侍郎裴楷、潁 入律。 正,不理 其常事品式章程,各還其府,爲故事。 一私約。 ,皆令半之。 峻禮教之防, 重姦伯叔母 準五. 泰始 服 之令,棄市。 三年, 以 制 罪也 事 減梟斬族 畢,表上。 爲郎 淫寡女, 凡律令 其餘 詠

萬餘匹。」武帝親自臨講,使裴楷執讀。四年正月,大赦天下,乃班新律。

其後,明法掾張裴又注律,500表上之,其要曰:

律始於刑名者,所以定罪制也,終於諸侯者,所以畢其政也。王政布於上,諸侯奉

於下,禮樂撫於中,故有三才之義焉,其相須而成,若一體焉。

求之作本名。 終,往而不窮,變動無常,周流四極,上下無方,不離于法律之中也。 舉上下綱領。 刑名所以經略罪法之輕重,正加減之等差,明發衆篇之多義,補其章條之不足,較 告訊為之心舌,捕繫為之手足,斷獄為之定罪,名例齊其制。至三自始及 其犯盜賊、詐偽、請財者,則求罪於此,作役、水火、畜養、守備之細事,皆

節謂之不敬,兩訟相趣謂之鬭,兩和相害謂之戲,無變斬擊謂之賊,不意誤犯謂之過 之盜,貨財之利謂之贓:凡二十者,律義之較名也。 失,逆節絕理謂之不道,陵上僭貴謂之惡逆,將害未發謂之戕,唱首先言謂之造意,二 人對議謂之謀,制衆建計謂之率,不和謂之强,攻惡謂之略,三人謂之羣,取非其物謂 其知而犯之謂之故,意以爲然謂之失,違忠欺上謂之謾,背信藏巧謂之詐,虧禮廢

實不知情,當從刑。此故失之變也。卑與尊鬭,皆爲賊。鬭之加兵刃水火中,不得爲 夫律者,當愼其變,審其理。 若不承用詔書,無故失之刑,當從贖。 謀反之同伍,

志第二十 刑法

相

似者也。

受賕,囚辭所連似告劾,諸勿聽理似故縱,持質似恐猲。如此之比,皆爲無常之格也。 戲,戲之重也。向人室廬道徑射,不得爲過,失之禁也。都城人衆中走馬殺人,當爲賊, 賊之似也。 過失似賊,戲似鬭,鬭而殺傷傍人,又似誤,盜傷縛守似强盜,呵人取財似

**幷死不復加。不可累者,故有幷數,不可幷數,乃累其加。** 刑等不過一歲,金等不過四兩。月贖不計日,日作不拘月,歲數不疑閨。不以加至死, 過十四等,死刑不過三,徒加不過六,囚加不過五,累作不過十一歲,累笞不過千二百, 法。是故尊卑敍,仁義明,九族親,王道平也。 死,不可齊其防,親疏公私,不可常其敎。 禮樂崇於上,故降其刑,刑法閑於下,故全其 同者,連得其本。不在次者,不以通論。以人得罪與人同,以法得罪與法同。侵生害 五刑不簡,正于五罰,五罰不服,正于五過,意善功惡,以金贖之。故律制,生罪不 以加論者,但得其加,與加

以威勢得財而名殊者也。即不求自與爲受求,所監求而後取爲盜贓,曰己輸入呵受爲 留難,斂人財物積藏於官爲擅賦,加歐擊之爲戮辱。諸如此類,皆爲以威勢得財而罪 有惡言為恐獨,不以罪名呵爲呵人,以罪名呵爲受賦,劫召其財爲持質。此六者,曰曰 律有事狀相似而罪名相涉者,若加威勢下手取財爲强盜,不自知亡爲縛守,將中

**眞猛弱,自己候在視息。出口有言當爲告,下手有禁當爲賊,喜子殺怒子當爲戲,怒子** 情,精其事,近取諸身,遠取諸物,然後乃可以正刑。仰手似乞,俯手似奪,捧手似謝, 殺喜子當爲賊。諸如此類,自非至精不能極其理也。 擬手似訴,拱臂似自首,攘臂似格鬭,矜莊似威,怡悅似福,喜怒憂歡,貌在聲色。 姦 言,暢於四支,發於事業。是故姦人心愧而面赤,內怖而色奪。論罪者務本其心,審其 失刑者,司理之官;理者,求情之機;情者,心神之使。心感則情動於中,而形於

市,卽燔官府積聚盜,亦當與同。歐人敎令者與同罪,卽令人歐其父母,不可與行者同 及犯罪爲公爲私,贓入身不入身,皆隨事輕重取法,以例求其名也。 得重也。若得遺物强取强乞之類,無還贓法隨例畀之文。法律中諸不敬,違儀失式, 十歲,不得告言人,即奴婢捍主,主得謁殺之。賊燔人廬舍積聚,盜贓五匹以上,至三棄 律之名例,非正文而分明也。若八十,非殺傷人,他皆勿論,即誣告謀反者反坐。

中,日已采其根牙之微,致之於機格之上,稱輕重於豪銖,考輩類於參伍,然後乃可以理 【罪,或化略以循常,ClkJ 或隨事以盡情,或趣舍以從時,或推重以立防,或引 夫理者、精玄之妙、不可以一方行也,律者,幽理之奥,不可以一體守也。 或計過 公私廢避之宜,除削重輕之變,皆所以臨時觀釁,使用法執詮者幽於未制之

## 直刑正。

切天下之情唯遠也,彌天下之務唯大也,變無常體唯理也,非天下之賢聖,孰能與 罪之大,棄市者死之下,髡作者刑之威,贖罰者誤之誠。王者立此五刑,所以實君子而 其旨遠,其辭文,其言曲而中,其事肆而隱。通天下之志唯忠也,斷天下之疑唯文也, 逼小人,故爲敕愼之經,皆擬周易有變通之體焉。欲令提綱而大道淸,舉略而王法齊, 夫奉聖典者若操刀執繩,刀妄加則傷物,繩妄彈則侵直。**梟首者惡之長,斬刑者** 

象,髠罪者似秋彫落之變,贖失者是春陽悔吝之疵也。五刑成章,輒相依準,法律之 夫形而上者謂之道,形而下者謂之器,化而財之謂之格。[IK] 刑殺者是冬震曜之

是時侍中盧珽、中書侍郎張華又表:「抄新律諸死罪條目,懸之亭傳,以示兆庶。」有詔從之。 及劉頌爲廷尉,頻表宜復肉刑,不見省,又上言曰:

臣昔上行肉刑,從來積年,遂寢不論。臣竊以爲議者拘孝文之小仁,而輕違聖王

、之典刑,未詳之甚,莫過於此。

志

第二十

刑法

今死刑重,故非命者衆,生刑輕,故罪不禁姦。所以然者,肉刑不用之所致也。今

惡横肆。爲法若此,近不盡善也。是以徒亡日屬,賊盜日煩,亡之數者至有十數,得輒 加刑,日益一歲,此爲終身之徒也。自顧反善無期,而災困逼身,其志亡思盜,勢不得 歸家,乃無役之人也。貧者起爲姦盜,又不制之虜也。不刑,則罪無所禁,不制,則羣 者、言語荷慮不首死,則皆爲盜賊,豈況本性姦凶無賴之徒乎!又令徒富者輸財,解日 息,事使之然也。 爲徒者,類性元惡不軌之族也,去家懸遠,作役山谷,飢寒切身,志不聊生,雖有廉士介

姦惡陵暴,所在充斥。議者不深思此故,而曰肉刑於名忤聽,忤聽孰與賊盜不禁? 不制罪,法不勝姦。下知法之不勝,相聚而謀爲不軌,月異而歲不同。故自頃年以來, 歲,此以徒生徒也。亡者積多,繫囚猥畜。議者曰囚不可不赦,復從而赦之,此爲刑 古者用刑以止刑,今反於此。諸重犯亡者,髮過三寸輒重髠之,此以刑生刑,加作

已刑之後,便各歸家,父母妻子,共相養恤,不流離於塗路。有今之困,創愈可役,上準 者截手,無所用復盜。淫者割其勢,理亦如之。除惡塞源,莫善於此,非徒然也。 古制,隨宜業作,雖已刑殘,不爲虛棄,〔回〕而所患都塞,又生育繁阜之道自若也。 爲惡之具,使夫姦人無用復肆其志,止姦絕本,理之盡也。亡者刖足,無所用復亡。 聖王之制肉刑,遠有深理,其事可得而言,非徒懲其畏剝割之痛而不爲也,乃去其 此等

之具,此爲諸已刑者皆良士也,豈與全其爲姦之手足,而賦居必死之窮地同 體爲戮,終身作誠。 皆髠笞,笞至一百,稍行,使各有差,悉不復居作。然後刑不復生刑,徒不復生徒,而殘 造,又宜制其罰數,使有常限,不得滅此。其有宜重者,又任之官長。 日肉刑不可用,臣竊以爲不識務之甚也。 今宜取死刑之限輕,及三犯逃亡淫盜,悉以肉刑代之。其三歲刑以下,已自杖罰 人見其痛,畏而不犯,必數倍於今。 且為惡者隨發被刑,去其為惡 應四五歲刑者, 哉 而 猶

之故也。 積 之理也。 逮者,此非爲惡之所出,故刑法逆舍而宥之。 得 於數赦,於政體勝矣 · 獄繁, 赦以散之, 是以赦愈數而獄愈塞,如此不已, 將至不勝。 奉聖慮,行之於今。此塡溝壑,冀見太平。 臣昔常侍左右,數聞明詔,謂肉刑宜用,事便於政。 豎至後世,以時嶮多難,因赦解結,權以行之,又不以寬罪人也。 今行肉刑,非徒不積,[三]且爲惡無具則姦息。 至於自非此族,犯罪則必刑 周禮三赦三宥,施於老幼悼耄,黔黎不 去此二端,獄不得繁,故無取 願陛下信獨見之斷,使夫能 原其所由,肉 而無赦,此 至今恒以罪 刑 不 用 政

疏上, 叉不見省。

志 第

+

刑法

至惠帝之世, 政出羣下,每有疑獄,各立私情,刑法不定,獄訟繁滋。 尚書裴頠表陳

### 之日

於郎令史而已。刑罰所加,各有常刑 常,羣吏安業也。 然也,是以辨方分職,爲之準局。準局旣立,各掌其務,刑賞相稱,輕重無二,故下聽有 夫天下之事多塗,非一司之所管,中才之情易擾,賴恒制而後定。 舊宮掖陵廟有水火毀傷之變,然後尚書乃躬自奔赴,其非此也,皆止 先王知其所以

太常按行,不及得周,文書未至之頃,便競相禁止。 復興刑 窮其事。 瓦之不正者,得棟上瓦小邪十五處。或是始瓦時邪,蓋不足言,風起倉卒,臺官更往, 臣新拜尚書始三日,本曹尚書有疾,權令兼出,按行蘭臺。 敢據正。 去元康四年,大風之後,廟闕屋瓦有數枚傾落,殆太常荷寓。于時以嚴詔所譴,莫 獄 然內外之意,僉謂事輕責重,有違于常。會五年二月有大風,主者懲懼 而本曹據執,却問無已。 臣時具加解遺,而主者畏咎,不從臣言,禁止太常, 臣以權兼暫出,出還便罷,不復得 主者乃瞻望阿棟之間,求索 前事。

復 以丘阪存其陳草,使齊乎中原矣。 加?文帝從之。 昔漢氏有盜廟玉環者,文帝欲族誅,釋之但處以死刑,曰:「若侵長陵一抔土,何以 大晉垂制,深惟經遠,山陵不封,園邑不飾,墓而 雖陵光尊嚴,唯毀發然後族之,此古典也。 不墳,同乎山壤,是 若登踐

犯損、失盡敬之道、事止刑罪可也。

主者以詔旨使問頻繁,便責尙書不卽案行,輒禁止,尙書免,皆在法外。 **免。考之情理,準之前訓,所處實重。今年八月,陵上荆一枝圍七寸二分者被斫,司徒** 日太祝署失火,燒屋三間半。 太常,奔走道路,雖知事小,而案劾難測,搔擾驅馳,各競觅負,于今太常禁止未解。近 去八年,奴聽教加誣周龍燒草,廷尉遂奏族龍,一門八口幷命。 署在廟北,隔道在重牆之內,又卽已滅,頻爲詔旨所問。 會龍獄翻,然後得

以爲犯陵上草木,不應乃用同產異刑之制。〔三〕按行奏劾,應有定準,相承務重,體例逐 此等,皆爲過當,每相逼迫,不復以理,上替聖朝畫一之德,下損崇禮大臣之望。 或因餘事,得容淺深。 刑書之文有限,而舛違之故無方,故有臨時議處之制,誠不能皆得循常也。 耳 愚 至於

**願雖有此表,曲議猶不止。時劉頌爲三公尚書,又上疏曰:** 

自近世以來,法漸多門,令甚不一。臣今備掌刑斷,職思其憂,謹具啓聞。

、則。夫法者,自己固以盡理爲法,而上求盡善,則諸下牽文就意,以赴主之所許,是以法 不得全。 臣竊伏惟陛下爲政,每盡善,故事求曲當,則例不得直,盡善,故法不得全。何 刑書徵文,徵文必有乖於情聽之斷,而上安於曲當,故執平者因文可引,則生

志第二十 刑法

情,所欲淺深,苟斷不一,則居上者難以檢下,於是事同議異,獄犴不平,有傷於法。 是法多門,令不一,則更不知所守,下不知所避。姦爲者因法之多門,以售其

司。 戮丁公之爲也。 天下萬事,自非斯格重爲,故不近似此類,不得出以意妄議,其餘皆以 期者輕重之當,雖不厭情,苟入於文,則循而行之,故其事理也。夫善用法者,忍違情 律令從事。然後法信於下,人聽不惑,吏不容姦,可以言政。人主軌斯格以責羣下,大 者守文、若釋之執犯蹕之平也、大臣釋滯、若公孫弘斷郭解之獄也、人主權斷、若漢祖 不厭聽之斷,輕重雖不允人心,經於凡覽,若不可行,法乃得直。又君臣之分,各有所 臣小吏各守其局,則法一矣。 法欲必奉,故令主者守文,理有窮塞,故使大臣釋滯,事有時宜,故人主權斷。主 古人有言:「人主詳,其政荒,人主期,其事理。」詳匪他,盡善則法傷,故其政荒也。

以爲制,而使奉用之司公得出入以差輕重也。夫人君所與天下共者,法也。已令四 則?始制之初,固已看人而隨時矣。今若設法未盡當,則宜改之。若謂已善,不得盡 務之謂也。然則看人隨時,在大量也,而制其法。法軌旣定則行之,行之信如四時,執 之堅如金石,羣吏豈得在成制之內,復稱隨時之宜,傍引看人設敎,以亂政典哉!何 古人有言:「善爲政者,看人設敎。」看人設敎,制法之謂也。又曰「隨時之宜」,當

海,不可以不信以爲敎,方求天下之不慢,不可繩以不信之法。 且先識有言,人至愚而 不可欺也。不謂平時背法意斷,不勝百姓願也

吏,處事無常。何則?無情則法徒克,有情則撓法。積克似無私,然乃所以得其私,又 制之外,以差輕重,則法恒全。事無正據,名例不及,大臣論當,以釋不滯,則事無閡。 之斷,而責守文如令之奏,然後得爲有檢,此又平法之一端也。 之臣所得擬議。然後情求傍請之跡絕,似是而非之奏塞,此蓋齊法之大準也。 雜,時有不得悉循文如令。故臣謂宜立格爲限,使主者守文,死生以之,不敢錯思於成 適情之所安,自託於議事以制。臣竊以爲聽言則美,論理則違。然天下至大,事務衆 妙鑒,而任徵文之直準,非聖有殊,所遇異也。今論時敦朴,〔言〕不及中古,而執平者欲 恒所岨以衞其身。斷當恒克,世謂盡公,時一曲法,迺所不疑。故人君不善倚深似公 至如非常之斷,出法賞罰,若漢祖戮楚臣之私己,封趙氏之無功,唯人主專之,非奉職 上古議事以制,不爲刑辟。 夏殷及周,書法象魏。三代之君齊聖,然咸棄曲當之 主者小

漏者,必遠有所苞。故諳事識體者,善權輕重,不以小害大,不以近妨遠。忍曲當之近 人心也。然起爲經制,終年施用,恒得一而失十。故小有所得者,必大有所失,近有所 夫出法權制、指施一事、厭情合聽,可適耳目,誠有臨時當意之快,勝於徵文不允

適,以全簡直之大準。<br />
不牽於凡聽之所安,必守徵文以正例。 每臨其事,恒御此心以

決斷,此又法之大概也。

律,以正所斷,不得援求諸外,論隨時之宜,以明法官守局之分。 皆勿論。法吏以上,所執不同,得爲異議。如律之文,守法之官,唯當奉用律令。至於 法律之內,所見不同,迺得爲異議也。今限法曹郎令史,意有不同爲駁,唯得論釋法 又律法斷罪,皆當以法律令正文,若無正文,依附名例斷之,其正文名例所不及,

令史已下,應復出法駁案,隨事以聞也。」 常以善奪法,則人逐善而不忌法,其害甚於無法也。案啓事,欲令法令斷一,事無二門,郎 臣吏之節也。臣以去太康八年,隨事異議。周懸象魏之書,漢詠畫一之法,誠以法與時共, 之。若斷不斷,常輕重隨意,則王憲不一,人無所錯矣。故觀人設敎,在上之舉,守文直法, 韶下其事,侍中、太宰、汝南王虎奏以爲:[晉]「夫禮以訓世,而法以整俗,理化之本,事實由 三公曰:「昔先王議事以制,自中古以來,執法斷事,旣以立法,誠不宜復求法外小善也。若 義不可二。今法素定,而法爲議,則有所開長,以爲宜如頌所啓,爲永久之制。」於是門下屬

奏曰:'禮以崇善,法以閑非,故禮有常典,法有常防,人知惡而無邪心。是以周建象魏之 及于江左,元帝爲丞相時,朝廷草創,議斷不循法律,人立異議,高下無狀。主簿熊遠

情、虧 皆當引律令經傳,不得直以情言,無所依準,以虧舊典也。 律令節度,當合經傳及前比故事,不得任情以破成法。愚謂宜令錄事更立條制,諸立議者 事。 君之所得行,非臣子所宜專用。主者唯當徵文據法,以事爲斷耳。」 法 委之大官,非爲政之體。 斟 制 之不一,是謂多門,開人事之路,廣私請之端,非先王立法之本意也。 ,漢創畫一之法,故能闡弘大道,以至刑厝。律令之作,由來尙矣。 酌,最爲周備。 按法蓋粗 傷大例。 .術,非妙道也,矯割物情,以成法耳。 若每隨物情,輒改法制,此爲以 府立節度,復不奉用,臨事改制,朝作夕改,至於主者不敢任法,每輒關諮, 自軍興以來,法度陵替,至於處事不用律令,競作屬命,人立異議,曲適物 若本曹處事不合法令,監司當以法彈違,不得動用開塞,以壞成 若開塞隨宜,權道制物,此是人 經賢智,歷夷險,隨時 凡爲駁議者, 情壞法。 若違

生矣。 亡家長斬。若長是逃亡之主,斬之雖重猶可。設子孫犯事,將考祖父逃亡,逃亡是子孫,而 其圮滯。 父祖嬰其酷。 傷順破教,如此者衆。 書曰「今施行詔書,有考子正父死刑,或鞭父母問子所在。 是時帝以權宜從事,尚未能從。而河東衞展爲晉王大理,考擿故事有不合情者,又上 |秦網密文峻,漢興,掃除煩苛,風移俗易,幾於刑厝。 大人革命,不得不蕩其穢匿,通 今詔書宜除者多,有便於當今,著爲正條,則法差簡易。」元帝令曰:「禮樂不興,則 相隱之道離,則君臣之義廢,君臣之義廢,則犯上之姦 近主者所稱庚寅詔書,舉家逃

港

刑罰不中,是以明罰敕法,先王所愼。自元康已來,事故荐臻,法禁滋漫。大理所上,宜朝 堂會議,蠲除詔書不可用者,此孤所虛心者也。」

漢文常主所能易者乎!時蕭曹已沒,絳灌之徒不能正其義。逮班固深論其事,以爲外有 荒,百不遺一,而刑法峻重,非句踐養胎之義也。愚謂宜復古施行,以隆太平之化。」詔內外 郎張嶷等議,以:「肉刑之典,由來尙矣。肇自古先,以及三代,聖哲明王所未曾改也。豈是 通議。於是驃騎將軍王導、太常賀循、侍中紀瞻、中書郎庾亮、大將軍諮議參軍梅陶、散騎 之財,淫者好人之色,亡者避叛之役,皆無殺害也,則加之以刑。刑之則止,而加之斬戮,戮 不中也。且原先王之造刑也,非以過怒也,非以殘人也,所以救姦,所以當罪。今盜者竊人 輕刑之名,內實殺人。又死刑太重,生刑太輕,生刑縱於上,死刑怨於下,輕重失當,故刑政 曰,死猶不懲,而況於刑。然人者冥也,其至愚矣,雖加斬戮,忽爲灰土,死事日往,生欲日 今大晉中興,遵復古典,率由舊章,起千載之滯義,拯百殘之遺黎,使皇典廢而復存,黔首死 惑其名而不練其實,惡其生而趣其死,此畏水投舟,避坎蹈井,愚夫之不若,何取於政哉! 過其罪,死不可生,縱虐於此,歲以巨計。此迺仁人君子所不忍聞,而況行之於政乎!若乃 而更生,至義暢于三代之際,遺風播乎百世之後,生肉枯骨,惠侔造化,豈不休哉!惑者乃 及帝卽位,展爲廷尉,又上言:「古者肉刑,事經前聖,漢文除之,增加大辟。今人戶彫

存,未以爲改。 若刑諸市朝,朝夕鑒戒,刑者詠爲惡之永痛,惡者覩殘別之長廢,故足懼也。

然後知先王之輕刑以御物,顯誠以懲愚,其理遠矣。」

先明申法令、樂刑者則、甘死者殺、則心必服矣。古典刑不上大夫、今士人有犯者、謂宜如 舊,不在刑例,則進退爲允。」 刑,使犯死之徒得存性命,則率土蒙更生之澤,兆庶必懷恩以反化也。今中興祚隆,大命惟 新,誠宜設寬法以育人。然懼羣小愚蔽,習翫所見而忽異聞,或未能咸服。 尚書令刁協、尚書薛兼等議,以爲:「聖上悼殘荒之遺黎,傷犯死之繁衆,欲行則以代死 愚謂行刑之時,

重以全輕,權小停之。須聖化漸著,兆庶易威之日,徐施行也。」 罪更衆,是爲輕其刑以誘人於罪,殘其身以加楚酷也。昔之畏死刑以爲善人者,今皆犯輕 徒,爲非未已,截頭絞頸,尙不能禁,而乃更斷足劓鼻,輕其刑罰,使欲爲惡者輕犯寬刑,蹈 則宜化刑而濟之。如以內刑平世所應立,非救弊之宜也。方今聖化草創,人有餘姦,習惡之 弘私。然竊以爲刑罰輕重,隨時而作。時人少罪而易威,則從輕而寬之,時人多罪而難威, 而 刑 而殘其身,畏重之常人,反爲犯輕而致囚,此則何異斷別常人以爲恩仁邪!受刑者轉廣, ,非者日多,踊貴履賤,有鼻者醜也。徒有輕刑之名,而實開長惡之源。不如以殺止殺, 尚書周顗、郞曹彦、中書郎桓彝等議,以爲:「復肉刑以代死,誠是聖王之至德,哀矜之

志

第二

+

刑法

議奏,元帝猶欲從展所上,大將軍王敦以爲「「百姓習俗日久,忽復肉刑,必駭遠近。 且

**逆寇未殄,不宜有慘酷之聲,以聞天下。」於是乃止。** 

|咸康之世,庾冰好爲糾察,近於繁細,後益矯違,復存寬縱,疏密自由,律令無用矣。

孔 宜明愼用刑,愛人弘育,申哀矜以革濫,移大辟於支體,全性命之至重,恢繁息於將來。」而 能反於善。徒有酸慘之聲,而無濟俗之益。至於棄市之條,實非不赦之罪,事非手殺,考律 季末撓偽、設網彌密、利巧之懷日滋、恥畏之情轉寡。終身劇役,不足止其姦,況乎黥劓,豈 進露以流潤, 厲嚴霜以肅威,雖復質文迭用, 而斯道莫革。 肉刑之設, 肇自哲王。 蓋由曩此 議曰:「建邦立法、弘教穆化、必隨時置制、德刑兼施。長貞一以閑其邪、教禁以檢其慢、灑 同歸,輕重均科,日刊滅降路塞,鍾陳以之抗言,元皇所爲留愍。今英輔翼贊,道邈伊周,誠 風淳,人多惇謹,圖像旣陳,則機心直戢,刑人在塗,則不逞改操,故能勝殘去殺,化隆無爲。 琳之議不同,用王朗、夏侯玄之旨。時論多與琳之同,故遂不行。 至安帝元興末,桓玄輔政,又議欲復肉刑斬左右趾之法,以輕死刑,命百官議。蔡廓上

# 校勘記

【二】烈祖 孝武帝廟號「烈宗」、「祖」字誤。

- アニン 輕殊刑三十四事 「殊」下疑脫「死」字。 後漢書梁統傳及注引東觀漢記、 通典一六三、通志六
- 〇、通考一六三並有「死」字。
- 遁匿之科 · 梁統傅及注、通典一六三、通考一六三「遁匿」俱作「首匿」•
- ABJ 除文致之請 原無「之」字,據後漢書陳龍傳增。
- ř H H 千五百 一耐罪 各本「五百」下有「七」字、殿本删之、與陳龍傳合、亦與大數合、今從殿本
- (十) 漢議 後漢書應劭傳及通考一六四作「漢儀」。

M X U

三十三條

· 陳寵傳、通考一六四俱作「二十三條」。

- 王、「膠東」應作「膠西」,足見應劭執筆時已誤「西」爲「東」。 唐修晉書沿襲其誤。 膠東相董仲舒 各本及後漢書應劭傅原文俱作「膠東相」,但考之史漢本傳及春秋繁露對膠西
- 「九」崔寔 「寔」,各本作「實」,今從宋本。
- 達如子政 「政」,各本作「正」,今從殿本作「政」。劉向字子政。 後漢書孔融傳載此文卽作
- 故著網捕二篇 囚捕二篇」。此「網」字疑「囚」之誤。 唐六典注「李悝法經六篇,一日囚法,四日捕法」。 御覽六三八引唐書作「故著
- 告反逮受 志 第二十 料注:沈家本律目考曰:「逮」,玉海引作「訊」。 校 勘 記

- 有小愆之反不如令 斠注"律目考曰"「之反」,通典作「乏及」,通考「之」亦作「乏」。
- [18] 及科令者 律目考"「令」疑「合」之認。
- (三) 為價 律目考:通典「價」作「償」。
- (二) 周雄 「雄」,各本作「權」,今從宋本作「雄」,與賈充傳、通典一六三、册府六一〇合。
- CI+D) 合二十篇 上云「就漢九章增十一篇」,又加諸侯律一篇,當爲二十一篇。 隋書刑法志杜預律本
- (1<) 六百二十條 通典一六三、通志六〇、通考一六四俱作「六百三十條」。</p> 二十一卷、新唐書藝文志二、賈充、杜預刑法律本二十一卷、亦可證。
- 皆爲郎 「郞」下原有「中」字,今據賈充傳、史漢叔孫通傳及御覽六三七删。
- (三0) 張裴 六三八、六四二皆作「斐」。 **斠注:「裴」誤。按:南齊書孔稚珪傳、隋書經籍志二、新唐書藝文志二、書鈔四五、御覽**
- 名例齊其制 通典一六四、通考一六四「制」上有「法」字。
- 此六者 質、凡六。按:吳說是,今據通典及通考一六四改。 「六」原作「八」。 (料注::通典一六四引作「六者」、上文强盗、縛守、恐獨、呵人、受財、持
- 爲盜贓 「贓」原作「賊」,通典一六四、通考一六四作「贓」,今據改。
- [18] 姦眞 通典一六四、通考一六四「眞」作「貞」。

- 至 盗贓五匹以上 「盗」不原有「賊」字。 通典一六四及通考一六四無「賊」字,今據删。
- 或化略以循常 「以」原作「不」。 通典一六四、通考一六四作「化俗以循常」, 册府六一〇「不」

亦作「以」,今據改。

- 使用法執詮者 「使」,各本作「者」,屬上讀,今從殿本作「使」,屬下讀。
- 云 化而財之謂之格 通典一六四及通考一六四作「推而行之謂之通、舉而措之謂之格」二句。
- 至也 雖有廉士介者「雖」,各本作「又」,今從殿本,與通典一六八合。
- CIIOD 虛棄 對注:"類聚五四引劉頌上書作「虐棄」。
- 非徒不積 「非」,各本作「之」,今從殿本,與通典一六八合。
- 至三 同產異刑 「異」,各本作「畢」,今從殿本,與通典一六八合。
- 己己 夫法者「夫」,各本誤作「失」,今從殿本及通典一六六。
- CMBD 敦朴 「朴」原作「弊」,今據通典一六六引改。
- 汝南王亮奏 元康八年事,時亮死已久,蓋志誤也。 通鑑考異云:刑法志叙頌奏續頗表之下,而云「侍中太宰汝南王亮」。 按:頠表引
- Cak) 化刑 科注:當從通典一六八作「死刑」。
- 輕重均 科 「均」原作「約」,今據通典一六八、通考一六四改。

志第二十 校勘記

